



6

19-C

1



Ex Bibliotheca  
majori Coll. Rom.  
Societ. Jesu

73.5.13.

84

D

23

54

D

14



6-19-C-1

~~6-19.C. 20.~~



# LEXICON

HISTORICVM,

. AC POETICVM,

RECENS


PER

IOANNEM CI-

BENIVM IN GRA-

tian studiosorum con-  
gestum.

\*



Lugduni, apud Godefridum Be-  
ringum, 1544.



# OPTIMAE INDO- LIS ADOLESCENTIBVS

Traiano & Iustiniano ab Holtzhause,  
fratribus, Ioannes Cibenius  
salutem plur.

\*



NON me clàm est, adolescentes opti-  
mi, quàm graue, quàmq; detestandum  
uitium sit ingratitude: qua etiam nota  
non crediderim turpiorem hominibus  
inuri posse. Quapropter ne & ego in  
idem impingerem, semper optaui occasionem aliquam  
idoneam atq; dignam mihi dari, qua meum erga uos ani-  
mum ostenderem, meq; cum ob patris uestri, uiri non  
minus sapiētia, quàm rerū usu clarissimi, in me beneuo-  
lentiam, liberalitatemq;, tum ob uestrum erga me ani-  
mum, seu potius erga bonas artes uoluntatem, gratum  
exhiberem. Diu itaq; deliberanti, quid potissimum prae-  
manibus sumerem, quodq; meis uiribus esset idoneum,  
ecce offertur mihi ab Egenolpho nostro argumentum,  
quod quidem quamuis antea ab alijs obiter tractatum  
sit, tamen quia & ego aliquando in eiusmodi studijs  
uersatus fuerim, maximè uerò, quia ex uestra totiusq;  
scholae utilitate esse cognouerim, suscepi, & quae ne-  
cessaria uisa sunt, addidi, quasdam fabulas apud autho-  
res copiosius tractatas, breuiiores apponens. Et licet  
quorundam scripta satis hoc nostrum propositum iuue-  
rint, plurimum tamen mehercle Micylli, praeceptoris  
uestri doctissimi, quem meritò propter eruditionem ui-  
taq; honestatem omnis aetas suspicetur, opera in Boca-  
tium iampridem insumpta nobis contulit. Hunc igitur



nostrum laborem, adolescentes optimi, uobis dedicare  
 placuit: partim propter parentis uestri erga bonas ar-  
 tes, uirosq; doctos animum atq; liberalitatem, partim  
 propter studiorum uestrorum cursum. Nam cum uos re-  
 liqui uestri commilitones longius in Musarum stadio  
 præcedere uideant, ipsi quoq; gloriæ stimulus excitati,  
 alacrius subsequantur. Ne autem deterreamini, quod fæ-  
 bulas, remq;, ut in principio apparet, satis friuolam  
 hic liber tractet: sed potius diligentius animo uoluite,  
 neminem in poetarum scriptis feliciter uersari posse  
 absq; horum cognitione: considerate quoq; poetarum hu-  
 iusmodi fictiones non ut hominum uita deterior atq;  
 turpior fieret, sed ut ad bonos mores uitamq; hone-  
 stiorem conducerent, proponere uoluisse: plus certè in  
 occipitio habent, quàm fronte promittunt. Nā ut unum  
 atq; alterum exemplum adducam, Quid sibi aliud uult  
 fictio illa HomERICA de Vlysse, quàm principem, uirūq;  
 consulare calliditate, fortitudine, sapientia, rerumq;  
 experientiā cæteris præstare debere? Quid aliud Poly-  
 phemi, atq; gigantum fabulæ, quàm impios homines,  
 Deorumq; cōtemptores grauissimè puniri? Quid quæso  
 Penelope? Quid Biblis? nō ne hæc amoris uim atq; im-  
 patientiam: illa uerò castitatis et pudicitie exemplar  
 præ se fert? Valeant igitur, qui Poetarū fabulas ut cor-  
 ruptelam et perniciem iuuentutis esse contendunt. nihil  
 enim tam malū, quin aliquid boni inde excerpti: nihilq;  
 tam bonū, quin à maleuolis in peiorē partē rapi nō pos-  
 sit. Quare adolescētes optimi, eo animo accipite, quo  
 quauis optima cōplecti soletis, quod ut cū maxima ue-  
 stra utilitate fiat, faxint superi. Valete. Ex museo meo  
 pridie Idus Mart. Anno à Christo nato M. D. XLIII.

A B.



**B A N T I S**, insula est, Bœotiae propinqua, alio nomine Eubœa dicta, cuius incolæ Abantes dicuntur. Sunt item Abâtes Ionũ quoq; populi inter Achiuos, ut scribit Hieronym.

**Abarbarea**, Nais nympha apud

Homcrũ, ex qua Bucoliõ Aesapũ et Pedasum genuit. **Abarimon**, Scythiæ regio, in qua syluestres homines degunt, auersis post crura plantis, qui maximam habentes uelocitatem, passim cum feris uagantur, ut inquit Plinius lib. 7.

**Abas**, duodecimus rex Argiuorum, filius Lyncei ex Hypermestra uxore (sunt tamen qui Beli filium faciunt) pater autem Proeti, Acrisij, & Iasij, auusq; Persei: qui postea omnes ab ipso Abantiadæ sunt uocitati. Abantias autem dicta est Atalanta, neptis eius, & Iasij filia. Musæus: —Nec Abantias aures

Præterit ipsa tuas. Abantius, a, um, possess.

**Abas**, alius, fuit Troianus & comes Aeneæ, de quo Verg. lib. 10. Vnà toruus Abas, &c.

Alius item fuit Centaurus Ixionis & nubis filius.

**Abatos**, insula in finibus Aegypti circa Memphim, Styge palude circumdata: in qua insula sepultus fuit Osiris rex. Sic dicta, quod ad illam propter limi & papyrorum copiam difficilimus sit aditus. est enim ἀβάτος inaccessibilis. Lucanus lib. 9.

Hinc Abaton, quã nostra colit uenerãda uetustas.

**Abdëra**, urbs est Thraciæ, à Diomedis sorore condita, & ab eiusdem nomine sic appellata: Democrati

item patria: alio nomine post Clazomene dicta est: iuxta quam stagnum Bystonium fuisse dicitur, in quo cuncta natantia demerguntur. Ouidius:

Aut te deuoueat certis Abdera diebus.

Abderites, aliquis ex Abdera.

Aborigenes, populi antiquissimi per Italiam sparsi: tenuerunt autem potissimum agrum, qui nunc est populi Romani: hi postea aduentu Aeneae Troianis iuncti, unoque nomine Latini dicti, Romam condiderunt, ut refert Sallustius. Dionysius autem Arcades fuisse, et cum Ocnotro Lycaonis Arcadiae regis filio in Italiam uenisse tradit. Sic dicti, quasi sine origine.

Absyrtides, insula in Adriatico mari. Plin. lib. 3.

Absyrtus, Aetiae regis Colchorum et Ipsae filius, alio nomine Aegialeus dictus, quem soror eius Medea cum Iasone discedens membratim discerptum circumquaque distecit, ut sequentem se patrem in colligendis ossibus occupatum remoraretur, ne eam a fuga retraheret: unde locus ille dictus est Tomos, id est, incisio. Sunt tamen qui Absyrtum non ex eadem matre cum Medea, sed ex Idya Oceani filia natum tradunt. Alij nec a sorore discerptum uolunt, sed per Istrum fluuium cum fugientibus in Illyriam ad insulas Brygeidas uenisse. Absyrtum Diodorus Egealium uocat.

Absyrtus, Colchorum fluuius, in Adriaticum mare sese exonerans, ab Absyrto a Medea ibidem interempto, sic appellatus. Lucan. lib. 3.

Et cedit Adriacas spumans Absyrtus in undas.

Abyla, pen. prod. mons est Mauritaniae ad mare, quod Aphricam ab Europa diuidit, cui oppositus est Calpe, mons in Hispania, qui olim perpetuo iugo coniuncti, ab Hercule sunt separati, et sic intromissum terris

terris mare, quod in hodiernum usq; diem Mediterra-  
neum nuncupatur. In his præterea sunt Herculis co-  
lumnae, quas ibidē fixisse dicitur, cū boues Geryonis  
uestigare, perinde ac ultima ibidē esset orbis meta.

Abydos, penult. produ. urbs est Asiae, à Mileijs con-  
dita, & Sesto Europæ ciuitati opposita, interfluente  
angusto mari Hellespontico, patria Leandri. Dici-  
tur hæc Abydos, & hoc Abydum. hinc Abydæus,  
& Abydenus. Ouidius:

Mittit Abydenus quam mallet ferre salutem,  
Si cadat unda maris, Sesta puella tibi.

## A C.

Academia, fuit locus nemorosus mille passus ab Athe-  
nis distans, ab Academo heroē sic denominatus. In  
hoc loco fuit uilla, ubi Plato natus & philosophatus  
est. unde Academici philosophi dicti sunt, qui Plato-  
nē sequebātur. Est autē duplex, uetus et noua. Hora.

Atq; inter syluas Academi quærere causas.

Fuit item Academia uilla M. T. Ciceronis in Cam-  
pania, iuxta Puteolos, ut habet Plin. lib. 23. cap. 2.

Atq; Academiæ celebratam nomine uillam

Hanc reparat cultu sub potiore uetus.

Acanthus, herba est elato longoq; folio, crepidines  
marginum, assurgentiumq; puluinorum thoros ue-  
stiens, ut ait Plinius. cuius duo sunt genera, aculeatū  
& crispum, quod breuius, alterum læue & flexibile.

Verg. in Georg.

—Et flexile uimen acanthi. Item in Bucolicis,

—Anfas molli est amplexus acantho.

Seruius dicit arborem esse in Cirenaica regione &  
Aegypto frequentem, quæ semper frondet, ut oliua  
& laurus. Poëtæ fingunt Acanthum fuisse liberali

a a forma



forma puerulum, qui in sui nominis florem deorum commiseratione sit permutatus.

**Acarnania**, regio & pars Epyri, quam Achelous amnis ab Actolia separat: in hac est oppidum *Leucas*. Est & parua regio in Aegypto hoc nomine nuncupata. Item ciuitas nō procul à Syracusis in Sicilia, in qua antiquissimum fuit Olympij Iouis phanum. Hinc *Acarnanus*, & *Acarna*, aliquis ex illa prouincia.

**Acastus**, Peliae Theſſalorum regis filius, qui uxorem Creteidē, siue, ut alijs placet, Hippolyten duxit: quae cum Pelium amaret, neq; ille contra huius amoris obsequi uellet, Pelium ultro de stupri appellatione apud uirum accusauit. Itaq; Acastus Pelio ceu uenationis causa in saltum Pelij montis abducto, ibiq; omnibus armis spoliato, feris lacerandum praeuit: uerum Chiron, siue is Mercurius fuit, interueniens, accepta Vulcani machera, Pelium liberauit, qui postea domum reuersus, Acastam cum uxore interfecit.

**Acca Laurentia**, Faustuli regij pastoris fuit coniux, Romuli & Remi nutrix, quam ijdem Lupam uocauerunt, quia fuit nobile scortum.

**Acerrae**, Campaniae oppidum est, haud longè à Neapoli, quam Clanius praeterfluit amnis, huius frequens inundatio eam penè exhaustit. Verg. lib. 2. Georg.

—Et uacuis Clanius non aequus Acerris.

*Acerra* etiam thuris capsula est, à nostris thuribulum uocatur. Ouidius:

Dantq; sacerdoti custodem thuris *acerram*.

**Acesinus**, Persiae fluuius est, in Indum fluuium cadens, magnus & nauigabilis, circa quem ferunt arundines tantae magnitudinis nasci, ut singula internodia incolis praestent uicem nauigij.

*Accesta*



**Acesta**, urbs Siciliae, ab Aceste rege sic nominata, quæ eadem postea Segesta dicta est, ut inquit Serui. lib. 5. *Aeneid.* in qua partem suorum reliquit Aeneas, cum peteret Italiam. Verg. lib. 5. *Aeneid.*

Urbem appellabunt permissio nomine Acestam.

**Acestes**, filius fuit Crinisi fluminis Siciliae, ex Egesta Troiana muliere. Hic postea rex Siciliae factus, Troianos ibidem benigno suscepit hospitio, abeuntes uino & alijs muneribus etiamnum memor ueteris amicitiae liberalissimè prosequutus est. Verg. lib. 1. *Aeneid.*

Vina bonus quæ deinde cadis onerarat Acestes.

**Acestis**, fluuius Italiae nauigabilis, iuxta quem Alexander Macedo Bucephalam urbem condidit.

**Ἀχαιῶν λίμνη**, est sinus maris apud Troadam, sic denominatus, quòd ibi Achæorum classis bello permanente hospitata sit. In hoc est Sigæum oppidū. Recipit præterea Scamandrum & Simoënta fluuios.

**Achaia**, ampla est regio Græciæ, undique mari, Aegeo uidelicet & Ionio, præterquàm à Septentrione, circumseptæ. in uno co loco, in quo prædicta duo maria cõueniunt, sita fuit Corinthus, urbs olim ditissima, & Achaiae caput. Nomē autē sumpsit ab Achæo Iouis, seu, ut alij uolunt, Xuti filio. Vnde & Græci dicuntur Achæi & Achiiui. Achaidēs, fæminæ. Ouid.

Inter & Achaidēs longè pulcherrima matres.

Prius dicebatur Danaa, à Danao Argiuorum rege. Item Aegialea, propter multas urbes, quas habuit dispositas in littore, quod Græci Aegialon uocāt. Item Peloponesus. nunc uulgò Morea uocatur.

**Achaicū mare** dicitur, quod Achaiae Græcorū provinciae adiacet, ubi Achaia Meridiē et Occidētē spectat.

**Achates**, fidus & indiuiduus Aeneae comes. Dictus au-

tem est ab ἄχης, id est cura, quæ perpetuò bono Principi adesse debet. Est item fluuius Siciliae. Item lapis a= pud hunc fluuium primò repertus. in hoc lapide habuit Pyrrhus Epirotarum rex, nouem Musas naturales, & Apollinem cum lyra. Plin. lib. 37. cap. 1.

**Achelous**, filius fuit Oceani & Terræ, seu Tethyos, ut habet Seruius, uel ut Theodontius, Solis & Terræ. Hic cum Hercule duello certauit pro Deianira, Oceani Calidoniae regis filia: sed uidens Herculem fortiorcm, se uertit primò in serpentem, deinde in taurum, cui Hercules amputauit cornu, quod Copiæ comiti Fortunæ datum est. sed postea Achelous Amalthææ cornu Herculi dedit, atq; ita suum recepit. Tandem ab Hercule uictus se in sui nominis fluuiio gemino cornu insignito occultauit. Nam re uera Achelous, qui prius uocabatur Thoas, Græciæ fluuius est, duobus alucis, in Pindo monte oriens, & Actoliam ab Acarnania diuidens, per fines Perrhæbiorum in Malia= cum sinum effunditur. Hoc nomen à ueteribus pro quauis aqua usurpatum est, quòd hic fluuius omnium primus post diluuium crupcrit. Hinc Acheloias, & Achelois, patronym. & Acheloides nymphæ dicuntur. Ouidius: — Vobis Acheloides undæ, & c.

**Acheloia** pocula, uasa aquaria. Verg. lib. 1. Georg.

Poculaq; inuentis Acheloia miscuit uuis.

**Achemènes**, rex fuit Persarum ditissimus, ut testatur Horat. lib. 2. Carm. à quo postea omnes reges descenderunt usq; ad Darium. Hinc Persæ dicti sunt Achemenij, & Achemenidæ. Fuit & alius hoc nomine Xerxis frater. Lucan. lib. 2. — Coniuret in arma Mundus, Achemenij decurrant Medica Susis Agmina, & c.

**Ache**

**Achemenides**, Adamaſci Ithaceniſis filius, & Vlyſſis comes, qui fugientibus ceteris Græcis, cum Vlyſſe apud Cyclopaſ dereliſtus eſt: poſtea tamen Aeneæ ad eundem locum nauiganti aſſociatus, Cyclopum manus effugit. Verg. lib. 3. Aeneid.

**Achemon**, ſeu Achmon, ab alijs Atlas dictus, Paſſali, ſeu Candali frater. Hi duo Cercopes dicebantur, qui omnium ſcelerum autores, & participes fuerūt: tandem ab Hercule uicti ſunt: quos poſtremo Iupiter in ſimias mutauit. Vide prouerbium, Ne in Melampyrum incidas. Quidam hos non ex Seimone matre, ſed ex Thia & Oceano natos tradunt, nominaq; uariant, alterum Olum, alterum Euribatem appellantes. Ab his duobus fratribus nomen factum inſulis Pithecusiſ, in quibus illi habitabant. Ouidius lib. 14. Metamorpho. author eſt. Inferius tamen alias harum inſularum nominum rationes reperies.

**Acheron**, inferorum fluuius, ab α, & χείρω, id eſt gaudeo, dictus. Filius fuit Carceris abſq; patre: quem cum in abdito Cretæ ſpecu peperiſſet, is autem lucem aſpicere non auderet, ad inferos deſluxit, ibiq; infernalis fluuius effectus eſt. Alij Titanis & Terræ filium faciunt, & ob id à Ioue ad inferos deiectum ferunt, quòd ſitientibus Titanib; limpidas præſtitiſſet aquas. Sunt autem duo fluuij, quibus Acheronti nomen eſt. alter quidem apud Molossoſ deſcendens in ſtagna, quæ inferna uocantur, eſfluit. alter Brutiorum fluuius eſt (ut tradit Strabo lib. 6.) prope Padoſiam urbem, morte Alexādri Epirotæ inſignis. Vnde Acherontini, populi oppidani, qui iuxta Acherontē habitant. Seruius autem dicit non fluuium, ſed locum eſſe in Campania, non procul à Baijs montibus ſeptum,  
ubi

ubi Necromantia exercebatur. Verg. lib. 7. Aeneid.

Flectere si nequeo superos, Acheronta mouebo.

Acherusia, specus iuxta Heracleam urbem, ab Hercule conditam, in littore maris Euxini, ad manes usq; (ut fama fert) peruius, & ex eo Cerberum ad superos tractum incolæ memorant. Est item palus iuxta Cumas ex Acheronte oriens: item lacus Theſprotiæ in Epiro, ex quo omnis Acheron profluit, qui in Ambracium sinum defertur.

Achilles, fortissimus omnium Græcorum, Pelei Thesſaliæ regis & Thetidis filius, quem infantem mater Stygijs undis totis immerſit atq; abluuit, eoq; modo inuulnerabilis in toto corpore factus est, præterquam in ea pedis parte, qua comprehensus ab ipsa matre fuerat, dum ablueretur. Traditus est educandus Chironi Theſſalo, homini iustissimo, ut sub eo bellicis artibus à primis quoq; annis insuesceret, inq; Musices exercitio proficeret, quin etiam bonis moribus enutriretur. Hunc autem cum mater ex oraculo didicisset in expeditione Troiana periturum, si eò cum cæteris Græciæ ducibus proficisceretur, iam adultum inter Lycomedis regis filias furtim occuluit, & ne proderetur, muliebri habitu cum induit. ubi cum aliquandiu delituiſſet, Deidamiam regis filiam uitiavit, ex qua Pyrrhum suscepit. Postremo tamen ab Vlyſſe astu compertus, ad bellum ductus est. Troia enim absente Achille expugnari non poterat. Porro in bello, post multas res præclarissime gestas, a deò ob creptam sibi ab Agamemnone Briſeida indignatus, ut aliquandiu bello abstinuerit, neq; ullis precibus reduci potuerit. Attamen Patrocli amici coniunctissimi morte permotus, denuo ad bellum profectus

Etus Hectorem interfecit, quem mortuum & curru alligatum ter circum urbis muros raptavit (& hæc omnia in Patrocli ultionem) ac demum Priamo corpus uendit. Postremo fraudulenter à Paride in Apollinis templo confossus est, cum ei Polyxena in uxorem desponderetur, & in Sigæo Troiæ promontorio sepultus: quamvis hic uariant scriptores. Alij tamen cum in acie ante Troiam ab Apolline sagitta ictū periisse dicūt. Anna præterea habuit à Vulcano rogāte matre Thetide fabricata, quæ post eius mortē ingēs odiū inter Vlysscm & Aiace Telamoniū excitauerūt. Dictus ab α, & χιλός, quòd non nutritus sit uulgato more: alij ab ἄχος & ἰδωρ deducunt, eò quòd luctū Iliensibus pariturus erat. Verg. lib. 2. Aeneid.

Hic Dolopum manus, hic sæuus tēdebat Achilles.  
Hinc adiecit. Achilleus, a, um. Vergilius:

Stirpis Achilleæ, &c. Et Achillides. patrony. Achillea, dicta est insula Leuce, Boristhenis ostiū obiecta, quòd ibi Achillis sepulchrum ostendatur, ut habet Pompo. Mela.

Acidalius, fons est in Orchomeno ciuitate Bæotiæ, Veneri sacer, à quo etiam Acidalia dicta est. Fabulantur præterea poëtæ in hoc fonte Gratias se lauare consuetas. Verg. lib. 1. Aeneid.

—At memor ille Matris Acidaliæ, &c.

Acis, Fauni & Simethidis nymphæ filius, adolescens pulcherrimus, Siculus, à Galathea dilectus: quam quum Polyphemus etiam amaret, ab eodem saxo illiusus perijt: cuius Galathea miserta in fluuium sui nominis permixtauit, qui in Aetna monte oriens in mare Siculum defertur. Hunc alij in Acilium, Siciliae fontem permutatum dicunt. Ouidius:

Præte

Præterit et ripas herbifer Aci tuas.

Acone, portus est Heracleæ, Bithyniæ ciuitatis, Lyco flumini oppositus, prouentu etiam noxiarum herbarum celebris, non procul ab Acherusia specu.

Aconitum, herba est, quæ persusa Cerberi spuma uenenum contraxit efficacissimum, unde pro quouis ueneno accipitur. Dicitur Aconitum, quod in saxis et nudis collibus nascatur, quos Græci ἀκονίτις appellant, ut inquit Plinius. uel, ut Solinius author est, ab Acone portu in Ponto. Lucan. lib. 4.

Pallida Dictæis Cæsar nascentia saxis

Infundas aconita palam, &c.

Acontius, iuuenis ex Cæa insula, in Delum ad Dianæ sacra profectus, in amorem Cydippes, nobilis puellæ exarsit: sed cum eadem potiri non posset, nouam fraudem commentus, in pomo hos uersus scripsit:

Iuro tibi sanè per mystica sacra Dianæ,

Me tibi uenturam comitem, sponsamq; futuram.

Hoc pomum Acontius iecit in sinum Cydippes, quæ uersus legens iurauit imprudēs, et illi nubere etiam morbo coacta est. Vnde Vergilius quodam loco:

Quale fuit malum, quod littera pinxit Aconti,

Qua lecta cupido pacta puella uiro est.

Est item Acontius Magnesiæ mons, uel secundum alios, Bæotiæ.

Acrisius, Argiuorum rex, Abantis filius, Præto fratri successit in regno: qui unicam habens filiam, ex oraculo didicit, mortem sibi ab eo futuram, qui ex filia nasceretur: propterea illam in ænea turri concludi iussit. Iupiter autem eius amore captus, in aureum imbrem commutatus cum ea concubuit. Quo audito Acrisius graui ira commotus, eam in arca positam et flucti



fluctibus obruendam in mare proijci imperauit. Sed  
 arca ad Appulum littus delata, à piscatore reperta  
 est: in qua cū Danaën & paruulum, quem enixa erat,  
 reperisset, utrunq; Pilumno regi obtulit: qui cum ge-  
 nus & patriam eius didicisset, eam in uxorem duxit:  
 filium Perseum Polydectæ Magnetis filio, Scriphæ  
 insulæ regi, educandum dedit: qui adultus maximè à  
 Mercurio dilectus est: & talaribus, & petaso, ga-  
 leâq; in qua ex aduerso uideri non poterat, indutus,  
 sumpto præterea falcato ense, Gorgonem interfecit:  
 cuius caput secū accipiēs, Atlantem regem in saxum  
 commutauit, cō quòd hospitium denegasset: & deinde  
 liberata Andromeda Argos reuersus, Acrisium obie-  
 cto Gorgonis capite, in saxū permutauit. Hinc Acri-  
 sioneus, 4, um. Vergil. — Quam dicitur urbem

Acrisioneis Danaë fundasse colonis.

Acrisione, patronymicū, id est, Danaë. Acrisionia  
 des, Perseus Acrisij nepos.

Acroceraunia. Vide infra, Ceraunia.

Acrocorinthus, altus mōs est in Isthmo inter Aegeum  
 & Ionium mare: sub cuius radice est urbs Corinthus.  
 uertex huius montis ædiculam habet Veneri sacram,  
 infra uerticem Pyrenen fontem, haud affluentes, sed  
 perspicuas aquas habentem.

Acron, Ceninensium dux fuit, quem raptus uirginum  
 Sabinarum ulcisci uolentem, Romulus singulari cer-  
 tamine uicit, & occidit, eiusq; arma Ioui Feretrio, ut  
 opima spolia, dedit. Propert. lib. 4.

Tēpore quo portas Ceninū Acrona petentē, &c.

Acronius, in Alpibus lacus est, quem descendens à fōn-  
 te Rhenus facit. hūc nostri lacū Cōstantiēssem uocant.

Actæon, Aristæi filius ex Autonōe Cadmi filia. Hic

CUM

cum post uenationem in Gargaphiæ uallem descendisset, eò quòd ibi fons esset recēs limpidus, uidit in eo Dianam nudam se lauantes: quod cum ægrè Diana tulisset, sumpta manibus aqua in faciem eius proiecit, dicens, Vade & dic, si potes. Is autem confestim in ceruum mutatus, à suis canibus dilaceratus est. Alij Actæonē nō Aristæi, sed Meliæi filium, nec à canibus suis pro ceruo, sed à Bacchi Orgia celebrantibus laniatum fuisse tradūt. Cōmunior tamē est Ouidij sententia:

Inscius Actæon, uidit sine ueste Dianam,

Præda suis canibus non minus ille fuit.

Actium, Epiri oppidum & promontorium ad mare, ubi Augustus Antonium & Cleopatram nauali prælio uicit. Hinc Actij ludi quinquēnales, instar Olympiorum Apollini Actio dicati.

Actius, Tragædiarum fuit scriptor, natus libertinis parentibus: inter colonos Pisaurū deductus est: à quo & fundus Actianus, iuxta Pisaurū dictus. In scribendo sententiarum grauitate, uerborum pondere, personarum autoritate clarissimus.

Actius Nauius, augur fuit, q̄ nouacula cotē proscidit spectante Tarquinio rege: quo factū est, ut à Tarquinio & à populo semper in rebus dubijs cōsuleretur.

Actor, comes fuit Herculis in expeditione contra Amazones, in quo bello uulneratus cum retrò domū abiire uellet, in itinere mortuus est. Actorides, Patroclus, nepos Actoris. is enim ex Aegina, quā ei Iupiter à se uitiatam in uxorem dederat, Menœtium genuit: Menœtius autem relicta Aegina Opuntē in Locros se contulit, & ibi Patroclum genuit. Verg. lib. 12.

Actoris Arunci spoliū, quassatq; tremētē, & c.  
Sed uidetur hic Verg. Itali cuiusdā mētionem facere.

Adam



A D.

Adamaſtor, gigas fuit immani ſtatura & proceritate.  
Sidonius:

—Pangæa rapit Rodopenq; Adamaſtor.

Claudianus in Gigantom. Damastaſtor nominatiuū facit.

Admetus, Theſſalia rex fuit, cuius armenta nouem annis pauiſſe fertur Apollo, cum ob interfectos à ſe Cyclopes, qui fulmina fecerāt, quibus filius eius Phaethō erat necatus, olympo depulſus humana ſpecie apud mortales exularet. Quum autē perhumaniter ab ipſo Admeto tractaretur, ad referendū patrono beneficium, à Parciſ impetrauit, ut ſi eius fatalis dies adeſſet, hac lege mortē effugeret, ſi quis reperiretur, qui illius uice mortē oppetere uellet. Recuſantibus autem eam conditionē omnibus amicis, una Alceſtis uxor capitis ſui diſpēdio mariti uitam redemit. Cuius beneficij Admetus memor, perpetuas deſunctæ uxori nēnias inſtituit. Alij dicunt eius animam Herculem ab inferis orante Admeto rege reuocaſſe, atq; ruruſ in uitam reſtituiſſe.

Adonis, filius fuit Cynaræ Cypriorum regis ex Mirrha filia ſua, & à Venere ob formæ elegantiam ſummè adamat: quem in Idalio nemore uenantem primo ætatis flore aper occidit. Venus amaſij miſerta, poſt multas lacrymas cum in purpureū florem mutauit. cui & annua lugendi feſta ſunt inſtituta, templumq; habuit in Biblio Phœnicie urbe, ubi pater eius regnarat. Vergilius:

Et formoſus oues ad flumina paſcit Adonis.

Adraſtia, regio non longe à Troade, quæ eſt in Myſia, ab Adraſto rege ſic denominata.

Adraſtus, rex Argiuorum, Thalaonis & Eurynomes filius. hic cum duas haberet filias Argiā & Deiphylen,

b

in ſom

in somnis uisus est alteram leoni, alteram apro uxore dare. cumq; Tydeus & Polynices eodem tempore forte appulissent, & imbrem uitantes sub porticu contendissent, senex ut eos placaret, descendit: & cum Polynicem leonina pelle testum, Tydeum uero aprina inuenisset, eos sibi generos asciuit: Deiphylē Tydeo, & Argiam Polynici matrimonio iūxit. Postea Polynice ab Etheocle expulso exercitum cōtraxit, & una cum genero in Etheoclem Thebanorum regē expeditionem sumpsit. Sed utrinq; multis occisis, domum redijt re infecta. Hic Adrastus Nemesi primus templum cōsecrauit, quæ propterea Adraſtea uocata est. Vergil. lib. 6.

Parthenopæus & Adraſti pallentis imago.

Adria, urbs fuit Italia, ad mare, quod ab ea uocatur Adriaticum, uel Adriacum. Ponitur etiam Adria pro ipso mari. Lucan. — Sonat Ionio uagus Adria ponto.

A E,

Aeacides, dictus est Achilles, Aeaci nepos ex Peleo Aeaci filio.

Aeacus, Iouis ex Aegina filius, qui Endeida Chironis filiam in uxorem duxit, & ex ea Thelamonē genuit & Pelcum: deinde Psammathe Nerei filia compressa, genuit tertium, Phocum, quem Peleus occidit. Regnauit præterea in insula Aenopia, quā ipse à nomine matris suæ Aeginam appellauit. Post mortē uero ob insignē, quam in terris exercuerat, iustitiam, factus est inferorum iudex cum Rhadamante & Minoē. Ouidius:

Aeacus in pœnas ingeniosus erit,

Ab eo fit Aeacideius, a, um.

Aeeta, uel Aeetes, uel Oëta, ut quidam scribūt, Colchorum rex fuit, Solis filius, ex Persa Oceani filia, liberos habuit

habuit Medeam, Absyrtū, & Calciopen. Ad hūc Phryxus Athamātis filius peruenit, & aureū uellus detulit: quod cum uigilantiſſimē ſeruaret, eius cauſa bellū geſſit cum Argonautis: tandem ab Iaſone & ſpoliatus, & regno pulſus eſt: ſed iam ſenex ab eodem in regnum reſtitutus. Interdum hæc diſſio contrahitur in duas ſyllabas per Synæreſin.

Aeanum, Macedonia oppidum, quod Aeanus Hemifilius, Tyrrhenorum rex, condidit. Inde Aeanicus.

Aeas, antis, Epiri fluuius, ex Macedonia prius deſluens in Ioniam mare ſeſe exonerat. Lucan. lib. 5.

Purus in occaſum, ſed parui gurgitis, Aëas,  
Ionio fluit inde mari, &c.

Aedon, uxor Zethi regis, Itylum filium per errorem nocte interfecit, putans eum Amanea ſeu Amandea Amphionis eſſe filium (inuidebat enim uxori Amphionis, quòd ſibi ſex eſſent filij maſculi) quæ crimen cognoſcens, optauit mori: miſeratione tamen deorum in cardualem uerſa, Itylum deſlere dicitur.

Aëdon, trium ſyllabarum, auis eſt quæ alio nomine Luſcinia, ſeu Philomela dicitur. Calphur.

Vocalem ſuperet ſi turpis Aëdona cornix.

Aegæarum, uel Aegæges, urbs eſt Ciliciæ. Luca. li. 3.

— Et extremæ reſonant naualibus Aegæ.

Eſt etiam inſula in Aegæo mari, de qua in ſequentibus.

Aegæon, Ἀγᾶων, gigas fuit, Titanis & Terræ filius, qui uno iſtu centum ſcopulos in Iouem contorquebat: uictus demum alligatus eſt à Neptuno ſcopuli Aegæi maris. Statius,

Audierat duros laxantem Aegæona nexuſ.

Item Verg. lib. 10. Aegæon qualis, & cat. Dictus autē

Aegeon, ut quidam uolunt, à *ῥῶ*, id est, superbio: inde *ῥαίων*, & per appositionē *ἄρῳ*, & per pleonasmum *ἀρῳ*. Alij dicunt Aegeonem immanem fuisse piratam, & sic nominatum ab insula deserta, quae Aege in Aegeo mari uocatur, in qua subsidebat more piratarū, quibus fas nō est ob latrocinium suum urbes incolere.

Aegea, nomen duarum urbium, quarum altera in Emathia, altera uerō in Mauritania sita est, ut habet Ptolemaeus. Sunt & Aegeae Euboicae, à quibus Aegeū mare dictum est, secundum Strabonem.

Aegeria, nymp̄ha fuit, prope Aricinum lacum culta, cū qua Numa Pompilius fingeat se nocturnū habere conubium, & colloquium de religione, & sacris ceremonijs, ut leges suas, quas Romano condebat populo, sanctiores redderet. quo mortuo, ipsa prae nimio fletu in fontem uersa est. Ouidius:

Aegeria est, quae praebet aquas dea grata Camoenis.  
Illa Numae coniux, consiliumq; fuit.

Aegeum mare, pars maris est mediterranei, prope Graeciam, Europam ab Asia diuidens. multas habet insulas.

Dictum autem uel ab Aegeone, uel ab Aege insula, uel ab Aegeo Atheniensium rege: uel à forma, quod capitis caprini formā habeat. est enim *ἀγρὸς ἀγρος* Graecis capra.

Lucan. libro. i. Insonat Aegeo, &c.

Aegeus, Athenarum rex, & Neptuni filius, duas habuit uxores: Aethrā uidelicet, Pithei regis Thracenorū filiā, ex qua Theseū suscepit: & Medea, ut testatur Ouidius, ab Iasone repudiatam, ex qua Medū filiū genuit. Pandioni in regnum successit. hūc enim uerum fuisse illius patrem tradunt. Eo imperāte multa mala Athenienses passi sunt: et inter alia à Minoē uicti, in has sunt ducti

ducti leges, ut quotannis septē nobiles ad Minotaurum iuuenes in Cretam mitterentur. missis itaq; his tribus annis, quarto sors in Theseū cecidit. is Cretam abiturus ad necādum Minotaurum, uelo, naui, & omnibus eiusdem ornamentis nigris usus est. cui pater in mādati dedit, ut si incolumis rediret, album uelum erigeret: sed huius mandati immemor Theseus, nigro uelo est reuersus. Pater igitur cum ex edito loco iam ita reuertentem filij nauē uideret, ratus ipsum esse mortuum, è turri se in mare præcipitem dedit: sed postea in Thesei honorē deus marinus factus est. Hinc Aegides, patronymicū, id est, Theseus. Ouid. lib. 1. Metam.

Protinus Aegides rapta Minoide Diam

Vela dedit, &c.


Aegiale, seu Aegiales, una est Gratiarū, ut inquit Latantius, alio nomine Thalia. Vide dictionem Aglaia.

Aegiale, Diomedis uxor, quæ marito apud Troiā bella gerēte, cum Cyllabaro, siue Cyllebero Stheneli filio rē habuit: quod ubi Diomedes comperisset, domum reuer-  
ti noluit: sed in Italiam post Troiæ expugnationem uel-  
tus, regni partem à Dauno sortitus est. Quidam dicūt  
cā Nauplij patris Palamedis suasionē adhæsisse alteri  
homini. Lycophron ait, Diomedē Stheneli filio Come-  
tæ commississe domum, & uxorem: sed Venerem, quia à  
Diomede uulnerata fuisset, talem Aegialæ furorē immi-  
sisse, ut cum omnibus iuuenibus quā turpissimē uiue-  
ret, præcipuē autem à Comete stupro usurparetur.

Aegina, Asopi fluminis filia, quā Iupiter amauit, & in  
ignem uersus eam oppressit, ex qua postea Aeacum su-  
scepit. Est etiam insula circa Peloponesum in Aegeo  
mari, Epidauricolittori uicina, quam Myrmidones in-

b 3

habita



habitaerunt, qui ex formicis (ut habent fabulae) facti sunt. Prius Oenopia dicta. in qua regnavit Aeacus, quā de matris nomine Aeginam nominavit, quae adhuc nomen retinet. Ouid. lib. 7. Metam.

Aeacus Aeginam genitricis nomine dixit.

Aegis, scutum fuit Iouis, dictum ἀνὸ τῆς αἰγῆς, id est, à capra: nam ille à capra Amalthea nutritus est, cuius mortuae pelle, scutum suum operuit: capram tamē postea virescit restitutam, & alia pelle obductam, inter astra collocavit: seq; ob caprae memoriam Aegiochum appellari voluit. Scutum uero Palladi dedit, cui ipsa Medusae caput imposuit: quod qui intuebantur, protinus lapide scebant. Hoc munimēto armata Pallas ad Troiae excidium profecta est. Vergil. libro 8.

Aegidaq; horrificam turbatae Palladis arma,  
Polibant, &c.

Aegistius, Thyestis filius, ex Pelopeia, eiusdem filia: quē infantulum mater causa tegendi sceleris perdendum feris exposuit in sylvis: sed à pastore inuentus, cuius beneficio quoq; nutritus est, & inde αἰγιστός dictus. Hic pro uectior etate Atreum, impellente tamen patre, interfecit, & eiusdem filium Agamemnonem inter epulas, uel, ut alij uolunt, in primo egressu, adiuvante uxore Clytemnestra, qua etiam turpissimē usus erat, obrūcavit. Postremo ab Oreste Agamemnonis filio patris mortem ulciscente, è medio est sublatu. Ouidius:

Queritur, Aegistius quare sit factus adulter.

In promptu causa est: desidiosus erat.

Aegistius, alius, fuit Beli Prisci filius (hunc tamē Apollo dorus Neptuni & Libyae filium facit, Danaūq; & Aegyptum genuisse ex Anchione, Nelei filia: & Aegyptum

ptum uocat ille, quem alij Aegistum) & Danaï frater.  
Huic Aegisto 50. fuerūt filij: quibus cū quæssisset Da  
nai fratris 50. filias in coniuges, ab eisdem Danaï iussu  
omnes nuptiarum nocte, præter unum Lynceum, quem  
Ouidius Linū appellat, sunt occisi: qui postea expulso  
Danao, regnū apd' Argos inuasit. Vide infrā Belides.

Aegle, Hesperī Italiæ regis fuit filia, sorores habuit Are  
thusam seu Erethusam, & Hesperethusā, quæ Hesperī  
des dictæ sunt. Hæ amœnissimos hortos colere diceban  
tur in extremis Aphricæ, iuxta Lixon coloniā, à Clau  
dio Cæsare deductam. In ijs auriferum nemus esse cum  
aureis malis existimabant: custodiri uerò à peruigili  
dracone, quē Hercules ab Eurysteo missus occidit, po  
māq; aurea abstulit. Alia fuit nymp̃ha, Solis et Neeræ  
filia. Est autē ἀῦλα Græcis lux, seu splendor. Ver. Ecl. 6.

Addit se sociam, timidisq; superuenit Aegle,

Aegle Naiadum pulcherrima, &c.

Aegoceros, id est, capricornus, animal est marinum, in  
quod tradunt se Pana transformasse, & in aquam se de  
iecisse, cum in Aegypto unā cum reliquis dijs Typho  
na gigantem acerrimum deorum hostem fugeret. Sed  
Iupiter huius ingenium admiratus, inter astra cum col  
locauit. Lucan. libro 8.

Humidus Aegoceros nec plus Leo tollitur urna.

Aegonus, mons est Romæ, qui postea Quirinalis dictus  
est. hinc Aegonensis.

Aegos, Thraciæ fluiuius, ad cuius ostia clāssis Atheniēsis  
à Lyfandro fuit capta, cuius loci incolæ Aegopota  
mi, seu Aegopotamitæ dicti.

Aegyaleus, Phoronei fuit filius. huic Apis (quem quidā  
Phoronei, quidā Iouis filiū ex Niobe, Phoronei filia, es  
se tra



se tradūt) postquam Argis regnasset, in Aegyptū trās-  
iens, Achaiæ regnū reliquit. Alij Aegyaleum Inachi fi-  
lium ex Melia Oceanitide faciūt, & ab ea Aegyaleam  
dictam, quæ postea Peloponesus à Pelope uocata est.

Aegypanes, sunt nudi, læues, caprinos pedes habentes,  
olim pro semideis, quæadmodū Fauni, à ueteribus culti.

Aegyptus, antè Aëria dicta, Asiæ est regio, licet Plinius  
eam Aphricæ faciat: terminatur enim ab Aphrica Ca-  
nopico ostio, ab Asia uerò Pelusiaco. Nomē accepit ab  
Aegisto Danai fratre, quem quidam Aegyptum appel-  
lant. Fœcūdatur Nili inundatione, quoniam nunquam  
illic pluerè uisum est. Formam habet triquetram, quam  
suis flexibus efficit Nilus. Tempore Amasis regis ur-  
bes habuit 20000. quarū præcipuæ, Alexādia, The-  
bæ, Babylon, Memphis, &c. Natio præterea fuit su-  
perstitiosissima, adeò ut non solum bruta animalia, ut  
canem, bouem, &c. sed etiam res inanimatas, ut allium  
& capas, inter deos collocarit. Dicitur parēs terrarū  
(ut inquit Crinitus) nam Aegyptij omnium populorū  
uetustissimi, disciplinarumq; complurium inuentores  
dicuntur. Fuerunt etiam huius regionis incolæ rerum  
diuinarum & syderum peritissimi. Aegyptius, a, um,  
ut apud Maronem lib. 8. Aegyptia coniux.

Aegyptium mare, Asiatici pars est, à ualle Cataba-  
thmo, Cyrenaicam prouinciam ab Aegypto separan-  
te, usq; ad Pelusium tendit.

Aëllo, nomen est Harpyiæ. Ouidius:

—Exterruit ales Aëllo. Vide Celæno.

Aemonia, (alijs tamen aspirant) regio est Græciæ, uel ab  
Aemo mōte, cui propinqua est, uel ab Aemœ Deucalio-  
nis filio dicta, alio nomine Theffalia. Aemonides di-  
cuntur



cūtur Theſſaliæ mulieres. Aemonius, a, um, poſſ. Oui.

Aemonis Aemonio Laodamia uiro.

Aemus, alijs Hæmus, mōs eſt Theſſaliam ab Thracia diuidēs, in cuius radicibus ſunt amœna illa loca quæ Græcis Tempe dicuntur. Lucan.

—Tunc linquitur Hæmus Thracius, &c.

Aemylia, Italiæ regio, quæ & Flaminia dicitur, itē Romandiola, in qua eſt Bononia, Imola, & Rauenna. Fuit præterea familia Romæ cuiusdem nominis, unde Scipio Aemilianus erat oriundus.

Aenaria, inſula in ſinu Puteolano, à ſtatione nauium Aeneæ ſic dicta. Hæc itē Inarime, et Pithecusa, nūc Iſchia de nominatur. De hac Vergil. in diſcriptione Actinæ:

Dicitur inſidijs flagrans Aenaria quondam,

Nunc extincta ſuper: tectisq; Neapolim inter,

Et Cumas locus, &c.

Aeneās, Anchife & Veneris filius, iuxta Simoëntem fluuium natus. Hunc Vergil. Vlyſſi Homericō per omnia ſimilem facit, uirum fortem & bellicoſum, qui per uarios & maris & terræ errores in Latium uenerit, ut ille quondam in patriam. Conuenit inter omnes authores, Troiam ab eo & Agenore proditā fuiſſe: quapropter ubiq; culpam illam diluit, ut Romanorum gloriæ, qui ab eo traxerunt originem, conſulat. Troia diruta, patrem ſenio conſectum, humeris impositum ab hoſtibus liberauit: & dum penates, & filium Aſcanium ſecum deſert, Creuſam uxorem in itinere amiſit. Anchifen in Sicilia, apud Drepanum mortuum reliquit. Aphricam nunquam uidiffe, nedum Didonē, multi teſtantur. quapropter quartum librum Aeneidos totum eſſe fictum omnes affirmant. Contra Turnum autem in Italia, pro

b s

Launia



Lavinia Latini regis filia, ingens bellum gessit : quem tandem interfecit, ut Vergilius author est . Sed uariant hic plerūq; omnes historici. De huius genealogia uide Ouidium lib. 4. Fastorum, Dardanion Electra, &c.

Aeniochi, populi feri, iuxta Pontum, à Lacedæmonibus oriundi. Lucan. lib. 2.

—Me Marte feroces Aeniochi, &c.

Aeolia, regio septem insularum inter Italiam & Siciliam, quæ & Vulcaniæ, item uentorum patria, eò quòd insulares uenti uarij sunt. est enim αἰόλος uarius. Harum nomina sunt, Strongyle, Enonymus, Hiera, Lipara, Didyme, Ericodes, Phænicodes. Ex his Hieram aiūt Vulcani officinam esse : cui fabulæ natura montis & specuum qui in eo sunt, occasionem dedit. Vergil. 10.

Quid tempestatum regem, uentosq; furentes,

Aeolia excitos, &c. Aeolius, a, um, adiectiuum.

Aeolides, dictus est Vlysses, ab auo Acolo, qui filiū habuit Sisyphum, ex quo natus est Vlysses. Vergil. lib. 6.

—Comes additur unà,

Hotator scelerum Aeolides, &c.

Item Misenus tubicen. Idem:

Misenum Aeolidem, quo non præstantior alter  
Acre ciere uiros, &c.

Aeolis, seu Aeolia, regio est Græcorum in Asia, inter Ioniam & Troadem sita. hinc dicitur Aeolica lingua una Græcarum. Aeolis quòdam dicta est Mysia, ut habet Perottus.

Aeoliū, mare quod Asiatico littori adiacet, ab Aeolijs pulsus olim colonis dictum, antea Mysium uocabatur.

Aeolus, Iouis filius et Sergestæ Hippotæ Troiani filie, à quo dicitur Hippotades. Ouidius:

Aeolon

*Aeolon Hippotaden cohibentem carcere uentos.*

Plinius dicit cuiusdā Heleni fuisse filiū. Hic regnauit in insulis Aeolijs, quas nonnulli Vulcanias à Vulcano nūcupant. Fingitur uentorum rex, eò quòd ex nebulis et fumo Vulcanie insula futurum uentorū flatum prae dicebat. Quidam tradunt duos fuisse Aeolos: alterū Hippotae filium, Numantis nepotem: alterum Ellanos filium, Iouis nepotem. Vide Vergilium lib. 1. Aeneid.

*Aeos, Typhonis fuit filius, quem quidā scribūt Paphos ciuitatem condidisse: cū tamen sint, qui Pygmalionis opus esse scribunt.*

*Aequicola, populus est Italiae. Verg. lib. 7.*

*—Duris Aequicola glebis*

*Armati exercent terram.*

*Aerops, uxor fuit Atrei, quae adulterio à Thyeste Atrei fratre corrupta duos filios peperit, quos postea Atreus fratri comedendos apposuit. Ouid.*

*Si non Acropen frater sceleratus amasset,*

*Auersos solis non legeremus equos.*

*Aelacus, Priami filius ex Alyxothoē Dymātis filia, plus syluis quàm ciuitatibus delectatus: hic cum Hesperien seu Eperien liberali forma puellam uideret, adeò eius amore captus est, ut in sylua illam sequeretur: quae fugiens morsu serpentis est occisa: ipse autem amoris impatiens, acriq; dolore concussus, se de scopulo in mare praecipitem dedit: cuius Tethys miserta eum in mergū transformauit. Ouid. lib. 11. Metamorph.*

*Quamuis est illum proles enixa Dymantis:*

*Aesacon umbrosa furtim peperisse sub Ida*

*Fertur Alyxothoē, &c.*

*Est etiam fluuius Troianus ad Idam montem.*

*Aesopus.*

Aescapus, & Pedasus fratres, Bucolionis filij, quos ei Abarbarea Nais peperit, ut inquit Homerus in Iliade.

Aeschylus, Tragœdiographus, qui primus personarũ gravitate, item distinctione usus est. Eius ætate Tragœdi faciem scibis illinebant. Hic cum sensisset, se eò die ruina periturũ, ex urbe Sicilia, i qua morabatur, egressus, loco aperto consedit: tum aquila desuper uolitans, testudinẽ, quam pedibus gerebat, super caput eius, splẽdore illius decepta (erat enim crinibus uacuum) tanquã super petram, quò fractæ testudinis carne uescretur, elisit, eoq; ictu percẽptus est Aeschylus. Horat. in Art. Post hunc personæ, pallæq; repertor honestæ Aeschylus, &c.

Aesculapius, Apollinis ex Coronide nympha filius: dicit enim Ovidius hæc ex Larissa fuisse, et Phlegiæ filiã: quæ postea rẽ habẽs cum Aemonio iuvene, cui Ischys nomẽ fuerat, ab Apolline sagitta confossa est: sed is postea facti pœnitens, secto eius utero cõceptũ ex se eduxit infantem, eumq; Aesculapium appellavit. Traditus est Chironi, sub quo medicina studuit. Iãq; huius artis peritus, Dianæ precibus Hippolytum ab equis discerptũ uitæ restituit: quare motus Iupiter fulmine eũ occidit. Vide Verg. 7. Aen. Sunt qui Massenu fuisse tradũt, sed Epidauri mansisse. Tullius ait sepultũ fuisse Cynosuris Arcadiæ urbe. Colebatur primò Epidauri serpentis specie, unde Epidaurius dictus. Cæterum Romã accitus urbem ipsam gravi pestilentia liberauit: in cuius honorem insigne templũ in insula Tyberis illi construxerunt. Veteres gallũ gallinaceũ ei immolabant, Cyrenses capram. Duos habuit filios arte medica præstantes, Machaonem, & Podalirium: filias Hygeam, Aeglen,

glen, & Panaceam. Primus dentium euulsionem inuenisse fertur.

Aefina, ciuitas est propinqua Troiæ, in qua Priamus Gorgythiona ex Castianira suscepit: qui postea ab Aiacæ Telamonio est interemptus.

Aefis, Vmbriæ ciuitas, à qua Aefinates, populi. Ptolæmæus hæc etiã urbẽ Aesiã ab Aesi fluuio appellat, qui in Picenâ ex Apennino fluës in Adriaticũ mare effluit.

Aelson, Cirnei filius, frater Pelis regis Thessaliæ, & pater Iasonis, qui ab eo uocatur Aelsonides. Ouidius:

Aelsoniden mutasse uelim, quo coniuge felix, &c.

Aelsonem uerò Medea annositate decrepitum suis beneficijs robustiori ætati restituit.

Aesopus, nomen fabulatoris clarissimi. Item actoris fabularũ nomen, cuius Cicero meminit lib. 7. Epist. famil. Horat. lib. 2. Epistol.

Quæ grauis Aesopus, quæ doctus Roscius egit.

Aethiopia, regio est inter Arabiam & Aegyptum uersus Austrum, nigros homines præ nimio calore producens. ab Aethiope Vulcani filio sic dicta, ut refert Plinius lib. 2. cum antea Aetheria, & deinde Atlantia appellaretur. Hinc Aethiops, aliquis ex Aethiopia, ab αἴθεω, id est, ardeo, cremo, & ἀΐς, id est, aspectus.

Aethon, solis equus, quorũ quatuor sunt, quatuor diurnæ circuitiõis qualitates demonstrãtes. Pyrois, id est, rubeus: eò quòd primo mane surgẽtibz à terra uaporibus, sol rubeat. Eous, id est, splẽdidus: eò quòd exhalatus sol iã dissolutis uaporibus, splẽdẽs sit. Aethõ, id est, ardens: nam sole iam mediũ cœli tenẽte, lux eius corrosca est, & cunctis feruidior uidetur. Phlegon autẽ quartus, ex croceo colore in nigrum tendit, & in tempore  
terram

terram amans, ostendit adueſperafcente die ſolem terram petere, id eſt, occaſum. Alij hos equos aliter nomenant: Erithreum uidelicet, Aethæona, Lampõ, & Phlegæum. Ouidius lib. 2. Metam.

Interea uolucres Pyrois, Eous, & Aethon,  
Solis equi, quartusq; Phlegon hinnitibus auras  
Flammiferis implent, &c.

Aethon, alius fuit, Pallantis equus, ut habet Verg. lib. 11.

Poſt bellator equus poſitis inſignibus Aethon.

Alius fuit Hectoris equus. Alius item Plutonis apud Claudianum.

Aethra, filia Pithei regis, & uxor Aegæi, materq; Theſei. Alia fuit Aethra Oceani & Tethyos filia, uxor Atlantidis filij Iapeti, qui ex ea xii. filias, & unũ filium, Hyanthem uidelicet, ſuſcepit: ſed Hyãthes in Libya à ſerpente occiſus eſt. cuius mortem cum quinque ſorores nimium deſlerent, luctu cõtabuèrunt: ſed Iouis cõmiſeratione inter ſydera ſunt trãſlatæ, Hyadesq; à fratris nomine dictæ. Reliquæ ſeptem, cõ quòd plures ſuperſtites mãſiſſent, Pleiades ſunt appellatæ, ut author eſt Timæus Græcus ſcriptor. Sed de his infrà paulò aliter.

Aetna, mons Siciliae cauernofus, flammæ euomens, propter ſubterraneum ſulphur: circa radices amœniſſimus eſt, multis fontibus, & fruticibus. Sub hoc monte Iupiter gigantes deiecit fulmine, ut fabulantur poëtæ: in aſcenſu mōtis oppidũ eſt eiꝯdẽ nominis. Hinc Aetneus.

Actolia, Græciæ regio, in tertio ſinu Europæ, Epiro, Acarnania, & Locris finitima. ſic dicta ab Aetolo Martis filio, cum ex Elide à Salmonæo unã cũ Epeo & Piſanto ciectus ad habitandam eam ueniſſet. Hinc Aetolus. Et apud Ouidiũ, Actolius heros: id eſt, Diomedes.

Agamæ



A G.

Agamemnon, Atræi & Aeropes filius, ut Homerus tradit: Plysthenis uerò, ut Hesiodus, & frater Menelai: Mycenarum rex, & Thyestis successor. qui omnium Græcorum consensu imperator electus ad expeditionem Troianam profectus est, ubi plurimos labores, & maximas principum similitudines pertulit. Briseidam præterea, quam Achilli sustulerat, reddere coactus est. Illo capto inter alia Cassandra Priami filia ei in sortem cessit, quæ etiam mortem ei prædixit: sed ille uerbis eius minime fidem habens, ad uxorem Clytemnestram, cui domi cum quibusdam liberis relicta imperij curam tradiderat, reuersus, ab Aegisto Thyestis filio, qui omnia prius tacite occupauerat, imò & uxorem stuprauerat, simulata amicitia, & Clytemnestræ consensu, in littore, seu, ut alijs placet, in conuiuio, quod ingens ei uxor parauerat, est interfectus. Quod facinus Orestes Agamemnonis & Clytemnestræ filius ægrè ferens, Aegistum & matrem in uindictam patris occidit. Ceterum habuit sceptrum à Vulcano fabricatum: itè clypeum, in cuius medio erat Gorgonis effigies, in zona uerò draco uolinosus. Hinc Agamemnonius, a, um. Verg.

—Agamemnoniasq; Mycenæ.

Aganippe, prius Enippe dictus, fons est Boeotiæ, Musis sacer: unde dicuntur Aganippides. fit etiam inde adiectiuum Aganippæus. Propertius:

Par Aganippææ ludere docta lyra.

Agathon, Priami filius, qui cum patre Hectoris corpus redempturo, ad Achillem profectus est, ut habet Homer.

Agathocles, tyrannus Sicilia, humili genere natus, utpote figuli filius, qui per multa scelera inuasit tyrannidem,

dem, multaq; bella gessit cum Carthaginensibus, uaria fortuna. Iustin. lib. 22. De hoc Ovidius:

Fama est fictilibus cœnasse Agathoclea regem,

Atq; abacum Samio sæpe onerasse luto.

Agathyrsi, populi sunt Scythiæ contermini, ab Agathyrso Herculis filio sic dicti, qui in commune cum mulieribus cœunt: hi nihil liuoris aut odij mutuò exercent: capillos habent cæruleos, quos unà cum toto corpore inficiunt. Vergilius:

Cretesq; Dryopesq; fremunt, pictiq; Agathyrsi.

Agæus, Cadmi & Hermiones filia, Echioni Thebano nupsit, ex quo filium Pentheum suscepit: qui cum abstemius esset, ac propterea Bacchi sacra despiceretur, ab ipsa matre reliquisque Mænadibus membratim est discriptus. Verg. in Culice:

— Quo quondam uicta furore,

Venit Niçtileum fugiens Cadmeis Agæus,

Infandas scelerata manus, & cæde cruenta.

Agæus, Priami filius, qui (ut habet Homerus) comitabatur patrem, Hectoris corpus ab Achille redempturum.

Agenor, Beli Prisci filius, rex Phœnicum, quamuis quidam aliter sentiant. filios habuit Polydorum, Cilicem, Phœnicem, Cadmum, & Labdacum. filias autem, Taygetam, & Europam. Ab hoc Phœnices dicti sunt Agenoridæ. Statius:

Non tulit insidias diuini imperiosus Agenor.

Agenoreus, a, um, possess.

Agenoria dea, à Romanis sic dicta, quæ ad agendum excitaret.

Agetis, Apollinis filius, ut habet Iustinus, ex Cyrene uirgine à Pelio monte Thessaliæ raptâ, frater Aristæi: hunc

alijs



alij nunc Ageum, nunc Argeum uocant.

**Agelilaus**, Lacedæmonius, Archidami fuit filius: qui post mortē Agidis fratris sui rex electus Thisaphernē Asiæ principem, item Athenienses, & Boætiōs hostes uicit. & quamuis breui corporis statura, & altero pede claudus, tamē maxima uirtute erat præditus. de quo Iustinus libro 6. Est etiam proprium nomen Plutonis.

**Agis**, rex Lacedæmoniorū à suis ciuibus in carcere occisus, eò quòd leges Lycurgi reducere, & bona publicare uellet. Fuit & alter Agis, quem Lacedæmonij suspēderunt.

**Agilines**, fluuius est Orientalis apud Censonas & Aphilos, per quem Alexander Macedo ad Oceanum tendens, deuectus est.

**Aglaia**, una est Gratiarum, quæ & Charites dicuntur, alio nomine Pasithea appellata. Sunt autē tres: Aglaia, Thalia, Euphrosyne, Iouis & Autonoës filiæ: quāuis de earum origine uaria sit opinio, ut est apud Perotum. Dicuntur esse in comitatu Veneris. Est uerò Aglaia lætitia: læti enim in dādis beneficijs esse debemus. Thalia, id est, uirēs: quòd beneficium semper uirere debeat. Euphrosyne, id est, delectatio: quòd nos ijs, qui in nos liberales fuerunt, gratos esse oporteat. Vna earum auersa pingitur, duæ ad nos conuersæ: quòd pro beneficijs à nobis profectis duplex gratia rependi debeat. Nudæ sunt, beneficia enim sine fuco esse oportet. Connexæ, quòd beneficium semper beneficium pariat, sit' que perpetuum amicitie foedus. Hilares, tales enim debemus esse in dandis accipiendis'que beneficijs. Iuuenes, beneficij enim accepti gratia senescere non debet, sed perpetuò florere. Virgines sunt, & in Acidalio fonte, qui

c      est Or

est Orchomeni Bœotiae urbe, lauatur, quod uel beneficia pura esse, nullamq; retributionis spem habere, uel nihil turpe rogare oporteat. Caterum à quibusdam Liberi & Veneris filiae dicuntur: nec immerito: horum enim muneribus præcipue gratiae conciliantur.

Aglaonice, Hegemonis fuit filia, perita Astrologiae: & eclipses Lunae quando futurae essent, præuidens, iactauit se illam coelo deducere: quæ ob id postea in magnas calamitates incidit, adeo ut in prouerbum abierit (referente Apollod. lib. 4.) τὴν σελήνην καταπαῖ.

Aglaophene, Acheloi & Calliopes Musæ filia, una Syrenum, de quibus infra.

Aglauros, filia Erichthei, regis Athenarum, à Mercurio in saxum mutata. Ouidius lib. 2. Metam.

Sic opus est, Aglauros ea est, & c.

Agon, locus est certaminis Romæ, qui circus Flaminius dicebatur. Ponitur pro ipso certamine. Est quoq; nomen proprium apud Plutarchum: Item Aethiopiæ fluiuius. Agonales ludi, sunt, teste Seruio, quos Augustus in Actiacis littoribus, deuicto Antonio, statuit: ad quod respexit Vergilius lib. 3. Aencid.

Actiaq; Iliacis celebramus littora ludis.

Agonius deus, dicebatur præsidens rebus agendis, eiusq; festa Agonalia: quamuis aliqui eius sacrificia Agonia dicta uelint, quod in monte fiebant, quos Agones uocabant. Ouidius:

Et prius antiquus dicebat Agonia sermo.

Et Agonius dies, quo rex Agoniam hostiam immolabat: unde Romæ Agonus mons Quirinalis, & Collina porta Agonensis appellata.

Agragas, seu Acragas, mons est Siciliae, haud longè à Gela,

Gela, muro olim cinctus, habens in summitate oppidū eiusdem nominis, alio nomine Agrigentum: unde Empedocles philosophus, & Phalaris tyrannorum scēuissimus originem duxerunt. Veteres apud eum optimos equos alere, & exinde in Græciam ad agones trāsmittere consueuerunt. Verg. lib. 3. Aeneid.

Arduus inde Agragas ostendit maxima longe.

Agrippa Syluius, Tyberini Syluij filius, submerso patre in regno successit: & cum annos quadraginta regnasset, moriens Romulum Syluium reliquit heredē.

Agrippa, alius, fuit inter procures Augusti, & eiusdem gener, nauali uictoria contra Sextum Pompeium insignis. Vergil. lib. 8.

Parte alia uentis, & dijs Agrippa secundis

Arduus, &c.

Agrippina, filia fuit Agrippæ prædicti. Alia fuit cōiux Caligulae, et Neronis mater: quæ et Claudio Cæsari nupsit, ut filio imperiū ad suam & totius urbis perniciē obtineret. Ab hac dicta est insignis illa inferioris Germaniæ urbs Agrippina, quam uulgo Coloniam uocāt.

Agrius, Parthaonis filius, & Thersitis pater fuit. Et alius Agrius, quem, & fratrem eius Latinum, Hesiodus Vlysses & Circes filium facit.

Agrosus, mons est, ubi nunc Roma, quē Faunus rex Euandro ex Arcadia pulso, concessit, quem ipse postmodum Pallatinum appellauit.

Agyleus, seu, ut habet Macrobius Agyieus, dictus est Apollo ab Atheniensibus, quod ei in uijs publicis suæ urbis ex responso statutis altaribus sacrificarent. ἀγῶν enim illi uias dicūt, quæ sunt intra pomeria. Horatius libro 5. Carm. Ode 6.

*Daunia defende decus Camœnæ,*

*Leuis Agyleu.*

*Agylla, seu Agilla, urbs Thufciæ, à Pelasgis è Theffalia profectis condita: à Lydis, quos Tyrrhenos uocaueret, Cære appellata. Vergilius libro octauo:*

*Haud procul hinc saxo incolitur fundata uetusto*

*Urbis Agyllinae sedes, ubi Lydia quondam*

*Gens bello præclara, iugis insedit Hetruscis.*

*Vide infra, Cære.*

## A I.

*Ajax, Telamonis filius, fortissimus post Achillem in toto Græorum exercitu: qui post multas res præclarissime gestas, etiã cum Hectore congressus est, & nisi nox interueniens duellum diremisset, uictor Ajax redisset ad suos. Hector autem discedens, gladio Aiace[m] donauit, & ab eodem baltheum suscepit, dona utriq[ue] exitialia: Achille enim occiso, cū illius arma ut legitimus hæres peteret, & Vlysses sua eloquentia, à iudicibus illa accepisset, Ajax præ nimia ira insaniciens, muta pecora, & in primis arietem corpore præstantem occidit, credens se Atridas & Vlysses interemisse: uerum ad mentis sanitatem rediens, cum se falsum comperisset, acri dolore compulsus, gladio, quem Hector donauerat, in loco deserto, se transfodit. cuius cruor in Hyacinthū florem, uel, ut alijs placet, in florem sui nominis est permutatus. Græci fabulantur totum fuisse inuulnerabilem præterquam in ceruice. Dictus ἀπὸ τοῦ ἀιάλας, id est, à lugendo, ut habet Sophocles in Aiace flagellifero.*

*Ajax, Oilci filius, Locrensiū rex, uelox pedibus, & peritus hastæ uibrandæ: qui capta Troia Cassandrā uirginem in Palladis templo uiolauit: quapropter dea irata, tempe*

ta, tempestatem Græcis redeuntibus circa Caphareum montem immisit, qua multi perierunt, inter quos etiã ipse Ajax fulmine est occisus, scopuloq; affixus. Alij disiecti multis annis post in patriam rediere. Vide Vergilium libro 1. Aeneid.

Vnius ob noxam, & furias Aiæcis Oilci.

A L.

Alanus, Scythiæ fluuius: à quo Alani populi prope Istrum, antea Massageta dicti, admodũ pugnaces, & laboris patientissimi: carne uescuntur, panem autem non habent. Lucanus:

Et sequeres duros æterni Martis Alanos.

Horum regio Alania dicitur.

Alastor, Plutonis equus.

Alba longa, ciuitas fuit in Latio, ab Ascanio Aeneæ filio condita, quam Tullus Hostilius rex Romanorum cauerit. Alba autem dicta ab alba sue ibidem ab Aeneæ inuenta. longa autem, à longo tractu. hinc Albanus. Vergilius libro 8.

— At tu dictis Albane maneres.

Alba, ciuitas Longobardiæ ad lacum Fucinum, à qua Albenfes.

Alba Syluius, Latini Syluij fuit filius, & patri successit in regno: qui cum annis 39. regnasset, filio suo Atj, moriens imperium reliquit.

Albania, est regio Orientalis inter Colchum & Armeniam. Altera nunc uocatur Albania, inter Illyriam, & Macedoniam, in qua est urbs Dyrrhachium.

Albion, & Bergiõ, filij fuere Neptuni ab Hercule interfecti. Hercules enim cum Rhodani ostia trãsiret, ei obuiam facti hi duo fratres, transitum eius impediuerunt:

c 3      quapro

quapropter Hercules cum eis pugnavit, & cum sibi tela deficerent, Iovem patrem in auxilium uocavit, qui lapidum imbrem demittens, inimicos eius interfecit.

Albis, Germaniæ fluvius est, oriens in montibus qui Bohemiam & Moraviam à Suevia dividunt, ex Bohemia per angustas montium fauces in Saxoniam penetrat, & hinc in Oceanum uoluitur. Lucanus:

Fundat ab extremo flauos Aquilone Sûcos  
Albis, & indomitum Rheni caput, &c.

Albula, fluvius est Italiæ, ex Apennino Romam fluens: ab albo colore sic dictus. Nunc autem Tyberis, uel à Tyberino Sylvio, Albanorum rege in eodè submerso: uel à Tybri Thuscorum rege, iuxta eum bello occiso, unde Vergilius:

—Asperq; immani corpore Tybris:  
A quo post Itali fluvium cognomine Tybrim  
Diximus: amisit uerum uetus Albula nomen.

Vide infra, Tybris.

Albunea, nomen est iuxta Anienem, cum fonte eiusdem nominis: alio nomine Leucothea, ab aquæ qualitate.

Vergil. lib. 7. —Lucosq; sub alta  
Consulit Albunea, nemorum quæ maxima sacro  
Fonte sonat, &c.

Alcæus, poëta Lyricus, Mitylæus, quem adeo amarum fuisse scribunt, ut autoritate sui carminis multos ex ciuitate ciecerit. Ouid. in Sapph.

Nec plus Alcæus consors patriæq; lyræq;  
Laudis habet, quamuis grandius ille sonet.

Fuit item alius Herculis auus, à quo (ut quidam uolunt) Alcides dictus est. Vide infra.

Alcathous, Pelopis filius, qui cædis Chryssippi fratris suspectus,



*Suspectus*, Megaram uenit. Occisoq; leone, qui Cithæronius à loco dicebatur, ascitus Megaræo gener, in regno successit: & ab hoc Alcathoi urbem Megaram uocauit Ouidius.

*Alcathous*, alius, fuit Troianus, qui Hippodamiam Anchisæ filiam in uxorem habuit, & in pugna apud Troiam ab Idomeneo Cretensi occisus est.

*Alcestis*, uel *Alcesta*, mulier Theßsala, & Admeti regis uxor. Vide dictionem Admetus.

*Alcibiades*, uir Atheniensis, forma, nobilitate, eloquentia, rebus bellicis excellens: sed rursus alijs uicijs ita inuolutus, ut si æqua lance perpendas, utrum uirtute an malicia fuerit insignior, planè ignores. Huius uitam Plutarchus quoque descripsit.

*Alcides*, dicitur Hercules, à bellica uirtute, quæ Græcis ἀλκὴ dicitur. Alij tamen ab Alceo sic dictum putant.

*Alcinous*, rex Phæacū, in Corcyra insula, Nausithoi regis filius, qui Areten Rexinoris filiam in uxore duxit. Ad hunc cum Ulysses naufragus uenisset, ab eodem honorificè susceptus est, eiq; coniugium Nausicæ filiae oblatum: demum alia naui, muneribus, socijsq; datis dimissus est. Fuit præterea diligens hortorum custos, ut refert Vergilius lib. 2. Georgicorum. Ouidius:

Præbet & Alcinoi poma benignus ager.

*Alcman*, seu, ut alij, *Alcyna*, è Lydia, Sardensis poëta Lyricus, Damantis filius, primus qui pediculari morbo periit.

*Alcmæon*, *Amphiarai*, & *Eriphyles* filius, qui matrem interfecit, quod illa maritū Amphiaræum (qui in bello Thebano absorptus est hiatu terræ) Polynici prodidisset, corrupta monili aureo. hic postea furijs agitatus, ad

Phlegcum uenit, à quo lustratus est: cuius quoq; filiam Alphesibœam, donato matris aureo monili, in uxorem duxit. Postea autē cum uenisset ad Acheloum fluuium, ei' que Callirrhœ Acheloi filia placuisset, idem monile quod superiori coniugi dederat, huic etiam nuptiarum spe pollicitus est: quod cū repetēdum proficisceretur, à fratribus Alphesibœæ, Themone & Axione, est occisus: qui tamen & ipsi ab eodem mutuis uulneribus petiti, perierunt. Vel, ut Ouidius nono *Metamorph.* sentire uidetur, à filiis Callirrhœs, quos Iupiter natos, statim deos fecerat, in patris ultionem sunt occisi. Ab eo fit adiectiuum Alcæonius, 4, um. *Propert. lib. 3.*

Aut Alcæonia furie, aut ieiunia Phinei.

Alcmena, Electrionis & Lysidices filia, Amphitryonis uxor: cui hac lege nupsit, ut mortem fratris sui, à Thelebois occisi, ulcisceretur: in qua expeditione cū Amphitryon uersaretur, Iupiter in Alcmenam ardēs, forma militantis uiri sumpta, ante lucē, quasi ab expeditione rediens, ad eam accessit: illa autem maritum suum esse credens, cum eo cōcubuit, ac quantumuis antea ab Amphitryone prægna esset, concepit: & sic ex uno tempore geminos peperit, Iphiclum ex Amphitryone, Herculem uerò ex Ioue. Ouidius: —Leuata est

Argolis Alcmena, potiturq; puerpera uoto.

Alcon, Cretensis fuit sagittarius, Erichthei Atheniensium regis filius, qui ex Attica in Eubœam fugit. Humius puerum cū draco complexus esset, arrepto arcu adeo sua arte sagittæ ictum temperauit, ut in dracone transfixo consisteret, nec ad puerum perueniret. Vergilius in *Bucol.*

Aut Alconis habes laudes, aut iurgia Codri.

Alcynoe,



**Alcyonē**, una ex Pleiadibus, ex Atlante & Pleione nata: placuitq; Neptuno, ex quo peperisse uolūt Alcyonē cōiugē Cæycis regis Trachinnæ. Vide infrā, Pleiades.

**Alcyone**, Neptuni filia: cuius maritus Cæyx, cū ad oraculum nauigans, naufragium fecisset, illa doloris impatiens, se submersit, & deorum commiseratione in auctum sui nominis, mutata est. Ouidius lib. 11. Metamorph.

Ingemit Alcyone, lacrymas mouet, atq; lacertos  
Per somnum, &c.

Vide infrā, Cæyx. Alia fuit Eueni fluminis filia.

**Alcyoneus**, Purpurei, alio nomine, Porphyrionis frater, ab Hercule telis est confossus: cuius filie, quas septē numerant, ob patris mortem in mare præcipitantes se, ab Amphitrite in alcyones, ut quorundam opinio est, sunt mutatæ. Harū nomina sunt, Phosonia, Authæ, Methone, Alcippe, Pallene, & Drimon.

**Alecto**, una est furiarum, Acherontis & Noctis filia: sorores habet, Megaram & Tisiphonen. dicta ἀνὰ τοῦ λυγροῦ, & priuatiua particula α. Verg. lib. 7.

Lustificam Alecto dirarum à sede sororum.

**Aleius** campus, locus est Liciæ, in quem cecidit Bellesrophōtes, cum à Pegaso ab æstro agitato excuteretur: sic dictus, quòd in eo cæcus errasset Bellesrophontes, donec periret.

**Alesa**, ciuitas est Siciliæ, ut Ptolemæus & Strabo habet. hinc Alesinus, a, um. Cic. in Epist. famil. In Alesina urbe, &c.

**Alemanni**, Germaniæ populi, habitantes iuxta Lemannum lacum: sic dicti à Māno Teutonis filio. Sidonius:  
—Rhenumq; ferox Alemanne bibeas.

**Alexander**, cognomine Magnus, Philippi Macedonum

regis filius, cui in imperio successit: huius uita & res gestæ quia undiq; ab historicis, præcipuè à Iustino decantantur, superuacaneum erit multa hic recensere. Fuerunt & alij multi huius nominis, ut Alexander Phœreus, de quo Cicero multa lib. 2. Officiorum.

Alexandria, urbs, Aegypti caput, ab Alexandro Magno condita, prope ostium Nili, quod Canopicum dicitur. Aliam eodem nomine struxit in Asia. Aliam itē in Scythia super Tanaim. Est & Alexandria, urbs Liguriæ uel Lombardiæ, ab Alexandro Pontifice maximo condita.

Algidus, mons est haud longe ab urbe Roma, in quo est Algidum oppidum, hodie sylua latrocinij incolarum accommoda. Horatius:

Quicumque aut gelido prominet Algido.

Allia, fluuius est, nō procul ab urbe Roma distans, in uia Tyburtina, è montibus Crustuminijs in Tyberim defluens: iuxta quem Brennus dux Senonum multa Romanorum millia profligauit. Lucanus:

Et damnata diu Romanis Alia fastis.

Hinc Alliensis dies, id est, infaustus.

Allobroges, Galliæ populus iuxta Rhodanum, nunc Sabaudienses dicti, & Pedemontani. Horatius:

Nouisq; rebus infidelis Allobrox.

Almo, fluuius est Romæ uicinus, apud quem Romani olim sacra Cybeles faciebant, eodem ritu quo Galli sacerdotes in Phrygia, simulacrum deæ cultusq; uictimarios ibidem facientes. Lucan.

Et lotam paruo reuocant Almone Cybellen.

Almops, Neptuni & Athamantidos Helles filius, à quo Macedoniæ pars Almopia: unus fuit gigantum, qui  
contra

contra Iouem bella mouerunt.

Almos, Sisyphi filius, ut inquit Apollod. frater Porphy-  
rionis. ex cuius filia Chrysogone et Neptuno, natus est  
Minias rex Orchomeni. Idem tamē Miniae matrē Her-  
mippen Bæoti filiam appellat.

Alous, uel Aloeus, Titanis & Terræ filius: cui coniux  
fuit Iphimedia: quam cum uiolasset Neptunus, duos ex  
eo peperit filios, Othum & Ephialtē, qui & Aloide  
dicuntur: quos Alous educauit ut suos: & cum nouem  
digitis singulis mensibus crescerent, gigantibus aduer-  
sus superos bellum parantibus, nec ob seniū Alous ad  
illud accedere posset, misit geminos adiutores: sed A-  
pollinis & Dianæ telis confixi perierunt. Duxit præte-  
rea secundam uxorem Euribæam. Lucanus:

Impius hanc prolem superis immisit Alous.

Alpes, montes sunt altissimi, Cisalpinā Galliam à Trās-  
alpina dirimentes, quos Annibal aceto peruios fecit,  
quo expeditius iter facere per illos liceret. Non primus  
omnium traiecit, ut quidam uolūt. Galli enim ante ad-  
uentum eius quinque hos montes traiecerūt. Lucan.

Gallica per medios rabies effunditur Alpes.

Hinc fit adiecti. Alpinus, a, um. Verg. Eclog. 10.

Alpinas, ab dura, niues, &c.

Alphesibæa, Phlegæi fluminis filia, quam Alcmaeon do-  
nato illo monili, quod Eriphylæ matri detraxerat, in  
uxorem duxit, ut suprā dictum est de Alcmaëone.

Alpheus, fluuius est Elidis ciuitatis Arcadiæ: in Pelopo-  
neso oritur, & iuxta Pisam decurrens, longo cursu de-  
mergitur in Achaia, ibiq; terra absorptus, & subter  
mare defluens ex Græcia ad Arethusam Siciliæ fontem  
tendit, ubi eiusdem undis commixtus, in mare Siculum  
effluit

effluit. Hinc fabulantur poëtae Arethusam fuisse nympham, cuius amore Alpheus captus per subterraneos cuniculos ad eam commigrauerit. De quibus latius infra in dictione Arethusa. Dictus autem ab ἄλφος, quod uutiliginem curet. Vide Verg. lib. 5. Aeneid.

Alpheias, dicitur Arethusa apud Ouidium lib. 5. Metamorph. quasi Alpei filia:

Tum caput Elcis Alpheias extulit undis.

Alpinus, malus quidam poëta fuit, qui Memnonis Aureae filij bella descripsit, sed tam malè, ut ab Horatio dicatur, Memnona suis carminibus iugulare.

Turgidus Alpinus iugulat dum Memnona, &c.

Althæa, Thestij filia, et Oenei Calidoniae regis uxor, cui inter alios filios Meleagrū peperit: quo nato, audiuit fata circum ignem dicentia: tam diu natum uicturum, quam diu stipex, qui tunc ardebat, ab igne inconsumptus maneret: quod Althæa audiens, cōsestim stipitem ab igne subtraxit, & seruauit. Postea autem cum reliquos fratres à Meleagro in seditione quadam occisos percepisset, irata, fatalem stipitem inter sacrificandum combussit: quo consumpto, Meleager occubuit. Quod cum mater rescuisset, gladio se traiecit, atq; ita uitam miserrimè finiuit.

Aluerni, populi in Aquitania, qui cum se à Troianis oriundos esse dicerent, audebant se appellare fratres Romanorum, qui etiam à Troianis originem ducunt.

Alysius, Bacchi cognomen, ἀλυσ, id est, soluo.

Alyxotheoë, Dymantis filia, quæ ex Priamo peperit Asacum, ut supra dictum est.

A M.

Amalthea, nutrix fuit Iouis infantis. nam Melissus rex Cretæ,

Crete, duas filias habuit, Amaltheam, & Melissam, quæ Iouem lacte caprino, & melle nutrierunt. Alij dicunt, illam capram dictam fuisse Amaltheã, & Melissi filias Adrasteam & Idam faciūt. Est etiam Sibyllæ eiusdem nomen apud Tibullum:

Quicqd Amalthea, et quicquid Marpesia dixit, etc.

Amanus, mōs est, Ciliciam à Syris separans. Luca. lib. 3.

— Venēre ferores

Cappadoces, duri populus nunc cultor Amani.

Vide Strabonem lib. 11.

Amaracus, filius fuit Cynaræ, regis Cypri, qui casu lapsus, dum ferret unguenta, fregit alabastrum. Deinde cum nimio dolore contabuiisset, in herbam odoriferam eiusdem nominis, deorum commiseratione commutatus est. Dicitur alio nomine Persa, item Sampsuchus: uulgo Maioranam uocant. Verg. lib. 1. Aeneid.

— Vbi mollis amaracus illum

Floribus & dulci aspirans complectitur umbra.

Amasenus, Volscorum fluuius est in Latio, ultra quem (ut habet Vergilius libro undecimo Aeneid.) Metabus rex Volscorum suos fugiens, filiam suam Camillam telo alligatam proiecit. Est etiam Sicilia fluuius. Ouid.

Nec non Sicaniæ uoluens Amasenus arenas.

Amāsis, rex fuit Aegypti, cuius tumulus fuit una pyramidum. Lucanus:

Non mihi pyramidum tumulis cuulsus Amāsis.

Amata, Latini regis uxor, & mater Lauiniæ: quæ ne uideret Aeneam generum, laqueo gulam fregit, priusquā etiam urbs ab hoste esset expugnata. Verg. lib. 12.

Amathus, untis, insula in mari Aegeo, Veneri sacra. Est etiam oppidum Cypri insulae, Vergilius:

Est

Est Amathus, est celsa mihi Paphos atq; Cythera.  
Amathuntius, & Amathusiacus, a, um, possessiua  
apud Ouidium.

Amazones, Scythicæ fuerunt mulieres, prope Tanaim  
& Thermodoonem fluuios habitantes, sine uiris: ne ta-  
men genus periret, finitimis congregiebantur: si qui ma-  
res nascebantur, statim interficiebant: puellus autem  
dexteriores inurebant mammas, quò expeditius de-  
xtero brachio in certamine uterentur, unde etiam nomē  
habent, ab α, & μαστός, οὖν, id est, mamma. Harum reginæ  
fuerunt Marthesia, & Lampedo, quæ maiorem Euro-  
pæ partem subegerunt. Marthesiæ filia sua Orithyia  
successit, quæ sororem Antiopē habuit. post Orithyia  
Penthesilea regno potita est: quæ ad bellum Troianum  
profecta Phrygibus in auxilium, ab Achille post mul-  
tas res præclarissimè gestas, occisa est. Hæc securim bel-  
licam, & peltam prima omnium inuicisse dicitur. Cla-  
ruit quoq; inter Amazones Menalippe, item Hippoly-  
te, quæ ab Hercule capta est, & postea à Theseo in uxo-  
rem ducta. Vide infra. Verg.

Threiciam sexto spoliavit Amazona balthco.

Aliæ fuerunt huiusmodi mulieres in Aphrica, & ob id  
Libyæ dictæ sunt. De quibus Dionys. lib. 4. Amazoni-  
cus, & Amazonius, a, um, possessiua.

Amazonius mons, est in maiori Asia, præter cuius ra-  
dices Thermodoon amnis labitur. sic dictus ab Amazo-  
nibus, quæ penes hunc montem habitarunt.

Amazonium mare, uolunt quidam eam Euxini maris  
partem, quæ olim ab Amazonibus est occupata.

Ambracia, Epiri urbs est iuxta Ateronem nauigabilem  
fluuium, olim Pyrrhi regia: ab Ambrace rege sic dicta:  
post

post ab Augusto, cum uicisset Antonium, dicta Nico-  
polis. Hinc Sinus Ambracius, pars Adriatici maris  
Epiro adiacens. item, Ambraciensis, & Ambracio-  
tes, siue Ambraciota.

Ambrones, gentes quædam Gallicæ, quæ cum subita a-  
quarum inundatione sedes suas amisissent, rapinis se ale-  
re cœperunt. has cum Cymbris Teutonicis quæ Marius  
deleuit. Hinc turpis uita homines, Ambrones dicuntur.

Ameria, oppidum Umbriæ, ab Amerio sic appellata.  
hinc Amerinus, a, um. Vergilius:

Atq; Amerina parant lentæ retinacula uiti.

Amimone, Danaï filia, una ex quinquaginta sororibus:  
hæc cum studiose in sylua uenaretur, Satyrum impru-  
dens percussit: qui impetu in eam facto, cum illi uim in-  
ferre uellet, Amimone Neptuni auxilium implorauit.  
Neptunus autem fugato Satyro, cum ea concubuit, &  
inde Nauplium suscepit.

Amimoneus fons, est apud Argos, ab Amimone Danaï  
Argiuorum regis filia sic denominatus. quam quidam  
dicunt tædio uitæ affectam, in fontem sui nominis fuisse  
conuersam. Et Amimon Græciæ fluuius, ab eadem  
sic dictus.

Aminea, regio iuxta Falernum, ferax optimi uini. Vergi-  
lius lib. 2. Georgicorum:

\*Sunt etiam Amineæ uites, firmissima uina, &c.

Amiternum, Campaniæ oppidum est. Vergilius:

Vnâ ingens Amiterna cohors, &c.

Ammodites, serpens est, arenæ similis colore, a qua no-  
men habet. Lucanus:

Concolor exustis atq; indiscretus arenis

Ammodites, &c.

Ammon



**Ammon**, alij **Hammon**, dicitur Iupiter in specie arietis, sicut colebatur in Libya. Nam Bacchus deuicta Asia, cum ad Libyam cum exercitu uenisset, siti laborans Iouem patrem rogauit, ut sibi & exercitui subueniret: quo facto statim aries apparuit, qui cum terram pede percussisset, continuo fons exiuit. Bacchus uero arietem illum Iouem fuisse ratus, templum ibi construxit, in quo Iouis simulachrum in arietis forma erexit. Dictus Ammon, quod templum eius situm sit in loco arenoso. Lucanus libro 9.

Quamuis Aethiopum populis, Arabumq; beatis  
Gentibus, ac Indis unus sit Iuppiter Ammon.

**Ampelusia**, Oceani occidentalis extremum promontorium est, in Mauritania, ultra Herculis columnas, ubi quondam Lusa & Cocta fuerunt oppida: postea Tingi: à quo Tingitana Mauritania dicta.

**Amphiaraus**, Oiclei filius, à quo Oiclides dictus, & maritus Eriphyles: Graecus uates, quem Adrastus rex secum ad bellum Thebanum ducere uoluit: sed ipse praesciens se illinc non rediturum, latuit: & cum diu inueniri non posset, tandem ab Eriphyle uxore sua, aureo monili ab Adrasto rege corrupta, proditus est, atq; ita proficisci coactus: primoq; die, quo ad Thebas uenit, biatu terrae absorptus est. Filios praeterea habuit Tiburtum, Coracem, & Catillum. Ouidius:

Notus humo merfis Amphiarau equis.

**Amphietyon**, Deucalionis filius, qui post Cranaum Attica imperauit. huius inuentum ferunt somniorum & portentorum interpretationem.

**Amphidamas**, Busiridis fuit filius, quem Hercules una cum patre hospites immolante, interfecit.

Amphilo

*Amphilochus, filius Amphiarai & Eriphyles, rex & augur apud Græcos. Mirandula in hymnis:*

*Amphilochi aut monitus adiit male sana nefastos.*

*Alius fuit Philosophus Atheniensis, qui de agricultura scripsit.*

*Amphion, Iouis, uel secundum alios, Epaphri, & Antiope filius, Zethum habuit fratrem ex iisdem parentibus: hos dicunt expositos esse à matre ob stuprum à Lyco Thebanorum rege pulsa, sed à pastoribus nutritos, & iam adultos Lycum unà cum uxorē Dirce, quam repudiata priore duxerat, interfecisse, & deinde Cadmo pulso apud Thebas regnasse. Fertur præterea Amphion tam exactam Musices habuisse cognitionem, ut impetrata à Mercurio lyra (cuius inuentorem tamen hunc Amphionem quidam tradunt) adeò suauiter cecinit, ut durissima etiam saxa ad struendos Thebarum muros suo cantu traxerit. Hoc autem ideo fictum esse affirmant, quòd homo facundissimus homines id ætatis rudes & belluino more uiuentes, ad humaniorem uitæ cultum redegerit. Horatius:*

*Dictus & Amphion Thebæ conditor arcis,*

*Saxa mouere sono testudinis & prece blanda.*

*Amphionius, a, um, adiectiuum.*

*Amphion, alius, fuit Iasij filius, in Orchomeno Minyce & Pilo: uocatus est aliàs Argus: cui unica fuit filia, Chloris nomine.*

*Amphisa, urbs in Phocide, ut docet Plinius, ab Amphisa Apollinis & Macraris filia sic denominata. Luca. lib. 3.*

*Phocias Amphisa manus scopulosaq; Cyrrha.*

*Amphisbena, serpens est, geminum caput habens, hoc est, ad caput & caudam, capite intrinsecus nitibundo, ser*

*d pit tra*

pit tractibus orbiculatis : à circumdescendendo sic dicta. Lucanus:

Et grauis in geminum surgens caput Amphisbena,  
Amphitus, & Telechius, Castoris & Pollucis aurigæ  
fuerunt : à quibus Eniochorum genus ortum habuisse  
constat.

Amphitrite, Nerei filia, & Neptuni uxor: cuius nuptias  
cum à principio fugeret, uirginitatem seruare cupiens,  
misit ad eam Neptunus Delphinum : qui per uaria loca  
quæsitam, tandem ad radices Atlantis inuenit, & ut Ne  
ptuno iungeretur, eidem persuasit. Hinc à poetis maris  
Dea fingitur, ex qua natus est Triton, ut canit Hesio-  
dus. Capitur quandoq; pro ipso mari. Ouidius:

—Nec brachia longo

Margine terrarum porrexerat Amphitrite.

Amphitryon, Thebanus princeps, maritus Alcmenæ, ma  
tris Herculis, qui ab eo dicitur Amphitryonides, &  
per Epenthesim, Amphitryoniades: de quo latius in  
Alcmena. Amphitryonius, a, um, possess.

Amphrysus, Thessaliæ fluuius, iuxta quem Apollo Ada  
meti regis armenta pauisse fertur. Lucanus:

—Et flumine puro

Irrigat Amphrysus famulantis pascua Phœbi.

Et Amphrysia uates, pro Sibylla, apud Vergilium li  
bro sexto. Alius est in Phrygia eiusdem nominis, red  
dens mulieres steriles. Vide Plinium lib. 31. cap. 2.

Ampycus, Titanoros filius, qui ex Chloride, ut ait Apo  
lonij Commentarius, Mopsum augurem suscepit, à quo  
Ampycides appellatur. Ouid. lib. 12. Metamorph.

Nec tu credideris tantum cecinisse futuræ

Ampyciden Mopsum, &c.

Amulius,

**Amulius**, minor natu fuit ex filijs Proce, q̄ ita regnū ijs, Numitore uidelicet & Amulio, reliquerat, ut alternis regnarent: cū autem ad Amulium peruenisset regnum, transacto anno fratri cedere noluit, sed Numitore expulso, eius quoque filium Lausum interfecit, filiamque Rheam Vestæ uirginem dedicauit, ne mascula proles ex ea nasceretur, quæ hanc iniuriā ulcisceretur. Sed Rheam a Marte compressa geminos peperit, Romulum & Remum, quos Amulius in Tyberim proijci, & matrē uiuam insodi præcepit: sed ministri, misericordia moti in ripam posuerunt: qui postea a Faustulo pastore inuenti, sunt nutriti, & iam adultiores, cognita causa, Amulium interfecerunt, auoq; Numitori regnum restituerūt.

**Amxyrus**, quasi absq; rasura, cognomen fuit Iouis: nam Iupiter imberbis colebatur a Campanis, ab α, & ξυρῶω.

**Amycus**, penultima correpta, unus ē Centauris fuit, Ixionis & Nubis filius. Ouid. lib. 12.

Primus Ophionides Amycus, penetralia donis  
Haud timuit spoliare suis, &c.

Alius fuit Aeneæ comes. Vergil. lib. 9. —Inde ferarum  
Vastatorem Amycum, &c.

**Amycis**, siue Amycus, Neptuni & Melies nymphae filius, Bebritiorum rex, qui eam consuetudinē habuit, ut aduenas in Bebritium nemus sub euocationis prætextu ad castuum certamen perductos, ibidem interficeret. Quò Pollux etiam perueniens, ab eodem rege ad idem præliū fuit euocatus: sed Pollux in certamine insidias sentiens, cōuocatis socijs Amycū interfecit. Verg. —Qui se Bebritia ueniens Amyci de gente ferebat, &c.

**Amyclæ**, Laconiae fuit ciuitas, Tyndari regio, in qua Castor & Pollux educati sunt. Vnde Vergilius:

Talis Amyclæi domitus Pollucis habentis

Cyllarus, &c. Aliæ fuerunt in Italia inter Caietam & Tarracinam, à Laconibus Castoris & Pollucis comitibus cōditæ, & ab Amyclis Laconia sic appellatæ: cuius ciues cū secundum Pythagoram sectam, ab esu carniū & omnium animalium eadē abstinent, & serpentes ex uicinis paludibus natis occidere nefas putarent, ab iisdem sunt interempti. Sed cū frequenter hostium aduentus falsò nunciaretur, legibus cautum est, ne quis porro hanc famam spargeret. Vnde postea ex improviso captæ sunt Amyclæ. Hinc Vergilius:

— Tacitis regnavit Amyclis.

Amydon, penultima correpta, Pædonia ciuitas, de qua auxilia missa sunt Troianis. Inuenalis:

— Et hic Amydone relicta.

Amyntas, Macedonum rex, qui cū duas haberet uxores, ex priore tres suscepit filios, Alexandrum, Perdiccam, & Philippum, Alexandri Magni patrem: ex posteriore autem Archelaum, Archidæum, & Menclæum. Sed Philippus amoris erga fratres oblitus, eos trucidauit, atq; ita patri in regno successit.

Amythaon, Crethæi filius, ex Tyro susceptus, homo bellicosissimus. habitus etiam fuit inter nobiliores medicos præstantissimus. Hic postea ex Dorippe coniuge Melampum genuit. Hinc Amythaonius, a, um.

A N.

Ana, Hispania fluiuius, qui Bethicam à Lusitania diuidit: oritur in agro Amitano Hispania ceterioris, & modò in stagna se fundit, modò in angustias resorbet, & in totum se condit, sæpiusq; nasci gaudet: demum in Atlanticum mare effunditur.

Anacreon,

Anacreon, poëta fuit Lyricus, ex Teo Ioniæ urbe, cui Philocrates Samiorum rex plurimum detulit: amavit autem Batillum egregia forma puerulum: item Megistheum. Scripsit poëma penitus amatorium, lasciuiæquæ plenum. Tandem acino passæ uuæ strangulatus periit. Hinc Teius. Ouidius:

Quid nisi cum multo Venerem confundere uino,  
Præcepit lyrici Teia Musa senis?

Anager, seu Anagrus, seu Aniger, seu Antiger, Thessaliæ fluuius, in quo Centauri ab Hercule sauciati, uulnera sua lauerunt, quamobrem cum primò dulces habuisset aquas, postea in fœtidas sunt conuersæ.

Anagnia, ciuitas Hernicorum in Latio, ubi Antonius sorore Augusti contempta, et Cleopatra in uxorem ducta, monetam firiri iussit. Verg. lib. 7.

— Quos diues Anagnia pascit, et c.

Anāpis, Siciliæ fluuius, Cyanen Nymphā amasse fertur: quæ cum Plutonem inhibere uellet, ne Proserpinam raperet, ab ipso contempta in sui nominis fontem, uel secundum alios, in stagnum mutata est, et Anapi iuncta, in mare sese exonerat. Ouid. lib. 5. Metamorph.

Præterit et Cyanen, et fontes lenis Anapis.

Anas, fluuius est Hispaniæ, Lusitaniā à Bœthica separās, oritur in Lamitano agro citerioris Hispaniæ, nunc per angustias, nunc per stagna fluens, in Atlanticum mare cadit.

Anaurus, lenis fluuius in Thessalia, oriens in Pelio monte: sic dictus quod ex se neque auram neque nebulam mittat. Lucan. lib. 6.

Quiq; nec humentes nebulas, nec rore madentem  
Aëra, nec tenues uentos suspirat Anauros.

Anaxagoras, Clazomenius fuit philosophus, rerū physicarum doctissimus, generis gloria & diuitijs clarus, quæ omnia, imò & patriam, ut liberius philosophiæ operam daret, reliquit. Quum demum abunde in philosophicis disciplinis promouisset, in patriā reuersus est, ubi possessiones desertas inspiciens, Non essem, inquit, saluus, nisi ista perissent. Postremò Lampfaci fatis cessit. Strotius pater:

Hoc & magnanimus sensit Anaxagoras.

Anaximander, Milesius philosophus, auditor Thaletis, & eiusdem successor: qui primus cœlestia signa docuit, sphaeram item construxit, horologium & gnomonem inuenit, primus etiam geographicam tabulam edidit.

Anaxo, Ancæi cuiusdam filia fuit, quam quidam Alcmenes matrem faciunt, non Lysidicen sororem Pithei ex Pelope & Hippodamia, ut habet Plutarchus.

Ancæus, uel, ut quibusdam placet, Angæus, Lycurgi & Antinoës filius, & Epiochi frater. Ceterum hic Lycurgus Arcas quidam fuit, cui etiam festa quædam Molia uocata peragebant Arcades, cò quòd Ereuthalionem occidisset. Alius fuit Ancæus, Neptuni & Astypalææ Phœnicis filius: de quo Erasmus in prouerbio, Multa cadunt inter calicem, supremaq; labra. Ouidius in Ibyn hunc Lycurgi filium facit, foriasse poëtico more nomina confundens. Vide infrà Lycurgus.

Anchemolus, filius fuit Rhœti, Marubiorum regis, in Italia: cui cum pater Casperiam, seu Cassiam, nouercam superinduxisset, priuignus eandem stuprauit. quo cognito cum pater eum persequeretur, & ad pœnam uocaret, fugiens ille ad Turnum se contulit. Postea tamen à Pallante Euandri filio occisus est. Verg. lib. 10.

Et Rhœti



—Et Rhœti de gente uetusta,

Anchemolum, thalamos ausum incestare nouerca.

**Anchialos**, urbs est Ciliciæ, quam Strabo Sardanapali opus fuisse dicit. Ex hac urbe fuit Athenodorus, qui non à Sardanapalo, sed ab Anchiale Iapeti filia Cydmi matre conditam affirmat. Ouid. lib. 1. Trist.

—Et ab his per Apollinis urbem

Vectâ per Anchiali mœnia fundat iter.

**Anchises**, Capys filius, ante bellum Troianum, nemorum latebras & solitudines coluisse fertur. gregibus & armentis intentus fuit, quibus cum uacaret, à Venere adamari cœpit, & cum ea concubuit, unde natus est **Acneas** apud Simoënta Troiæ fluuium. Porro cum se Veneris concubitu usum fuisse iactasset, ab eadem oculis est priuatus, propterea dicunt eum Troianorum consilijs non interfuisse. Ardente Troia cum nulla salutis spes appareret, senio confectum **Acneas** humeris imposuit, secumque Drepanum usque, Siciliæ urbem uexit, ubi fatis conceffit. Vergilius:

Tu'ne ille **Acneas**, quem Dardanio Anchisæ

Alma Venus Phrygiæ genuit Simoëntis ad ūdas? &c.

**Ancon**, urbs fuit Piceni in littore Adriatici maris, à Siculis condita. Dictam uolunt, quod in morem cubiti sit constructa. Ancon enim cubitum sonat. Lucanus:

Illic Dalmaticis obnoxia fluctibus Ancon.

**Ancus Martius**, quartus fuit Romanorum rex, nepos **Numæ** ex filia, ab incuruo brachio dictus. Hic Latinos bello domuit, **Auentinum** & **Martium** montem urbi addidit: fertur præterea primus carcerem instituisse.

**Andabata**, populi sunt clausis oculis pugnantes. Cicero libro septimo Epistol. familiarium: Quem ne Andaba-

d 4

tam qui

tam quidem defraudare poteramus.

Andes, uicus fuit prope Mantuam, ubi natus est Vergilius Latinorum poetarum clarissimus, unde uocatur Andinus uates. Est et huius nominis populus Gallie in prouincia Turonensi, qui modò Andeuagenſes appellantur.

Androgeus, filius Minois Cretæ regis, et Pasiphaës, puer præclaræ indolis, qui cum omnes in palæstra superaret, ab Atheniensibus et Megarensibus ex inuidia occisus est. In cuius ultionem Minos Niso Megarensium rege occiso Megaram euerſit: Athenienses acri bello superauit, eosque quotannis septem adolescentes et totidem puellas, à Minotauro deuorandos in Cretam mittere cœgit. Vergilius lib. 6.

In foribus letum Androgeo, tum pendere pœnas  
Cecropidæ iuſſi, &c.

De his etiam quædam ſuprà de Aegæo, Tydei patre.

Andromache, Hectoris uxor, et filia Eetionis Thebarum Ciliciæ domini filia, quæ Aſtyanactem Hectori genuit. Mortuo Hectore Pyrrhus eadem in Græciâ abduxit, et ex ea Molossum ſuſcepit: poſtea uerò Heleno uati, Priami filio, cum parte regni in uxorem dedit. Vergilius lib. 3. Aeneid.

Hectoris Andromache Pyrrhin' connubia ſeruas?

Andromeda, Cephæi Aethiopum regis et Caſſiopes filia, ob matris ſuperbiam, quæ ſe Nereidas forma ſuperare gloriabatur, à Nymphis ſaxo fuit alligata, et ceto marino monſtro expoſita: poſtea tamen à Perſeo in patriam reuertente, occiſo prius ceto, liberata eidem nupſit. Eſt etiam cœleſte ſidus. Proper. lib. 2.

Andromeda monſtris fuerat deuota marinis,

Hæc

*Hæc eadem Persei nobilis uxor erat.*

**Andros**, insula & oppidum in mari Myrtoo, prima Cy-  
cladum.

**Angitia**, seu Angeronia, seu Angerona, Solis filia, &  
Circes soror, à qua haud longe morata est in agro Cam-  
paniæ, sed melioribus artibus operata. Alij tamen di-  
cunt eam uicina Fucini lacus occupasse, & ibidem sa-  
lubri scientia aduersus morbos incolis deseruisse, quam  
obrem diem claudēs dea ab ijsdem habita est. Huic apud  
Romanos, 12. Calen. Ianu. ferias celebrari, ei que à pon-  
tificibus in sacello Volupiæ sacra fieri solitum esse, Ma-  
crobius autor est. Dicta uel quòd populus Romanus mor-  
bo, qui angina dicitur, uoto præmissio, liberatus sit: uel  
quòd angores & solitudines animorū propiciata de-  
pellat. Angitia quoq; nemus Marsis inclytū. Verg. li. 7.

*Te nemus Angitiæ, uitrea te Fucinus unda,*

*Te fleuere lacus, & c.*

**Anio**, uel Anien, seu Anienus, Italiæ fluuius est, qui in  
Trebianorum monte ortus, tres nobiles lacus in Tybe-  
rim desert, & per Tyburtinum agrum decurrens cata-  
ractam facit. Sic dictus ab Anio Hetruscorum rege, in  
eodem submerso. Proper. libro 4.

*Ramosis Anio quâ pomifer incubat aruis.*

**Anitus**, Atheniensis fuit diues, qui cum Melito & Lyco-  
ne Socratem accusauit, & occidi curauit. Horatius lib.  
2. Serm. Sat. 4.

*—Qualia uincunt*

*Pythagoram, Aniti' que reum, doctum' que Platona.*

**Anius**, Apollinis fuit filius, qui habuit Andrum filium.  
Vergilius libro 3.

*Rex Anius, rex idem hominū Phœbiq; sacerdos, & c.*

d 5 Anna,

Anna, Beli fuit filia, & Didonis soror, cui in fuga comes fuit: qua mortua, & Carthagine ab Hiärbä rege occupata, ad Battum, Melines, uel ut alij, Melicæ, uel ut rursus alij, Corisæ insulæ regem, uetusti hospitij confisa iure, aufugit. Sentiens autem Pygmalionem arma aduersus eam mouere, à Batto, ut abiret, hortata, mare intrauit, & tempestate oborta, cum ad Camerem, seu ut alijs placet, Cratidem fluuium tenderet, in Laurentum litus delata est: ubi fortè ab Aenca, superato iam Turno, uisa, in regiam deducta est: ob cuius aduentum suspicata Lauinia ei insidias tetendit: sed Anna à Didone in somnis monita, regiam, ut infaustam domum, exiuit, & in Nuncicum fluuium se præcipitem dedit. Cum itaq; manè quæreretur, & uestigia usq; ad Nuncicum amnem apparerent, ipsa loqui uisa est:

—Placidi sum nympha Numici:

Anna perenne latens, Anna perenna uocor.

Ouidius lib. 3. Fastor.

Annibal, Amilcaris filius fuit, quem adhuc impuberem iurando ante aras pater astrinxisse fertur, ut quàm primum per ætatem liceret, arma contra Romanos sumeret. Quapropter iam adultus in Hispaniam traiecit, ibiq; quibusdā ciuitatibus subactis, Alpesq; aceto peruias faciēdo, quo expeditius traiceret, in Italiam uenit, atq; Titum Sempronium Cōsulem apud Trebiam profligauit, Flaminium Cōsulem fudit ad Trasimenum lacum, cæsis 1500. Romanorum: cuius tamen postea uires à Fabio Maximo multum sunt imminutæ. Sed rursus collectis uiribus, tertio Paulum Acmilium & Tarentium Varronem novos consules creatos apud Cannas uicit: in quo prælio ad quadraginta millia peditum, & duo

duo millia supra septingentos equites caesa dicuntur, adeo ut tres modios & dimidium annulorum Carthaginem miscrit. cumq; urbem capere facillime posset, in Campaniam reuertitur, & Capuae uoluptate detentus, omnem animi uigorem remisit, ut apud Cumas à Sempronio Graccho magna suorum caede repulsus, obsidio nem reliquerit. postea etiam apud Nolam non mediocre damnum à Marcello accepit. deinde à Carthaginensibus à P. Scipione in Aphricā misso, obsidione impulsis, ex Italia reuocatus, cum eodem apud Zamam Aphricae oppidum congressus est: in quo conflictu uiginti millia Poenorum caesa sunt, & totidem capta. Dux ad Antiochum profugit, cuius auxilio bellum redintegravit: sed Antiocho quoq; debellato Romani Annibalem sibi captiuum dari petierūt: quod Poenus scitens, ad Prusiam Bithyniae regem confugit. à quo eundem petierunt. Poenus autem Prusiae leuitatem suspectam habens, hausto ueneno quod sub gemma in annulo gesserat, uoluntaria morte obiuit. De Annibale latius scripsere historici, ut Liuius, Florus, & alij.

Ansanctus, lacus est apud Lucanos, uel, ut Plinius habet, in Hyrpinis, ex quo tam letalis odor euaporat, ut uolantes desuper aues eo suscepto necentur. Ver. lib. 7. Aene.

Est locus Italiae in medio sub montibus altis,  
Nobilis, & fama multis memoratus in oris,  
Ansancti ualles, & c.

Anthæus, Terrae filius, gigas fuit in Mauritania, ab eiusdem regionis flumine Antæo sic uocatus. homo in palestra exercitissimus, qui cum Hercule singulari certamine congressus, quoties ab eodem prostratus terram tetigit, toties fortior surrexit: mater enim eius Terra uires illi

illi auxit. Quod animaduertens Hercules, iam fessum ulnis in altum extulit, & tantisper tenuit, donec expirauit. Sunt tamen qui dicant, hunc ab Eubuleo primo Iouis filio, in luctu superatum esse, & eundem postea Herculis cognomen meruisse. Huius regiam in Mauritania esse, non procul ab Hesperidum hortis, Plinius autor est. Lucanus tamen ferè in fine libri quarti paulo aliter sentire uidetur, ubi totam hanc fabulam describit.

Antandros, urbs est Phrygiæ ad meridiem posita, quam habitauere Leleges finitimi Cilicibus, Aborigines olim cum habitaret Acarnaniâ. dicta autem, uel (ut habet Seruius) quòd de Andro insula eam condiderint coloni, quasi ἀνδρῶν πόλις: uel quia Græci ueniētes per Thraciam cepere Polydorum, pro cuius precio hanc urbem à Priamo acceperunt, quæ ex facto nomen sortita est. Ver. li. 3.

—Classemq; sub ipsa

Antandro, & Phrygiæ molimur montibus Idæ.

Antemnæ, oppidum est Italiæ, sic dictum, quòd amnis præterfluat, quasi ante amnem. Verg. lib. 7.

Ardea, Crustumeriq; & turrigeræ Antemnæ.

Antenor, unus è principibus Troianorum, qui patriam cum Aenea prodidisse fertur: uel, quòd legatos, qui propter Helenam uenerant, hospitio suscepit, & Ulysssem falso habitu cognitum non indicarit: uel quòd semper Helenam Menelao restituendam esse suascripserit, ne urbs bello uastaretur: quapropter etiam uterq; ad Græcorum exercitum tutò uenisse dicitur. Nauigans itaq; Venetiâ uenit, ibiq; condidit urbem Antenoream primò dictam (à qua Antenorida uocitati) quæ postea Patauium, deinde Padua appellata est, unde Patauini. Vergilius:

Antenor potuit medijs elapsus Achiuis

Illyricos



Illyricos penetrare sinus, &c.

Filios habuit, ut testatur Homerus, Archelochum, Athomanta, & Elycaona, & secundum quosdam, alios duos Archelaū & Anthēū, quem Paris imprudens interfecit.

Antidia, uide infra Autolia.

Anticyra, penultima correpta, insula est, ad sinum Maliacum & Oëtam montem, cuius meminit Strab. li. 8. ubi, ut ait Plinius, helleborum tutissimè sumitur. Est & Anticyra ciuitas iuxta Cyrrham in Phocide regione. Horatius,

Danda est hellebori multo pars maxima auaris.

Nescio an Anticyram ratio illis destinet omnem.

Antigōna, filia Oedipi Thebarum regis ex Iocasta: quæ parenti utroq; lumine capto, & in exilium à Creonte rege eiecto, ducatum miseranda præstitit: eadem postea cum ad officium funebre suorum fratrum, Etheoclis uidelicet & Polynicis, uenisset, ibiq; adiuuante Argia Polynicis coniuge, fratrum cadauera cremasset, ambæ Creontis iussu captæ & occisæ sunt, quarum mortem postea Theseus ulciscens Creontem interfecit.

Antigōna, alia fuit Laomedontis regis filia, quæ ob formæ pulchritudinem ausa fuit se Iunoni præferre: quæ propter Iuno irata, eam in ciconiam uertit.

Antigonus, rex fuit Macedonum, Alexandri Magni frater, qui eo mortuo in Asia regnare cœpit, & per 18. annos multa bella gessit, in quibus postremo occubuit: fuerunt autem multi alij huius nominis.

Antilōchus, Nestoris & Eurydices filius, qui patrem secutus ad bellum Troianum, in pugna à Memnone Aurora filio est occisus: uel, ut ait Ouidius, ab Hectore. Idem in epistola Penelopes:

Siue quis Antilochum narrabat ab Hectore uictum,

Antilochus



Antilochus nostri causa timoris erat.

Antimachus, poeta Colophonius, admodum tenebrosus: qui dum quoddam poema obscurum in auditorio recitaret, omnesque propterea discederent, excepto Platone: Legam tamen, inquit, nihilominus, quoniam unicus Plato est mihi pro omnibus. Hic aggressus belli Thebani materiam, uigesimum quartum uolumen impleuit, antequam duces Thebas usque produceret.

Antiochia, urbs Syriae, a Seleuco Nicanore condita, quam Orontes fluuius interfuit. Alia est ad Persicum littus, ab Antiocho, cui Soter cognomen fuit, fundata: hinc Antiochenus, et Antiochenus.

Antiochus, secundus, rex fuit Syriae, Seleuci filius, quo nomine postea et alij Syriae reges sunt appellati. Alius fuit Antiochus Ascalonita philosophus, Ciceronis et Bruti praceptor.

Antiope, Nyctei fuit filia, et uxor Lyci regis Thebarum Aegyptiarum: quam Iupiter in Satyrum mutatus compressit: quod cum Lycus comperisset, ea repudiata, Dirce superinduxit, a qua in carcerem coniecta est. uerum cum partus aduenisset, ruptis uinculis aufugit in Cytheronem, ibique Zethum et Amphionem peperit, et exposuit: sed a pastoribus reperti, ab iisdem educati sunt: qui postea adulti matris iniuriam ulciscunt, Lycum cum uxore Dirce interfecerunt. Vide supra Amphion.

Antiphates, rex fuit Laestrygonum, Melampodis, seu, ut alij uolunt, Lami filius, qui Formiarum oppidum condidit. Hic cum ceteris Laestrygonibus humana carne uescebatur. Politianus:

Et Lamium Antiphaten, et uirga, et pocula Circes. Antiphates, alius, fuit Sarpedonis filius, qui Aeneam  
in Ita

in Italiam secutus à Turno Rutulorum rege occisus est.  
 Antiphonon, Priami filius, qui comitabatur patrem, cum  
 Hectoris corpus ab Achille redimeret.

Antiphus, Priami filius ex Hecuba, quem Agamemnon  
 unâ cum Iso fratre, sed illegitimo thoro nato, in bello  
 Troiano interfecit. Alius fuit Herculis Theffali regis fi-  
 lius, qui cum Phidippo fratre ad bellum Troianum pro-  
 fectus est.

Antisthenes, princeps Cynicæ sectæ, Socratis auditor, ad  
 quē quotidie ibat ex Piræo, quadraginta stadijs emēsis.

Antonius Musa, medicus fuit Augusti Caesaris, homo  
 medēdi arte insignis, meminit eius Horatius in quadam  
 epistola: itē Pli. lib. 29. Natu. Histo. ca. 1. & li. 30. ca. 3.

Antronia, urbs est in Messenia, Peloponesi regione, ab  
 antris, è quibus molares lapides exciduntur, appellata:  
 à Strabone Antron dicta.

Antropophagi, Scythiæ populi, qui humana carne ue-  
 scuntur, Massagetis finitimi.

Antium, urbs in Latio & Romanorū colonia: dicta quòd  
 ante alias urbes, hoc est, in ipso maris littore sita sit, cu-  
 ius inhabitatores Antiates dicti sunt. Erat in eadem ciui-  
 tate celeberrimum Fortunæ templum. Horat. lib. 1. Car.

O diua gratum qui regis Antium, & c.

Anūbis, Osiridis & Isis filius, & Aegyptiorum deus,  
 qui figurabatur capite canino, eò quòd canem, tanquam  
 armorum insigne, gestabat. Ovidius:

Per tua sacra precor per Anubidis ora uerendi.

Anxius, fluuius ex Armenio monte oriens, per Caucasum  
 in Mesopotamiā defluit, & Pactolo flumini & Cauca-  
 so cadēti occurrit, unūq; facti in Euphratē demerguntur.

Anxur, alio nomine Tarracina, Volscorū oppidum est,  
 tam ma

tam masculini, quàm neutri generis. *Martialis:*

*Sive salutaris candidus Anxur aquis. Horatius:*

*Impositum saxi longe candentibus Anxur.*

*Anxurus, dictus est Iupiter, qui maxime Anxure colebatur: uel quòd nunquam barbam rasisset. Verg. li. 7. Aene.*

*—Queis Iuppiter Anxurus aruis*

*Præsidet, &c.*

*Anyger, seu Anygrus, fluvius est Thessaliæ. Ovidius:*

*Fundit Anygrus aquas, &c.*

*Fortasse idem qui supra Anager dicitur.*

## A O.

*Aon, Neptuni filius, qui factione suorum ex Apulia pulsus, nauigio Eubœam uenit, & inde se in Bœotiam detulit, ubi populis montes habitantibus imperauit, eosq; Aones, unâ cum montibus ex suo nomine appellauit, à quibus Neptuni filius est habitus, cum Onchesti ditissimi cuiusdam Apuli filius fuerit, ex Parichia coniuge: filium Dymantem reliquit, qui ei in regno successit.*

*Aonia, est pars montana Bœotiæ, ab Aone Neptuni filio sic dicta. In hac regione sunt montes Aones, in quibus fons est Aganippe, qui dicitur Aonus: inde Musæ dictæ Aonides. Sunt tamen qui Aones in Thracia sitas tradant. Hinc Aonius, a, um. Ovidius:*

*Separat Aonius Attæis Phocis ab aruis.*

*Aorsî, populi non procul ab Araxe fluuio, qui in Hircanum mare cadit, ut autor est Ptolemæus. Alios Plin. in Europa collocat. Strabo scribit Aorsos Tanaim accoluisse.*

## A P.

*Apamea, siue Apamia, insula est à Tigri fluuio circumfusa: sic dicta, ut inquit Plinius, ab Antiochi matre. Est & Apamea Bithyniæ oppidum, à Nicomede Prusij regis filio*

gis filio sic appellata, quæ postea Mirlea à Mirlo Colophoniorum duce dicebatur.

Apelles, pictor præstantissimus, qui Cois Venerem inceptam moriens reliquit imperfectam: nec repertus est, qui tam egregio operi succedere uellet. uixit temporibus Alexandri Magni.

Apenninus, siue Apœnninus, mons est altissimus, qui per mediam & uniuersam Italiam in longum extenditur: cuius dextra pars Tyrrhenum mare, sinistra uerò Adriaticum respicit. Hinc Apenninicola, & Apœniniger. Horat. in Epod.

In mare seu celsus procurrerit Apenninus.

Apœsus, untis, mons est Nemeæ superiacens, ubi Theseus Ioui primum operatus creditur, propter quod Apœsuntius quoq; dictus est. Pap.

Mons erat audaci seductus in æthera dorso,

Nomine Lernæi dicunt Apœsuntia coloni:

Gentibus Argolicis olim sacer, &c.

Apher, aliquis ex Aphrica. Lucanus:

Et solitus uacuis errare mapalibus Apher.

Aphrica, tertia pars terræ est, inter Asiam, Europam, & Austrum sita, incipiens à finibus Aegypti, & se ad Gaditanū mare usq; protendens. In hac sunt Mauri, Getuli, Numidæ, Garamantes, Aethiopes, & nobilis urbs Carthago, ubi propriè Aphricam dici uolūt: reliqua enim terræ pars quondam Libya dicebatur. Dicta ab α, & φέρειν, id est, horror, quem ex frigore contrahimus. Alij per s, Latinū scribunt, Africa.

Aphricum mare, dicitur quod Aphricam alluit, à Metagono promontorio ad Orientem usque ad Philenorū aras sese extendens, & Sardo, Siculo, & Ionio mari

e con

conterminum.

Aphricus, uentus est meridionalis, flans inter Austrum  
& Zephyrum.

Aphrodisia, insula est in mari Persico, ubi Persis à Car-  
mania discescitur. sic dicta, quòd in ea Venus quàm  
religiosissimè coleretur. alio nomine *ῥοδία* dicta.

Aphrodite, dicta est Venus, ab *ἀφρός*, id est, spuma maris.  
nam de spuma maris nata dicitur. uide infra.

Apis, Argiuorum rex fuit, ex Ioue & Niobe Phoronei  
filia progenitus. Isidem habuit in uxorem. Hic cum  
Aegialeum fratrem regem præfecisset Achaiae, in Ae-  
gyptum suum imperium transtulit: & cum ibi multa,  
præcipuè uini usum, homines rudes docuisset, post mor-  
tem factus est Serapis & maximus Aegyptiorum deus:  
qui in forma bouis adhuc uiuētis celebratur: quem post  
certos uitæ annosmersum in sacerdotum fonte enecabāt  
alium luctu quærentes quem sustulerunt: mœrebantq;  
derasis tantisper etiam capitibus, donec alium repe-  
rissent. Est autem Apis, lingua Aegyptiaca, bos. Ma-  
crobius per Apim Solem intelligi putat, libro 1. Sa-  
turnalium. Ouidius:

Et comes in pompa corniger Apis erat.

Vide Osiris alibi, ubi priora ex Perotto, & alijs pau-  
lò aliter tractantur.

Apitius, nobilis Romanus, & ualde gulosus, qui congia-  
ria principum & ingens Capitolij uectigal commessa-  
tionibus hausit: uixit temporibus Senecæ, & , ut idem  
inquit, in ea urbe popina sciētiam professus est, ex qua  
philosophi, ut iuuentutis corruptores erant ciecti. Por-  
rò cum sesterium millic in culinam congesisset, mul-  
taq; alia dilapidasset, ære alieno oppressus, rationes tunc  
primum

primum coactus inspexit: super futurum centies computauit: & uelut multa fame uicturus, si in sestertio cēties uixisset, ueneno uitam finiuit. Qua luxuria erat, cui centies sestertium egestas fuit? Iuuenal.

Quæ miser & frugi non fecit Apitius, &c.

Apollo, alio nomine Phœbus, Iouis & Latonæ filius, natus est in Delo, eodem partu cum Diana, quæ & ipsa Phœbe dicitur. Adultus Pythonem serpentem sagittis occidit, deinde Cyclopes, ob fabricatum fulmen, quo filius eius Aesculapius fuit ad inferos detrusus: unde aliquandiu diuinitate priuatus, Admeti Thessaliæ regis armenta apud Amphrisum eiusdem regionis fluuium paut. Fertur accepisse citharam à Mercurio, & postea Musis præfuisse. Amauit Cyrenen puellam, item Daphnen, Penci fluminis filiam: quæ fugiens illius amorem, in laurum conuersa est, arborem huic sacram. Item Hyacinthum, liberali forma puerulam, quem mortuum inflorem sui nominis commutasse fertur. Branchū item Thessalum, cui in suo templo sacra fieri iussit. Vicit Marsiam tibicinē, à quo laceßitus fuerat tibiæ cantu: uictum excoriauit. Ilij muros, adiuuante Neptuno, Laomedonti regi edificauit. Medicinæ usum primus intulisse, & propterea deitatem meruisse dicitur. Author est Carminis & Musices, quapropter poëtæ præcipuum sibi numen faciunt. In Rhodo insula colossū habuit tantæ magnitudinis, ut inter septem mundi miracula sit connumeratus. Triplex est eius potestas: ut sit Sol in cælo, Liber pater in terris, Apollo apud inferos. eius simulachro tria adpingebantur, lyra, clypeus, & sagittæ. Eidem & Baccho perpetua iuuentus adscribitur, propterea semper imberbis à poëtis fingi-



tur. Multa habet nomina, quæ à locis, in quibus potissimum colebatur, ei sunt indita.

Apollodorus, primus fuit Atheniensis poëta comicus. Secundus Geleus, cuius comœdiæ fuerunt Philadelphi & Sisyphus. Tertius Tharsensis tragicus. Quartus item Atheniensis grammaticus Aristarchi discipulus. Quintus Pergamenus rhetor, præceptor Cæsidi, qui docuit Augustum. Sextus, Alexandrinus comicus, æmulus Menandri, de quo Martialis:

Apollodoro plaudit imbrifer Nilus.

Apollonia, urbs est in Epiro, uel Macedonia parte, quæ Albania dicitur, Corinthiorum colonia. Alia est in Syria: alia item in Creta. Est & Apollonia inter insulas Thraciæ, cis Istrum amnem locata.

Apollonius, philosophus Alabandensis, qui Rhodijs uixit, unde Rhodius appellatus est, sub quo Cicero & Cæsar condiscipuli fuerunt.

Aponus, Venetiæ fluius est iuxta Patauium. Lucanus:  
Euganeo, si uera fides memorantibus, augur,  
Colle sedens Aponus, ubi fumifer exit,  
Atq; Antenorei dispergitur unda Timauis, &c.

Appia uia, est à Roma in Campaniam, & ad mare usq; ad Brundisium, quam Appius Claudius Consul lapidibus strauit.

Appidanus, fluius est Thessaliæ, in quo Enipeus, Melas & Phœnix miscentur, quos ipse secum in Peneon defert, ut habet Luca. lib. 6. Propert.

Qualis in herbofo concidit Appidano.

Aprutium, Italiæ regio inter Apuliã & Picenum, quæ & Samnium dicebatur, ubi multi erant populi: in ea sunt ciuitates Aquila, Adria, Sulmo, Ortona, Aquinũ, Arpinum,



Arpinum, & alia multa.

Apsus, fluuius est Macedonia. Lucan. lib. 5.

Tellus, quam uolucer Genusus, quam mollior Apsus,  
Circumeunt ripis, &c.

Apulia, regio in Italia, mari Adriatico uicina, inter Dauniam & Calabriā, quæ & Iapigia ab Iapige Dædali filio, qui eam regionem tenuit usque ad Dauniam, dicta est. In hac sunt urbes, Barrum, Beneuentum, Luceria, & mons Garganus. Iuuenalis:

Vendit agros, sed maiores Apulia uendit.

At in deriuatiuo u, corripitur, Apulus, aliquis ex Apulia. Lucanus:

Apulus Adriacas exit Garganus in undas.

## A Q.

Aquileia, seu Aquilegia, oppidum in Carnorum regione, iuxta quam defluit Timauus: à legendis aquis sic dicta. Martialis:

Et tu Ledæo felix Aquileia Timauo.

Aquitania, regio, & pars Gallie, alio nomine Aremonica dicta, à Circio Oceanum habens, qui Aquitanicus sinus dicitur, ab Occasu Hispaniæ, à Septentrione Lugdunensem prouinciam. Hinc Aquitanus, a, um, & Aquitani populi.

## A R.

Ara, est signum cœleste, & propterea inter astra relata, quòd in ea confœderatio deorum cōtra gigantes facta fuit. Est etiam ciuitas regia Arabiæ, nec non & insula Arabiæ adiacens, ut autor est Ptolemæus.

Arabarches, Arabum princeps. Iuuenalis:

Atq; triumphales, inter quos ausus habere

Nescio quis titulos Aegyptius atq; Arabarches.

Arabes, dicuntur populi, unguentis & aromatis fruticibus abundantes: hi mitrati degunt, & intonso crine: barbā abradunt, præterquā in superiori labro: sagittas ueneno inficiūt: matrimoniū nō habēt, &c. Verg.

Hircanis'ue Arabis'ue parant, &c.

Arabia, regio est Asiæ maioris inter Iudæam & Aegyptum, ab Arabe Apollinis ex Babylone filio sic dicta. Quidam putant Arabiam, Panchaiam, & Sabæorum gentem eandem esse. Vergilius:

—Solis est thurca uirga Sabæis. Item,  
Totaq; thuriferis Panchaia diues arenis.

Item in culice. —Panchaia thura.

Est autem triplex, Felix, Petrea, & Deserta. Propertius primā per Epenthesin produxit, cum inquit:

Nec siqua Arabio lucet bombice puella.

Arabs, Apollinis fuit filius ex Babylone, ut inquit Plinius: quem medicinæ artis dicit etiam repertorē: fortasse quod Babylone natus, ibiq; medicinæ studuerit, postea autem ad Arabes detulcrit.

Arachne, mulier fuit Lydia, & Idmonis filia, quæ ausa fuit cum Minerva lanificio certare. Minerva autē cum iam penē esset uicta, irata radio Arachnen percussit, & in tantum animi dolorem compulit, ut illa se laqueo suffocauit: cuius tamen miserta Minerva, in araneam commutauit. Ouidius:

Ter, quater Idmonia frontem percussit Arachnes.

Arachnæus, a, um, possessiuum apud Manilium.

Aracynthus, mons est Acarnaniæ, dicatus olim Minervæ: quidam uerò Achaia, quidam Aetoliæ dicunt. Vergilius in Bucol.

Amphion Dirceus in Actæo Aracyntho.

Araris

Araris, seu Arar, fluuius est Gallie Narbonensis, ex monte Vogeso per Burgundiam defluens, circa Lugdunum Rhodano se miscet, adeò lentus, ut difficile sit iudicare, utram in partem defluat. Claudianus:

Quos Rhodanus uelox, Araris quos tardior ambit.  
Lucanus libro 7. — Rhodanumq; morantem

Præcipitauit Arar, &c.

Aratores, populi sunt Scythiæ, in ea parte Aemii montis habitantes, ubi Polydori tumulus ostenditur, ut ait Solinus.

Aratus, poëta fuit Cilix, Menecratis discipulus: scripsit *Phænomena*, hymnos in Pana, item de *Astronomia*, quod opus Cicero carmine reddidit. Ouidius:

Cum Sole & Luna semper Aratus erit.

Alter fuit Aratus Sicyonius, optimus princeps, qui patriam suam à tyrannide liberauit, de quo Tullius lib. 3. *Officiorum*.

Araxes, Armeniæ fluuius, ortum habens à quodam monte, qui à Strabone Abon seu Aban dicitur, à Plinio uero Agan, & labitur in mare Caspium. super hunc Alexander Magnus, & Augustus Cæsar pontes struxerunt. Lucanus:

— Armeniumq; bibit Romanus Araxem.

Arcadia, pars est Achaie mediterranea, inter Elidem & Laconiam, antè Drymodis & Pelasgis dicta: regio montosa, cuius incolæ plerique sunt pastores: in ea quoq; sunt asini grandes, unde pecus Arcadicum uocatur asininum.

Arcas, Iouis & Calistonis fuit filius, à quo Arcadia, item Arcades, dicti sunt: quos quia uetustissima gens est, ante solem & lunam fuisse poëta fabulantur. Hūc

Arcadem Lycaon, cū Iouem hospitio recepisset, infantem membratim lacerauit, & Ioui comedendum apposuit: quod animaduertens Iupiter, Lycaonem incensa prius eius domo, cōmutauit in lupum: Arcadem uerò compactis membris in uitam reduxit, & iam adultum una cum matre à Iunone ob adulterium in ursam mutata, astris intulit. Et sic Calisto facta est ursa maior, Arcas uerò minor. Quod Iuno agrè ferens à Tethye precibus impetrauit, ne Calisto & filius postquam sidera facti essent, in Oceano, ceu cetera solent, lauarentur. Sunt tamen qui Arcadem in Booten mutatum dicant: communior tamen est prior sententia. Varias opiniones uide apud Perottum.

Arcefilas, Pytaneus, philosophus academicus, qui patriam suam Pythanam in Acolia relinquens, Athenas peruenit, ibiq; Crantoris auditor fuit. Obijt cū immodicè bibisset uinum. Persius:

— Non ego curo

Esse quod Arcefilas, erumnosiq; Solones.

Arceſius, Iouis fuit filius, pater Laërtis, ut testatur Vlyſſes apud Ouidium, contra Aiaceſem loquens:

Nam mihi Laërtes pater eſt, Arceſius illis,

Iuppiter huic, &c. ſcilicet Arceſio.

Archelaus, Antenoris Troiani fuit filius, Homero teſte, rei militaris peritiſſimus. Alius fuit Athenienſis philoſophus: uel, ut alij uolūt, Mileſius, auditor ſucceſſorq; Anaxagoræ, qui primus ex Ionia Phyſicem Athenas inuexit. Alius item fuit Archelaus, geographus, qui terram omnem ab Alexandro Magno peragratam deſcripſit.

Archemorus, Lycurgi Nemeæ regis filius, à ſerpente infans

infans necatus, dum nutrix sitientibus Achivis, cum ad expugnandas Thebas proficiscerentur, fontem Langiam ostendens, eum reliquisset in gramine: unde fons ille Archemorus dictus est: & in huius pueri honorem instituti sunt ludi Nemei. Alio nomine Opheltes. Alius fuit Archemorus, ut quorūdam opinio est, Amphionis ex Niobe filius, quem Cuidius Antegorum nominat.

Archeptolemus, filius fuit Iphiti, & Hectoris auriga, Enipeo interfecto à Diomede, suffectus.

Archias, nomen est poëtae, de quo extat oratio apud Cicronem. Fuerunt autem & alij huius nominis multi.

Archigenes, medici nomen, in quem saepius inuehitur Galenus. Iuuenalis: —Tunc corpore sano Aduocat Archigenem, &c.

Archilochus, poëta fuit Parius, iambici carminis inuentor, qui Lycamben soccrum ad laqueum adegit, propter repulsam, quam passus erat in nuptijs eiusdem filiae Neoboles. unde Horatius:

Archilochum proprio rabies armavit Iambo, &c.  
Huius liberos ob inuerecūdiam & obscœnitatem Lacedæmonij ex urbe tolli iusserunt, autoremq; eorum in exilium miserunt. Postremò à quodam, cui nomen Coraci, in bello est interfectus. Floruit autem hic poëta temporibus Romuli.

Archimedes, Syracusanus philosophus, & maximus geometra, qui etiā primus sphaeram inuenit, ut ait Cicero: sed secundum alios Anaximādro hoc inuentum tribuitur. Dicitur præterea uitream habuisse sphaeram, in qua Sol & Luna sponte cursum suum perficiebant. Occisus est per ignorantiam à quodam milite Romano, cum tamen hunc Marcellus captis Syracusis serua-

ri mandasset: sed bellicus furor edictum neglexit.

Archytas, Mnessagoræ, uel, ut alijs placet, Aestiei filius, Tarentinus philosophus, qui Platonem, cum à Dionysio tyranno necandus esset, per epistolam eripuit, in omni genere uirtutis & scientiæ admirabilis, & princeps suæ ciuitatis. eubum præterea primus omnium inuenit.

Arctophylax, interpretatur custos ursæ. est stellula iuxta maiorem ursam: alio nomine Bootes, item Arcturus dicitur. Luca. lib. 8.

Arctophylax propiorq; mari Cynosura feretur.

Arctos, id est, ursa, sidus est circa polum arcticum. Est autem duplex: maior, quæ et Elice dicitur, in quam Calisto Lycaonis Arcadiæ regis filia à Iunone mutata est, ob adulterium cum Ioue: & minor, quæ & Cynosura, item Phœnice uocata est, de quibus latius supra in dictione Arcas. Ouidius libro 4. Fastor.

Esse duas Arctos, quarum Cynosura petatur

Sidonijs, Elicen Graia carina notat.

Ardea, ciuitas Rutulorum in Latio, à Pilūno Iouis filio & Turni abauo in monte condita, distans à Roma 170. stadijs. Hanc post Turni mortem igne consumptam, & in auem sui nominis commutatam esse, Ouidius in Metamorphosi docet. Hinc Ardeates, eiusdem oppidi incolæ.

Auentinus, mons est Italiæ, non procul à Roma, in quo Præneste oppidum situm est.

Areopagitæ, iudices fuerunt Athenienses, qui tantum de causis capitalibus pronunciabant, tanta integritate, ut noctu, non interdum iudicarent, quò non dicentes, sed quæ dicerentur obseruarent.

Areta, Aristippi philosophi fuit filia, quæ ei successit in schola,

*ſchola, ſummum bonum in uoluptate, quæ ſenſum moueret, ponens.*

*Arete, unica fuit nata Reginoris, quam Alcinous Reginoris frater in uxorem duxit, & ex ea Nausicaam filiam, & tres filios ſuſcepit.*

*Arethufa, Nerci & Doridis filia, Elidis nymphæ & Dianæ comes. Hanc cum Alpheus nudam cõſpexiſſet, adeo eius amore exarſit, ut ſtatim eam obtinere uolu- rit: illa autem fugiens, Dianæ auxilium inuocauit: quæ illius miſerta, in fontem ſui nominis commutauit: cuius aquas cum ſuis miſcere uellet Alpheus, à terra abſor- pta in Ortygiam inſulam, deinde in Siciliam delata eſt. Alpheus autem cum propter mare ſequi nõ poſſet, per cuniculos ſubterraneos in Siciliam peruenit, ibiq; asso- ciatis Arethufæ aquis, in mare Siculum ſeſe exonerat. Ab hac Syracuſæ dictæ ſunt Arethufides. Ouidius:*

*Vtq; Syracuſas Arethufides abſtulit armis*

*Claudius, &c.*

*Eſt item fons Smyrnæ, item in Chalcide, præterea in Ithaca inſula. Solinus quoq; fontis nomen apud The- bas eſſe tradit. Eſt etiam, ut idem autor habet, lacus Ar- menia maioris, per quem Tygris fluuius tam impetuo- ſo curſu fluit, ut nec lacus Tygri, nec Tygris la- cui admiſceatur. Hunc Strabo Arſenen, Plinius Ar- tiſſam uocat.*

*Aretium, oppidum Hetruriæ, uasis fictilibus admodum celebre. nam ex ea terra uafa fiebant multum lauda- bilia, ut ait Plinius. Aretinus, a, um, poſſeſſ. Martial.*

*Aretina nimis ne ſpernas uafa, monemus:*

*Lautus erat Thuſcis Poſſena fictilibus.*

*Argeus, Pelopis fuit filius, & Alektoris pater. Alius fuit*

*Licymnij,*



Licymnij, qui ab Hercule abductus, ui morbi peregrè perijt: cuius crematos cineres Hercules retulit, ut iusiurandum, quod dederat se illum reducturum, seruaret. Hunc dicunt primum fuisse, qui crematus sit, & ab eo deinde morè seruatum. Est etiam eiusdem nominis Cappadociæ mons, arduus, & perpetuis pruinis rigens, cui Mazata ciuitas Cappadocum metropolis subiacet.

Argia, i, producta, Adraſti fuit filia, & uxor Polynicis, cui Theſſandrum peperit. hæc cum finus uiri ſui in bello caſi curaret, & id faceret contra decretum Creontis, cum Antigona Polynicis ſorore capta & occiſa eſt: in cuius ultionem Theſeus poſtea Creontem regem interfecit. Vide ſuprà, Antigona & Adraſtum.

Argiletum, Romæ locus erat, iuxta Palatium, ubi Argus ſepultus eſſe uoluit. Alij ab argilla locum dictum putant. multæ illic erant tabernæ. unde Martialis:

Argiletanas mauis habitare tabernas.

Arginuffæ, paruæ inſulæ ſunt non longè à Leſbo & Mitylena.

Argo, dicitur fuiſſe prima nauium, dicta ab autore eiſdem nominis, uel, ut quidam uolunt, à celeritate. Conſtructa autem fuit arboribus Dodonæ ſyluæ, quibus olim reddebantur oracula: unde poëtæ fingunt ipſam fuiſſe locutam beneficio Mineruæ, quam eiſ inuentricem eſſe ferunt. Hac naue Iaſon conuocatis Theſſaliæ heroibus Colchos ad rapiendum aureum uellus profectus eſt. Verg. Eclog. 4.

Alter erit tum Tiphys, & altera quæ uehat Argo  
Delectos heroes.

Argolis, ſeu Argia, regio eſt in Peloponeſo, ad Ortum mare habens, ad Occidentem, Laconiam.

Argoæ

Argonautæ, dicuntur heroës illi, qui in Argo naui Colchos profecti sunt ad rapiendum aureum uellus. Sunt qui dicant 52. numero fuisse, alij quatuor addunt, quorum præcipui sunt Iason Tiphys, Castor, Pollux, Hercules, Theseus, Orpheus, Nauplius, Mopsus, Zethes, & Calais.

Argos, uetus & nobilis urbs Achaïæ in Argolide, quod etiam Argos hippium uocatum est, ab equorum præstantia, qua tum temporis claruit. hinc Horatius:

Aptum dicit equis Argos, ditesq; Mycenæ.

Inde Argiuis, Argous, & Argolicus. Aliud est in Thessalia, quod Homerus Pelasgicum uocat. Aliud itē in Acarnania, quod Amphiloichium cognominatur.

Argulus, filius fuit Amyclatis, quem primū apud Achaeos quadrigam iunxisse dicunt, cū alij Arogylo illud adscribant.

Argus, Aristoris fuit filius, centoculus, adhibitus à Iuno ne ad custodiendam Io, filiam Inachi, ab eadem ob Iois adulterium in uaccam commutatam. Sed Mercurius à Ioue missus, cantus dulcedine sopitum illum occidit, cuius oculos Iuno caudæ pauonis indidit, quæ inde aus Iunonia dicitur. De hoc ita Ouidius:

Centum luminibus cinctum caput Argus habebat:

Inq; suis uicibus capiebant bina quietem:

Cætera seruabant, atq; in statione manebant.

Aria, Romana fuit mulier (licet alij Patavinam faciant) quæ damnato Pæto marito suo, corpus gladio fodit: quem uulnere educens, ipsi Pæto querenti dedit, ut idē faceret. Martial.

Castæ suo gladium cum traderet Aria Pæto,

Quem de uisceribus traxerat ipsa suis.

Ariadne,

Ariadne, filia Minois regis Cretæ ex Pasiphaë uxore, cuius industria Theseus ab Atheniensibus Cretam missus, à Minotauro deuorandus, Labyrinthum filo duce, quod Ariadne dederat, euasit, occiso tamē prius Mino-tauro. Theseus autē eius amore captus, cū in patriam reuerteretur, eam abduxit: sed prioris beneficii inmemor, abductam in insula Chio, seu Naxo periurus deseruit: quam Bacchus postea in uxorem duxit, eiusq; coronam nouem stellis ornatam, quam à Venere acceperat, astris intulit, uocaturq; corona Gnosia. Postremo à Diana sagitta dicitur occisa, eò quòd uirginitatē non seruasset.

Aricia, urbs fuit in Latio post Albanum montem in Appia uia, ab Hippolyto condita, & ab Aricia nobili Atticæ regionis foemina, quam idem adamasse fertur, sic dicta. Martialis:

Mittit præcipuos nemoralis Aricia porros.

Inde Aricinus, adiectiuum, ut, Aricinum nemus, ab Aricia ciuitate denominatum, in quo Diana Hippolytum ab inferis Aesculapij opera reuocatum abscondidit. Est præterea in hoc nemore Aegeriæ nymphæ fons, ubi Numa hydromātiā exercēs, dicebat ab eadem nympha sibi dari consilia. nec procul inde est Aricinus lacus.

Arimaspus, fluuius est Scythiæ in Asia aureis arenis abundans. unde Lucan. lib. 3. —Auroq; ligatas

Substringens Arimaspe comas, &c.

Hinc Arimaspi, eiusdem fluminis accolæ, habentes unum oculum in fronte: qui perpetuò bella gerunt cum gryphibus, aurū & smaragdos colligentibus. Mantu.

—Massagetæ gladiosq; Arimaspos.

Ariminum

Ariminum, urbs uetus in Flaminea iuxta Rubiconem fluuium, qui Galliam à Flaminea separat. Lucan. lib. 1.

Vicinumq; minax iuuadit Ariminum & ignes.

Ariminenlis, e, adiectiuum apud Horatium.

Arimphæi, populi sunt Asiæ septentrionales prope Riphæos montes, pro domibus nemora, pro alimentis baccas habent, & tam fœminæ, quàm mares comant tondent.

Arion, Methymnæus fuit cytharædus, lyricus, ex Lesbos insula, charus Periandro Corinthiorum tyranno: qui in Italiam profectus grandem pecuniam arte sua promeruit. cumq; iterum Lesbos insulam peteret, uideretq; sibi insidias à socijs parari, propter opes quas secum ferebat, nautas orauit, ut carmen aliquod, priusquam moreretur, concinere permitterent. quod cùm impectrasset, raptâ cithara modulans de nauî in mare se coniecit: sed à delphine illecto eius cantu dorso exceptus, Tenarû (quod oppidû est Laconiæ, à Tenaro promontorio sic appellatum) uestus est, & ibi relicto delphine Corinthum petijt, omnemq; rem gestâ Periandro enarrauit: qui tamen illius uerbis minime credidit, donec omnia ita esse facta à nautis compertus est. Verg. eclo. 5.

—Sit Tityrus Orpheus,

Orpheus in syluis, inter delphinas Arion.

Est etiam Arion equi nomen, de quo multa habentur infra, ubi Cygni mentionem facimus. Propert. lib. 2.

Qualis & Adraſti fuerit uocalis Arion,

Tristis ad Archemori funera uictor equus.

Arisbe, oppidum est in Rhœteis littoribus. Lucan. lib. 3.

—Et nimum glebis exilis Arisbe.

Aristæus, filius Apollinis & Cyrenes Penei filiæ, qui a-

more

more Eurydices uxoris Orphci incensus, eam uitia-  
re uoluit : illa uerò fugiens à serpente est occisa : in  
cuius ultionem nymphæ omnes apes perdidērunt.  
Quapropter matris auxilium implorauit, quæ illum  
ad Prothea ad oraculum consulendum perduxit : à quo  
infertunij causam edoctus, Eurydicen sacrificijs placare  
iussus est. quod cum faceret, taurosq; quatuor & to-  
tidem iuuenças immolaret, ingens apum multitudo è  
bobus erupit, atq; hoc pacto apes suas recuperauit, ut  
satis copiose tradit Vergilius ferè in fine libri quarti  
Georgicorum, cùm inquit:

Pastor Aristæus fugiens Peneia Tempe, &c.

Fuit autem mellis & uenationis inuētor: primus etiam  
pascua tam pecorum quàm iumētorum inuenit, ante im-  
psum enim custodes non erant.

Aristarchus, grammaticus fuit insignis, qui Homerum  
interpretatus est. Ouidius:

Corrigere at res est tanto magis ardua, quanto

Magnus Aristarcho maior Homerus erat.

Aristides, penultima longa, Atheniensis fuit, nobilitate  
& iustitia insignis, adeo ut eius iustitia in prouerbium  
abierit. Huius iustitiā nō ferens Themistocles, exilio de-  
cem annorum damnari curauit. Postea ueniente cum  
ingenti exercitu Xerxe Persarum rege, pro salute pa-  
triæ ab exilio reuocatus est. Tandem cum multas præ-  
fecturas gessisset, in tanta paupertate obiit, ut uix tan-  
tillum pecuniæ corradi potuerit, quæ uespillonibus da-  
retur. Alius fuit pictor Thebanus, qui primus animos  
& uultus expressit. Alius item fuit rhetor & sophi-  
sta, qui uixit temporibus Antonij & Commodi Impera-  
torum.

Aristippus,



Aristippus, Cyrenaicus fuit philosophus, auditor Socratis, qui instar Epicuri, summum bonum posuit in uoluptate, cuius sectatores dicti sunt Cyrenaici. Relicta patria in Græciam profecturus ad philosophandū, seruis aurum portantibus imperauit ut abijcerent, quod aurū bonis impedimento esse suspicaretur. Is tamen primus omnium Socraticorū mercede philosophatus est. Meruit nomen regij canis, quod Dionysio uentris gratia adularetur. unde Horatius:

*Si pranderet olus patienter, regibus uti*

*Nollet Aristippus, &c.*

Aristocles, dictus est Plato ex aui paterni nomine, posita autem ob humerorū latitudinem Plato appellatus.

Aristoclides, Orchomeni tyrānus, Stymphalidem uirginem adamauit: quæ patre occiso cum ad Dianæ templum confugisset, eiusq; simulacrum teneret, ut ui uelli non posset, in eodem loco confossa est: ob cuius mortem omnis Arcadia tanto dolore commota est, ut bellū publicum susciperet, necemq; uirginis ulcisceretur.

Aristophanes, poëta fuit comicus, Græcus, inuentor tetrametri & octometri carminis: in carpēdis hominum uitij liberrimus & mordacissimus. Scripsit fabulas 54. Socratis fuit æmulus. Tres habuit filios itidem comicos. Horatius:

*Eupolis atq; Cratinus Aristophanesq;, &c.*

Aristor, Crotopi filius fuit, & pater Argi centoculi, qui ab eo Aristorides uocatur. Ouid. 1. lib. Metam.

*Donec Aristoridæ seruandam tradidit Argo.*

Aristoteles, philosophorum præcipuus, filius fuit Nicomachi medici, Stagiritanus patria, septemdecim annos natus Athenas profectus, Platonis auditor fuit uiginti  
f annis,

annis, & sectæ Peripateticæ princeps, qui liberos su-  
pratrecentos reliquit. Vocatus à Philippo rege in  
Macedoniam, decē annis Alexandrum discipulum in-  
stituit. Quo in Asiam profecto, Athenas redijt, & in  
Lycio gymnasio tredecim annis docuit. Postea accusa-  
tus quòd de dijs non rectè sentiret, cedēs inuidiæ, abiijt  
in Chalcidem, ibiq; reliquum uitæ transegit.

Arius, Scythiæ populus est, de quo Lucanus libro 3.

—Hinc fortis Arius, &c. Est etiam fluuius propin-  
quus Bactris, Alexandriam, quam ibi construi fecit Ale-  
xander, prætersuens. à quo Ariani, populi. Est item  
heretici nomen, contra quem multa Augustinus & alij  
scripserunt.

Armenia, est regio Asiæ inter Caucasum et Taurum mō-  
tes, & à Cappadocia ad Caspium mare usq; protēsa,  
& ab Armenio Thessalo sic appellata. Est autem du-  
plex: maior, & minor. hinc Armenij, populi eiusdem  
regionis. Tibullus:

Iactat odoratos uota per Armenios, &c.

Arnoba, ut habet Plinius: Abnoba, ut Ptolemæus: Ar-  
bona, ut Cornelius Tacitus, mons ex aduerso Tauri-  
ci, Galliæ oppidi, ex quo Danubium oriri ferunt.

Arnus, fluuius Tusciæ rapacissimus, ex Apēnino oritur,  
& Florentiam alluens, in Tyrrhenū mare effluit. hinc  
Arnis, arnidis, & Arnicola. Alius est Arabiæ fluuius  
Mæotidem ab Armoriade diuidens, in Asphaltidis la-  
cum labitur. Alius item est apud Vasconas.

Arogylus, is fuit qui primus quadrigam in Græcia iun-  
xit, regnante Argis Phorbante,

Arpi, urbs est Apuliæ, à Diomede condita, quam prius  
Argyrohippum, uel, ut alij uolunt, Argoshippum uo-  
cauit,



cavit, deinde Argyrippa dicta est. Vergilius alterum  
p,clidit,cum inquit libro undecimo:

Ille urbē Argyripam patriæ cognomine gētis, &c.  
Arpinum, oppidum fuit Volscorum in Latio, inter Fo=  
ram & Aquinum, in mōte porrectum. unde Arpinas,  
aliquis ex hoc oppido, ut Cicero & Marius, qui inde  
fuerant oriundi. Iuuenalis Satyra 8.

Arpinas alius, Volscorum in monte solebat, &c.

Arsaces, primus fuit Parthorum rex, à quo omnes po=  
stea Parthorum reges Arsacidæ dicuntur. Luca. lib. 1.

Plus illa uobis acie, quàm creditis, actum est

Arsacidæ, &c.

Arsacius, a, um, adiect. apud Cladianum.

Arsania, Armeniæ fluuius est, in Euphraten defluens,  
quem Tygri misceri quidam uolunt, & demum cum  
lenius fluat separari, & in Euphraten mergi.

Arsia, Hetruscorum sylua fuit, Romanorum cum Veien=  
tibus & Hetruscis pugna celebris.

Arsinoë, filia fuit Ptolemæi Lagi filij, Ptolemæi Phila=  
delphi soror, forma præstantissima, quæ ut scribit Iul.  
Cæsar, regni possessionem sperans, ad Achillam, qui  
Pompeium interfecerat, se ex regia traiecit, unaq; bel=  
lum administrare cœpit: sed mox controuersia de prin=  
cipatu orta, cum uterq; utriq; insidiaretur, Asinoë per  
Ganymedem famulum Achillam interfici curat, atq;  
hoc modo imperium obtinuit. De hac Lucanus. in fine  
libri 10.

—Nec non subrepta paratis

A' famulo Ganymede dolis peruenit ad hostes.

Cæsaris Arsinoë, &c.

Est etiam ciuitatis nomen in Cyrenaica regione.

f. 2

Artabanus,

Artabanus, filius Hystaspis & frater Darij Persarum regis, qui Xerxi filio Darij suasit, ut à bello Græcorū abstineret, eundemq; postea obtruncavit, deinde ab Artaxerxe ipse occisus est.

Artabri, Lusitaniæ populus, qui etiam Arrobatræ dicuntur. Artabrum, eiusdem regionis promontorium.

Artaxata, urbs Armeniæ maioris, ab Annibale condita ad Araxē fluviū, & est tantum pluralis numeri. Iuuen.

Sic prætextatos referunt Artaxata mores.

Artaxerxes Longimanus, qui etiam Assuerus dicitur, Xerxis Persarum regis filius, qui ex pellicibus habuit filios 115. & ex iusto matrimonio tres, scilicet Dariū, Ochum, & Ariaraten: quorum Darius à patre rex factus, contra patrem leui de causa cum quinquaginta fratribus coniuravit: qui omnes cum uxoribus & filiis à rege sunt occisi. Fuit & alius Cyri iunioris frater cognomento Memor.

Artemis, dicitur Diana, item Iuno, quando parturientibus præest, quasi ἀρτεμις.

Artemisia, uxor Mausoli regis Cariæ, quæ uirum dilexit supra humanæ dilectionis modum: cui mortuo strui curauit monumentum sumptuosissimum, quod Mausoleum dicitur.

Artynia, stagnum est minoris Asiæ, olim Pomisio monti propinquum, & iuxta Miletopolim ciuitatem: ex quo Rhindacus fluuius, antea Lycus denominatus, effluit, Asiam & Bithyniam determinans.

Arunci, populus antiquus in Latio. Vergilius:

Aruncos ita ferre senes, &c.

Arunca, eorum ciuitas fuit, ab Aufone condita.

Aruns, uates Thuscus fuit diuinandi scientia insignis.

Lucan.

Lucanus lib. 1.

Acciri uates: quorum qui maximus aeo,

Aruns incoluit desertæ mœnia Lunæ, &c.

Est item nomen uiri, qui Camillam occidit. de quo Vergil. lib. 11. Aeneidos.

Aruius, mons in insula Chio, uel ut alij habent, promontorium eiusdē insulæ Aruiſium nomine, ubi optima uina nascuntur, & facit adiecti. Aruiſius, a, um. Verg.

Vina nouum fundam calathis aruiſia nectar.

## A S

Aſſus, fluuius est Theſſaliæ, iuxta Heracleam urbem, quæ est in radicibus Oëtæ montis, effluens. Hunc Plinius Apylam uocat.

Asbiſtæ, populi Libyæ, apud quos uulgaſiſimū Ammonis templum inter medias arenas conditum est.

Aſcalaphus, & Ialmenus, fratres, Martis fuerunt filij ex Aſtiocha. hos dicit Homerus dominos fuiſſe & Orcho meni & Minionis ciuitatum, eosq; cum reliquis Troiam ueniſſe.

Aſcalaphus, alius, fuit Acherontis & Orphnes infernalis nymphæ filius. Hunc aiunt raptâ Proſerpina à Plutone, cum quæreretur num aliquid guſtaſſet apud inferos, eam accuſaſſe, atq; dixiſſe, ſeptem grana mali punici ex uiridario Ditis guſtaſſe: ex quo factum est, ut non in totum reſtitueretur Proſerpina. Ob hanc cauſam Ceres irata eundem mutauit in bubonem, ut habet Ouidius lib. 5. Metamorph.

—Solusq; ex omnibus illud

Aſcalaphus uidit, quē quondā dicitur Orphne, &c.

Aſcanius, filius fuit Acneæ ex Creuſa Priami filia, licet quidam dubitent Creuſæne, an Lauiniæ filius fuerit.

Sic dictus ab Ascanio Troiæ fluuiio: deinde Ilus, ab Illo Troianorum rege: postea Iulus, à prima barbæ lanugine, unde Verg.

At puer Ascanius, cui nunc cognomen Iulo,

Ilus erat, dum res stetit Iliæ regno, &c.

Huic, cum auus & pater iam diruta Troia, de fuga disceptarent, flammula quædam in capitis uertice apparuit, quæ tamen nihil læsionis intulit, neq; etiam manibus extingui potuit, unde futuri imperij omen sumperunt. Porro cum patre post multos errores in Italiam uenit, ubi Turno occiso & patre etiam mortuo, cum apud Lauinium 30. annis regnasset, Albam Longam condidit, restituta tamen prius in regnum nouerca, quæ antea ob timorē in syluas aufugerat. Tandem cum in uniuersum triginta octo annis imperij gubernacula tenuisset, iam moriens, cum uideret filium Iulium Syluium regno non satis aptum, Syluium Posthumum fratrem, sed ex diuersa matre, pietate & iustitia præstantem, regni hæredem reliquit.

Ascanius lacus, est in Bithynia, propinquus Olympo monti, & Prusæ ciuitati, olim ab Annibale cõdita. Est etiam Mysiæ fluuius.

Asclepiades, nomen historici Cyprij, qui uixit eo tempore, quo Pygmalion in Oriente regnauit. Alius philosophus cæcus. Alius fuit Asclepiades Prusiensis medicus, qui lapsu scalarum interiit. Fuit & alius Asclepiades poëta, à quo carmen Asclepiadæcum dictum est.

Asclepius, filius fuit Machaonis, ut putat Augustinus, & Aesculapij nepos.

Ascræ, uicus fuit Bæotiæ in dextra parte Heliconis, Hesiodi patria, uel, scẽdum quosdã, ubi nutritus est. hinc uocatur

uocatur Ascræus, Mantuan.

Tu sapis ut custos ouium Parnassidos Ascræ.

Periphrasis Hesiodi.

Asia, tertia pars terræ, quæ ab India Orientali incipiens, ab Europa Tanai, ab Aphrica uerò Nilo separatur. Est præterea duplex, maior & minor: hæc in se cōtinet Phrygiam, Cariam, Lyciam, Lydiam, Lycaoniā, &c. illa quādoquidem multarum regionum & populorum capax est, de singulis quantum necessitas postulauerit, ordine alphabetico dicetur. Nomen autem sumpsit uel ab Asia nymp̃ha Oceani & Tethyos filia, Iapeti coniuge: uel ab Asia Cotyi filio, ut Lydi affirmant: uel ut quibusdam placet, à floriditate. Corripit priores duas syllabas. Verg.

Europa atq; Asia pulsus, &c.

Ouidius uero primam produxit lib. 9.

—Et in Aside terra Mœnia constituis, &c.

Hinc fit adiectiuum Asiaticus, a, um.

Asia, paludis etiam nomen est in Lydia, Caystro flumini propinqua, circa quam inter alias aquaticas aues plures grues uersantur. Producit primam syllabam. Vergi. lib. 7. Aeneid.

—Et longa canoros

Dant per colla modos, sonat amnis, & Asia longè

Pulsa palus.

Asilas, auguris nomen, qui Aeneæ in auxilium uenit contra Turnum. Vergi. lib. 10.

Tertius ille hominū diuinūq; interpres Asilas, &c.

Asine, oppidum Achaia in sinu Messenio, qui ab eo Asinæus dicitur. Lucan.

Atq; Asinæ cautes, & quas Chios asperatūdas, &c.



Asius, filius fuit Dymantis, & frater Hecubæ, sed ex diuersis patribus: & Hectoris auunculus. hic etiam Priamo aduersus Græcos auxiliū tulit. Fuerūt & alij huius nominis, quorū passim meminit Homerus in suo opere. Asopiades, id est, Aeacus, Asopi nepos, qui pater fuit Aeginæ matris Aeaci. Ouid. lib. 7. Metamorph.

Huic Asopiades petis irrita dixit, &c.

Asopus, Achaïæ fluuius, qui per Bœotiam in Epidauriū effluit, Oceani & Terræ filius. liberos habuit Hipseum & Aeginam: eumq; rescuisset Aeginam à Ioue uitiatam, adeò ægrè tulit, ut furore cōmotus undis in Astra bellum mouerit: Iupiter autem iratus fulmine eum interfecit. Lucanus: Accipit Asopus, cursu, &c.

Hinc Asopis, idos, Asopi filia, id est, Aegina. Alius fluuius est Asiæ eiusdem nominis, qui unā cum Capro flumine Laodicen, celeberrimā urbem Lyco flumini impositam, præterfluit.

Asphaltus, uel Asphaltites, est lacus Iudææ in prouincia Pentapoli, in quo nihil graue submergi potest, & nihil gignit nisi bitumen, unde mare mortuū uocatur. In eo loco fuerūt Sodoma & Gomorra & tres aliæ urbes, quæ propter nefandam populi luxuriam & libidinem cœlitus exustæ sunt.

Assaracus, Trois regis Troiani filius, frater Ili regis, genuitq; Capyn: Capys autem Anchisen patrem Aenææ.

Assos, ciuitas Troiadis, arte & natura munita, patria Cleantis philosophi Stoici. Alia item est in Mysia: alia in Lycia in sublimi loco: alia in Epiro ignobilis.

Assyria, hodie Syria dicitur, regio est Asiæ ab Oriente habens Indiam, ab Occidente Tygrim, ab Austro Mediam, ab Aquilone Caucasum. Nomē accepit ab Assur filio

filio Sem. hinc Assyrii, qui hodie Syri. Tibullus:

Eoiq; Arabes, diues & Assyria.

Asta, ciuitas aestuaria inter sacrum promotorium, et Herculis columnas. alia est in Lyguria non longè à Nona-  
ria distans, de qua Claudianus:

—Nec plus Pollentia rebus

Contulit Aufonijs aut mœnia uindictis Astæ.

Astarcon, seu Astarte, ut inquit Cicero de Nat. deo-  
rum, mater fuit Veneris, quam postea Adoni nupsisse  
dicit.

Asteria, filia fuit Cei Titanis, quæ à Ioue in aquilam uer-  
so uitiata est: ex quo concubitu natus est Hercules qui-  
dam, non ille monstrorum domitor. Hæc postea aduer-  
sus Iouem sentiens, & eius iram fugiens, deorum com-  
miseratione in coturnicem uersa est, quæ Græce ὄρνις  
dicitur: nomenq; dedit insulæ, in quâ aufugerat: ubi à  
Ioue in lapidem mutata est, undisq; immersa, & ab  
eisdem huc illuc agitata: quæ tandem ob susceptam La-  
tonam supernatauit, & primo Neptuno & Doridi  
consecrata est, postea Delos dicta: in qua insula Lato-  
na Apollinem & Dianam peperit.

Asterion, Achaie fluuius est in Nemea insula placide  
effluens. Statius: —Cum dixit, & æquis

Fluctibus Asterion, &c.

Est etiam montis nomen in Argolico sinu.

Asteropeus, filius fuit Pelagonij, qui audax iuuenis &  
robustus cum Pæonijs uenit Troianis in auxilium: &  
dum nimis suis uiribus confideret, undecimo die post-  
quam ad Troiam uenerat, Achilli irato ob occisum Pa-  
troclum, occurrere ausus fuit, eundemq; & laceffere,  
& inde armis contendere non extimuit: à quo tamen

f 3 miscrè



miserè cæsus interiit.

Astræa, filia Astræi & Auroræ, licet alij Iouis & Themidis faciant: quæ quoniam dijs fuit aduersus patrem & patruos, in cælum assumpta est, & in Zodiaco locata ea in parte, quæ ab ea Virgo est nominata. Ouid.

Vltima cælestum terras Astræa reliquit.

Astræus, filius fuit Titanis & terræ, qui cum Aurora concubuit, & ex ea Astræam uirginem, necnon & omnes uentos genuit: quos, cum fratres aduersus Iouem bellum mouissent, omnes armauit, & in superos emisit. Ouid. lib. 5. Metamor.

Occidit Enceladus Mædesius, occidit Astræus.

Astura, Hispaniæ fluuius est, à quo Astures, Hispaniæ populi dicti. Luca. lib. 4.

His præter Latias acies erat impiger Astur.

Asturia, regio & ciuitas est Hispaniæ, prope Lusitaniã, ab Astura fluuiio sic dicta, ubi sunt breues equi, sed incessu ueloces, qui Asturcones uocantur.

Astyages, ultimus rex Medorum, à Cyro nepote, quem infantem exposuerat, regno priuatus est, ut auctor est Iustinus lib. 1.

Astyanax, unicus fuit filius Hectoris ex Andromache, natus post inchoatum bellum inter Troianos & Græcos, quem Ulysses antequam naues à Sigæo soluerent, è turri mira inhumanitate dedit in præceps, ne quid reliquiarum superesset, quod excidium Troiæ & populi ruinam ulcisceretur. Hector ut plurimum uocabat Sca mandrum. Verg. lib. 2. Aencid.

—Paruumq; manu Astyanacta trahebat.

Astydamia, Ormeni filia, quam Hercules patre prius occiso rapuit. Ouidius:

Nec

Nec referam partus Ormeni nympha tuos.

Astylus, unus fuit ex Centauris, & quoniam augurio ualebat futura prænosces, fratres monuerat, ne bellum aduersus Lapithas assumerent. sed exorto in nuptijs bello, ipse sibi timens, una cum Nesso Centauro fugam arripuit. De hoc ita Ouidius:

Astylus ille etiam metuenti uulnera Nesso,

Nec fuge, ad Herculeos, inquit, seruaberis arcus.

Asty medusa, Oedipi fuit uxor: hanc enim repudiata matre (quam prius matrimonio sibi coniunxerat, sed incognitam) in uxorem duxit: quæ ut liberis prioris coniugis insensum parerem faceret (ut ferè omnium nouer carum mos est) apud patrem eos accusauit, tanquam qui se de stupro appellassent: quapropter Oedipus iratus regnum cruentum reliquit.

Astynome, alio nomine Chryseis, Chryse sacerdotis Apollinis fuit filia, quam Achilles Lernesso expugnato, secum abstulit, occiso eius uiro Mynete, uel, ut quidam codices habent, Menete, principe illius loci. Vide infra Chryseis.

Astyocha, uirgo fuit, ex qua Mars genuit Ascalaphum & Ialmerium fratres, de quibus supra.

Astyochia, quam Hercules ex Ephyre Laconic ciuitate rapuit, & ex ea Tlepolemmum genuit.

Astypalæa, insula est in mari Aegeo. Oui. lib. 2. de Arte: Cunctaq; piscosis Astypalæa uadis.

Astypale, es, nomen ciuitatis eiusdem insule.

## A T.

Arabulus, uentus in Apulia præcipuè spirans. Horat.

Incipit ex illo uentos Apulia notos

Ostentare mihi, quos torret Atabulus, &c.

Atæon,

Atæon, Aristæi filius ex Autonoe Cadmi et Hermionis filia, ut ait Ovidius.

Atalanta, uirgo uenatrix in Arcadia, filia Iasij Argiurum regis, sed Ovidius lib. 8. Metam. hanc, & sequentem lib. 10. Metam. Schœnei filias facit, cū inquit lib. 8.

—Schœnei pulcherrima uirgo, &c.

Hæc uirginitatis conseruandæ studio Dianæ se dedit comitem, & unâ cum cætera Achaiæ nobilitate iuuenum in Aetoliam à Meleagro Oœnei regis filio, ad aprum Calydonium perimendum uocata, prima aprum sagitta percussit. Postea quoq; eidem Meleagro, à quo ob formæ elegantiam maxime diligebatur, nupsit, & ex eo Parthenopeum suscepit.

Atalanta, Schœnei fuit filia in Scyro insula, ut habet Ovidius lib. 10. Metam. Hæc alio nomine à Propertio, quemadmodum et Hippodamia, Ischomache dicta est, quam idem Iasij filiam facit, cū inquit:

Menalion nullos fugiendo Tulle labores.

Sæuitiam duræ contudit Iasidos.

Hæc itaque Atalanta cum pedum agilitate præstaret, cursu cum procis certabat, ea lege, ut ei, à quo uinceretur, nuberet, uictos autem occideret. Multis igitur superatis, Hippomenes Martis, uel ut Ovidius habet, Megarei filius, cum ea in certamen uenit, acceptis tamen prius à Venere tribus aureis malis, in Hesperidum hortu natis: quæ curens sensim proiecit in terram: quibus colligendis illa retardata, ab Hippomene est superata. Itaq; pacta conditione nupsit. Porro cū in templo Cybeles neglecta religione coirent, dea irata eos in leones commutauit, suoq; currui subiungauit. Ovidius lib. 10. Metamorph.

Dubium

—Dubium Megareus heros

Gaudeat an uirgo magis his Schœncia dictis.

Atax, fluuius est Gallie Narbonensis, in montibus Pyrenæis ortum habens, in mare Tyrrhenum defluit, à quo Atacini, eiusdem fluuii accolæ. Lucanus:

Mitis Atax Latias gaudet non ferre carinas.

Ate, ἄτη, Latinis noxa dicitur, ab Homero dea fingitur, quæ homines malis implicat, mentesq; seducit, et perturbat. cui repellendæ et placandæ Litæ Iouis filiæ oppositæ sunt: quæ tanto sunt tardiores, quanto noxa est grauior. Vide Erasmus in prouerbio, Ira omnium tardissimè senescit.

Athamas, Aeoli fuit filius, et Thebarum rex, qui Nephele in uxore duxit, et ex ea Hellen et Phrixum genuit. sed Nepheles insania Liberi patris concitata, cum in sylvas abiisset, Athamas liberis suis Inoën Cadmi filiam superinduxit nouercam: quæ eos tot apud patrem accusationibus, tot dolis eò compulsi, ut cōsenso aurco ariete (quem quidam ex Neptuno et Theophane genitum tradunt, et eius uellus à Phrixo Marti cōsecratum, postremò inter sidera relatum) fuga sibi consulerent. Quapropter Iuno irata furias in Athamantem immisit, quæ in tantam rabiem eum duxerunt, ut cum Inoën ad se ire uideret, hanc leenam, et filios suos eiusdem catulos arbitratus, rapto Learcho ex filiis altero, saxo illiserit: quod Inoë uidens, cum Melicerto, altera prole fugiēs se ex rupe, quæ Leucothea dicitur, in mare præcipitem dedit. Statius:

Toruu adhuc Athamas insanos flecteret arcus.

Hinc Athamantis, id est, Helle eiusdem filia. Athamantiades, id est, Athamantis filius.

Athamas,

Athamas, etiam est Thessaliæ mons, ut habet Plinius.  
inde Athamantes, populi. Luc. lib. 3.

—Et uagus altis Dispersus syluis Athamas, &c.  
Est etiam fluuij nomen, qui suo tactu, certo tamen tem=  
pore ligna incendit, ut autor est Ouidius:

Admotis Athamantis aquis accendere lignum

Narratur, minimos cum luna recessit in orbes.

Athenæ, clarissima quondam totius Græciæ urbs, inter  
Achaiam & Macedoniam, à Cecrope rege cōdita (un=  
de etiam Cecropia dicebatur) cui Minerua nomen im=  
posuit, quam Græci Ἀθήναι appellunt. Fuit autem hæc  
ciuitas omnium bonarum artium inuentrix, Philoso=  
phorum & Oratorum mater, & Poëtarum alumna.  
Verg. in Actna:

Nunc hic Cecropiæ uarijs spectantur Athenæ

Carminibus, gaudentq; sui uictrice Minerua.

Athenæum, locus fuit Athenis, Mineruæ dicatus, ubi  
professores sua studia profitebantur.

Athenodorus, sculptor quidam fuit marmorarius: item  
alius Philosophus Candionis filius, à uico quodam Ca=  
nanita dictus. Hic uirtutem sola uirtute metiebatur.

Athesis, fluuius Galliæ Cisalpinæ, in Tridentinis oritur  
Alpibus, cursu rapido Tridentum radit, deinde Vero=  
nam diuidens, haud procul à fessa Clodia Pado misce=  
tur. Vergilius:

Siue Padi ripis, Athesim seu propter amœnum.

Athos, mons est altissimus inter Macedoniam & Thra=  
ciam, quem Xerxes abscidisse fertur, & uelis fecisse  
peruium, unde à Iuuenale uelificatus dicitur. Montem  
hunc leporibus etiam abundare testatur Ouidius:

Quot lepores in Atho, quot apes pascuntur in Hybla.

Atina,

Atina, urbs iuxta Pontinas paludes Cāpaniæ, quam Ptolemæus dixit fuisse Latinorum mediterraneam. Verg.

Tela rouant Atina potēs, Tyburq; superbum, &c.

Atlas, Iapeti & Clymenes, uel secundum alios, Asiæ nymphæ filius, Mauritaniæ rex, qui primus cursum Solis & Lunæ, omniumq; syderum rationes perspexit: hūc postea Perseus (cui Atlas hospitium denegauerat, eò quòd Iouis esset filius, à cuius natis, ut ex oraculo didicerat, regno erat priuādus) detecto Gorgonis capite in montem sui nominis commutauit: quem tantæ altitudinis esse ferunt, ut eius cacumen ad lunarem usque regionem pertingat. Et propterea fingunt poëtæ esse gigantem, qui cœlum suis humeris sustineat. Hinc Atlantes, & Atlantides, itē Atlantiades, huius mōtis accolæ. Vergilius: —Vbi cœlifer Atlas

Axem humero torquet stellis ardentibus aptum.

Atlantæus, a, um, possi. β. Alius fuit Atlas Italiæ rex, & pater Electræ uxoris Coriti. Alius itē fuit Arcadiæ rex, & pater Maiæ, ex qua natus est Mercurius.

Atlantides, dicuntur Pleiades & Hyades, ab Atlante eorum patre. de quibus infra. Vergil.

Antè tibi cœ Atlantides abscondantur, &c.

Atlanticum mare, pars Aphricani est, in Mediterraneo, à Mulucha fluuio Mauros à Numidis separante, incipiens, & ad occiduum uergens Abylam montem alluit, & Ampelusiam promontorio terminatur.

Atræces, populi sunt Aetoliæ, quibus nomē dedit Atrax Aetoli filius. Atracia, ipsa regio, unde Atracis dicta Hippodamia. Ouid. in Epist.

An fera Centauris indicere bella coëgit  
Atracis Aemonics Hippodamia uiros?

Atracius

Atracius, *a, um, posseßium.*

Atreus, Pelopis & Hippodamiæ filius, & rex Mycenarum, qui cum Thyesten fratrem concubitu uxoris suæ Aeropes usum comperisset, adeò egrè tulit, ut eum exilio mulctarit: sed postea reuocauit, & ut magis commissum incestum uindicaret, ei proprios filios, quos ex Aerope susceperat, commedendos apposuit: cuius facinoris horrore, Sol retrocessisse fertur, reuocato ad auroram curru. Quod ut Thyestes ulcisceretur, cum propria filia Pelopea concubuit, & ex ea Aegistum suscepit, qui Atreum & eiusdem filium Agamemnona interfecit.

Atridæ, dicti sunt Agamemnon & Menelaus. Horat.

— Nestor componere lites

Inter Peliden festinat, & inter Atriden.

Atropos, Demorgonis filia, uel Herebi & Noctis, una est Parcarum. Vide in dictione Parce.

Attabas, et Numenius, latrones fuerunt famosißimi, adeò ut prouerbio locum fecerint: Conuenerunt Attabas & Numenius.

Attalus, rex fuit Asiæ, uel Pergami, qui à populo Romano donatus eo regno, cum liberos non haberet, populum Romanum heredem fecit: unde eius substantia amplissima Romam est allata. Hinc omnia magnifica Attalica dicuntur. Propertius:

Nec sit in Attalico mors mea nixa thoro.

Attica, uel Atte, regio Græciæ inter Achaiam & Macedoniam, ab Attide Cranai Athenarum regis filia sic dicta, cum prius Aetlica diceretur, ab ἄττη, id est, littus, quòd ea regio maximè littoralis sit. In hac sunt Athenæ & Marathon capus cum oppido eiusdem nominis.

Attella,



Attella, alij Atella scribunt, oppidum fuit Oſcorum in Campania, ubi grande amphitheatrum erat, unde Attellanae comœdiæ iocularcs & ſcurriles uocantur. Man.

Eſt locus Attella retinens cognomina priſcæ.

Attilius Regulus, Conſul Romanus, primo bello Punico, cum Carthaginiēſes ſæpe uiciſſet, tandem per inſidias captus, & poſtea Romam miſſus eſt à Carthaginiēſibus pro permutandis captiuis: ſed cum Romam ueniſſet, ipſe et permutationem diſſuaſit, & Carthaginem rediens, crudeliſſimè eſt necatus. De hoc multa Cicero lib. 3. Officiorum.

Attis, Cranai regis fuit filia. nonnunquam accipitur hoc nomen pro luſcinia, ut Martialis:

Sic ubi multiſona ſeruet ſacer Attide lucus, &c.

Atys, puer fuit Phrygius adamatus à Cybele, qui ob uitiatam Sangaridem nympham, uel ut alijs placet, iſpſam Cybelen, furore correptus, putans domos ruere, tectum omne diſſugit, & per ſumma Dindymi montis Phrygiæ diſcurrens, arrepto cultro ſibi ipſi uirilia amputauit, cuius ſanguine porphyrites lapis conſperſus, cum antea candidus eſſet, colorem mutauit. tandem è monte ſe præcipitem dedit, mutatusq; eſt in pinum, quæ adhuc Cybelæ ſacra dicitur. Ouid. lib. 10. Metam.

—Cybelcius Atys

Exiit hac hominem, truncoq; induruit illo, &c.

Atys, fluius eſt, cuius meminit Claudianus, dicens:

Lucus erat prope flumen Atym, &c.

Atys, alius, fuit Cræſi, Lydiæ regis filius, qui diu mutus cum uidiſſet hoſtem leuaſſe gladium, ut patrem occideret, ſubito timore locutus eſt, necem patris deprecans.

Atys, alius, fuit ex India, ex Linniace Gangis filia pro-

genitus: in Andromedæ nuptijs occisus est à Perseo. corripit autem primam. Ouid. lib. 5. Metamorph.

—Erat Indus Atys, quem flumine Gange

Edita Limniace uitreis peperisse sub undis, &c.

Atys Syluius, Albæ Syluij filius, quem Eusebius Aegyptium Syluium uocat. hic cum 29. annis regnasset, Capy filio relicto, diem clausit.

Atys, quidam fuit, cui Ismene Oedipi filia fuit desponsata, sed tamen ante nuptias à Tydeo interfectus est.

Atys, alius, fuit ex Hercule & Omphale prognatus, qui filios habuit Lydum, à quo Lydia dicta est, & Tyrrhenum, à quo Tyrrheni appellati sunt. de quibus in sequentibus.

## A V.

Auella, urbs est Campaniæ, abundans optimis nucibus, quæ dicuntur Auellanæ. Verg.

Et qui malifræ despectant moenia Auellæ.

Auentinus, Herculis fuit filius ex Rhea, ut habet Vergilius libro 7. Aeneidos:

Victoresq; ostendit equos satius Hercule pulchro  
Pulcher Auentinus, &c.

Hic Turno fauit aduersus Aeneam.

Auentinus Syluius, Romuli Syluij filius fuit, eiq; fulmine occiso in regno successit, & cum annos 27. regnasset, relicto filio Proca mortuus est, & Romæ in eo monte, qui adhuc Auentinus dicitur, sepultus.

Auernus, lacus est Campaniæ prope Baias, ubi introitus ad inferos esse dicitur: dictus ab æ & ἔρnis, id est, auis, quasi sine auibus: quoniam aues propter grauem halitum, quem ob arborum densitatem emittebat, superuolare non poterant, ut testatur Verg. lib. 6. Aeneid.

Quant

Quam super haud ullæ poterant impune uolantes  
Tendere iter pennis, &c. Item:

Vnde locum Graij dixerunt nomine Auernum.

Hoc Augustus intelligens, disiectis syluis amœna red-  
didit loca. Porro capitur plerunq; pro ipso inferorum  
loco, uel propter fœtorem, uel propter necromanti-  
am, quæ ibi exercebatur.

Aufidus, Apuliæ fluuius est, ex Hirpinis montibus ori-  
ens, & Canusium præterlabens in Adriaticum mare  
se se exonerat. Hic à quibusdā Canna uocatur, quo no-  
mine uicus ei superimminens uocatur. Strabo uerò per  
ph, scribit, Auphidus, & lacum esse in Apulia tradit  
lib. 5. Horatius libro 3. Carmi.

Dicar, quæ uiolens obstrepit Aufidus, &c.

Auge, αὐγή, uel Augea, mater fuit Telephi, quam Aleus  
pater nauclero submergendam dedit, quod nō crede-  
ret ab Hercule compressam: & cum ad mare deduce-  
retur, in itinere peperit Telephum, de quo infrā. Ipsa  
uerò Auge, mercatoribus donata: qui eam in Cariam  
abductam Teuthranti regi dono dederunt, cui postea  
etiam nupsit. Alij dicunt Augē cum Telepho filio, quē  
enixa erat, à patre in urnā impositam, & in mare pro-  
iectam, Palladis auxilio ad Caici ostia peruenisse, & à  
Teuthrante exceptam, eidem nupsisse: Telephum pro  
filio educasse, eumq; regni successorem instituisse.

Augias, Solis nomine, re autem ipsa Phorbantis ex Hir-  
mine Nelei, seu Niſtei, seu Epochi filius. hic cum stabu-  
lum Herculi pacta mercede purgandum collocasset,  
isq; purgasset, de mercede tergiuersatus est: postea  
Phyleus Augiæ filius arbiter assumptus secundū Her-  
culem pronunciauit, quem ob id pater cecit, eiectusq;

Dulichium peruenit: sed postea reuocatus ab Hercule,  
qui Elim ob perfidiam Augiæ diripuerat, patri in re-  
gno successit.

Aulis, regiuncula, & oppidum cum portu quinquaginta  
nauium capaci in Bæotia, ut inquit Strabo, ubi omnes  
Græci, sub Agamemnone, de Troiæ excidio coniura-  
runt. Vergilius libro quarto Aeneid.

Non ego cum Danaïs Troianam excindere gētem,  
Aulide iurauī, &c.

Lucanus genitiuum similem nominatiuo facit, inquiēs:  
Euripusq; trahit, cursum mutantibus undis,  
Chalcidicas puppes ad iniquam clasibus Aulim.

Aulon, mons Calabriæ contra Tarentinam regionem,  
ferax boni uini. Martialis:

Nobilis & lanis & Baccho fertilis Aulon.

In eodē est oppidum eiusdem nominis. Est etiam nomē  
duarum urbium, quarum altera est in Macedonia, al-  
tera in Cilicia.

Aurora, Titanis & Terræ filia, Luciferi & uentorum  
mater dicitur, eò quòd cum ea oriātur. Hæc Tithonum  
Laomedontis fratrem rapiens cum eo concubuit, ex  
quo Memnona suscepit. Tithonum autem ita amauit,  
ut senem iam factum herbarum uirtute & opē medica  
iuuentuti restituerit. Dicitur & Cephalum aliquando  
amore eius capta rapuisse: unde Sappho apud Nasonē:

Hunc ne pro Cephalo raperes Aurora timebam.

Et faceres, sed te prima rapina tenet.

Auson, uel Ausonius, Vlyssis & Calypsus filius, à quo  
postea Italia dicta est Ausonia, & eiusdē populi Au-  
sones, Ausonij, & Ausonides.

Auster, uentus est Meridionalis, nebulosus, et humidus:  
certum

certum est hunc uentum esse exitialem, & morbosum.  
 Dictus Auster quasi hauster, ab hauriendis aquis: alio  
 nomine Notus. Vergilius:

Frigidus ut quodā syluis immurmurat Auster, &c.  
 Autolia, ut alij Auticlia, Sinonis primi, uel ut ceteri,  
 Autolyçi filia, quæ cū Laerti Ithacæ regi nupsisset, à  
 Sisypho latrone intercepta est, & compressa: ex quo  
 concubitu natus est Ulysses.

Autololes, populi ualidissimi Tinganiæ prouinciæ, gēs  
 Getula, per quam iter est ad Atlantem montem, ut in=  
 quit Plinius. Lucan. lib. 4.

—Populi tot castra sequuntur:

Autololes, Numidæq; uagi, &c.

Autolycus, filius Mercurij & Chiones Deucalionis fi=  
 liæ, & ut quorūdam est opinio, auus Sinonis, qui Tro=  
 iam Achiuis aperuit. hic solebat non modò se, sed etiā  
 ea quacūq; furto abigebat, uariè trāsformare. Ouid.

Nascitur Autolycus furtum ingeniosus ad omne.

Automedon, alij Antomedon, Diore fuit filius, A=  
 chillis auriga, & Pyrrhi armiger. Verg.

Vnā ingēs Periphas, & equorum agitator Achillis,  
 Armiger Automedon, &c.

Autonoë, Cadmi ex Hermione filia, & Aristæi con=  
 iux, ex quo peperit Actanem.

## A X.

Axenum, mare dicitur, quod & Ponticū, & Euxinum  
 dicitur: sic à truci incolarum barbarie appellatum.

Axijs, seu Axis, fluuius est Macedonū, labiturq; in si=  
 num Thermaicū: & ut ueteres tradiderunt, efficit pe=  
 cudem nigram, quæ ex eo potarunt, diuersa ab Halia=  
 cmone uicino amne natura, qui uelleris nitorem pote

ex se pccudi asseruat. Axius etiam fluuius est Paphla-  
gonum, per Mygdoniam fluens.

Axona, fluuius est in extremis Remorum: hinc Axo-  
nes, illius fluuii accolæ. Lucanus libro 1.

Et Biturix, longisq; leues Axones in armis.

A Z.

Azan, mons Arcadiæ, ubi Cybele colebatur. Statius:  
Venit & Idæis ululatibus æmulus Azan.

## DE L I T E R A B.

B A.

**B**Abactes, & Bactes, nomina sunt Bacchi, à βακχῶ,  
Id est, clamo, ob bacchantium multifarium clamo-  
rem, & quia uino madidi huiusmodi uoces emittere  
consueuerunt.

Babylon, urbs est Mesopotamiæ, Chaldaeorum metro-  
polis, tantæ celebritatis, ut & reliqua Mesopotamiæ  
& Assyriæ pars dicta sit Babylonia. Condita est à Se-  
miramide regina (quamuis sint, qui tantum ab hac in-  
stauratam dicant, fundatamq; duobus annorum milli-  
bus priusquam Semiramis regnaret) in uasta planicie,  
figura quadrata, in circuitu trecenta octoginta quin-  
stadia continens. muros habuit ex coctili lapide, inter-  
fuso bitumine, latitudine quinquagenorum pedum, al-  
titudine ducentorum, ita ut quadrigas inter se occurrē-  
tes reciperent, propterea etiam inter septem mundi  
miracula connumerantur: turres præterea trecentas,  
quinquagintaq; portas æreas, & nisi ex altera parte  
paludes obstitissent, multo plures habitura. Dicta est à  
confusione, ut sacræ literæ docent, propter linguarum  
confusionem eorū qui turrim ædificabant: Babel enim

Hebræis



Hebraeis confusio est. Ferunt tamen hanc à Cyro Persarum rege expugnatam. Lucan. lib. 1.

Cumq; superba foret Babylon spolianda trophæis  
Aufonijs, &c. Alia fuit in Aegypto, à Cambyse  
Persarum rege Cyri filio condita.

Bacchæ, uel Baccha, singulariter, itē Bacchis, idis, mulieres fuerūt Bacchi sacerdotes, quæ noctu ei sacrificabant alternis annis, in Parnaso, ut ait Perottus, uel secundum alios, in Cytherone monte Bœotiae. Ovidius tamen post triennium eas Baccho sacra facere asserit, libro nono Metamorphoseos:

Vtq; tuo motæ proles Semeleia thyrsō

Ismariæ celebrant repetita triennia Bacchæ.

Dicuntur alijs nominibus Thyades, Mænades, Eleides, Edonides, Edoniæ, Enthyades, Bassarides, Triatercides, Mimallonides, & Mimallones.

Bacchanal, & Bacchanale, locus in quo festa Bacchi celebrantur. Plautus: Ad Bacchicas ueni in Bacchanal coquinatum.

Bacchanalia, quæ & Dionysia, Bacchi festa, in quibus uiri per noctem sœminis & teneræ ætati turpiter miscabantur per dolum. Vnde est illud:

Qui Curios simulant, & Bacchanalia uiuunt.

Bacchemon, Persei & Andromedæ filius, apud quosdā Orientales populos imperauit, qui postea ab Achemenide Bacchemonis filio, Achemenides appellati sunt: hi Apollinis ritus se inuenisse asserunt.

Bacchiadæ, ut Ovidius: Bacchiades, ut alij, populi fuerunt apud Corinthios, qui noctu Bacchi orgia celebrantes Actæonē Melissi filium discerpserūt. Quapropter cum Isthmia post hæc peragerentur, Melissus stans an

te arā Corinthijs dira imprecatus est, nisi filij sui mortem uindicarent, & continuo se præcipitem dedit. Corinthij autem cum uererentur Aetæonis mortem inultam relinquere, Bacchiades ex urbe ciecerunt, qui exules effecti in Siciliam peruenerunt. Ouidius:

—Bacchiadæ bimari gens orta Corintho, &c.

Bacchus, filius fuit Iouis & Semeles. Iupiter enim cum Semele Cadmi filiam amaret, cū ea concubuit: unde cū facta esset prægnans, Iuno pellicem ulcisci statuit. sumpta itaque forma Beroë's Epidauriæ, nutricis Semeles, anili gressu eam adiens, perquisiuit num a Ioue diligeretur: cui respōdit, arbitrari se diligi. Tum Iuno: Nō potes mi filia, nisi uno modo cognoscere: scilicet interposito Stygio iuramēto, promittat eo pacto tecum cōiungi, quo Iunoni iungitur. Semele ergo experientiæ auida, per blanditias munus ab eo petijt, nullo addito nomine. Eligere eam quicquid uelit, Iupiter iubet, iuratq; per Stygiam paludē daturum quidquid poposce rit. Petit illa, ut talē se exhibeat, qualis solet cum Iuno ne cōcumbere. Ingemuit Iupiter, & ut iuramentō satis faceret, accepto fulmine infāusto munere illu sam a Iunone, amante interimūt, atq; infāntē materno utero exēctū suo femori imposuit: & ubi accessit idoneum par tui tēpus, more grauidæ mulieris enixus est: unde Bimater, & bis genitus dicitur. Hunc primū matertera eius Ino clām nutriuit, postmodum nymphis tradidit, quæ etiā ei alimēta dederūt: habuit itē Silenū alūnum, qui a rusticis captus, a Myda Baccho est restitutus. Currū ei attribuūt, quem tigres & lynces ducūt, sequiturq; Bacchantiū turba. Deus uini ab Ethnicis est habitus, quōd primus uini usum inuenisset: unde sēpissime pro ipso uino

uino ponitur. Primus itē uēdere & emere instituit. Diadema regum, & triumphum inuenit. Sacer est ei Capere & Asinus: eò quòd ferula huic sunt gratissimæ, cæteris iumentis non item: ille autem, quòd uites rosisset. Totam Indiam bello deuicit, & inde cum uictoria redeuntem Tamaritæ populi Hyrcanis proximū hospitio susceperunt, eiq; sacra instituerunt, actis circum torculdria choreis, quam diu spumarent musta. ἀπὸ τοῦ βαΐα, id est, à clamando: solebant enim bacchantes clamare. Multa habet nomina, quorum multa Ouidius recenset, de quibus suo loco. Ab eo fit adiectiuum Bachæus, a, um, apud Stat. lib. 3. Syl.

Bactra, orum, Scythiæ prouincia, ultra Assyriam: à Bactro flumine sic appellata. Est & Bactra eiusdem regionis ciuitas. Vergil. lib. 2. Georg.

— Neq; Bactra neq; Indi

Laudibus Italiæ certent, &c.

Hinc Bactriani, eiusdem regionis populi.

Bænacus, lacus est Cisalpinae Galliæ, cuius littori Salundium Brixanum oppidum adiacet: ex hoc Mincius ortum sumens in Padum effluit. Vergil. lib. 2. Georg.

Fluctibus & fremitu assurgens Bænace marino.

Baiæ, arum, ciuitas Campaniæ iuxta Lucrinum sinum, inter Puteolos & Misenum montem, in cuius agro aquæ calidæ sunt, & ad uoluptatem & morbos commodissimæ: & quia fertilitate ac copia rerum, ædificijs, litorumq; amœnitate præstabant, magna Romanorum multitudo ad eas confluere solebat. Dictæ Baie à Bazio Vljsis filio. Horatius:

Nullus in orbe locus Baijs præluet amœnis.

Baianus sinus, qui hinc Miseno monte, illinc Puteolis  
g 3 clauditur.

clauditur.

Baleares, duæ insulæ in mari mediterraneo, non longè ab Hispania, quas Græci Gymnesias uocât, funda bellicosæ, quam etiam primùm eius incolæ inuenerunt. Sic dictæ ἀπὸ τοῦ βάλλειν, id est, à iaciendo: uel à Baleo Herculis comite, ibidem relicto. Hodie Maiorica & Minorica appellantur. Hinc fiunt adiect. Balearis, re, apud Statium, & Balearicus, a, um, apud Ouid. lib. 2. Met.

Non secus exarsit, quàm quum Balearica plumbum Funda iacit, &c.

Balius, & Xanthus, equi fuerunt Achillis, quos Zephyrus uentus ex Podarge Harpyia suscepit.

Barce, urbs est Libyæ, dicta à regina eorū Barce: hodie Ptolemais uocatur. Barcæi, huius urbis incolæ. Claud. Disidet occiduis quod disidet arida Barce.

Verg. quoq; lib. 4. Aenci. Sichæi nutricæ Barcen uocat.

Bardi, uates fuerunt in Gallia, qui fortium uirorum res gestas decantare solebant, unde Lucan. lib. 1.

Vos quoq; qui fortes animas, belloq; peremptas,  
Laudibus in longum uates demittitis æuum,  
Plurima securi fudistis carmina Bardi.

Bargylia, siue Bargylos, urbs in Caria à Bellerophonis comite Bargylo, quem Pegasus occidit, uocata: unde Bargylici campi. Bargyletæ dicuntur incolæ.

Basiliscus, serpens est, candida in capite macula, uelut diademate quodam ornatus. acutissimum habet caput, os rubrum, oculos & colorem ad nigredinē uergentes: sibilo omnes fugat serpētes, frutices afflatu etiā necat, exurit herbas, rumpit saxa, homines præterea solo aspectu necat: mustellarum tamen uirus huic exitio esse perhibetur. Mantuan.

Natus

Natus in ardenti Libya Basiliscus arena

Vulnerat aspectu, luminibusq; necat.

Bassaræus, dictus est Bacchus, à bassare ueste, qua indutæ fuerant sacrificulæ. Horatius:

Non ego te candide Bassareu Inuitum quatiã, &c.

Bassarís, is, uel idis, Bacchi sacrificula, sic dicta à bassare ueste, quæ usq; ad pedes demittebat. Conficiebatur autē Bassaræ loco Lydiæ, unde etiam hoc nomen habet.

Bataui, populi Germaniæ in insula Rheni. Batauia dicitur regio. Variat autē huius dictionis quãtitas. Luca.

Vangiones, Batauiq; truces, &c. Iuuenalis:

Hic petit Euphraten iuuenis domitorq; Bataui.

Bathyllus, filius fuit Phorci ex marino mōstro, puer admodum speciosus, Anacreontis poëtæ delictum. Horat.

Non aliter Samio dicunt arsisse Bathyllo

Anacreonta Tcium, &c.

Battiades, dicitur Callimachus, à Batto patre. Ouid. in Ibin:

Nunc quo Battiades inimicum deuouet Ibin,

Hoc ego deuoueo teq; tuosq; modo.

Battis, puella fuit formosissima, quam Philetas poëta elegiographus adamauit, suisq; carminibus celebrauit.

Ouid. lib. 1. Trist. Nec tantum Coe Battis amata suo.

Battus, pastor quidam fuit equarum, de quo talem fabulã recitat Ouidius lib. 2. Metam. Cum Apollo Admeti regis armenta pasceret, Mercurius boues quasdã, quæ longius processerãt, furto abactas in sylua occultauit, Battusq; cuidam equarũ custodi, à quo uno uisus fuerat, mandauit, ne cuipiã illud furtũ indicaret. quod ut libentius faceret, uaccã pulcherrimã ei dono dedit. Mercurius uerò abiens, ut hominis experiretur fidem, sumpta alia figura



figura paulò post ad cū redit, rogans an uaccas quasdā illuc transeuntes uidisset, pollicēsq; si indicaret, uaccā cum tauro daturū. Battus itaq; spe muneris corruptus, sub quo monte pascerentur, indicauit: ob quā perfidiā Mercurius eum in lapidem, qui Index dicitur, commutauit. Ouid.

Senserat hoc furtum nemo, nisi notus in illo

Rure senex, Battum uicinia tota uocabat.

Alius fuit rex Melitæ insulæ, de quo suprā in dictione Anna. Alius fuit Battus Callimachi pater.

Batulum, castellum est Campaniæ, cuius incolæ Turno in auxiliū uenerunt aduersus Aeneā. Verg. lib. 7. Aene.

Quiq; Rufas, Batulumq; tenent, &c.

Baucis, anus quædam fuit paupercula, uirum habens Philemonem, quo cum omnē uitam in cōcordia transegit. ad hos cū Iupiter & Mercurius in homines mutati uenissēt, pro loci & rei dignitate sunt suscepti, tādē eorū casa in templū est mutata: Baucis uerò & Philemon, dū uiuebāt, sacerdotes in codē fuerūt: post mortē in arbores sūt cōuersi, ut copiosè describit Ouid. lib. 8. Met.

Sed pia Baucis anus, pariliq; ætate Philemon.

Baule, uillæ nomen est, quæ inter promontorium Misenum, Baiarumq; lacum flexo mari alluitur. Dicta quasi Boauli, quòd Hercules illic boum stabulum fecit, quas Geryoni eripuit.

Baius, & Meuius, poëtæ malcuoli fuerunt temporibus Augusti, Vergilio inimici. Vergil. Eclo. 3.

Qui Baium non odit, amet tua carmina Meui.

## B E.

Bebrycia, regio est Asiæ, quæ postea Mygdonia, deinde Bithynia, à Bithyno rege appellata est. Bebryces, populi



puli eiusdē regionis, quos Strabo Thraces fuisse putat.  
 Bebryciū nemus, de quo suprà in dictione Amycus.  
 Vergilius: — Qui se

Bebrycia ueniens Amyci de gente ferebat, &c.

Belgæ, populi sunt Galliæ, proximi Germanis circa Rhe-  
 ni ostia. Sūt etiā nōnulli hoc nomine Rheni et Alpiū ui-  
 cini accolæ dicti, ut testatur Strabo in principio lib. 4.  
 Belgica dicta est eorum regio, in qua primum inuenta  
 fuisse uehicula, quæ effeda uocauerunt. Vergilius:

Belgica uel molli melius feret effeda collo, &c.

Belides, dicuntur quinquaginta filii Danai filij Beli, &  
 fratris Aegisti (quē alij Aegyptū uocant) Has cum pe-  
 teret Aegistus frater filijs suis, cui totidem erant nume-  
 ro, in uxores, Danaus despōdere noluit: didicerat enim  
 ex oraculo, se à genetro interfectum iri. Sed postea co-  
 actus à fratre, promisit se Aegisti petitioni satisfacturū.  
 In nuptiarū autē nocte filias subornauit, ut clam se cu-  
 litris armarēt, & uiros iā uino letitiāq; sopitos iugula-  
 rēt. Virgines itaq; patri obediētes, captato tēpore, ne-  
 carūt uiros, unaquæq; suū, excepta sola Hypermeſtra,  
 quæ Lynceo seu Linouiro suo pepercit, qui postea ex-  
 pulso Danao regnū apud Argos inuasit. Quapropter  
 dicunt reliquas sorores ob tale nefas apud inferos hoc  
 asiduo agitari supplicio, ut haurientes aquas implere  
 conentur urnas absq; fundis. Ouidius:

Moliriq; suis letum patruclibus ausæ,

Asiduè repetunt, quas perdant Belides undas.

Belides, media longa, filius, seu aliquis de genere Beli.

Vt apud Vergiliū lib. 2. Aeneid.

Fando aliquid si forte tuas peruenit ad aures

Belidæ nomen Palamedis, &c.

Bellero

Bellerophon, uel Bellerophontes, filius fuit Glauci regis Ephyræ: sunt tamen qui Neptuni faciāt. ab initio dictus est Hipponus, postea uerò à Bellerō Corinthiorū primatē, quem interfecerat, Bellerophōtes uocari cœpit. Adolefcens autem forma & moribus conspicuus, à Præto Argiuorum rege regno priuatus, iussus est eidē seruire. Hunc postea cū uxor Præti Stenobœa, ab alijs Antia dicta, miscre deperiret, ausa fuit eundē de stupro appellare. sed cum nullis precibus ad perpetrādū adulteriū inducere posset, illa dolore repulsæ, indignata, adolescentē quāuis innocētem, apud uirū accusauit. qui licet uehementissimè exacerbat, domi tamen iuuenem occidere noluit, sed ad Iobaten (quē alij Ariobatē, alij Hecurien nominant) socerū & Lyciæ regem misit cum literis, quibus nūciabat uim filiæ inferre uoluisse. Iobates igitur ut clā ulcisceretur crimen, ad domandos Solyms Bellerophontē misit: putabat enim fore, ut in pugna caderet, quos ille facile deuicit. & cū multis alijs eū periculis obiecisset, ille uero semper uictor rediisset, tandem ad perimendā Chimerā misit. Bellerophō itaq; sumpto à Neptuno Pegaso equo, ad monstrū illud euolauit, atq; occidit. Quapropter rex iuuenis uirtutes admiratus, alteram filiam cum regni parte illi in uxore dedit: quod Stenobœa audiēs, sibi ipsi mortē consciuit. Porro cum Bellerophontes ex rerum felici successu superbiens, in cœlum cum Pegaso uolare tentaret, Iupiter hanc audaciam ægrè ferēs, æstrū Pegaso immisit: à quo agitat, Bellerophontem excussit, ceciditq; in cāpū, qui postea Alcius appellatus est. Pegasus autē à Ioue inter sidera relatus est. Inde fit adiect. Bellerophōtæus, a, um. Proper. lib. 3.

Visus

*Visus eram molli recubare Heliconis in umbra*

*Bellerephontæi quæ fluit humor equi.*

**Bellōna**, dea belli, & Martis soror. cuius templū erat exigua columna, super quam hostiam iaciebant, dum indicabatur bellum. huic sacerdotes proprio sanguine litabant. Vocabatur etiam Enyo & Pallas. Verg.

*Et consanguineo sequitur Bellona flagello.*

**Belus** Priscus, filius fuit Epaphi, uel ut alij, Neptuni & Libyes, qui primus apud Assyrios regnavit, cui etiam templū ædificarunt, eumq; sub Saturni nomine sacris & uario cultu honorarunt.

**Belus**, alius, fuit Phœnicis, uir militaris scientiæ peritissimus, qui Cyprios Phœnicum littus infestantes piratica subegit, ut est apud Vergil. lib. 1. Aeneid.

*—Gemitur tum Belus opimam*

*Vastabat Cyprum, &c.*

Alio nomine dicebatur Metres, ut ait Seruius. Hinc patronymicū Belides: & Beliacus, & um, poss. apud Calentium, Beliaa Cyprus.

**Bembia**, uicus est Nemeæ: unde Nemeæus leo à poetis Bembinatis bellua dicebatur. Plautus in Militæ: Bēbinatidis belluæ instar: id est, Nemeæi leonis instar.

**Beneuentum**, urbs Campaniæ, cum eò colonia deduceretur, boni ominis gratia uocari cœpit, nā antè Maleuentum dicebatur. A Diomede cōdita fertur. Iuxta hanc 3000. Samnitū sunt occisa, Sulpicio & Petilio Cons. Horat. lib. 1. Sermon. Saty. 5.

*Tendimus hinc rectè Beneuentum, ubi sedulus hospes, &c.*

**Berecynthes**, natio quædā est inter Phrygas, ut ait Strab. lib. 10. Berecynthus uero mōs est Phrygiæ, cū oppido eiusdem

eiufdē nominis, in quo Cybele mater Deūm prifcorum  
more colebatur, ūdc Berecynthia dicta eſt. Verg. lib. 9.

Ipfā Deūm genitrix fertur Berecynthia magnum  
Vocibus his affata Iouem, &c.

Berenice, ſiue Beronice, Ptolemæi & Arfinoës filia,  
quam cum Ptolemæus prædicti filius ſororem ſuam in  
uxorē duxiſſet, nec multis diebus poſt cum exercitu in  
Aſiam profectus eſſet, nouiſſe Berenicen tradunt, Si ui  
etor Ptolemæus rediſſet, ſe crinem detonſurā, atq; eo  
uoto damnatam crinem in Veneris templo conſecraſſe:  
qui cum poſtridie non apparuiſſet, ægrè id ſirente re  
ge, Conō mathematicus, gratiā regis captās, dixit Pto  
lemæo crinem inter ſidera uideri collocatū, & quaſdā  
uacuas figura ſeptem ſtellas oſtendit in cauda Leonis,  
eaſq; crinē eſſe cōfinxit. Eſt etiā urbis nomen in Syrte  
maiori locatā, quā idē Ptolemæus condidit, & ab uxo  
ris nomine dixit. Sillius Berenicis nominatiuum facit:

Adfuit undosa cretus Berenicide miles.

Item alia fuit Herodis Iudaorum regis filia, & eiuf  
dem poſtea uxor, ut reſert Iuuenalis.

Bergion, uide ſuprà Albion.

Beroë, Epidauriæ fuit Anus, & nutrix Semeles, in quam  
ſe mutauit Iuno, Scmelæ perſuaſura, ut à Ioue ueram  
illius formam peteret, qua cum Iunone congregi ſole  
ret, ut ſuperius de Baccho dictū eſt. Et Beroës cuiuſ  
dam Dorycli Iſmarij coniugis meminit Vergil. lib. 5.

Fit Beroë Iſmarij coniux longaeva Dorycli, &c.

Berytus, urbs Phœniciæ. Priſcianus:

Antiquamq; Tyron, Berytiq; & mœnia grata.

Befſi, populi in Thracia, non procul à Ponto, qui maxia  
mam Aemi montis partem incolunt. Ouid. lib. 4. Trift.

Viucere

Viucere quàm miserū est inter Bessosq; Getasq;, &c.  
**Bethis**, siue Bethys, siue ut quidam scribunt, Bætis, flui-  
 uius est, qui ex agro Tarraconensi demissus mediam  
 Hispaniam perfluit, mox mari propinquus lacum effi-  
 cit magnum, ac demum occidentalem intrat oceanum.  
 Ab hoc dicta est regia Bethica. In ea quoq; tinge-  
 tur olim lanæ pulchro colore: unde Martialis:

Bethis oliuifera crinem redimite corona,  
 Aurea qui nitidis uellera tingis aquis.

## B I.

**Bianor**, oris, antea Ocnus dictus, filius fuit Mantus fati-  
 dicæ & Thusci fluminis, qui Mantuam ciuitatem con-  
 didit, eamq; de matris nomine dixit, Verg. Eclog. 9.

— Namq; sepulchrum

Incipit apparere Bianoris, hic ubi densas, &c.

**Bias Prienæus**, unus è septem sapientibus: cuius patriam  
 Prienam cum hostes cepissent, ipse fugiēs, cum cæteris  
 nihil rerum suarum secum tulit, dicēs, Omnia mea me-  
 cum porto: nam fortuita bona non putabat sua. Sidon.

Prienæe Bia, quod plus tibi turba malorum, &c.

Alius fuit Bias Amithæonis filius.

**Biblis**, idos, filia Mileni & Cyanes, quæ cum fratrem  
 Caunum miserè deperiret, eiusq; concubitus non pos-  
 set assequi, laqueo gulam fregit, ut testatur Oui. de Arte:

Biblidæ quid refram, uetito quæ fratris amore

Arsit, & est laqueo fortiter ultæ nefas.

Sed libro 9. Metamorph. aliter hanc fabulam recenset,  
 inquiens, Cum Biblis fratrem suum Caunum perdite æ-  
 maret, eiq; ardorem suæ libidinis detexisset, ipse dete-  
 standam sororis concupiscentiam aspernatus fugam ar-  
 ripuit, quem illa amoris impatiens statim secuta est, &

h post

postquam omnem Cariam, Lyciamq; , & Lelegas peragravit, labore & dolore victa confedit, multas effundens lacrymas: quapropter Naiadum commiseratione in fontem sui nominis permutata est. Ovidius:

Sic lacrymis consumpta suis Phœbeia Biblis,  
Vertitur in fontem, qui nunc quoq; uallibus illis  
Nomen habet dominæ, nigraq; sub ilice manat.

Bilbilis, ciuitas est Hispaniæ Celtiberiæ, unde Martialis poëta fuit oriundus, à Bilbili fluuio ei propinquo, sic dicta. Martialis:

Videbis altam Licine Bilbilim.

Equis & armis nobilem, &c.

Bion, Boristhenides philosophus fuit, & sophista callidus. Fuerunt & alij nouem Biones, ut testatur Lært.

Bisaltæ, populi sunt Scythici, qui fugiētes equorum sanguine aluntur lacte permixto. sic dicti uel à Bisalte fluuio, uel à Bisalto Solis & Terræ filio, ut author est Plinius. Verg. lib. 3. Georg.

Bisaltæ quo more solent, acerq; Gelonus, &c.

Bistonis, stagnum & ciuitas in Thracia, à Bistone rege sic dicta, hinc Bistonia, ipsa Thracia: & Bistones, populi. Ovidius:

Tuta tamen bello Bistonis ora fuit:

Inde sunt Bistonius, & Bistonius, a, um, possessiua.

Bithynia, regio minoris Asiæ, ad Pontum sita, et Troadi proxima, primum Bebrycia, deinde Mygdonia, postea Bithynia, à Bithyno rege appellata. Quidam tradunt Thynos populos transisse ex Europa, & hanc regionem occupasse, & hinc Bithyniam & Bithynos nominatos. Claudianus:

Thyni Thraces arant, quæ nunc Bithynia fertur.

Iuuenalis



Iuuenalis uerò primam corripuit:

Quamquam Cappadoces faciant equitesq; Bithyni.  
Hinc Bithynus, & Bithynicus, a, um. Bithynum  
ciuitas huius regionis, à qua Bithyniatae, & Bithy-  
nienſes, populi.

Bitias, & Pandarus, fratres fuerunt ex Alcanore Troia  
no geniti, quos Hiera in ſyluis nutriuit. Hi cum Aenea  
in Italiam uenerunt: & cum apertis etiam portis au-  
ſi eſſent Rutulos laceſſere, ab iſdem ſunt trucidati.  
Vergilius libro 9.

Pandarus & Bitias Ideo Alcanore nati, &c.

Alius fuit Bithias inter proceres Didonis, cuius memi-  
nit Verg. lib. 1. Aeneid.

Bituriges, populi liberi in Aquitania, qui dicuntur etiam  
Cubi, autore Plinio: itē Iofci, ut ait Strabo. Luca. lib. 1.

Et Biturix, longisq; leues Axones in armis.

Bizen, ciuitas eſt Thraciae: & Bizia arx regum, à Terei  
neſando crimine harundinibus inuiſa.

## B L.

Blene, arum, populi ſunt Aphricae, faciem in pectore ha-  
bentes. Claudianus:

Errat per Meroën, Blenasq; ſeros, atramq; Syenen.

## B O.

Bocchus, rex fuit Mauritaniae, amicus populo Rom. ut  
teſtatur Salluſtius in bello Iugurthino. Huic ſucceſſit  
Iuba, de quo alibi.

Boebeiſ, lacus eſt Theſſaliae iuxta Oſſam montem. Lu-  
canus libro 7.

Ire per Oſſeam rapidus Boebeiſa ſanguis.

Boeotia, regio eſt Graeciae, in longum ad Atticam ſe pro-  
tendens, triplici alluitur pelago, pluribusq; abundat  
portubus.

portubus. Hinc Bœotij eiusdē regionis populi. Dictā autē uolunt à boue, quem Cadmus Agenoris Thebarum conditor immolauit, antequā urbem conderet, quam postea Amphion muris ornauit. Ouidius:

*Mœnia fac condas, Bœotiaq; illa uocato.*

Dionysius dicit eam appellatam à Bœto, quem Neptunus ex Arne Aeoli filia suscepit. Eius descriptionem uide apud Strabo. lib. 9.

Bohēmia, regio est Germaniæ, cuius incolæ Bohemi prope Albim fluuium habitant, à quo Albicola dicuntur. Sic dicta à Bohemo principe. Quidam,

*Te duce Pannonij sæuos fregere Bohemos.*

Boij, populi Galliæ Cisalpinæ, inter Padum & Trebiā siti. Hi sæpiſſimè olim suam sedē mutarunt, ut autor est Strabo lib. 7. Hodie Boiarij, & Bauari. Mant.

*Tunc Celtæ, Boijq; truces, ex Alpibus altis, &c.*

Bona dea, quam ueteres Faunam, siue Fauiam, siue (ut alij uolunt) Sentam dixerunt: hanc tantæ pudicitie fuisse ferunt, ut nemo illam, dum uixit, præter uirum suum, mas uiderit, nec nomen eius audierit: propter quod illi solæ mulieres Romanæ in aperto noctu sacrificabant, & Bonam deam nominabant. Quidam putant hanc Proserpinam esse, & idcirco ei porcarem diuinam fieri, quia segetem, quam Ceres mortalibus tribuit, porca depasta est.

Bononia, ciuitas est Italiæ, nō procul à Pado sita. Mant.

*— Quà magna potensq;*

*Imperat Aemulio uicina Bononia Rheno.*

Bononienses, eiusdem incolæ.

Bootes, stellula est iuxta ursam maiorem, quæ alio nomine Arctophylax dicitur. Manil.

A'tergo

A' tergo uenit Arctophylax, idemq; Bootes.

Vide supra, Arcas.

Boreas, uentus est, spirans inter Septentrionem & exortum solstitialem, Latine uocatur Aquilo, ab intepestuofo flatu. natura sua nubes dissipat, & aquas gelu constringit. Poëtæ cum Astrei filium faciūt, eumq; Hyacinthum puerū amasse tradunt, qui etiam ab Apolline diligebatur. uide infra. Amavit præterea Orithyā Erichthonij Athenarum regis filiam, quam & in coniugem postulauit: uerū cum non daretur, uī eam rapuit: ex qua postea Zethē & Calain suscepit. Fertur quoque pulcherrimas Dardani equas adamasse, & ex illis duodecim uelocissimos equos suscepisse. Hinc Boræus, & Boreetis, idis. Ouid. lib. 1. Metam.

—Scythiam septemq; triones Inuasit Boreas, &c.

Borysthēnes, fluuius est Scythiæ ad stadia sexcenta nauigabilis. inde Borysthenidæ populi Scythici eiusdē accolæ. Propertius:

Gloria ad hybernos lata Borysthenidas.

Est etiam Borysthenēs nomē oppidi fluuiio adiacēs: itē insula et portus in mari Euxino, ad ostiū Borysthenis.

Bosphorus, est angustus maris meatus iuxta Byzantium, per quem Pontus in Propontidem fluit: à transitu Iouis in bouem transformati sic nuncupatus. Hic Thracius dicitur. Alter est in introitu Mæotidos paludis, per quē in Pontum defluit & Cimmericus appellatur, à Cimmericis populis septentrionalibus, qui eam partem incolunt. Lucan.

Sic stat incers Scythicas astringens Bosphorus undas.

Bouillæ, oppidum in Latio non procul ab urbe Roma, unde suburbanæ dicuntur ab Ouidio.

Orta suburbanis quædam fuit Anna Bouillis.  
 Dictæ Bouillæ, quasi bouis hilla, quod eò uulnerata  
 bos sua trahens intestina deuenerit.

B R.

Brachmanes, fuerunt Indorum sapientes, qui ab omni  
 carnis cibo abstinebant: præcipuè autem ueritatem am-  
 plexabantur. De his multa Strabo lib. 15.

Bragada, fluuius Aphricæ, iuxta Vticā in mare labitur:  
 apud hunc ab Attilio Regulo & toto exercitu cū bal-  
 listis & alijs armis serpens cētum & uiginti pedes lon-  
 gus, est occisus. Syllius libro 5.

Turbidus arentes lento pede sulcat arenas

Bragada, &c.

Branchus, ut scribit Lactantius, filius fuit Apollinis, ex  
 filia Iaucis & Sucronis coniuge susceptus: qui cum A-  
 pollinis malas deosculatus esset, ab eo captus, coronā  
 & uirgam accepit, cepitq; uaticinari, & subito nun-  
 quam apparuit: post hoc ingens templū est ei ædifica-  
 tum, quod Brāchiadon, nominarūt. Idem autor alibi  
 dicit Branchum, quendam Thessalum fuisse, ab Apolli-  
 ne maximè dilectū, cui post mortē in suo templo sacra  
 fieri idem iussit. Apollo Branchiades uocatur. Bran-  
 chi meminit Statius lib. 3. Thebaid. & Strabo libro 14.

Brennus, dux fuit potentissimus Gallorum Senonū, qui  
 cum trecentis armatorū millibus in Italiam irrumpens,  
 primū Romanos apud Alliā fluuium profligauit, dein-  
 de ad urbem pergens eandē cepit, totamq; exussit, præ-  
 ter Capitoliū, in quod nobilior iuuetus confugerat: sed  
 cū & illud aggrediretur, Romani cū illo cōuenerūt,  
 ut acceptis aliquot auri talentis obsidionē relinqueret.  
 Cū igitur aurum pēderetur, ipse dux gladiū suū ua-  
 gina

gina eductes, & hūc pensari imperauit. sed cū hoc Ro-  
mani ut rem iniustā recusarent, atq; ita inuicē contēde-  
rent, Camillus exul, qui absens Dictator creatus, colle-  
ctis aliquot legionibus, Gallos ex improviso adortus  
est: qui relicto auro, cū maximo suorū detrimēto fuga  
sibi consulere coacti sunt. Camillus uerò eos continuo  
persequens ex Italia expulit. Postremò Brennus Apol-  
linis Delphici templum prædæ causa ingressus, ira nu-  
minis se interfecit. Propert.

Torrida sacrilegum testantur limina Brennum.

Vide quoq; prouerbium, Quid nisi uictis dolor?

Briareus, Titanis & Terræ filius, secundū alios Cæli &  
Terræ, gigantū maximus, quem poëtæ centimanū suis  
se tradunt, eumq; cum reliquis gigantibus bellum con-  
tra deos gessisse, sed uictum ad infros esse detrusum, in-  
terq; monstrosos in uestibulo inferni excubias agere,  
Vergilius autor est libro 6. cum inquit:

Centauri in foribus stabulant, Scyllæq; bifformes,

Et centumgeminus Briareus, & bellua Lernæ.

Homerus uerò hūc summū Iouis fuisse amicum ostēdit.  
Cū enim Iuno, Neptunus, unā cum Pallade & alijs dijs  
aduersus Iouē coniurassent, & de catena faciendā, qua  
eundem uinctum de cælo traherent, in domo Nerei pa-  
tris Thetidis deliberassent, Thetis omne cōsiliū Ioui  
exposuit. Quamobrem Iupiter Briareum in cælū uo-  
cauit: quem cum uidissent cōiurati, cō quod fortissimus  
habretur, ab inceptis destitēre, & sic defensus est Iupi-  
ter. Quidam putant hunc Briareum, Acgeona, & Gi-  
gen, eundem esse.

Briseis, alio nomīne Hippodamia, puella longē formosissi-  
ma, quam Achilles expugnato Lerneſſo, siue, ut alij  
h 4 scribunt,

scribunt, Lyrnesso oppido, cum Astynome Chryse sacerdotis filia, rapuit, et hanc postea Agamemnoni concessit, illam uero sibi reseruauit. Vide supra de Achille. Propertius:

Omnia formosam propter Eriseida passus.

Britannia, insula in Oceano septentrionali, triangula, ut ait Strabo lib. 4. et à Britone rege Britannia dicta, cum antea Albion diceretur, ab albis montibus, qui nauigantibus ad eam primò apparent: hodie Anglia uocatur. Hinc Britannus, et Britannicus, a, um. Brito, idem. Vergilius Ecloga prima:

—Et penitus toto diuisos orbe Britannos. Iuuen.

Quà nec terribiles Cimbri, nec Britones uquã, &c.

Britannicus, nomē proprium filij Claudij ex Messalina, quem primò Germanicū, mox Britannicū nominauit: et quauis eundem paruulū sæpius manibus gestas militibus commendasset, nihilominus tamen inter cœnandum ueneno est sublatus. Iuuenal. Saty. 6.

Ostendit q̃; tuum generose Britannice uentre, &c.

Britomartis, nymp̃ha fuit Cretēsis, Iouis et Charmes filia: quæ retia ad uenādū inuenit, ex quo Dictynna est appellata: quod causam præbuit, ut quidā Dictynnā et Dianā eandem esse putauerūt. Hæc, ut quorūdam opinio est, à Minoo rege Cretensi adamata, cū eiusdem concubitum aliter fugere non posset, de rupe se in mare præcipitauit. Vide Vergiliū in Ciri.

Brixia, urbs est Gallie Cisalpinae, à Germanis in Italiam transeuntibus condita. Mantuanus:

Brixia magnorum genitrix animosa uirorum, &c.

Bromius, uocatur Bacchus, ἀπό τοῦ βρόμου, id est, à strepitu et sono. Ouid. lib. 4. Metam.

Thura dabāt, Bacchūq̃; uocant, Bromiumq̃; Lyæum.

**Brontes**, **Steropes**, & **Pyracmon**, **Cyclopes** fuerunt infigniores, **Neptuni** ex **Amphitrite** filij (licet **Hesiodus** **Cœli** & **Terræ** dicat) qui **Vulcano** attributi, sub eo apud **Liparâ** insulâ, Ioui fulmina conficiunt. Dicitur **Brōtes**, ἀπὸ τῆς βροντῆς, id est, tonitru. **Steropes**, ἀπὸ τῆς στεροπῆς, id est, à fulgure. **Pyracmon**, ἀπὸ πυρὸς καὶ ἀκρονος, id est, ab igne & incude, quasi ignita incus. Verg. li. 8.

Ferrum exercebant vasto **Cyclopes** in antro,

**Brontes**q; **Steropes**q; & nudus membra **Pyracmon**.

**Brotheus**, filius **Vulcani** & **Mincruæ**, deformi facie, ob quam dum plerisque esset risui, animi dolore se in rogam coniecit. Ouid. in Ibin:

Quodq; ferunt **Brotheū** fecisse cupidine mortis,

Des tua succenso membra cremanda rogo.

**Brundisium**, urbs est **Calabriæ**, à **Gracis** condita, portu nobilis: hinc nauigatur ex **Italia** in **Græciam**. sic dicta à cerui capite, cui locus ille cum urbe uenit comparandus: nam lingua **Mesapiorum** **Brundisium** cerui caput nominatur. **Lucanus** libro secundo:

**Brundisij** tutas conscendit **Magnus** in arces.

**Brutij**, populi **Italiæ** ultimi **Siciliam** uersus, **Lucanis** uicini: dicti quasi **bruti** & obscœni. Et **Brutium** promontorium, à **Ptolemæo** **Scylleum** uocatū in extremo loco occidui cornu, ubi olim **Sicilia** **Italiæ** annexa fuisse putatur, sed postea maris sæuitia abscissa est.

**Brutus**, nomen fuit multorum **Romanorum**, Iunius **Brutus** primus fuit consul **Rom.** qui reges expulit, urbemq; ab eorum imperio liberauit. De hoc **Vergil.** lib. 6.

— Animamq; superbam **Vltoris Brutis**, &c.

Alius fuit **M. Brutus**, qui adiuuante **Cassio Iulium Cæsarem** in senatu interfecit, postea uerò in bello ab **Augu-**

h s sto uic



sto uictus, sibi mortem consciuit.

B V.

Bubastus, urbs est Aegypti, in qua religiosissimè olim colebatur Isis, quæ ab ea Bubastis appellatur. Ouidius lib. 9. — Cum qua latrator Anubis, Sanctaq; Bubastis.

Bubasus, Cariae regio est, cuius mulieres ab Ouidio uocantur Bubasides, cum inquit lib. 4. Metamorph.

Bubasides uidere nurus, &c.

Bucephalus, quasi bouis caput, equus fuit Alexãdri Magni, quo semper in certaminibus utebatur.

Bucephala, siue Bucephalia, Indiae urbs est, iuxta Hydaspem fluiuium, ab Alexãdro cõdita: sic appellata à Bucephalo equo, qui cecidit ibidem in praelio, quo uicit Porum.

Burgundia, regio est Galliae Celticae, quam olim Sequani & Hedui tenuerunt. inde Burgundio.

Busiris, Neptuni filius ex Libya, Epaphi filia, et rex Aegypti crudelissimus, qui hospites suos mactabat: ad extremum ab Hercule, cui easdẽ insidias parabat, unà cū Amphidamante filio, & pracone Chalbe, & ministris arae, in qua hospites immolabat, interfectus est. Verg.

— Aut illaudati nescit Busiridis aras.

Est etiam urbis nomen in Aegypto, ab eodem cõdita.

Bura, seu Buris, urbs est Achaiae, cuius meminit Ouidius libro 15. Metamorph.

Si quaras Helicen & Burin Achaiadas urbes, &c.

Buthes, siue Butes, filius fuit Amyci, Ecbryciorum regis, qui ob seuitiam patris ab Argonautis cæsi, regno pulsus, paruo nauigio Drepanum in Siciliam cõfugit: ubi à Lyncaste nobili meretrice hospitio susceptus est: à

qua

qua cum ob formæ, morumq; & ætatis elegantiam diligeretur, eius concubitu usus Erycen filiū suscepit. Et quoniam Lyncaste ob eximiam pulchritudinem Venus uocabatur, datus est locus fabulæ, Buthen uidelicet ex Venere filium Erycen suscepisse. Porro Verg. lib. 3. Aeneid. Buthen à Darete iuxta tumulum Hectoris occisum dicit, inquiens:

Idemq; ad tumulum, quo maximus occubat Hector,  
Victorem Buthen immani corpore, qui se  
Bebrycia ueniens Amyci de gente ferebat,  
Perculit, & fulua moribundum extendit arena.  
Alius fuit Buthes Troianus, à Camilla occisus, ut testatur idem autor lib. 11.

Buthrotū, urbs est Epiri ī Thesprotijs, in qua regnauit Helenus Priami filius, de quo infra. Verg. lib. 3. Aenei.  
— Et celsam Buthroti ascendimus arcem.

## B Y.

Byrsa, Latine corium significat. Quum Hiabæ Getulorum rex uellet expellere Didonem ex Libya, illa callide emit tantum soli, quantum teneri posset bubulo corio. Verum corium in tenuissima corrigia sectum tetendit, occupauitq; 22. stadia: unde postea Carthaginem, quam condidit, & eiusdem arcem, ex illius facti nomine Byrsam dixerunt. Verg. lib. 1. Aeneid.

Mercatiq; solum facti de nomine Byrsam,  
Taurino quantum possint circundare tergo, &c.

Byzantium, Thraciæ urbs, à Pausania Spartanorū duce, siue à Byzæ, ut quidam uolunt, condita, à qua Byzantæ populi dicuntur. Postea à Constantino Cæsare ampliata, & Cōstantinopolis dicta est, imperij Orientalis caput: hodie uerò Turcarū regia sedes, quā illi nō  
Constanti

Constantinopolim aut Byzantium, sed Czaroudom,  
id est, Cæsaris domum uocant. Ouid. lib. 1. Trist.

Qua; tenent Ponti Byzantia littora fauces,  
Hic locus est gemini ianua uasta maris.

Byzères, siue Byzares, populi sunt Pontici, olim Chalybes appellati. Valer. Flac. lib. 5.

Byzeresq; uagi, Philiteq; et nomine dicta  
Littora, &c.

# DE L I T E R A C.

## C A.

**C**Aballinus fons est in monte Helicone, à Græcis Hippocrene dictus, quem Pegasus, in eo loco saxū feriens, aperuit: unde et Pegaseus uocatur.

Caca, soror fuit Caci, quam quidam uolunt fratris furtū Herculi indicasse, et ob id meruisse ibidem diu arasacrisque uenerari. Sed longè aliter Vergilius lib. 8. et Ouidius lib. 1. Faistor. sentiunt.

Cacus, cuius iam quoque mentio facta est, filius fuit Vulcani, qui Latium undique latrocinij et incendijs infestabat: demum Herculis quoque ex Hispania, occiso Geryone, redeuntis, et apud Euandrum hospitantis, boues noctu cauda traxit in antrum suum: quas cum mane diminutas cerneret Hercules, nec quorsum errassent scire posset, fortè fortuna ad hoc antrum peruenit: sed cum uestigia omnia foras uersa uideret, cum reliquis abiit: Abcuntibus autem cæteris, occlusæ boues aliarum desiderio mugierunt. Hercules igitur audito mugitu, Caci fraudem cognouit, raptæque claua iratus recurrit: sed Cacus spelunca fretus, in eadem se abscondit, clausis foribus ingenti saxo. Quod Hercules uidens, ad montis cacumen

cumen tendit, & ad extremum detecta maxima montis parte, in antrum desiliens, Cacus strangulauit, bovesq; suas recepit, ut copiosè describit Vergilius libro octauo. Sunt qui affirmant hunc Cacus Euandri fuisse scrui, qui in eo loco Italiæ omnia latrocinio & incendio uastauerit, & ob id Vulcani filiū appellatū. Ouidius fabulatur illum tricipitem fuisse, cum inquit:

Mænaliō iacuit fusus tria tempora ramo,

Cacus, &c.

Cadmus, Agenoris fuit filius, qui apud Tyrum & Sidonem imperauit. Hic à patre missus ad perquirendam sororem suam Europam, quam Iupiter in taurum mutatus, rapuerat, & in Cretam transtulerat: cum illam non inuenisset, nec ad patrem redire auderet, non procul à Parnaso monte consedit, ibiq; Thebas condidit: regionem à Ioue Boeotiam nominauit, cum prius Aona uocaretur. Quum autè quosdam ex socijs à serpente necatos uidisset, serpentem occidit, eiq; dentes euulsit, ac seuit, ex quibus nati sunt homines armati, qui omnes se statim mutuis uulneribus cōfecerūt, præter quinque, qui se Cadmo associarunt. Postremo ab Amphione & Zetho regno pulsus, ad Illyrios transiuit, ibiq; deorū cōmiseratione unā cum uxore Hermione, quam Ouidius Harmoniam uocat, Martis & Veneris filia, in serpentem est cōmutatus. Hic autore Plinio lapicidas auri, metallorumq; conflaturam, & sedecim literarum characteres, aliaq; permulta inuenit. Filias habuit Semelen, Agaen, Inoen, & Autonoen. Hinc Cadmeis patronymic. itē Cadmeius, et Cadmeus, a, um, possess. ut, Cadmeia Tyrus, & Cadmæa Thebæ. Caduceus, uel Caduceum, uirga fuit, quam cum Mercurius

curius ab Apolline accepisset, eāq; manu tenens, in Arcadiā proficisceretur, dracones duos simul ligatos, & inter se mutuo pugnantes inuenit: quibus cum ille uirgam interposuisset, dicto citius praelium illorū diremptum fuit. Ex qua re uirgam eam pacis uirgam habere cepit: & posteri eius rei exemplo, Mercurio uirgam deinceps duorū draconū similitudine ubiq; affinxerūt. Sed de Caduceo copiosius Perottus. Hinc Mercurius Caducifer dicitur. & Caduceatores, pacis legati.

Cadurci, populi sunt Galliæ. Mantuanus:

Alucrni, Meldiq; simul, fortesq; Cadurci.

Cæa, siue Cæos, insula est in mari Aegeo, à Cæo Titānis filio sic dicta. Hanc Ptolemæus & uulgus nauticum Ciam appellant. Celebris est propter uestes bombycinas illic inuentas. Hodie sub Venetorum imperio est. Vergilius lib. 1. Georgi.

—Et cultor nemorum, cui pinguis Cæa  
Ter centum niuci tondent dumeta iuueni.

Hinc Cææus, a, um.

Cæcias, uentus est, flans inter Aquilonem & exortum solstitialem, quem Aristoteles ita flare dicit, ut nubes non procul pellat, sed ad sese uocet, ut inde natum sit prouerbum, Mala ad se trahens, ut Cæcias nubes.

Cæcilius, poëta fuit comicus, de quo Horatius:

Vincere Cæcilius gravitate, Tarentius arte.

Cæcubum, Campaniæ oppidum, licet paludibus adiaceat, uini tamen est feracissimum. Martialis:

Cæcuba Fundanis generosa coquuntur arenis.

Cæculus, Vulcani fuit filius: huius enim mater cū iuxta ignem sederet, forte fortuna scintilla quædam in eiusdē gremium euolauit, ex qua mulier concepit, peperitq; filium.

filium, quem postea ob oculorum paruitatem, *Caculū* uocauit: qui adultus, cum sibi obijceretur, quòd *Vulcani* proles non esset, ab eodem rogauit, ut si eius esset filius, demonstraret. Ibi *Vulcanus* non diu commoratus, fulmen misit, à quo omnes qui non credebant, perempti sunt: & hoc modo uerus *Vulcani* filius habitus est. Hic post multa latrocinia, *Præneste* oppidum condidit, ut demonstrat *Maro* lib. 7.

*Nec Prænestinae fundator defuit urbis:*

*Vulcano genitum pecora inter agrestia regem,*

*Inuentumq; focis, omnis quem credidit aetas,*

*Caculus, &c.*

*Caelius*, mons est in urbe *Roma*, à *Celio Vibeno* nobilissimo *Thuscorum* duce sic appellatus, quem postea *Tullus Hostilius* addidit, ibiq; ipse habitauit, quo frequentius ab alijs habitaretur.

*Cæneus*, *Elati* filius, à prima etate puella fuit forma uenustissima, adeo ut *Neptunus* illius forma tractus, cum ea concubuerit. in mercedem autem concubitus petijt illa, ut in uirū mutaretur, & esset inuulnerabilis: quod factum est. Cæterum cum postea *Cæneus* superbia elatus contemptis dijs, iuberet *Lapithas*, quibus imperabat, per hastam suam iurare, *Iupiter* illius superbiam ultus est. Nā pugnās cum *Centauris*, cum ferro uiolari nō posset, tāta arborū mole oppressus est, ut uiuus sub terrā detruderetur, atq; hoc modo interiit. Post mortē autē in auē mutatū dicit *Ouid.* lib. 12. *Meta.* – O salue

Maxime uir quondam, sed quis nunc unica *Cæneus*.

*Verg.* uerò lib. 6, *Aene.* post mortē in sexū redijse dicit:

*It comes & iuuenis quondā, nunc sœmina Cæneus,*

*Rursus & in ueterem fâto reuoluta figuram.*

*Cere,*

**Cære**, oppidum fuit Thufcia, antea Agylla nominatū, à Pelasgis è Theſſalia profectis cōditiū. Deinde uerò Lydis, quos poſtea Tyrrhenos nominauerunt, aduerſus Agyllinos bellū gerentibus, cum quidam murū ſubiens urbis nomen percontatus fuiſſet, eiq; à Theſſalo quodā de muro, *Χαῖρε*, quod ſignificat ſalue, reſponſum eſſet, eo ueluti bono omine à Thufcis ſuſcepto, captam urbē mutato priori nomine Cære uocauere: à quo Cērites, & Cēritana balnea. Porro duo tantū huius nominis obliqui in uſu eſſe traduntur. Cēritis. Vergilius:

Est ingens gelidum lucus prope Caritis amnē, &c.  
Et Cærte media longa, licet hoc quidam poſſeſſium dicant. Vergil. lib. 10.

Qui Cærte domo, qui ſunt Minionis in aruis, &c.  
Vide prouerb. Carite cæra digni.

**Cæretum**, oppidum eſt Vmbriæ inter Spoletū & Nurſiam, à quo Cæretani appellantur.

**Cæſarea**, nomen eſt multarum urbium, quæ ſic appellatæ ſunt in honorem Auguſti Cæſaris. Harum una eſt in maritimis Palæſtinæ, quæ Pyrgus ſeu Turris Stratonis uocabatur. ſed cum poſtea Herodes eandem ampliaret, Cæſarea eſt dicta. Altera eſt Philippi, à Philippo Herodis filio, ad Libani montis radices ædificata, ubi ſunt fontes Iordanis, & in honorem Auguſti, Cæſarea nominata. Tertia eſt in Cappadocia, prius Moga, deinde à Cæſare Cæſarea nuncupata. Quarta eſt in Mauritania Iol nomine, quam cum Iuba Ptolemæi pater muniret, mutato nomine, Cæſaream dixit.

**Cæſenna**, urbs Flammineæ prouinciæ. Cæſennates, eius incolæ: & Cæſennatia uina, quæ inter optima numerabantur.

Ceyx



**Cæyx**, Lucifri filius, & maritus Alcyones, qui cū ob fratris casum in accipitrem mutati, ad Clarium oraculum consulendum ire uellet, diu ab uxore fuit remoratus: cū uero illi promississet, se intra duos mēses reditūrum, abire permissus est. Sed in Aegeo mari tempestate deprehensus naufragium fecit, ibiq; amissa naui unā cum socijs submersus, promissis stare non potuit. Vxor autem cum quotidie dijs pro uiri salute uota solueret, noctu per somnium monita est maritum periisse. Mane igitur experrecta, ad littus, unde maritus soluerat, accessit, & dū infortunia sua querebatur, cadauer in mari longius aspexit: quod cum mariti esse cognouisset, ac per undas ad illud exilire uellet, decorum cōmiseratione in Alcyonem conuersa, ad os mariti aduolauit: qui oscula uxoris sentiens in auem eiusdem nominis commutatus est. Ouid. lib. 11.

At iuuenes quærente moras Cæyce reducunt.

**Caicus**, siue Gaicus, Mysiæ flumen est, Pergamum præterfluens, per campum, qui Caicus nominatur, in Elaiticum sinum defluit. Verg. lib. 4. Georgi.

Saxosumq; sonans Hipanis, Mysusq; Caicus.

**Caieta**, nomen mulieris Troianæ, quam alij Acneæ, alij Ascanij, alij Creusæ nutricem faciunt. Hanc Aeneas ab inferis reuersus sato cecisse inueniens, eam non longè à Bianco sinu sepelijt: ibiq; & urbem condidit, quam und cum adiacenti portu Caietam dixit. Verg. lib. 7.

Tu quoq; littoribus nostris Aenciæ nutrix

Aeternam moriens famam Caieta dedisti.

Strab. autor est Aeneā huius urbis fundamēta posuisse, & sinū ipsum in medio positū Caietam nominasse. Alij dicunt propter combustas naues Caietam fuisse appellatam,

latam: est enim καὶ ἐν, urere.

Calabria, regio est Italiae, extremitatem tenens uersus Siciliam, quā & Mesapiam & Iapigiam & Salētinam multi uocauerūt, ut docet Strab. li. 6. Calabri, populi.

Calais, & Zethes, filij suere Coreæ ex Orithyia, qui cū Argonautis Colchos profecti sunt, & cum inde sublato aureo uellere, reuenterentur, ad Phineum Arcadiæ regē diuenterunt: qui filios suos suasu Harpalices coniugis obsecarat. cuius sceleris magnitudine dij permoti, & eundem oculis priuarunt, insuper Harpyias illi obiecerant, quæ omnia sædabant. Ab hoc igitur cū benignè essent suscepti, ut ei gratiam referrent, tam diras ac sædas aues persequi constituerūt (erant enim iuuenes alati, & sagittandi arte præstantes) easq; à Phinei regno prorsus abegerūt: & cum usq; ad insulas Plotas psecuti forent, ab Iride admoniti sunt, ne ulterius Iouis canes persequerentur. Itaq; retrò reuersi, duabus insulis, in quibus Harpyias reliquerūt, Strophados, hoc est, conuersionis nomē imposuere, cum antea Plotæ uocarentur. Occisi tandem hi duo fratres ab Hercule dicuntur: siue quia nauem Argo uersus Mysiā reuerti prohibuerant: siue quia cum eo in partitione munerū, quæ Iason principibus Argonautarū distribuerat, dissenserant: siue quia pater Boreas tempestate circa Cō insulam penè Herculem oppresserat. Ouid. lib. 6. Metam.

Barbaq; dum rutulis aberat subnixa capillis,

Implumes Calaisq; puer Zetesq; fuerunt, &c.

Calauria, insula est iuxta Cretam, à Calauro Neptuni filio denominata. Est etiam urbs Locrorum, in qua Latona maximè colebatur: unde Ouid. lib. 7. Metam.

Calchas, augur, Thestoris filius, à quo Thestorides appellatur:

pellatur : qui cum Græcis ad expeditionē Troiæ profectus est: & quoniam diuinādi arte plurimum præstabat, eius consilio multa gesta sunt. Nam in Aulide ostēdit, quomodo placata Diana, uenti sedari possent : & apud Troiam in castris docuit, quæ ratio Apollinis, ut pestilentia cessaret, foret: & ex passere, quæ cum nouē pullis à Dracone uorabatur, indicauit decēnalem obfidionem Troiæ futuram. Quapropter inter ceteros Achilli acceptissimus erat, adeo ut eius præsidio plerūq; defenderetur, præcipuè uerò cū suaderet, Chryseidē patri reddendam esse: tum enim Agamemnon non solum in uatem, sed etiam in ipsum Achillē incēsus ferebatur. Diruta autē Troia reuersus cum Amphilocho Amphiarai filio, terrestri itinere Colophonem, quæ urbs est Ionie, peruenit: & cū in luco Apollinis Clarij extra urbem apud fanū in Mopsum præstantissimum augurē incidisset, ei caprificum, quot ficus haberet, ut ait Hesiodus: prægnantem suam, quot porculos gereret, ut tradit Pherecides, proposuit: & cum Mopsus uera locutus esset, Calchas uerò minime, præ animi ægritudine satis cessit. Sunt tamen, qui Calchantem suam, Mopsum uerò caprificū proposuisse dicūt, & illum in diuinando errasse, hunc uerò minime. Verg. lib. 2. Acnei.

Hic Ithacus magno uatem Calchanta tumultu

Protrahit in medios, &c.

Calciope, soror fuit Absyrthi, & coniux Phryxi, ex quo Cytorum peperit. Ouid. in epist. Helen. ad Parid.

Non erat Acetes, ad quem despecta rediret,

Non Ipsea parens, Calciopeq; soror.

Cales, plur. tantum, oppidum est Campaniæ, cuius meminit Verg. lib. 7. Quiq; Cales linquunt, &c.

Calisto, filia fuit Lycaonis regis Arcadiæ, de qua supra in dictione Arcas. Proper. lib. 2.

Calisto Arcadios errauerat urſa per agros,  
Hæc nocturna ſuo ſidre uela regit.

Callimachus, poëta Græcus, Cyrenæus, Batti filius, diſcipulus Hermocratis, qui uixit apud Ptolemæum Philadelphum in honore præcipuo, fuitq; bibliothecæ præfectus.

Calliope, una eſt Muſarum, cæteris excellentior, à bonitate uocis dicta. καλὸν enim bonum eſt, & uox. Hanc poëſin inueniſſe tradunt. Verg. in Epigram.

Callirhoë, Acheloi filia, quæ Alcmæoni nupſit, ut copioſius ſuprà de eodem dictũ eſt. De hac Ouidius libro 9. Callirhoë, ut habet Solinus, fons eſt Atticæ regionis, nouẽ habẽs capita & aquæductus. Papi. lib. 12. The. Et quos Callirhoë nouies errantibus undis Implicat, &c.

Alius eſt in Iudæa, Hieroſolymis proximus.

Calliſthenes, philoſophus, Ariſtotelis diſcipulus, & conſanguineus, qui cum Alexandro Magno in Aſiam proſectus eſt, ut eiufdem res geſtas memoriæ proderet. ſed cum regem liberius inſolentiæ argueret, ab eodem truncatis omnibus mēbris cum cane in cauea clauſus circumferri iuſſus eſt, tandem poſt longum cruciatum necatus. De hoc multa Seneca.

Calœnum, urbs Campaniæ in primis eximia, adiuncta Caſilino. optimis uinis abundat. Horat.

Prælo domitam Calæno tu bibes uuam, &c.

Et Calœnũ uinũ, à καλός, id eſt, bonũ: diuos, uinũ. Iuue.

Occurrit matrona potēs, quæ molle Calœnum, &c.

Calpe, mons eſt in extremis Hiſpaniæ, circuitu non magno,

gno, altitudine autem ingens, oppositus Abylae mōti,  
una ex columnis Herculis, in cuius radicibus est urbs  
Calpe. Non longè post Gades iacet insula eiusdem no-  
minis. Vide supra Abyla. Ausonius:

Condiderat iam solis equos Tartesia Calpe.

Tartesia autem uocatur à Tarteso urbe sibi adiacēte.

Calydon, penult. produ. uel Calydonia, ciuitas est Ae-  
toliae, regia Oenei, patris Meleagri, prope quam Mele-  
ager uastissimum aprum cum Atalanta interfecit. Per  
hanc Euenus fluit. Lucanus:

Et Meleagræam maculatus sanguine Nefsi,

Euenus Calydonasecat, &c.

Calydonis, idos, mulier è Calydone, ut Deianira apud  
Ouid. in Epist. Est & in Britannia Calydonia sylua  
ingens, & è continēti illuc nauigantibus primo occur-  
rens, à qua Britanni Calydonij dicuntur. In hoc autem  
à superiori differt, quòd hoc nomen secundam syllabam  
producat, & tertiam corripit: illud uerò secundam  
corripit, & tertiam producat.

Nuda Calydonio sic uiscera præbuit urso.

Mittebantur enim inde urfi sæui & ingentes.

Calypso, nympa, filia Atlantis, ut Homerus: Oceani  
& Tethyos, ut alij habēt. in Ogygia insula regnauit,  
quæ postea Calypsus nominari cœpit. Ad hanc perue-  
nit Vlysses naufragus, ubi septem annis detentus est,  
licet Ouid. lib. 4. de Ponto sex tantum dicat.

An graue sex annis pulchram fouisse Calypso,

Aequoreamq; fuit, &c.

Camarina, siue Camerina, colonia fuit Syracusanorū  
in Sicilia, iuxta quam est eiusdem nominis palus foeti-  
dissimi odoris. Verg. lib. 3.

—Et fatis nunquam concessa moueri,  
Apparet Camarina procul, campiq; Geloi.

Cambyſes, pen. prod. rex fuit Perſarum, Cyri filius, de quo multa hiſtorici. Eſt etiam nomen fluuij in Hyrcania, qui non procul à mari cum Cyro flumine iunctus in Hyrcanium ſinum effluit. Mela lib. 3. cap. 5.

Camerte, oppidum eſt Umbriae, in Picentiniſ montibus: à quo Camertes, eiufdem incolæ.

Camilla, regina Volſcorum, Metabi & Caſmilla filia: cuius pater Metabus, propter inuidiam ſuorum pulſus, fugiens Dianae eam uouit. cum autem iam adoleſceret, ſolis armis ſtudit, iamq; in omni armorum genere inſtructiſſima Turno aduerſus Aeneam in auxilium uenit, & poſt multas res præclare geſtas, ab Arûte occiſa eſt, ut copioſe deſcribit Verg. li. 11. — Matrisq; uocauit Nomine Caſmilla, mutilata parte Camillam.

Camillus, nobilis Romanus, qui maximam bellica uirtute gloriam ſibi comparauit. Falſcos enim obſedit. Venios decênali obſidione domuit. Gallos Senones (ut infra de Brenno copioſius) Roma pepulit, quibus & Romanorum uexilla extorſit: unde aſſertor, id eſt, patriæ libertatis uindex dicitur. Verg. lib. 6.

Aſpice Torquatum, & referentem ſigna Camillum.

Camirus, κάμυρος, urbs fuit in Rhodo, à Camiro Herculis filio, quem ex Iole. Euryti regis filia ſuſceperat.

Quidam ex Homero:

Lindon, Ialyſonq; dein, claramq; Camiron.

Campania, regio eſt Italiae, ſic dicta, quòd campeſtris ſit. Sunt tamen qui à Capua urbe hoc nominis impoſitum cõtendant. Campani, uocãtur illius populi. Iuue.

Prouidã Pompeio dederat Campania febres.

Canace,



Canace, Aeoli filia, quæ cum Macareo fratre concumbens ex eo concepit, peperitq; filium: quem cū per nutricem exponi curaret, infelix infans se suo uagitu auo prodidit: qui ob execrandum filiorum amorem incensus, infantem canibus lacerandum projici iussit: misitq; per satellitem filiae gladium, ut eo pro meritis uteretur: uerum quid illa fecerit, non satis liquet. Macareus autem fugiens factus est Apollinis Delphici sacerdos.

Candace, siue Candacis, nomen fuit reginae Aethiopū, quæ Augusti tēporibus regnauit, à qua postea omnes reginae Candaces appellatae sunt. Iuuenalis:

Candacis Aethiopum, &c.

Candauiā, mons est Epiri, Illyriam à Macedonia diuidens. Lucanus lib. 6.

Deuia quā uastos aperit Candauiā saltus, &c.

Candiope, Oenopionis filia, & Orionis soror (ut Theodotius asserit: sed aliter Ouidius, ut infra de Orione tradit) quam cum frater in uenatione in antrum transisset, uim illi intulit, & ex ea Hippologum suscepit: quod cum Oenopion rescuisset, indignatus, filium exulatum abire iussit: qui oraculo edoctus, uersus Orientem in Thraciam cum Candiope & paruo filio delatus est, ibiq; ob insignes uirtutes in magno precio fuit.

Cannæ, arum, uicus Apuliae, apud quam Annibal Romanos insigni clade affecit, caesis quadraginta millibus perditum, & duobus millibus & septingentis equitum. Lucanus lib. 2. — Quod non in Punica nati

Tempora Cannarum fuimus, Trebiaq; iuuentus.

Canopus, fuit oppidum in Aegypto, sic appellatum à Canopo gubernatore nauis Menelai, aspidis ictu defuncto, inde Nili ostiū, cui adiacet, Canopicū uocatur.

Veteres dicebant Canobus, & Canobita, Quintiliano teste, nos uero Canopus & Canopita. Verg. lib. 4. Geo.

Nam quæ Pellæi gens fortunata Canopi.

Cantabri, populi sunt Hispaniæ uersus Septentrionem, olim effri, & ad arma nati, ut etiam fuerit negocium Augusto olim eam Hispaniæ partem subiugare. Hodie Gascones, item Vascones appellantur. Syllius:

Cantaber ante omnes hyemisq; æstusq; famisq;

Inuictus, &c. Cantabria, regio: à qua Cantabrius, & Cantabricus, a, um, adiectiua.

Canusium, oppidū est Apuliæ, ubi fit lana rutilo colore laudatissima, quæ Canusina dicitur. Et Canusinus, uocatur qui est indutus Canusina ueste. Martial.

Vt canusinatus nostro Syrus asserere sudet, &c.

Capaneus, maritus Eudones, qui in bello Thebano fulmine ictus interiit. quod ideo fingunt poëtæ, quoniā cum scalis admotis muros conscendere uellet, iactu lapidum ab inimicis oppressus est. Ouid. lib. 4. Trist.

Quum cecidit Capaneus subito temerarius ictu.

Capena, porta fuit Romanæ urbis, scaturientibus fontibus propinqua, quam Italus rex ædificauit, alio nomine Appia uocata. Lucan.

Substitit ad ueteres arcus madidamq; Capenam.

Caphæreus, mons est altissimus Eubiæ, Hellepontum uersus, importuosus & formidulosus, propter scopulorum frequentiam, & crebros undarum uortices. Hic Nauplius Eubiæ rex mortem filij Palamedis Vlyssis dolo interfecti ultus est. Nam cum Græci Troia diruta redirent, Nauplius facem in montis uertice posuit, ut locus fidem portus haberet: quò cum uenissent, multi naufragium fecerunt. Verg. lib. 11.

Sydus

Sydus & Euboicæ cautes, ultorq; Caphareus.

Capitolium, arx fuit Romana, in mōte Capitolino sita, ab hominis capite ibidem reperto, dum fundamenta foderent, sic dicta: antea enim mons iste Tarpeius uocabatur, à Tarpeia uirgine Vestali, quam ibidem Sabini scutis suis obrutam necarunt. uide infrà. Verg. lib. 6.

Ille triūphata Capitolia ad alta Corintho, &c.

Cappadocia, regio est Pontica, Armeniæ maiori confinis, à qua ab Euphrate diuiditur, à Cappadoce Nini filio, siue Cappadoce flumine sic nominata, cum antea Leucosyria diceretur. Cappadoces, populi. Persius:

—Nec sit præstantior alter,

Cappadocas rigida pingues pauisse catasta.

Vide Erasmus in prouerb. Tria cappa pessima.

Capua, olim nobilis Campaniæ fuit ciuitas, quam à Cappy Troiano & conditam, & sic appellatam, Vergil. autor est, libro 10.

Et Capys, hinc nomen Campaniæ ducitur urbi.

Alij à Thusco rege sic nominatam uolunt, quod uiso falconis augurio eam cōdiderit: significat enim Capys Hetrusca lingua falconem. Liuius à Capy Samnitum duce. Strabo lib. 5. hoc nominis impositum putat, quod inter duodecim Campaniæ ciuitates sita, serè illarum esset caput. Sidon. —Non sic Bacchæus opimam

Annibal ad Capuam perijt, &c.

Capys, filius fuit Assaraci, & pater Anchisæ, ut inquit Ouid. —Tros est generatus ab illo.

Assaracum creat hic, Assaracusq; Capyn.

Alius fuit Capys, qui cum Aenea in Italiā uenit. Alius item fuit Capys Syluius, rex Albanorum.

Caria, regio est Asiæ minoris inter Lyciam & Ioniam,

ab Aquilone Mæandro flumine, ab Occidente Ionio  
 & Myrthoo pelago, à Meridie Rhodiēsi, ab ortu Ly-  
 cijs & alijs gentibus clauditur. Sic dicta à Cara rege,  
 qui primus auium auguria inuenisse dicitur. Huius Me-  
 tropolis est Alicarnasus, in qua regnavit rex Mauso-  
 lus, cui ibidem Artemisia coniux Mausoleum illud ce-  
 lebratissimum extrui ficit. Cares, populi Cariæ, qui  
 prius sub Minoë rege insulas habitabant, & tum Le-  
 leges dicebantur, sed sua ditione parum contenti ma-  
 gnā maritimæ oræ & mediterrancæ partem occupa-  
 runt, eaq; prioribus habitatoribus adimentes, qui &  
 ipsi magna ex parte Leleges & Pelasgi erant. sed Io-  
 nes & Dores, ut illatam iniuriam ulciscerentur, eos rur-  
 sus, quamuis belli essent studiosissimi, suis finibus ex-  
 pulcrunt. Martial.

Aëre nec uacuo pendentia Mausolea

Laudibus immodicis Cares in astra ferant.

Carinæ, arum, Romæ dicebantur ædificia, facta in modū  
 carinarū, quæ erant intra templū Telluris. Alij addunt  
 uicū fuisse Romæ, ubi fuit domus Pompeij. Verg. lib. 8.

—Passimq; armenta uidebant

Romanoq; foro, & lautis mugire carinis.

Carmania, regio est ultra Persiam, cuius populi Car-  
 mani dicuntur. Lucan. lib. 3.

Carmanosq; duces, quorum deflexus in Austrum.

Carmenta, seu Carmentis, uates fuit Arcadica, mater  
 Euādri, prius uocabatur Nicosstrata: uerū ubi carmi-  
 nibus respoſa dare cœpit, Carmentis uocata est. ab hac  
 Carmentalis porta Rom. nomē accepit, ut ait Verg.

Et Carmentalem Romano nomine portam.

Postea uerò semper infausta habita est, quod per hanc  
 sex

*Sex & trecenti Fabij cum clientibus aduersus Veientes egredi, ab iisdem ad unum omnes sint interfecti.*

*Carni, populi, supra quos Apenninus mons incumbit, Galliam togatam inhabitantes, Venetis uicini, quorum regio hodie Carniola uocatur.*

*Carpäthus, insula est in mari mediterraneo, contra Aegyptum, media uidelicet inter Rhodum & Cretam posita, ducentorum stadiorum circuitum habens, insignis quatuor urbibus: à qua uicinum mare ad Aegyptum uergens, Carpathium dicitur. Homerus:*

*Qui Nisyrion habet celsam Crapathumq; Casumq;.*

*Crapathum dixit pro Carpathum, per Metathesin.*

*Carræ, urbs est Assyriæ M. Crassi clade nobilis. Lucan. lib. 1. — Miserando funere Crassus*

*Assyrias Latio maculauit sanguine Carras.*

*Carteia, oppidum est Hispaniæ, in monte Calpe, à Græcis Cartesos dicta, unde Cartesium littus Hispaniæ. Alio nomine Tartessus, siue Tartesus dicitur. Vide infra.*

*Carthago, nobilissima Aphricæ urbs, & æmula Romani imperij, condita est à Didone Beli Tyri regis filia. Trium maxima bella gessit cum Romanis duce Annibale, quo deuicto tributaria facta est Romanis. Tandem cum nullus bellorum finis esset, suadente Catone Maiore, funditus à Scipione deleta est. Vergil. lib. 4.*

*— Tu nunc Carthaginis altæ Fundamenta locas.*

*Carthago noua, fuit in Hispania ab Hasdrubale, principe Carthaginis Aphricæ condita (quæuis non desint, qui à Teucro Telamonio fundatam, ab Hasdrubale uero ampliata affirmant) qui post primum bellum Carthaginensibus à Romanis illatum, conatus est iterum suæ Punicæ gentis ditionem ampliare. Noua autem dicitur*  
ad disse

ad differentiam eius, quæ est in Aphrica. Demum à Scipione summis uiribus expugnata est.

Carystos, insula una est ex Cycladibus, sita in Euboico mari, uarij marmoris strax, quondam Chalcis dicta. Lucanus lib. 5.

Quæ maris angustat fauces saxosa Carystos.

Inde Carystæus, a, um.

Casius, mons est Syriae, prope Seleucum oppidum, cuius excelsa altitudo quarta uigilia orientem per tenebras solem aspicit, breui circumactu corporis diē noctemq; pariter ostendens, ut ait Plinius. Alius mons est eiusdem nominis in promontorij modum accumulatus, qui Aegyptum & Syria determinat. in eo iacet Iouis Casij templum, item Pompeij Magni, qui nō procul inde ab Aegyptijs dolo fuit interemptus, ut autor est Strabo. Lucan. lib. 8. — Manesq; tuos placare licebit,

Et Casio perferre Ioui, &c.

Sunt tamen & alij huius nominis montes.

Caspj montes, sunt iuxta mare Caspium, apud Armeniam & Hircaniam uersus Septentrionem, ubi etiam sunt Caspiæ portæ. Hinc Caspj & Caspiani, populi, qui hos montes incolunt, & ad Caspium mare se protendunt. Et Caspium mare, quod multi ex Scythico Oceano procreari tradunt: quibus Ptolcmæus & Herodotus refragantur, dicentes quod dulce sit, generetq; serpentes. Vergilius lib. 6.

Huius in aduentu iam nunc & Caspia regna

Responsis horrent diuim, &c.

Cassandra, Priami & Hecubæ filia, quæ cū ob formæ elegantiam, ab Apolline amaretur, eidem corporis sui copiā promissit, si uates ab illo fieret: quod Apollo se



se facturum iuramento firmavit: sed cum illa promissis non staret, iratus deus fecit, ut eiusdem uaticinijs nulla fides adhiberetur, cum ex Helenæ raptu futura incommoda prædiceret. Postea desponsata fuit Choroëbo, ut ait Maro, Homerus uerò Orthryoneum nominat: qui in auxilium Troianis ueniens, in postrema nocte perijt. Hanc quoq; Ajax Oilci in Mineræ templo uitauit, ut superius auditum est. Tandem deuastata Troia Agamemnoni in sortem contigit, cui omnia fata, quæ à coniuge seruarentur, prædixit: sed more solito nihil ei creditum est. Veniēs igitur cū Agamemnone domū, cū eodē in cōuiuio iussu Clytemnestræ occisa est. Verg.

Sola mihi tales casus Cassandra canebat.

Alia fuit Cassandra Iobatis filia, quam Bellerophonti nupuisse Homerus autor est.

Cassiope, siue Cassiopea, Cephei Aethiopum regis uxor, & Andromedæ mater: quæ cū formæ præstantia multum excelleret, ausa fuit se cum nymphis conferre: quapropter illæ indignatæ filiā eius Andromedē mari no alligarūt scopulo, ut à bellua deuoraretur: sed à Perseo liberata est. Tādē oēs inter astra relati sunt. Mant.

Solis equos supra fulgentem Cassiopeam.

Castalius, sōns est in radicibus Parnasi montis, Musis sacer, à quo Castalides uocantur: sic dictus à Castalia uirgine, quæ Apollinis concubitum fugiens, se præcipitem dedit, ac postea in fontem, Deorum cōmiseratio ne permutata est. Vergilius lib. 3. Geor.

—Iuuat ire iugis, quā nulla priorum

Castaliam molli diuertitur orbita cliuo, &c.

Castor, & Pollux, filij fuerunt Lædæ, à Ioue sub cygni forma compressæ. Hi igitur adulti in fortissimos uiros euaserunt,

elaserūt: Pyratas fugarūt, & ob id maris Dij habētur, & maximè à nautis inuocantur. Deinde Colchos cum Argonautis profecti sunt, ad rapiendū aurū uellus, & inde redeuntes, Pollux in itinere Amycū, Bebryciorū regē, insidias ei struentem, interfecit. Domū reuersi Helenam sororē à Theseo raptā recuperarunt. quæ cū denuò à Paride esset abducta, cū reliquis Græciæ principibus ad Troiā ire statuerūt, sed in itinere in cœlum sunt sublati, signūq; Geminorū fecerūt. Porro cū Castor mortalis esset, alter uerò immortalis, petijt Pollux à patre Ioue, sibi cū fratre immortalitātē partiri fas esset, quod impetrauit. Sed hæc ideo finguntur, quia duo sunt sydera, quorum altero occidente, alterū protinus apparere incipit. Politian.

Vixq; bonū frenis Castora frater amet.

Catana, siue Caçina, urbs est Siciliæ, prope Aetnam montem. Syllius:

Tum Catinæ nimium ardenti uicina Typhæo.

Catanensis, aliquis ex hac urbe.

Catilina, ciuis fuit Romanus ex Patritiorū genere, qui cum quibusdam alijs in patriæ suæ perniciem cōiurauit, sed Ciceronis opera urbe pulsus, foris exercitum congregauit, quo uictō & ipse occubuit. Lucan. lib. 7.

Pacificas seuus sensio Catilina secures.

Vide Sallustium de bello Catilinario.

Catillus, Catilli, filij Amphiarai, fuit filius, qui cum fratribus Corate & Tyburtino, siue Tyburto, in Italiam uenit, ibiq; reliquis adiuuantibus Tybur oppidum cōdidit. Vide infra. Vergilius libro septimo:

Catillusq; accerq; Coras, Argiua iuuentus, &c.

Catonēs, duo fuerunt: M. Portius Cato Censorinus, &  
Cato

Cato minor Vticensis, prioris nepos, ambo seueritate, morumq; grauitate insignes: quorum res gestæ & sapienter dicta undiq; à scriptoribus decantantur. De posteriore Lucanus lib. 9.

Sedit, & inuicti posuit semente Catonis, &c.

Catthi, populi sunt Germaniæ, Cheruscis & Hermunduris finitimi.

Catullus, poëta fuit Veronensis, natus Terentij Varro= nis ætate. Scripsit de passere suæ Lesbicæ: celebravit nuptias Mallij. amauit Ipsithillam, & Clodiam, quam siæto nomine Lesbiam uocat. Scripsit & alia multa. Mortuus est Romæ. Ouid. lib. 2. de Tristib.

Sic sua lasciuo cantata est sæpe Catullo

Fœmina, &c.

Caucasus, altissimus & longissimus Scythiæ mons, multis scopulis frequens, cuius uertex perpetuis niuibus riget, in radicibus uerò, arboribus, herbis ueneficis, & uulturibus abundat. Vergilius libro quarto:

—Sed duris genuit te cautibus horrēs Caucasus.

Caudis, oppidum Samnitum, unde Caudinæ furcæ, & Caudinæ fauces, nobilitatæ insigni clade, quam Romanus exercitus duce Sp. Posthumio à Samnitibus accepit.

Caulon, qui & Aulon, mons est Calabriae, boni uini abundans, ut testatur Horat, inquiens:

Et amicus Caulon fertilis Baccho, &c.

In eo ciuitas est Caulonia, siue Aulonia, quam Achi uos condidisse Strabo autor est. Verg. lib. 3. Aeneid.

Caulonisq; arces & naufragum Scyllacæum, &c.

Caunus, filius fuit Mileti, frater Biblidis. uide supra.

Caunus, oppidum Caricæ, iuxta quod Calbis fluuius labitur:

bitur: & licet regio sit ualde felix, tamen omnes constantur urbem & æstate, & autumnno grauem esse propter æstus, pomorumq; copiam. Inde adferebantur fici Cauneæ dictæ.

Cayster, fluuius est Lydiæ, Sardibus proximus, qui multos annes secum deferens, Asiam paludem præterlabitur, Ephesumq; abluit: cygnis præterea abundat. Ab ambustione nomen habet, quod propinquus sit Catacecaumena, quæ pars est Ephesiæ, regionis prætorridæ & deustæ similis, nullam præter uitam profrens aërem. Vergilius:

—Atq; Asia circum

Dulcibus in stagnis rimantur prata Caystri.

C E.

Cebrion, κεβριων, filius fuit Priami, sed illegitimo thoro natus, qui à Patroclo saxo ictus interiit.

Cecrops, primus fuit Atheniensis rex, qui Athenas quoq; condidit: unde urbs Cecropia, est dicta: & eiusdem incolæ Cecropidæ. Hinc Cecropius, a, um. Verg.

Cecropias innatus apes amor urget habendi.

Celæno, una est ex Pleiadibus Atlantis & Pleiones nymphæ filia, cum qua Iupiter concubuit. Ouid.

—Et te formosa Celeno,

Maiam & Electram, Taygetamq; Ioui.

scilicet concubuisse ferunt. Vide infra de Pleiadib.

Celēna, æ, oppidum est Cāpaniæ, quondā Iunoni sacrum, alij locum quendam esse affirmant. Vergilius lib. 7.

Quiq; Rufas Batuliq; tenent, atq; arua Celena.

Celēnæ, arum, urbs est Phrygiæ, in colle sita, licet Latīan. lib. 4. Libyæ dicat. Ouid. lib. 4. Fast.

Inter ait uiridem Cybelen, altasq; Celenas.

Hinc

Hinc Celenæus, a, um.

Celēno, una est Harpyiarum, Neptuni & Terræ filia, soror Ocypeles & Aëllūs, quarum formam, & ubi habitent, describit Verg. lib. 3. *Acneid.*

—Strophades stant nomine dictæ

Infulæ Ionio in magno, quas dira Celeno,

Harpiæq; colunt aliæ, &c.

Ab obscuritate nomē habent. Vide infrā de Harpyiis.

Celtæ, populi Galliæ, inter Sequanam & Garumnā fluuios habitantes, quorū regio Celtica dicitur: sed hi sua ditione parum contenti, usq; ad Iberum Hispaniæ fluuium imperium suum extenderunt, & assumpta fluminis parte, Celtiberi uocati sunt, & regio Celtiberia. Lucan. libro 4. —Profugiq; à gente uetusta

Gallorum Celtæ miscētes nomen Iberis.

Celticum promontorium est Hispaniæ, ad mare protensum: & Celtici, eiusdem incolæ.

Ceneum, promontorium est Eubiæ, à quo Iupiter Cenæus appellatus est, quod ibi præcipuè coleretur. Hercules enim ab Oechaliæ expugnatione rediens in eodē loco aram parenti construxit. Ouid.

Victor ab Occhalia Cenæo sacra parabat

Vota Ioui, &c.

Cenina, urbs Italiæ, Romæ uicina, à Cenite conditore sic denominata. Ceninenses, sunt eiusdē inhabitatores.

Cenoniani, populi sunt Galliæ Cisalpinæ, quorum metropolis fuit Brixia. Mantuanus:

Cenoniani acres, & non ignobile semen,

. Euganci ueteres, &c.

Centaury, Ixionis & Nubis filij, qui finguntur humana facie, & equino tergo, unde nubigenæ, bimbres, & semiferi

semifri dicuntur. Hi cum in nuptijs Pirithoi cibo repleti, uinoq; madentes, sponsam eidem auferre conarentur, à Thesco & socijs sunt superati. Bellum quoq; cū Lapithis gesserunt, à quibus similiter uicti, fuga sibi consulcre coacti sunt. Sunt tamē re uera populi Thessaliæ, iuxta Pelium montem, qui primi equos domuisse, & ex iisdem pugnasse dicuntur. Sic appellati, quod inseßis equis boues æstris agitatæ, stimulus ad tecta reuocauerint. est enim *κνῆρεσσι*, stimulare & pun gere. Verg. lib. 2. Georg. — Ille furentes

Centauros leto domuit, &c.

Inde Centaureus, a, um.

Cephalus, Acoli filius, siue ut alij tradunt, Deionei, & Acoli nepos, Procrin Erichthei, uel secūdum Seruium, Hyphili regis filiam in uxorem habuit. sed non minus etiam diligebatur ab Aurora, quæ illi canem Lelapem, & duo hastilia, omnia, quæ uellet, contingentia (erat enim uenator insignis) dederat. Quapropter uxor suspicans maritum suum alterius mulieris amore captū, furtim cum in syluam secuta est, & ut experiretur an alteram adamaret: inter uirgulta se abscondit: cumq; maritum blanda uoce Auroram uocātem audisset, mouit se paulum: quod Cephalus sentiens, feram ratus, iaculum inniuit, atq; ita insciens uxore interfecit. Ouid.

Clarus erat Cephalus syluis, multæq; per herbas  
Conciderant illo percutiente feræ.

Hunc postea ab Aurora raptū idē Ouid. autor est. neq; tamen defunt, qui à Ioue in lapidē cōuersum tradunt. Cepheus, rex fuit Aethiopum, maritus Cassiopeæ, pater Andromedæ: quem cum uxore, filia, & genere Perseo inter astra translatus poëtæ fabulantur. Cæsar Germ. Iasides

Iasides etiam cœlum cum coniuge Cephæus, &c.

Cephisus, fluuius est, per Bœotiam fluēs, magna ex parte torrētis instar in mare Phalerū se condit. Luca. lib. 3.

Bœotij coiere duces, quos impiger ambit

Fatidica Cephisus aqua, &c.

Iuxta hunc enim amnē Deucalion & Pyrrha in Themidis templo sumpta huius fluminis aqua didicerunt, quomodo humanum genus reparari posset. Cephisidæ undæ, & Cephisia ora, apud Ouid. Et Cephisia, Atticæ regio, à Cephiso amne sic appellata. Item Cephisia, fons Atticæ, sicut Callirhoë.

Ceræthus, fluuius Cretæ, Gnosum urbem præterlabens.

Vergilius in Cyri:

Carpathium fugiens & flumina Cerathæa.

Ceraunia, siue Cerauniij, altissimi montes sunt Epiri, in mare usq; protēsi, qui Adriaticum mare ab Ionio separāt: dicti à fulminibus, quibus sæpe impetūtur. κεραυνός enim Græcis fulmē sonat. Ouid. lib. 2. de Ponto Eleg. 6.

Cum poteram recto transire Ceraunia uelo,

Vt fera uitarem saxa monendus eram.

Item Lucan. lib. 5. Oræq; malignos

Ambraciæ portus, scopulosa Ceraunia nautæ

Summa tinent, &c.

Acroceraunia uero, mōtes sunt inter Armenios & Iberas, dicti ab ἀκρον, id est, summū, κεραυνός, id est, fulmē.

Horat. lib. 1. Carmi. Ode 3.

Qui uidit mare turgidum, &

Infames scopulos Acroceraunia.

Quamuis hic Acroceraunia pro Ceraunijs posita uidentur. De his Mela libro secundo, capite tertio.

Cerberus, canis triceps & immanis in uestibulo inferni,



qui humanis carnibus uestitur: & hinc nomen habere multi affirmant. Alij uero per Cerberum terram intelligunt, & Cerberum quasi  $\chi\pi\epsilon\omicron\beta\omicron\pi\omicron$  dictum uolunt, eò quòd à terra hominum corpora deuorentur. Vergilius libro quarto Georgic.

—Tenuitq; inhians tria Cerberus ora.

Hunc quondã Hercules per Acherusiam specum traxisse dicitur. Vide suprà Acherusia, Aconitum, item infrà Hercules.

Cercion, siue Cercyon, latro fuit insignis, quem Theaeus totam Atticam regionem latrocinijis infestantem, immani ferocia & membrorum robore curuantē trahes, & altissimas pinus ad terram trahētē, ut hoc modo homines discerneret, apud Eleusim Atticæ urbem interemit. Ouid. lib. 7.

Cercionis letum uidit Cerealis Eleusis.

Cercōpes, duo fratres fuerunt, Passalus & Achemon. uide suprà Achemon. Ouid. lib. 14.

Cercopum exosus, gentisq; admissa dolosæ, &c.

Ceres, Saturni & Opis filia, frugum inuentrix, pro quibus etiam sapissimè ponitur: quæ cū Ioui fratri placuisset, ex eo Proserpinam peperit: quam à Plutone raptam cū mater inuenire non posset, dolore percita, filiam accensis facibus maximo cum ululatu per totum orbem quasiuit. Quo itinere ad Eleusium Atticæ regem peruenit, eiusque filium Triptolemm recens natum, pro nutrice aluit, patremque, qui infāntem præter morem crescentem admiratus, nocturno tempore obseruauerat quid cum puero ageret, interfecit. Triptolemū autē dato curru draconibus iuncto, quæ ratione fruges essent serendæ, instituit: qui postea Eleusim

sim oppidum de patris nomine dictum condidit, ibiq;  
 Cereri sacra fecit. Deinde cum ad Lyncum Scytharū  
 regem peruenisset, ille uerò Triptolemi uitæ insidiaret,  
 Ceres irata eundem in animal sui nominis transforma=  
 uit. Tandem cum in Siciliam ad Cyanes fontē uenisset,  
 ibiq; inuento filiæ cingulo, ab Arethusa eam apud in=  
 feros à se uisam edocta esset, Plutonis audaciam apud  
 Iouem accusauit, qui dixit, illam ab inferis retrahi pos=  
 se, si nihil apud eosdem commedisset. Sed accusante A=  
 scalapho, compertum est, eam tria, siue ut alij habent,  
 septē grana mali punici ex Plutonis uiridario gustasse.  
 Iupiter uerò quò Cereris dolorem mitigaret, sanciuit,  
 ut Proserpina sex anni mēsis cū uiro esset, & totidē  
 apud superos cū matre. Vide infrā. Multa habet nomi=  
 na, ut Cybele, &c. de quibus suo loco. Verg. li. 4. Aen.

Legifera Cereri, Phœboq; patriq; Lyæo.

Cesperia, siue Calperia, urbs fuit Sabinorum, ex qua  
 Turnum auxilium habuisse contra Aeneam, Maro au=  
 tor est, libro 7. — Cesperiamq; colunt, &c.

Ceus, siue Cæus, ut quibusdam placet, Titani & Terræ  
 filius, qui ob Latonam filiam à Ioue strupratam, ad=  
 uersus eundem arma mouit, sed uictus periit. Vergi=  
 lius libro quarto Aenei.

Extremam, ut perhibent, Ceo Enceladoq; sororem.

C H.

Chalcedon, siue Chalcedonia, ciuitas est Asiæ, iuxta  
 Bosphorum Thracium, Byzantio opposita, quam Me=  
 garenfes condiderunt.

Chalciope, filia fuit Eurypyli, quæ ab Hercule com=  
 pressa, Thessalum peperit.

Chalcis, insula est, quæ alio nomine Carystos appella=  
 tur,

k 3 tur,

tur, de qua *suprà*. Est etiam amplissima ciuitatis nomē in Eubœa, de qua Lucan. libro quinto:

Chalcidos Euboicæ uana spe rapte parabas.

Hinc Chalcidicus, a, um. Alia est in Aetolia. Alia item in Elco agro.

Chaldaea, regio est maioris Asiæ, Arabiæ contermina, alio nomine Babylonia, à Babylone urbe, itē Assyria. Huius incolæ olim cæteris astrologia maximè præstabant.

Chalybes, populi sunt in Ponto iuxta Thermodontem fluuium, qui primi ferrum effoderunt, eiusq; usum inuenerunt. Vergilius:

India mittit ebur, molles sua thura Sabæi,  
Et Chalybes nudi ferrum, &c.

Chalybs, fluuius est Hispaniæ, in quo ferrū optimè temperatur, unde eiusdem accolæ, quod cæteros ferri præstanti & superarent, Chalybes appellati sunt. Chalybs aliquando capitur pro ipso ferro. Verg. lib. 8.

Vulnificusq; Chalybs uasta fornace liquescit.

Chaonia, pars est Epiri montana: quæ prius Molossia à Molosso Pyrrhi filio nominabatur: postea ab Heleno, cui à Pyrrho ea regio cum Andromache coniuge concessa erat, Chaonia dicta est, à Chaone fratre suo, quē imprudēs in uenatione occiderat. Verg. lib. 3. *Acneid.*

Chaoniamq; omnem Troiano à Chaone dixit.

Chaones, eiusdem populi. Inde Chaonius, a, um, & Chaonis, idos: ut, Chaonis quercus.

Charites, tres sunt, quæ & Gratiæ. Vide *suprà* Aglaia.

Charon, Herebi & Noctis filius, Acherontis nauta, ex una in alteram ripam mortuorum animas transuehit, ut fabulatur Verg. lib. 6.

Portitor

Portitor has horrendus aquas, & flumina seruat  
Terribilis squalore Charon, &c.

Charybdis, mulier fuit rapacissima, quæ cum Herculi  
uaccas rapuisset, à Ioue fulminata est, & in marinū mō  
strum mutata, quod est inter Calabriam & Siciliam,  
prope Taurominitanum littus, nautis admodum formi  
dabile: crebris enim uorticibus infremere, assiduūq;  
fluctuum concursibus quæq; rapta absorbere dicitur.  
Ouid. lib. 4. de Pont.

Nec potes infestis conferre Charybdis Achæis,

Ter licet epotet, ter uomat illa fretum.

Ad dextrum latus Scyllam habet. Vide prouerbium,  
Euitata Charybdi in Scyllam incidi.

Cherronesus, siue Chersonesus, terra est serè mari un  
diq; cincta, & quasi peninsula. Sunt autem quatuor  
Chersonesi insignes: ut Chersonesus Taurica, Thra  
cia, Aurea, quæ est in India, & Cimbrica, quæ hodie  
Dacia & Dania uocatur.

Chimæra, mons est Lyciæ, igniuomus, continuis diebus  
& noctibus flammæ, ut quondam Actna, emittens: in  
cuius cacumine leones habitant, in medio uerò propter  
pascua capræ, in radicibus serpentes: unde poëta fin  
xerunt monstrum esse, quod flammæ euomat, caput  
& pectus habens leonis, caprinum uentrem, & cau  
dam draconis. Lucret.

Prima leo, postrema draco, media ipsa Chimera.

Et quoniam Bellerophon Glauci filius eum montem ha  
bitabilem fecit, Chimeram occidisse traditur. Finxe  
runt præterea filiam fuisse Typhonis & Chedriæ. He  
siodus tamen ex Hydria natam affirmat.

Chione, scortum fuit nobile, à nuius candore nomen ha  
bens.

bens. de hac Chione Martialis, item Iuuenalis;

Et dubitas alta Chionen deducere sella.

Chios, insula est, Ioniae littoribus adiacēs, inter Lesbum  
scilicet & Samum: in ea nascitur optimum uinū. Luca.

Quas Asine cautes, & quas Chios asperat undas.

Inde adiecit. Chius, a, um, prima longa, Tibullus lib. 2.

Nec mihi fumosos ueteris proferre phalernos

Consulis, à Chio soluite uincla cado.

Chiron, Centaurus, Saturni & Philyrae filius. Saturnus  
enim cum amaret Philyram Oceani filiam, eius concu-  
bitu usus est, sed interueniente Opi coniuge, confestim  
se uertit in equum, ne cognosci posset. Philyra autem  
concepit, peperitq; animal, cuius superior pars homi-  
nis, inferior uerò equi formam referebat. Porro cum ex-  
creuisset, in syluas abiit, ibiq; herbarum naturā ac po-  
tentiam edoctus, in præstantissimum medicum euasit.  
Postea à genere Peleo & Thetide filia accersitus, pro-  
pter peritiam, probitatem, & iustitiam, quibus ceteros  
longè excellebat, Achillis pædagogus constitutus est,  
qui ab eo inter alia maximus cytharædus effectus est.  
Docuit præterea Aesculapium medicinam, & Hercu-  
lem Astrologiam. Postremo cum grauius uulneratus  
esset, Herculis sagitta Lernæo ueneno perlita casu deci-  
dente per pedem, optauit mori. sed cum immortalis à  
parentibus esset natus, deorum commiseratione inter  
astra collocatus, sagittarij signum in Zodiaco consti-  
tuit. Et quoniam auspicijs etiam plurimum ualebat,  
ante faciem eius ara posita est. Vergilius de duode-  
cim signis:

Armatusq; arcu Chiron, & corniger hircus.

Chloris, filia Amphionis, quæ Neleo nupsit, eiq; Ne-  
storem

storē aliosq; complures filios peperit. A Diana, ob matris superbiam occisa.

Chloris, alia, fuit nympha a Zephyro dilecta, quam et in uxore duxit, eiq; in munus amoris atq; uiolata pudicitiae, omne ius in flores concessit: eamq; ex Chlore Floram uocauit. Fingitur Dea florum. Claudianus:

Lampacidæ flores candida Chlorig tibi.

Chromis, filius fuit Herculis, quæ equos Thraces habuit, quos pater occiso Diomede humanis carnibus uesci consuetos abduxerat. Hic cum Adraсто ad bellum Thebanum profectus est. Statius:

It Chromis Hippodamusq; , alter satus Hercule magno, &c. scilicet Chromis.

Chromios, filius Nelei, et Chloridos, qui in ea pugna, quam Pilius et Messenij aduersum Herculem gesserunt, cum decem fratribus occisus est. Alius fuit Priami filius, in bello Troiano a Diomede interfectus.

Chryseis, prius Astynome, filia fuit Chryse sacerdotis Apollinis, ab Achille expugnato Lyrnesso oppido rapta, et postea Agamemnoni concessa. Chryses autem cum supplicaret Agamemnoni ut filiam sibi redderet, ille uero recusaret, Apollinem in auxiliū uocauit, qui Græcos tam grauiter peste afflixit, ut Agamemnon puellam patri restituere coactus fuerit. Quare maxime commotus, Bryseidem Achilli rapuit, unde nouū disidium emerfit, ut supra de Bryseide auditum est.

Chrysippus, filius fuit Pelopis, quem cum pater ualde amaret, nouerca eius Hippodamia id indignè ferens, liberos suos Atreum et Thyesten impulit, qui illum interfecerunt: ob quam rem à Pelope pulsus, in exilio uitam degerunt, donec pater è uiuis excederet. Alius

k 3 fuit

fuit Chrysippus, philosophus Stoicus, auditor Cleanthis, ingeniosus, acutus, & in multis à Zenone & Cleanthe dissentiens. In dialecticis claruit: multa scripsit, sed nimis prolixè, ut ferunt.

Chrysotemis, Laodice, & Iphianassa, filiae fuerunt Agamemnonis & Clytemnestrae. ex his unam Agamemnon Achilli obtulit, ut sibi generum illum associaret.

Chyone, filia fuit Dædalionis, quæ cum ob formæ elegantia à multis in uxorem peteretur, tandem Pæonio Epidauriensi nupsit. Porro redeunte Mercurio à Cilleno monte, & Phæbo Delphis, ab ambobus uisa est: qui statim eius amore capti, cum separatim illius concubitū petiisset Apollo, in nocte distulit: Mercurius autē non expectata nocte eā caduceo tetigit, & in altissimi sonore alligauit, dormiētēq; uitiavit, & discessit. Deinde accedēte nocte, Apollo accepta anus forma ad eā intrauit, oppressitq;: & sic ex utroq; concepit: peperitq; Mercurio Autolicū, de quo suprā: Apollini uerò Philammonem, qui carmine & cithara plurimum ualuit. Postea, quod dijs placuisset, superbia elata, ausa fuit se Dianæ ob pulchritudinē præferre: quare mota Diana sagittis eam interemit. Ouid. lib. 11.

Nota erat huic Chyone, quæ dotatissima forma  
Mille procis placuit, bis septem nubilis annis.

C 1.

Cicones, populi Thraciæ, iuxta Hebrum, quos Ulysses post dirutam Troiam uentis adactus debellauit, eorumq; urbem Ismarum diripuit, paucis ex socijs perditis. Ouidius:

Flumen habent Cicones, quod potum saxea reddit.  
Viscera, quod tactis inducit marmora rebus.

Cilicia,



Cilicia, prouincia est Asia iuxta Taurum montem, quæ olim usq; ad Pelusium Aegypti protendebatur, Lydis, Armenijs, Pamphylia, Cappadocia sub imperio constitutis: mox ab Assyrijs subacta, in breuiorem modum circumscripta est. Nomen autem accepit à Cilice Agenoris filio. Cilices, dicuntur populi huius regionis, immanitate & crudelitate infames, ob hospitum depredationes, & pyratice, quam exercebant, uitam. Abundant optima croco, qui nascitur apud Corycum Cilicie oppidum. Lucan. lib. 1.

Post Cilicas'ue uagos, & lassi Pontica regis  
Regna, &c.

Cillus, Pelopis fuit auriga, qui in itinere antequam Pelops ad Oenomaum uenisset, obiit: cuius nomine Cilla oppidum, templumq; Cillei Apollinis à Pelope cõditum est.

Cimbri, populi Germaniæ, qui lingua Gallica latrones dicuntur. Hi parato maximo exercitu Romam cõtenderunt. Sed Marius uicto Iugurtha aduersus hos prexit, quos etiã fugauit, castrisque exuit. Erant homines ingenti corpore, horrendis oculis. Inde Cymbricus, a, um, Claud.

Illic Oceani stagnis excita supremis  
Cymbrica tempestas, &c.

Cimmerij, populi Septentrionales, perpetua abundantes caligine, ut ait Homerus. Apud hos Somni habitationem esse Ouidius libro undecimo fabulatur:

Est prope Cimmerios longo spelunca recessu,

Mos cauius, ignaui domus & penetralia Somni, etc.

Cinga, fluuius est Galliæ ex Ficenis montibus in Iberum fluens. Luca. lib. 1. — Quos Cinga pererrat Gurgite. etc.

Cinna, urbs est Thessaliæ, à Cinno gigante Cæi fratre condita, & sic appellata. Est etiam poetæ nomen, qui temporibus

tēporibus Vergilij uixit, ut ait Scru ius ni Eclogam 9.  
Cinyphs, yphis, fluuius in extramis Aphricæ prope Ga  
ramantes, apud quem magni sunt hirci. Claud.

—Quos uagus humectat Cinyphs, &c.

Cinyphius, a, um, adiecit. Verg. lib. 3. Georg.

Cinyphij tondent hirci, &c.

Et Cinyphis, dicitur ea Aphricæ regio. & Ciny  
phes, eiusdem populi.

Circe, filia fuit Solis & Persæ, Oceani filia, quæ uenefi  
cijis studens, multarū herbarū uires inuenit, quāuis & à  
matre in ijs esset instructa. Itaq; Sarmatarū regi coniu  
gio iuncta, uirū mox ueneno sustulit, & regno potita  
admodū crudeliter illud administrabat, quāobrem ab in  
colis pulsa in Italiā peruenit, & non procul à Caieta  
Cāpaniæ oppido, in mōte, qui ex eius nomine Circeus  
uocatur, consedit: nā iste locus uarijs herbis, quibus ad  
ueneficia utebatur, maximè abūdat. Porro cū Glaucum  
marinū deū amaret, is uerò Scyllā puellā, zelo percita  
fontē nō procul à mari, in qua Scylla se lauare cōsueue  
rat, ueneno infecit. Quamobrem dū illa fontem intraret,  
repente usq; ad inguina in marinū monstrū mutata est.  
Deinde cū ad hanc quoq; Vlysses peruenisset, socios e  
iusdē in bestias cōmutauit. Quod uidēs Vlysses, prius à  
Mercurio accepta Moly herba, striato gladio ad eā ir  
ruēs, cōēgit ut socios pristinae formæ restitueret: quod  
cum fecisset, eius amore capta per anni spatiū apud se  
detinuit, peperitq; illi Telegonū filiū, cui nonnulli La  
tinū regē addunt, deinde dimisit. Postea etiā Picū Latī  
norū regem, qui ea spreta Pomonā anabat, in auē sui  
nominis cōmutauit. Inde Circeus, a, um. Verg. lib. 7.

Proxima Circeæ raduntur littora terræ,

Diues

Diues inaccessos ubi Solis filia lucos, &c.

Circeus, mons est Campaniæ, in quo morata est Circe.

Circeium, uel Circei, oppidum in eodem monte. Hinc Circeienses, incolæ.

Circius, uentus est flans inter Corum & Septentrionē, uiolentia nulli inferior, unde & à turbine & uertigine nomen sumpsit. Hic solus Monæcum Galliæ portū instabilem reddit. Luca. lib. i. — Solus sua littora turbat Circius, & tuta prohibet statione Monæci.

Cisseus, rex fuit Thraciæ, pater Hecubæ, à quo Cisseis nominatur. Vergilius:

Cisseis prægnans ignes enixa iugales, &c.

C L.

Clanius, fluuius est Campaniæ, prope Neapolim, sic dictus, quòd eius ripæ uiolis abundant. κλένιον enim Græcis uiola est. Vergilius libro 2. Georg.

Et uacuis Clanius non æquus Acerris.

Clarium, oppidum est Colophoniorum, in quo Apollo colebatur, & inde Clarium uocitatum multi affirmant. Ouid. lib. 2. de Arte:

Et Paros, & Clario Gelos amata deo.

Claros, insula in mari Aegæo, una Cycladum, inter Tenedum & Chium, Apollini sacra, quæ inde Clarium dictū putant. Oui. lib. i. Metæ. — Mihi Delphica tellus,

Et Claros & Tenedos Patiræaq; regia seruit.

Clausus, rex fuit Sabinorum, qui post exactos reges, cū quinque millibus clientum & amicorum Romam uenit, & susceptus habitandam urbis partem suscepit: ab eo postea & tribus & familia Claudia uocata est, ut habetur apud Maron. lib. 7.

Ecce Sabinorum prisco de sanguine magnum

Agmen

Agmen agens, magniq; ipse agminis instar

Claudia, nunc à quo diffunditur & tribus & gens.

Claudianus, poëta fuit Aegyptius, qui sub Theodosio & Honorio Caesaribus floruit, cuius adhuc multa poemata extant.

Clazomēne, es, siue Clazomenæ, arum, urbs est Ionie Asiaticæ. Clazomenij, eiusdem incolæ. Hinc adiect. Clazomenius, a, um, ut Clazomenia uina, quæ olim apud Romanos in precio fuerunt.

Cleobulus Lyndius, fuit unus ex septem Græciæ sapientibus. Sidonius:

Lyndie quod Cleobule canis, modus optimus esto.

Cleonæ, arum, Arcadiæ oppidum distans ab Argo stadiis 120. à Corintho uero 80. prope Nemeam syluâ, ubi Hercules leonem interfecit, qui à loco Cleonæns dicitur. Ouidius lib. 6. Metam.

—Humilesq; Cleonæ, Et Nelea Pylos, &c.

Cleopatra, uxor fuit Phinei regis Thraciæ, ex quo Orythum & Crambim filios peperit. Alia fuit Aegypti regina Dionysij Anletis filia, quæ cum Antonium in sui amorem pellexisset, præter Syriæ & Arabiæ regnum, ausa fuit Romanū quoq; imperiū Antoniū orare. Quæ cum exorasset, sumptis cum eo armis in Augustum compias duxit. Sed uictis ab Augusto Antonianis nauali prælio, mulier meretrix cum adultero fugâ dedit: quos cum Augustus persequeretur, Antonium ad inferendâ sibi mortem cōpulit: quo extincto ubi nullum rebus afflicti subsidium uidit Cleopatra, brachium asspidi mordendum præbuit, ne in triumphum captiua duceretur. Statius lib. 3. Syl.

Actias Ausonias fugit Cleopatra catenas.

Ab

Ab ea fit Cleopatricus, *a, um*, ut Cleopatricæ dapes  
apud Sidonium.

Clio, una est Musarum à gloria seu celebritate rerū, quas  
canit, nomen habens: est enim Græcis καλέω celebrare.

Hanc, historiam inuenisse aiunt. unde Verg. in Epig.

Clio gesta canens transactis tempora reddit.

Clitorius, fons est Arcadiæ, qui potus uini odiū inducit:

Quid. lib. 15.

Clitorio quicumq; sitim de fonte leuauit,

Vina fugit, gaudetq; meris abstemius undis.

Clitumnus, fluuius est Vmbriæ apud Meuoniam deflu-  
ens, ex quo si pecora post conceptionem biberint, al-  
bos factus pariunt. Verg. lib. 2. Geor.

Hinc albi Clitumne greges, et maxima taurus

Victima, &c.

Clitus Mantij fuit filius, qui ab Aurora raptus nunquā  
postea apparuit.

Clælia, uirgo fuit Romana, quæ cum reliquis iuuenibus  
et uirginibus Porsenæ Hetruscorū regi obses data, do-  
nec bellum componeretur, custodes rogauit, ut paula-  
tim discederent, dum se in proximo fluuiio lauarent.

Quare impetrata, cæteros omnes hortata est ut se se-  
querentur, ipsaq; primum fluuium tranare cœpit, re-  
liquæ sequebantur, atq; ita ad suos redierunt. Quapro-  
pter in honorem Clæliæ posita est ei statua in uia, qua  
ad forum itur. Verg. lib. 8.

Et fluuium uinclis innaret Clælia ruptis.

Cloto, una est Parcarum, colum baiulans, Vide infra de  
Parcis. Statius:

Quid bonus ille deūm statuatur, quid ferrea Clotho.

Clupæa, urbs Aphricæ littoralis, in promontorio Mer-  
curij.

curij. Lucanus lib. 4.

Et Clupeam tenuit stationis littora notæ.

Clymène, Oceani & Tethyos filia, quæ cum forma ualeret, Soli placuit, in cuius cōcubitū ueniēs, ex ea Phæthontem & sorores peperit. Ouid. lib. 1. Metamor.

Et tulit ad Clymenen Epaphi conuitia matrē, &c.

Inde Clymeneis, idos, patronymicum. & Clymeneius, a, um, ut Clymencia proles, id est, Phæthōn.

Clitæmnestra, Iouis & Leda filia, ex uno ouo cum Helena prognata. Hæc Agamemnoni nupsit. uide suprà Aegistus, Agamemnon, Leda, et Orestes. Pontæ.

Hocq; Clytæmnestre potuit formosa uideri, &c.

C N.

Cnosus, uide infrà, Gnosus.

C O.

Coatræ, siue Coastræ, ciuitas ad Persidem, iuxta quam sunt arbores inauditæ magnitudinis. Lucan. lib. 3.

Aethera tangentes syluas liquere Coatræ, &c.

Codes, uide infrà Horatius Codes.

Cocytus, pe. prod. infernalis fluuius ex Styge oriens, à luctu nomen trahit. κωκυτὸς enim luctus est. Verg. lib. 6.

Cocytusq; sinu labens circumuenit atro, &c.

Codrus, rex fuit Atheniensium, qui cum bellum gereretur cum Laconibus, extaretq; oraculū, illos posse uincere, quorum dux in bello caderet, sumpta humili ueste iuxta hostilia castra iurgio hostes ita laceſsiuit, ut incognitus necaretur, atq; hoc modo uictoria penes suos esset. Vergilius Ecloga quinta:

Aut Alconis habes laudes, aut iurgia Codri.

Colchis, idos, regio est Asiæ iuxta pōtū, in qua iuga Caucasii ad Riphæos mōtes torquētur, altero latere in Eu-

xinum

xinum & Meonin deuexa, altero in Cassium seu in Hyrcanum mare. In ea est Phasis amnis. Regnum fuit Acetæ patris Medæ, unde sæpiſſimè Colchis pro Me dea ſumitur. Martialis:

Ignipedes poſſet ſine Colchide uincere tauros.

Colchi, dicuntur populi. Hinc Colchicus, & Colchi=acus, a, um.

Collatina porta Romæ, à Collatio oppido dicta, prope Roman. Collatina dea, quæ collibus præſidebat.

Collina, porta Romana, per quam ibatur ad collē Quirinalē. Eadem Salaria dicebatur. Ouidius:

Templa frequentari Collinæ proxima portæ

Nunc decet, à Siculo nomina rege tenet.

Colophon, urbs eſt Ionie clariſſima: primum quòd in equeſtribus certaminibus plurimum ualuit, ut ubi bella difficulter componi potuerint, huius urbis equitatu dirimerentur: hinc natum adagium Colophonē addere, pro ſummā operi manum imponere. Deinde, quòd Colophonij nauales opes haberent ampliſſimas. Tertio quòd patria exiſteret multorum clariſſimorum uiro=rum, & ſecundum quosdam Homeri. Hinc Colophonius, & Collophoniacus, a, um. Vergilius in Cyri:

Quæ Colophoniaco Scyllæ dicuntur Homero.

Coloſſe, ſiue Coloſſis, ciuitas Phrygiæ prope Laodiceam, quæ temporibus Neronis cum Laodicea & Hicrapoli urbibus Aſiæ, terræmotu cecidit, ut inquit Oroſius. Coloſſenſes, eiufdem incolæ.

Comagena, pars eſt Syriæ, iuxta Amanum, et Ciliciam, in qua aruſpices claruerunt. Iuuenal.

Tractato Armenius uel Comagenus aruſpex.

Comata Gallia, uide infra, Gallia.



Comum, ciuitas Galliae Cisalpinae iuxta Larium lacum, quae cum mediocris Romanorum esset colonia, à multis Romanorum ducibus aucta est. Comenses, eius incolae.

Cone, insula est ad ostium Istri. Lucan. lib. 3.

—Et barbara Cone

Sarmaticas ubi perdit aquas, &c.

Conon, Imperator Atheniensium egregius, quem respublica sua omnibus insulis praefecit: ipse autem uictis Lacedaemonibus patriae libertatem restituit. Alius fuit Conon, mathematicus insignis, cuius meminit Vergilius Ecloga tertia:

In medio duo signa Conon, & quis fuit alter, &c.

De hoc supra etiam in dictione Berenice.

Constantinopolis, dicta est urbs Byzantium, à Constantino Caesare, qui eam ampliauit. Vide supra.

Coptus, urbs fuit Aegyptiorum & Arabum communis, & mercium emporium insigne, uergens ad mare rubrum. Iuuenalis Satyr. 15.

Gesta super calidae referemus moenia Copti.

Coralli, populi sunt Pontici, immanitate insignes. Ouid. lib. 4. de Ponto:

Hic mea cui reticem, flauis nisi scripta Corallis?

Coras, uide supra, Catillus.

Corduba, ciuitas est Hispaniae Bethicae, patria Senecae philosophi, & Lucani poetae. Martial.

Qua diues placidum Corduba Bethin amat.

Cordubensis, se, aliquis ex Corduba.

Corcyra, pe. prod. insula est Epiro adiacens, uicina mari Adriatico, prius Melena dicta, deinde Scheria, & Drepane, à Cerere, quae tum temporis eam inhabitabat

bat, antequam Phæaces in suam ditionem redigerent.  
Item Macris, à Macride Dionysij nutrice. Corcyra  
uerò à Corcyra Aesopi filia. Hodie Corsun appellant:  
Venetis paret. Lucan. lib. 2.

– Seu uela ferantur

In portus Corcyra tuos, &c.

Corinna, nomen mulieris. Fuerunt autem tres huius no-  
minis. Prima Thebana seu Tanagræa, Archelodori  
& Porratie filia, & Myrthidis discipula, quæ lyrico-  
rum principem Pindarum quinquies uicisse, & Epi-  
grammatum quinque libros edidisse fertur. Secūda fuit  
Thesbia, ueterum monumentis plurimū celebrata. Ter-  
tia floruit Ouidij temporibus, ipsi poëtæ charissima.  
De hac Martial.

Norat Nasonem sola Corinna suum.

Corinthus, Achaïæ urbs ditissima, in medio Isthmi Pe-  
loponesiaci sita, quam Sisyphus latro condidisse fer-  
tur, Corcyramq; nominasse. Postea Ephyre, ab Ephy-  
re Occani filia, ad extremum Corinthus à Corinθο  
Orestis seu Iouis filio uocata est. Hæc cum olim opibus  
abundaret, Romani ueriti, ne aliquando de imperio  
cogitaret, misso exercitu, & duce Posthumio, eam ua-  
stauerunt. Verum ab Augusto restaurata est. Claruit  
ære laudatissimo, ex quo uasa fiebant admodum pre-  
ciosa. Ouid. lib. 6. Metam.

Orchomenosq; frax, & nobilis ære Corinthus, etc.  
Corinthij, ciues. itē Corinthius, & Corinthiacus,  
a, um.

Cornelia, Romana fuit matrona Aphricani maioris fi-  
lia, Sempronij Gracchi uxor, Tyberij & Caij Gracchi  
mater, quos in bene dicendi arte, qua illa plurimum  
pollebat,

pollebat, ipsa instituit.

Cornelius Gallus, poëta fuit elegiographus, Foroiulien-  
ensis. In Angusti fauore conscendit ad gradum Prætu-  
ræ. Euphorionem Græcum in Latinum sermonem tran-  
stulit. Scripsit quatuor libros amorum suorum de Cy-  
theride Volumij liberta, quam alio nomine Lycorida  
appellauit. hæc eo contempto, Antonium secuta est in  
Galliam. Quapropter Vergilius eum Eclog. 10. conso-  
latur, Fuit primum summus Octauij amicus, sed postea  
suspitione coniurationis, quum in eius odiū impegisset,  
sibi ipse mortē cōsciuit, auiro ætatis 43. Oui. lib. 3. Elcg.

Sanguinis atq; animæ prodige Galle tuæ.

Coræbus, filius fuit Mygdonis, unde à Verg. Mygdo-  
nides appellatur. Hic incensus amore Cassandræ, quam  
etiam Priamus pater ei desponderat, ad Troiam uenit,  
socero & Phrygibus laturus auxilium, quantumuis à  
sponsa ipsi exitium, nisi abiret, esset prædictum. Nam  
ea nocte qua Ilium cecidit, occisus est à Peneleo quo-  
dam Græco. Verg. lib. 2. Aeneid.

—Iuuenisq; Coræbus

Mygdonides, illis qui ad Troiam forte diebus, &c.

Vide Prouerb. Stultior Coræbo.

Corōnis, idos, alio nomine Arsinoë, nympa fuit, Phle-  
giæ, uel ut alij tradunt, Leucippi filia: quæ cū forma  
esset non ineleganti, Apollini placuit, à quo uitiata,  
Aesculapium peperit. Sed postea ab ipso Apolline sa-  
gittis confossa est, quòd cum Elati filio, cui Ischys no-  
mē fuerat, concubisset. Vide suprà de Aesculapio,  
Ouidius libro secundo Metamorph.

Pulchrior in tota, quàm Larissæa Coronis,

Non fuit Aemonia, &c.

Corona

Corōna, urbs est in Peloponeso, à qua Coroueus sinus dictus est. Coronea etiam urbs est Bæotia.

Corfica, insula est in mari Ligustico, inter Italiam & Sardiniam, sic dicta à Corfa muliere: cuius taurus cum ex continenti in insulam tranasset, nomen quod habet, retulit. A Græcis Cynos uocatur, à Cyno Herculis filio, cum antea Therapne nominaretur. Terra eius aspera est, & in multis locis inaccessibilis. Celebris est propter optimum uinum quod in ea crescit.

Cortina, pen. prod. siue Gortina, urbs est Creta, iuxta quā nascuntur calami sagittis aptissimi. Hinc Verg. li. ii.  
Spicula torquebat Lycio Cortinia cornu.

Corus, uentus flans ab Occasu solstitiali, inter Circium & Zephyrum. Lucan. lib. i.

—Non Corus in illum Ius habet, &c.

Et ex cognatione literarum Caurus uocatur. Verg. libro 3. Georg.

In Boreā, Caurūq; & unde nigerrimus Auster, &c.

Corybantes, ministri fuerunt Cybeles, in Ida, monte Phrygiæ, qui cantando & saltando eiusdem Deæ sacra faciebant. Postea autem in Cretam nauigarunt, & occupato monte, hūc quoque Idam à nomine mōtis Phrygiæ uocauere: ubi Iouem infantem aluisse dicuntur: & ne Saturnus (qui cum Titano fratre conuenerat, se omne genus masculinum deuoraturum) uagientem audiret, tympana pulsauere. Sic dicti uel à Græca uoce κόρυς, id est, galcerum, quod galero quodam capite tecti incedebāt: uel quod caput iactaret, uel quod apertis oculis more leporū dormire cogeretur, quod Græcis κορυλαῖτι ἔσθ' est. Dicuntur & Curetes, item Caberi, à Cabero monte: Idæi, ab Ida: Telchines præterea & Dactyli. Clau.

Non te progenitum Cybeleius ære canoro  
Lustravit Corybas, &c.

Corybantia æra, apud Maronem.

Corycus, mons, & urbs: Item portus, & specus (quod  
tamen quidam Corycium nomināt) Ciliciæ, ubi optimū  
crocū nascitur: à quo Corycius, a, um. Hor. li. 2. Scr.

Coryciumq; croco sparsum stetit, &c.

Corycides, nymphæ à specu uocantur ab Ouid. libro  
1. Metamorph.

Coryneta, latro fuit famosissimus, Vulcani filius, qui  
iuxta Epidaurum hospites claua quadam, quæ coryna  
dicebatur, peremit, unde & hoc nominis sibi sumpsit.  
prius enim Periphatum uocatum tradunt. Hunc The-  
scus interfecit.

Corytus, media breui, oppidum Thuscæ, prope Arc-  
tium in paruo colle eiusdem nominis, à Coryto rege  
conditum. Verg. lib. 10.

Venerat antiquis Coryti de finibus Acron.

Corytus, med. longa, sagittarum, thecā significat. Verg.

Corytiq; leues humeris & letifer arcus.

Côs, xôs, insula est in mari Aegeo, una Cycladum,  
quam Hercules olim diripuisse fertur, ibiq; regem Eu-  
rypilum, Neptuni filium und' cum liberis & uxore  
Clytia occidisse, eò quòd ipsum tempestate eò adpul-  
sum & impeditum ab urbe & hospitio prohiberent,  
postquam à uastatione Troiæ & Laomedontis re-  
diisset. Celebratur propter suauitatem uini, quod in ea  
nascitur. Ab ea fit Cous, a, um.

Cosyra, media longa, insula & ciuitas Aphricæ. Ouid.  
lib. 3. Fastorum:

Fertilis est Melite sterili uicina Cosyra, &c.

Cragus



C R.

**Cragus**, mons est Lyciæ ex opposito habens montem  
Anticragum: sic dictus à Crago Tenedeti & Paraxi  
dicæ nymphæ filio. Horat. lib. 1. Carmi.

Sylvis aut uiridis Cragus, &c.

**Cranaus**, secundus rex fuit Athenarum, & Cecropis  
successor: à quo Athenienses dicuntur Cranai.

**Crantor**, ōris, philosophus fuit Solensis, academicus,  
Xenocratis auditor. Librū scripsit de consolatione: ac-  
cerimè inuehebatur in Stoicos, taxans illorum indo-  
lentiam, quòd ea nullo modo esse possit, nisi hominē sa-  
xē esse uelimus, omniq; sensu carētē. Hor. lib. 1. Epist.

Quicquid sit pulchrū, qd turpe, quid utile, quid nō,  
Plenius & melius Chrysippo & Crantore dicit.

Alius fuit Pelei armiger, de quo Ouid. lib. 12. Metam.

**Cratæis**, mater fuit Scyllæ, ut quidā uolūt. Verg. in Cyri.

Ipsi seu Lamæ mater sit, siue Cratæis.

**Crathis**, idis, fluuius Achaïæ, itē Calabriæ, cuius aquis  
flauescunt capilli. Ouid. lib. 15. Metamor.

Crathis & hinc Sybaris nostris conterminus oris

Electro similes faciunt auroq; capillos.

**Cratinus**, Atheniensis poëta, ueteris comædiæ scriptor  
uinosus. Horatius:

Eupolis atq; Cratinus Aristophanesq; poëta.

**Cratippus**, philosophus peripateticus, cui M. Cicero  
filium suum instituendum Athenis dederat, ut idem ait  
in proœmio lib. 1. Officior.

**Cremera**, fluuius est Italiæ, ubi trecenti & sex Fabij  
pugnantes à Veientibus occisi sunt. Ouid. lib. 2. Fast.

Vt celeri passu Cremeram tenuere capacem,

Turbidus hybernus ille fluebat aquis.

Cremona, ciuitas Italiæ in ea regione, quæ hodie Longobardia dicitur: cuius ciues cum contra Augustum unâ cum Antonio sensissent, Cæsar uictor, ueteranis suis eorum agros dedit, qui cum non suffecissent, acceperunt etiam uicinatorum agros, ut Mantuanorum, &c. Hinc Verg. Eclo. 9.

Mantua, uæ misere nimium uicina Cremonæ.

Cremmyon, siue Crommyon, oppidum non procul à Corintho, iuxta quod Theseus suam, quæ omnes agros deuastabat, occidit. Ouidius libro septimo:

Quodq; suam securus arat Cremmyona colonus, &c. ubi alterum in uersus gratia, à poëta elisum. Est etiam urbs Lybiæ, à qua Cremmyonius deriuatur.

Creon, Sisyphi filius, & Corinthiorum rex, qui Creusam filiam Iasoni, abdicata Medea, in uxorem dedit. Alius fuit Thebarum rex, qui filiam suam Megarâ Herculi spopodit. Argiâ præterea & Antigona interfici curauit. quarum iniuriâ postea ultus Theseus, Creontem occidit.

Creontides, Herculis filius ex Megara, quem pater cum Teriomacho fratre ab inferis rediēs, & in furorem uersus à Iunone, quod Lycum interfecisset, interemit.

Creta, in mari mediterraneo insula, quæ ab Oriente Carpathio, à Meridie Aphricano, ab Occidēte Adriatico, à Septentrione Cretico mari cingitur: poëtarum monumentis clara. Cētum urbes olim habuit (unde à Græcis Hecatompolis appellatur) quarum præcipuæ fuerūt Cortyna, Cydon, Gnosfos. In hac natus fuit Iupiter, & à Curetibus in Ida monte clam nutritus. Vide infra de Saturno, Ioue, &c. Nullū in ea noxiū esse animal ferunt. Habitatores eius omnes sagittandi arte plurimū ualucrūt. Dictā uerò putāt uel à Creta nymp̃ha Hesperidis



ridis filia, uel à Creto Curetum rege Iouis filio. Verg.

Creta Iouis magni medio iacet insula ponto,

Mons Idaeus ubi, & gentis cunabula nostræ.

Centū urbes habitant magnas, uberrima regna, & c.

Cretæus, a, um, Cretensis, Cres, Cressa.

Crethon, ōnis, filius fuit Dioclis, qui cum fratre Orsilocho ad bellum Troianū Græcis auxilium laturus profectus est. sed cū hi duo nimīū suis uiribus considerēt, cū Aenea congredi ausi fuerunt: sed ambo ab eodem interfecti sunt: quin & eorū cadauera uix à Menelao & Antilocho ex hostium manibus subtrahi potuerūt.

Creusa, filia fuit Creontis, Corinthiorum regis, quæ abdicata Medea, Iasoni nupsit. quamobrem Medea indignata carminibus suis ignem inextinguibilem scrineolo inclusum per filios suos Creusæ muneris loco misit. filios uerò præmonuit, ut statim oblato munere discederent. Creusa igitur uidēdi cupidā, nihilq; mali suspiciās, scrineolū aperuit, & cōtinuò euolauit ignis, Creusamq; & totā Creōtis regiā exussit. Ouid. li. 1. de Arte:

Cui non defleta est Ephiræ nata Creusæ?

Alia fuit Priami & Hecubæ filia, Aeneæ coniux, cui Ascanium filiū peperit. Hæc in excidio Ilij ab Aenea, qui fugiens patrem humeris gestabat, filium manu ducebat, perditam in itinere, dum uias notas excessisset, habetur apud Maronē lib. 2. Aeneid. Sed nōnulli eam ab ipso Aenea ex pactione cum Græcis facta occisam uolunt, ne quis ex semine Priami superesset. Verū his refragatur fabula de Heleno & Cassandra, libris Priami, quos Græci captiuos abduxerunt.

Crinīsus, fluuius est Siciliae, Oceani & Terræ filius, de quo ita fabulantur. Cū Laomedon Neptuno & A-

l 5 pollini

pollini mercedem pro ædificatione murorum Ilij recusaret, Neptunus iratus Troiæ cete immisit, ut eam uastaret. consultus Apollo sinistra dedit responsa. puellas scilicet belluæ esse obijciendas. Hippotes igitur nobilis Troianus timens, ne & Aegista filia sua ceto, ut Hesioda, exponeretur, naui eam imposuit, ut potius se non uidente mergcretur fluctibus, quam coram deuoraretur. Sed illa casu in Siciliam delata, Criniso placuit, qui in canem, seu ursum mutatus eam oppressit, suscepitq; ex eo concubitu Aesten Sicilia regem. Verg. lib. 3.

Troia Criniso conceptum flumine mater

Quem genuit, &c.

Cræsus, rex fuit Lydorum ditissimus, qui propter bonorum copiam, putabat se omnium mortalium felicissimum, unde aliquando ostendens Soloni suum thesaurum, aliquisquam felicior esset interrogauit. Solon autem negans dicebat, Neminem ante obitum beatum esse uocandum. Tandem à Cyro Persarum rege, cui aliquoties rebellasset, captus est, igniq; addictus. Cumq; iam in rogo cremadus sederet, recordatus uerborum Solonis, alta uoce clamauit: O Solon, Solon. Interrogante Cyro, quid sibi uellet iste clamor, aut quis esset ille Solon: respondit Cræsus, Solon uir sapientissimus olim me monuit, neminem esse in hac uita felicem, quod iam experior. Tum Cyrus fortunæ uarietatem perpendens, eum non solum dimisit, sed etiam inter procures & consiliarios recepit. Ouid. lib. 4. de Ponto:

Diuitis audita cui non opulentia Cræsi: &c.

Crommyon, uide Cremmyon.

Croton, urbs est in sinu Tarentino. Mantuan.

Marebatq; longæua Croton, Sybarisq; sepulta.

Hinc

Hinc Crotoniata, gentile nomen.

Crotopus, rex fuit Argiuorum, ex cuius filia Psammate Apollo Linum suscepit, qui à patre matris Crotopia des nominatur. Ovidius in Ibin:

Quiq; Crotopiaden diripuerit Linum.

Crustumium, oppidum est in Latio, Albanorum colonia. Verg. lib. 7. Aencid.

Ardea Crustumeriq; & turrigeræ Antemnae.

Crustumium, oppidum est Thusciae, unde Crustumia & Crustumina pyra. Est etiã fluuij nomen non procul ab Armino Italiae oppido. Luca. lib. 2.

— Veloxq; Metaurus,

Crustumiumq; rapax, & iunctus Sapis Isauro.

## C T.

Ctesiphon, vicus maximus propè Seleuciam, in quo Parthorū reges hycabant. Est etiã nomen architecti, qui tēplū Dianæ Ephesiæ extruxisse traditur, quod postea ab Herostrato incēsum est, hac tantū de causa, ut ob aliud quod facinus nominaretur. Alius fuit Atheniensis, quē Demosthenes ab Aeschyne accusatum defendit.

## C V.

Cumæ, arum, Campaniæ oppidum propè Neapolim, à Chalcidēsibus ex Eubœa profectis cōditū, nomen uerò ab Hippocle Cumæo sumpsit: nōnulli autē Cumas ob κύματα, id est, fluctus, quibus littus illud abundat, dictas uolunt. Hinc & Cumæus, & Cumanus. Syl. lib. 8.

Linternum, & quondam fātorum conscia Cumæ.

Cupido, amoris deus, secundum Hesiodum, ex Chao & Terranatus fuit: Simonides & Cicero ex Marte & Venere: Acesilaus ex Noctē & Aethere: Alcæus, ex Lite & Zephyro: Sappho ex Venere et Cælo: Seneca

ex Venere & Vulcano. Quidam ex sola Venere pro-  
gnatum tradunt, citantes illud Vergilij lib. 1.

Nate meæ vires, mea magna potentia solus, &c.  
Duplex est, Ouidio dicente:

Alma siue dixi geminorum mater Amorum, &c.  
Honestus uidelicet & turpis: illumq; ex Venere & Io-  
ue patre natum: hunc autē Herebi & Noctis filiū esse  
Perottus ex Tullio citat. Fingitur à poëtis armatus stā-  
mis & telis, aureo uidelicet & plūbeo, ut patet ex O-  
uid. lib. 1. Metam. de Daphne & Apolline: item cæcus,  
nudus, alatus, arcitenens, uolatilis, &c. Eius quoq; for-  
mæ descriptio extat multis uerbis apud Apuleium de  
asino aureo. Vergil. de uino & amore:

Bellum saepe petit ferus exitiale Cupido.

Curetes, sacerdotes fuerūt Cybeles in Creta, quos Ouid.  
lib. 4. Metam. ex imbri natos fabulatur, inquit:

—Largoq; satos Curetas ab imbri, &c.

Hi quoq; Corybantes dicuntur, ut superius auditum  
est. Curetas autem appellatos uolunt, uel ἀκρότης νεύσας,  
id est, à tonsura capillorum: uel à Curo, eorum rege:  
uel quia sicuti Coræ, id est, puellæ, prolixis uestibus  
utebantur.

Cūretes, prima breui, populi Dalmatiæ bellicosi, quorū  
meminit Luca. lib. 4.

Illic bellaci confisus gente Curetum

Quos alit Adriaco tellus circumflua ponto, &c.

Curis, ut habet Strabo lib. 5. Cures, ium, ut alij, oppidū  
fuit Sabinorum. Ouidius lib. 2. Fastor.

Te Tatius, paruiq; Cures, Ceninaq; sensit.

Et Cures, eiusdem oppidi incolæ. Verg. lib. 8.

Romulidis, Tatioq; seui, Curibusq; scueris.

M. Curius, consul Romanus, pauper quidem, sed nihilo minus tamen uirtutibus præclarus. Hic Samnites, Sabi nos & Lucanos uicit, Pyrrhūq; ex Italia pepulit. Præcipuam laudem meruit, quòd fuerit homo fortis, & pecuniarum contemptor. Claudian.

Pauper erat Curius, reges cum uinceret armis.

Curtius, insignis Romanus, qui se pro patria deuouit.

Cum enim in foro Romano terribilis hiatus terræ subito esset exortus, dixerunt uates, Plutonem petere nobilissimam uictimam, & nisi nobilium aliquis in illum hiatus se immitteret, grande periculum urbi imminere. Quod audiens Curtius, armatus equitauit in illū hiatus, qui postea continuo desijt. Vergilius in Culice:

Hic & fama uetus, nunquam moritura Camilli:

Curtius, & medijs quem quondam sedibus urbis

Deuotum bellis consumpsit gurgēs in unda.

C Y.

Cyanæ, in sula lapidosa, quas Symphegadas petras nonnulli uocauere, quæ per Byzantiaci oris angustias asperrimum nauigantibus fecere transitum. Videntur præterea nobiles & inter se concursantes, propter uentos uaria quadā lucta cò loci còfligētes. Oui. li. i. Trist.

Transseat instabiles strennua Cyaneas.

Cyane, nymp̃ha, Proserpinæ comes: quæ cum Plutonem inhibere uellet, ne Proserpinam raperet, ab eodē in sui nominis fontem fuit commutata: qui Anapi Siciliae fluuiio iunctus iuxta Ortygiam insulam in mare labitur. Ouid. lib. 5. Metam.

Inter Sicelidas Cyane celeberrima nymp̃has.

Cyanæ, nymp̃ha, Meandri filia, ex qua Miletus Solis filius Caunum & Biblida suscepit. Ouid. lib. 9. Metam.

Hic

Hic tibi dum sequitur patriæ curuamina ripæ,  
 Filia Meandri toties redeuntis eodem,  
 Cognita Cyaneæ præstanti corpore nympha.

Cybele, es, Cæli & Terræ filia, & Saturni uxor, sic dicta uel à Cybelo Phrygiæ monte, uel à rotunditate, quod terra rotunda sit, uel ἀπὸ τὸν κύβω, quod quidam crediderint terram esse quadrilateram. Vocatur item Rhea, Ops, Vesta, Terra, Mater deum, Bona dea, Dindyme, Dindymene à Syllio lib. 9. Berecynthia, Pales, de quibus nominibus suo loco. Veteres finxerunt eam sedere in curru, qui à leonibus trahatur, uide suprà de Atalanta & Hippomene. Verg.

Hinc mater cultrix Cybele Corybantiaq; æra.  
 Nonnunquam ll. per Epenthesin geminatur. Lucan.

Et lotam paruo reuocant Almone Cybellen.

Cyclades, multæ insulæ sunt in mari Aegeo, in cycli formam dispositæ, numero 53. Ouid. lib. 1. Trist.

Cycladas Aegeas obstupuisse puto.

Cycloborus, fluuius quidam Atticæ, ingenti strepitu defluens, uide prouerb. Cyclobori uox.

Cyclopes, filij fuerunt Neptuni & Amphitrites, ministri Vulcani prope Aetnam Siciliæ montem, qui Ioui fulmina conficere finguntur apud Liparam, quæ est una ex Aeolijs insulis: & hoc fortasse ob id, quod primi ferri usum inuenerint. Sic autem dicti sunt, quod unum oculum orbicularē in fronte haberent. est enim κύκλος circum, & ὤψ aspectus, oculus. Vergil. lib. 8.

Ferrum exercebant uasto Cyclopes in antro

Brôtesq; Steropesq; & nudus mēbra Pyracmō, etc.

Hos enim inter ceteros præstantiores fuisse memorat.

Posteriorem Ouid. lib. 4. Fast. Amonidem, Hesiodus uero



uerò Harpem uocat. Inde Cyclopius, 4, um.

Cydippe, puella quædam pomo deccepta ab Acontio, ut superius traditum. Ouid.

Littera Cydippen pomo prælata fefellit,

Insciaq; est uerbis capta puella suis.

Est etiam nomen nymphæ apud Maron. lib. 4. Georg.

Cydnus, fluuius est Ciliciæ amœnus & saluber ex Tau= ro monte oriens, Tharsum urbem diuidit, à candido co= lore nomen habens. Syri enim quicquid candidum est, Cydnum uocant. Prif.

Flexilis & Cydnus dirimit qui flumine Tharson.

Cydon, ònis, Cretæ oppidum insigne, cuius incolæ Cy= dones, olim sagittandi arte claruerunt, ut pleriq; Cre= tenses. hinc Cydonæus, & Cydonius, 4, um. Ver= gil. Eclo. 10.

Ire libet, Partho torquere Cydonia cornu Spicula.

Cygnus, Martis fuit filius, quem Hercules equestri cœ= tamine uicit, adiutus equo Arione, quem Neptunus in faciem equi transformatus, ex Erinnÿ genuit, deditq; Capreo Hiliarti regi, qui eundẽ Herculi donauit: Her= cules uerò Adraſto dono dedit, cuius auxilio apud Thebas euasit, cū reliq; duces fr̃e omnes occiderẽtur.

Cyllabarus, Steneli fuit filius, cum quo Seruius Aegia= len Diomedis coniugem concubuisse memoriæ tradit. uide suprâ.

Cyllarus, equus fuit Pollucis, ut est apud Vergilium lib. 3. Georg.

Talis Amyclæi domitus Pollucis habenis

Cyllarus, & quorum Graij meminere poëtæ.

Seruius autem explicans hunc locũ, Castoris fuisse tra= dit, eumq; fratrem pro fratre posuisse, poëtica licetia.

Cyllene



Cyllēne, es, mons est Arcadiæ, in quo Maia à Ioue compressa Mercurium peperit, ut autor est Vergilius libro octauo *Aeneidos*, in oratione Euādri ad Aeneam. Hinc Cyllenis, idos, patronymicum, & Cyllenius, a, um, & Cyllenius, ipse Mercurius. Luca. lib. 1.

— Motuq; celer Cyllenius hæret.

Cymīnus, lacus est Hetruriæ, Cymino mōti suppositus, ad sex millia passuum ab urbe Viterbio. Verg. lib. 7.

Et Cymini cum monte lacus, &c.

Cymodoce, seu Cymodocea, Nerei & Doridis filia, dicta quasi fluctuum susceptiua. κῦμα, id est, unda seu fluctus: δέχομαι, est suscipio. Vergil. lib. 10.

Quarum quæ fandi doctissima Cymodocea.

Cynāras, uel ut alij, Cynīras, rex fuit Cypri (Strabo uero dicit hunc in Biblo Phœniciæ oppido regnasse) Paphi filius, qui ex coniuge sua Myrrham filiā suscepit: quæ cū esset formosissima, præter debitum patrem amauit, cuius cōcubitu nutricis suæ opera, dum mater Cereris sacra celebraret, in quibus per nouem dies uiri conspectu abstinere oportebat, potita est: unde grauida facta Adonem filium peperit. postea tamen ob nefandū scelus in arborem sui nominis est cōuersa. Ouid. lib. 10.

Editus & ille est, qui si sine prole fuisset,

Inter felices Cynaras potuisset haberi.

Hinc Cynareis, patron. item Cynareus, & Cynareius, a, um. Fuit et alius huius nominis Assyriæ rex.

Cynici, philosophi erant, quorum autor fuit Antisthenes, de quibus multa Diogenes Laërtius. Dicti Cynici, id est, canini, propter acerbis suas inuectiones in malos, uel ob nimiam suam impudentiam, quia publicè cū uxoribus suis coibant more canum.

Cynofura,

Cynosura, uide *suprà*, Arcas.

Cynthus, mons est in Delo insula, à quo Apollo Cynthius, & Diana Cynthia, dicuntur. Lucanus libro 1.

Tertia iam grauido pluuialis Cynthia cornu.

Cyparissus, Telephi filius, ab Apolline dilectus, ut docet Ouid. lib. 10. Metam. à Syluano uerò, ut Seruius, qui cum puer ceruam mansuetissimam, siue Apollinis, siue Syluani fuerit, occidisset, præ nimio dolore expirauit. tandè in arbore sui nominis permutatus est. Verg.

Aëreæ quercus, & conistræ cyparissi.

Cyprus, insula est in mari Carpathio, inter Ciliciam & Syriam, diues, & luxui deditissima, in qua Venus potissimū colebatur. unde & Cypria, Cypris, & Cyprigena dicta est. Lucan. libro 8.

Quæstor ab Icario Cynaræ littore Cypri, &c.

Cyrène, Penei fluminis filia, quam Apollo amore ardēs à Pelio Thessaliæ monte rapuit, & in Libyam duxit, ibiq; ex ea Aristeu, Nomium, Auctonum, & Argeum suscepit. Vergilius libro 4. Georg.

—Et nati fletus cognouit inanes Cyrene, &c.

Cyrène, es, siue Cyrenæ, arum, ciuitas est Libyæ inter Aegyptum & Syrtes, à Batto Theræorum duce condita, & à Cyrene Penei filia, quam ad ea loca Apollo asportarat, sic nominata. Patria fuit Callimachi poëte & Aristippi philosophi. Cyrenæa, uocatur ea Libyæ pars, quæ huic urbi adiacet, à Plinio Pêtapolis dicta, quòd in ea quinque essent urbes insigniores, Bero nice uidelicet, Archinoë, Ptolemais, Apollonia, & Cyrene. Lucan. lib. 9.

Proximus in muros & moenia Cyrenarum, &c.

Hinc Cyrenensis, Cirenæus, & Cyrenaicus, & um.

Cyrnus, Herculis filius, à quo Corsica dicta est. Hinc  
Cyrnæus, a, um. Vergilius:

Sic tua Cyrnæas fugiant examina quercus.

Vide suprâ, de Corsica.

Cyrrha, oppidum est in Phocide, situm in radicibus Parnasi montis, ad mare, sub rupe Cyrrhin: in eo religio-  
sissimè colebatur Appello, qui inde Cyrrhæus appel-  
latur. Hinc Campi Cyrrhæi, & Antrū Cyrrhæū.  
Lucanus lib. 3.

Phocaicas Amphisa manus scopulosq; Cyrrha, etc.

Cyrus, rex fuit Persarum, Astyagis Mædorum regis ne-  
pos, quem exponi iussit: sed à pastore regio inuētus &  
nutritus est. itaque iam adultus Astyagem bello uicit,  
regnumq; ad Persas detulit, quod etiam ualdè auxit.  
Tandem à Thomyri Scytharum rege, cui bellum intu-  
lerat, cū maxima suorum clade occisus est. Lucan. li. 3.

Non cum Mæonijs deducens agmina regnis

Cyrus, & effusis numerato milite telis

Descendit Perses, & c.

Cyrus, fluuius est Scythiæ in Coraxico monte oriens,  
longeq; per Hyrcanos & Iberas fluens, non procul à  
marī in eodem lacu cum Cambyses flumine iunctus, fre-  
tum Hyrcanum influit.

Cythera, orum, ciuitas est in Cypro, & insula quoq; nō  
procul ab eadē, antea Porphyrīs dicta, Veneri sacra,  
unde & Cytherea uocata est. Verg. lib. 10.

Est Amathus, est celsa mihi Paphos, atq; Cythera,  
Idaliæq; domus, & c.

Inde Cythereius, & Cytheriacus, a, um, & Cythe-  
reis, idos, id est, Venus.

Cytheris, nomen fuit libertæ Volumnij, quam Gallus  
poëta

poëta adamasse fertur. Vergilius uerò hanc Eclo. 10.  
ficto nomine Lycorin appellat.

Cytheron, mons est Bæotia, Apollini & Musis sacer, à  
quo & Cythereides dicuntur. In eo quoq; Bacchi sa-  
cra celebrabant. Vergilius:

—Nocturnusq; uocat clamore Cytheron.

Hinc quoq; Cythera, & Cythereius, a, um.

Cythnos, una est ex Cycladibus, à Cythno primo habitā-  
tore sic appellata, alio nomine Ophiusa, ac Dryopis.

Hinc Cythnius, a, um.

Cythorus, mons est Asia in Paphlagonia regione, buxo  
abundans, unde Verg. lib. 3. Georgic.

Et iuuat undantem buxo, spectare Cythorum.

Hinc Cythoriacus, a, um. Est etiam huius nominis ci-  
uitas Sinopensium emporium, à Cythoro Phryxi filio  
condita.

Cytea, urbs Colchorū, ueneficis herbis, sceminisq; incan-  
tatricibus famosa. Inde carmina uocantur Cytenia:  
& saga, Cyteis. Propert. lib. 2.

Non hic herba ualet, non hic nocturna Cyteis.

Cyzicus, seu Cyzicum, insula est in Propontide,  
duobus pontibus continenti iuncta, habens urbem  
eiusdem nominis. Traxit autem nomen à Cyzico  
rege, quem Iason Colchos nauigans imprudenter in-  
terfecit. Propertius libro 3.

Frigida tam multos placuit tibi Cyzicus annos.

Ouidius libro primo Trist.

Hincq; Propontiacis hærentem Cyzicon oris,

Cyzicon Aemoniæ nobile gentis opus.

Cyziceni, eiusdem inhabitatores.

## DE LITERA D.

D A.

**D**acia, regio est Scythica, inter Thraciam & Germaniam, circa Istrum fluvium, eius populi Daci, & Dacæ dicuntur, olim Dauī appellati: hi semper Romanis reluctabantur. Verg.

Indomitiq; Dacæ, & pontem indignatus Araxes.  
Hinc Dacicus, qui eam regionem domuit. Iuuenal.

—Cum lance beata

Dacicus, & scripto radiat Germanicus auro.

Quidam putant hanc eandem esse, quam hodie Valachiam uel Transyluaniam uocant.

Dactyli Idæi, idem qui Corybantes, quos Iouē nutriuiſe ferunt, & ne uagitu puer proderetur, nouo lusus genere excogitato, clypeolis æneis inter se concursantes, æris tinnitu & numerosi pedis cōpositione, qui Dactylus inde dictus est, Saturnum celaucrunt. Idæi autem dicuntur, à monte Ida.

Dædalus, Atheniensis, Mitionis filius, faber fuit ingeniosissimus, qui primus imaginibus immobilibus oculos induxit, & abditis quibusdam neruis effecit, ut huc atq; illuc mouerentur, adeo scitè, ut uiuere uiderentur spectantibus. Fecit etiam Venerē ligneam, quæ infuso argento uiuo mouebatur. Item in Creta Labyrinthum, multiplici & intricata uiarum perplexitate irremeabile, in quem ab ipso Minoë cum Icaro filio inclusus est, quòd Pasiphaës adulterio operā dedisset, & Theseus Labyrinthum effugisset: sed corruptis custodibus sub faciēdi muneris specie, quo rex placari posset, pennas & cerā petijt: quibus impetratis sibi et Icaro alas fecit, atq; ita ex Creta in Sardiniam euolauit, deinde Cumas delatus

deletus est, ubi Apollini templū crexit. Icarus uerò cū patris monitus sperneret, altiusq; uolaret, cera radijs solis liquefacta, in mare, quod adhuc Icarium nominatur, decidit. Hæc autē ob id ficta sunt, quòd primus nauium uela, malum, & antennam inuenerit. Ferunt prætereà hunc Dædalum, serram, asciam, perpendiculum, &c. inuenisse. Ouidius:

Dædalus ingenio fabræ celeberrimus artis, &c.

Hinc Dædaleus, a, um, artificiosus.

Dæmorgon, gentiliū deorum proauus, quē omnium rerum creatorem arbitrati sunt.

Dalmatia, regio Illyrica, contermina Lyburniæ, uersus occasum. Dalmatæ, eius populi. Hodie uerò ista regio Sclauonia, & populi Sclauī dicuntur. Hos Augustus deuicit. Ouidius libro secundo de Pont.

Subdita montanæ brachia Dalmatiæ.

Damascus, uetus urbs, Syriæ caput, palmis fuit fecundissima, & prunis, quæ adhuc Damascena uocantur. Lucanus lib. 3:

Et felix (sic fama) Ninos, uentosa Damascus.

Danaë, filia fuit Acrisij regis Argiuorum, ex qua Iupiter Perseum suscepit. uide supra de Acrisio, item pro uerb. Orci galea. Et Horatius libro tertio Carmin.

Inclusum Danaën turris ahenea, &c.

Ab ea fit Danaëus, a, um, ut Danaëus heros, id est, Perseus.

Danaus, filius fuit Beli, & Aegisti frater (quem alij Aegyptum nominant) qui fratri in Aegypto imperij gubernacula cōmisisse dicitur, ipse autē in Achaiam profectus, expulso Stenelo rege, apud Argos regnauit. ab eo postea Achaia, dicta est Danaa, & ipsi Græci

Danai. Vocatur Iasides ab Iasio Argiuorum rege: & Belides, media longa, à patre. Filias habuit quinquaginta, de quibus in dictione Belides. Hæ etiam Danaïdes, à patre uocantur.

Danubius, fluuius est Scythiæ permaximus, oriens in fonte quodam Germaniæ, non in monte Arnoba, ut testantur ij, qui ad eius ortum profecti sunt. Porro acceptis sexaginta annibus Daciã à Germania separat, & per Vngariam fluens, septem ostijs in pontum prorumpit. Alio nomine Ister dicitur. Ouidius ad Liuiam:

Danubiusq; rapax, & Dacius orbe remoto, &c.

Daphne, Pencis, siue, ut alij habent, Ladonis fluuij filia, quæ cum forma præstaret, ab Apolline adamata est. cuius cõcubitum cum Apollo pteret, illa fugiens, deorũ commiseratione in laurum conuersa est, quæ adhuc Apollini sacra esse dicitur. Ouid. lib. i. Metamorph.

Phæbus amat, uisq; cupit connubia Daphnes.

Daphnis, & Idæus, filij fuerũt Paridis ex Oenone nymphea Idæa, seu Pagasæa. Alius fuit Daphnis, Mercurij filius, in Sicilia natus, iuuenis formosissimus, qui primum Bucolicum carmen inuenisse dicitur.

Dardanus, Iouis fuit filius, ex Electra Atlantis filia, Coryti regis cõiuge, qui patre mortuo cum fratre Iasio, quem mater ex Coryto susceperat, de successione in discordiã ueniens, eum interemit. cùm autẽ uideret ciues suos turbatos, cõscensa naue in Samothraciã uenit, & inde abiens eam Asiæ partẽ, quæ Hellesponto contigua est, tenuit, ibiq; Ilium condidit. Ab eo postea ipsa regio Dardania dicta est. Vergilius libro septimo,

—His ortus in agris

Dardanus Idæas Phrygiæ penetrauit ad urbes.

Dardanius



Dardanius, a, um, adiectiuum: & Dardanides, dicuntur Troiani: & Dardanis, mulier Troiana.

Dardanus, alius, fuit magus, à quo Dardaniæ artes, id est, magicæ. Columella:

At si nulla ualet medicina repellere pestem,

Dardaniæ ueniunt artes, &c.

Darius, rex fuit Persarū, qui regnauit 36. annis. hic cum de ampliando imperio cogitaret, despiciatam habens Alexādrī Magni adoleſcētiā, bello cum aggressus est: sed Alexander contracto paruo exercitu, illum profligauit: Darius uerò legionibus reparatis rursus bellum motitat: denuo uictus, uxore & filiabus, quæ ab Alexādro captæ erant, relictis, Babylonē fugit, ibiq; cum Alexandro de redimendis captiuis egit. quod cū impetrare nequiret, redintegratis copijs tertio cū eo cōgressus est, & cū iam diu fortiter ab utraq; parte pugnatum esset, coactus est fugere: in fuga uerò deprehensus, à suis, ut quidam ferunt, trucidatus est. Mantuan.

Nec qua morte ferunt Persam cecidisse Darium.

Daulia, oppidū Thraciæ, quod olim sub Therci ditione fuit: unde Philomela Daulias dicta est. Ouid. in Epist.

Concinit Ismarium Daulias ales Itym.

Daunus, filius fuit Pylumni & Danaës, & auus Turni, qui in Apulia regnauit, à quo etiam Daunia dicta est.

Alter fuit Daunus prioris filius, qui ex Venilia sorore Amatæ, Turnum suscepit. de quo infra. Verg. li. 12.

—Dauni miserrere senectæ.

Est quoq; fluij nomen in Apulia, unde Horatius lib. tertio Carmi. Ode 31.

—Qua pauper aquæ Daunus agrestium

Regnator populorum, &c.

Decius, Romanus fuit, qui pro salute patriæ se deuouit. Cum enim in Latino bello Romanorum acie penè prostratam uideret, concitato equo in medium hostium ægmen irrupit. Hoc idem eiusdē nominis filius fecit, qui in quarto consulatu Q. Fabij collega aduersus Gallos & Samnites profectus, pro patriā fortissimè pugnans occubuit. Hoc idē nepos, qui in bello Pyrrhi, quod pro Tarentinis gestum est, periit. Claudian.

His ego non Decios pulchros, fortesq; Metellos  
Prætulerim, &c.

Deianira, filia fuit Oenci regis Calydoniæ, à multis proci adamata, ut testatur Ouidius lib. 9. Tandem Acheloo desponsata est primò, deinde Herculi. Itaq; ortum est duellum inter Herculem & Acheloum: sed hoc superato, Herculi in uxore cessit. Porro cum Hercules transiturus esset Euenum Aetoliæ fluuium, qui tum temporis maximè excreuerat, Nessus Centaurus seipsum ultro obtulit, trāsuecturum uxorem. quam cum Nesso cōmisisset, ipse primus intrepide tranauit fluuium. Nessus autem adhuc in altera ripa stans nouè nuptam uitare uoluit: quod uidens Hercules, sagittis Hydræ sanguine infectis Cētaurum transfixit. qui se moriturū sentiens, ut hostem ulcisceretur, Deianiræ uestem suā proprio sanguine persusam dono dedit, innuēs ei uim amantioriam inesse, & si hac maritus indueretur, ipsum ab aliarū mulierū amore auocari. Mulier itaq; nimis credula munus accepit. & cū audisset, maritū suū in Eubœa amore Ioles Euryti filiæ detineri, Nessi uestē domino suo perscrendam Lychæ famulo tradidit. Hercules igitur nihil mali suspicans, cū sacrificaturus eam induisset

induisset, tantis cruciatibus affectus est, ut in furorem uersus, Lycham è Cenco monte in Euboicum mare deiecerit: qui in scopulum mutatus est: ipse autem Hercules arcu & sagittis Phylœtætæ commissis, se in ardentem pyram in Oeta monte constructam coniecit. Quod Deianira audiens, dolore percita, Herculis claua se interfecit: ex cuius sanguine postea nata est herba, quæ Nymphaea, item Heracleon dicitur. Ouid. lib. 9.

Victor ab Oechalia Ceneo sacra parabat

Vota Ioui, cum fama loquax peruenit ad aures,

Deianira tuas, &c.

Deidamia, filia fuit Lycomedis regis Scyri, quæ Achilles, cum inter huius regis filias sub muliebri habitu latitaret, grauidam fecit, & ex ea Pyrrhum genuit. Propertius lib. 2.

Scyria nec uiduo Deidamia uiro.

Deione, secundum Ouid. lib. 9. mater fuit Miletæ, quæ ex Apolline peperit: hunc enim Deioniden uocat.

Tunc erat inualidus, Deionidenq; iuuentæ

Robore Miletum, Phœboq; parente superbum,

Pertinuit, &c.

Deiphobe, Sibylla Cumæa, Glauci filia, quæ Aeneam ad inferos duxit. uide infra de Sibyllis. Auson.

Vincas Cumanam tu quoq; Deiphoben.

Deiphobus, filius fuit Priami & Hecubæ, qui post mortem Paridis Helenam duxit, cuius tamen dolo, & proditione interfectus est à Græcis, quos illa in cubiculum dormientis intromisit, ut autor est Vergilius lib. 6.

Atq; hic Priamiden laniatum corpore toto

Deiphobum uidit, &c.

m 5 Deiphile,

Deiphile, filia fuit Adraſti, quæ Tydeo iuncta, Diomedem peperit.

Delos, inſula eſt in mari Aegeo, Cycladum omnium nobiliſſima, in qua Latona Apollinem & Dianam uno partu enixa eſt. Vnde ille uocatur Delius, hæc uero Delia. Nomen autem accepit, ut aſſerit Ariſtoteles, à Διῶα, id eſt, oſtendo, quòd repente apparuerit renata. antè Ortygia appellata, & Aſteria. Alij Cynthiam, & Cyntho monte. Pyrpilem, ab igne primum ibidem reſperto. item Lagiam, Cenciam, Mydiam, Cynethum, nominant. Verg. lib. 3. Georg.

Cui non dictus Hylas puer & Latonia Delos?

Delphi, oppidum eſt in Phocide, in Parnaſo monte ſitū, magis rupibus & loci natura, quàm humana arte munitum, ubi clariſſimum templum habuit Apollo, reddebatq; oracula, unde & Delphicus uocatus eſt. Nomen autem accepit à Delpho Deucalionis filio, ex Melantho cuiusdem filia ſuſcepto. Horat. lib. 1. Carmi.

Laudabunt alij claram Rhodon aut Mitylenen,

Aut Ephreſum, bimaris'ue Corinthi

Mœnia, uel Baccho Thebas, uel Apolline Delphos  
Inſignes, &c.

Democritus, Abderites, philoſophus, qui omnes actus hominum tanquam ſtultos ridebat: tandè ſeipſum excœcavit, quo ſubtilius indagaret naturæ ſecreta.

Democles, adulator fuit Dionyſij tyranni, de quo multa apud Ciceronem in Tuſculanis Quæſtion.

Democoon, filius fuit Priami ex incerta matre natus, quem Vlyſſes in bello Troiano interfecit.

Demophoon, filius fuit Theſei & Phædra, qui ab expeditione Troiana rediēs, aduerſis uentis pulſus eſt in  
Thraciam,

Thraciam: ibiq; à Phyllide Lycurgi regis filia hospitio & lecto susceptus est: apud quam cum aliquandiu delituisse, Athenas abiit, ibiq; mortuo priore rege imperium suscepit, oblitus Phyllidis, cui se rediturum iurauerat. Quapropter illa uidēs se derelictam, amoris impatientia de amygdalo se suspendit. Vide infra Phyllis, ubi hæc copiosius tractantur. Ouid. lib. 2. de Arte:

Et tibi Demophoon Theſei criminis hæres,

Phyllide decepta, nulla relicta fuit, &c.

Demosthenes, Orator fuit Atheniensis clarissimus, qui patrem habuit eiusdem nominis admodum pauperem. Hic cum ab ætatis initio esset balbus, neq; literarum pronūciare posset, quibusdam calculis in os coniectis prope maris littus naturæ uitium emendauit, ut postea eloquentissimus euascribit. Porro cum post res gestas contra Antipatrem Alexandri successorem patriæ libertatem defenderet, & ab eo condemnatus præ metu fugeret, in Calabriam Aegæi maris insulam uenit, ubi in templo Neptuni ab Archia Tragædiographo Antipatri satellite correptus, sumpto calamo, quasi prius epistolam ad domesticos scripturus, uenenum ibidem inclusum bibit, statimq; expirauit. Orare cœpit annos natus 27. Vide Plutarchum in eiusdem uita. Mantuan.

Nec te diue Maro Demosthenis ora disertæ, &c.

Deucalion, Promethei filius, cui adulto Epimetheus patruus Pyrrham filiam coniugio iunxit. Porro cum hic apud Thessalos regnaret, ingens diluuium contigit: quapropter arrepta nauis solus Deucalion cum Pyrrha in Parnasum montem uenit. Cessantibus uero aquis Themistos oraculum adiit, consulturus de humani generis restitutione: quæ respondit, ut ossa magnæ matris post tergum

tergum iaceret. Coniectis igitur post tergū lapidibus, quos Deucalion iecerat, in mares: quos Pyrrha, in sœminas uerbebantur. Iuuenalis Satyr. 1.

Ex quo Deucalion nymbis tollentibus æquor,  
Nauigio montem ascendit, sortesq; poposcit,  
Paulatimq; anima caluerunt mollia saxa.

Inde Deucalionæus, a, um. Fuerunt & alij tres Deucaliones.

## D I.

Dia, insula una est Cycladum, quæ & Naxus, item Strōgylos, Sicilia minor, Callipolis, & à uini fertilitate, Dionysiada appellatur. In hac Theseus Ariadnen Minois filiam deseruit. Baccho sacra fuit, quod in hac nutritus dicatur. Ouidius:

Quæ breuis æquoreis Dia feritur aquis.

Hanc quidam in Tyrrheno mari collocant.

Diana, Iouis & Latonæ filia, eodem partu cum Apolline edita, quam ueteres insignem perpetua uirginitate fecerunt: & quoniam Venere consortioq; aliorum hominum spreto, syluas habitaret, uacaretq; uenationi, ipsam arcu, sagittis, pharetra cinxerunt: motium prætereā ac nemorum dixere deam, curruq; à ceruis albis tracto, nympharumq; societate & obsequio uti uoluerunt. Dicta quoq; est Triuia, quod uis præesse crederetur: itē Lucina, quod à parturientibus inuocaretur. Porro apud inferos Proserpina, seu Hecate, apud mortales Diana, apud superos Luna uocatur. sed de singulis nominibus suo loco. Dianam autē appellatam quidam putant, quasi Iouinianam, à Græca dictione dios, quod sit Iouis filia. Cicero, quia noctu quasi diem efficiat, uel quod noctu sola luceat, quasi lucēs una. uel

Diana,

Diana, quasi deuiana, quòd qui uenantur per syluas, errare plerunq; soleant. Laudatissimum templum habuit apud Ephesios: aliud item in Taurica regione, ubi carne tantum humana litabatur. de hac Lucan. lib. 1.

Et Taranis Scythicæ non mitior ara Dianæ.

Dictæ, es, ciuitas est Cretæ, à qua Iupiter Dictæus. Vergilius lib. 2. Georg.

Ante etiam sceptrum Dictæi regis & ante, &c.

Idem Eclog. 6. Dictææ nymphæ. id est, Cretenses.

Dictynna, uide supra, Britomartis.

Dido, quæ & Elisa, filia fuit Beli, quæ Sichæo Herculis sacerdoti nupsit, qui à Pygmalione auaritiæ stimulis agitato, ante aram occisus est. illa uerò in somnis monita, cum his, quibus Pygmalionem exosum sciebat, ac ceptis thesauris, & conscensa naui aufugit: cumq; ad Aphricum littus appulisset, tantum soli emittit ab incolis, quantum bouino corio circumdare posset: ibiq; Carthaginem urbem condidit, eiusq; arcem Byrsam nomine, ut supra dictum est. Ad hanc cum Aeneas tempestate appulsus uenisset (quem tamen multi affirmant nunquam Aphricam uidisse) eum hospitio suscepit, & quauis Hiarbæ & alijs regibus secundò nubere recusasset, tamen amore uicta, huic se copulauit. sed cum sponsus fati cogretur in Italiam nauigare, præ nimio dolore conscenso ingenti rogo, tanquam Sichæi manes placatura, seipsam gladio, quem Aeneas abiens reliquerat, traiecit, ut habetur apud Vergilium lib. 4. Aeneidos:

Ipsa tenes dextra pateram pulcherrima Dido, &c.

Historiographi uerò diuersum sentiunt, qui ob pudicitiam se interfecisse scribunt.

Dindymus, media breui, in plurali Dindyma, orum, mons



mons est Phrygia, in quo colebatur Cybele, quæ propterea Dindymene uocatur. uide suprà. Verg.

— Ite per alta Dindyma, &c.

Diogenes, Sinopeus, philosophus fuit Cynicus, maximus diuitiarum contemptor, habitabat in portarum uestibulis, & ciuitatum porticibus: torquebat se dolio, quod hyeme uertebat uersus Meridiē, æstate uersus Septentrionem, & quacumq; sol se inclinauerat, uolubilem domum conuertebat. Vide prouerbium, Doliaris uita. Ouidius lib. i. de Ponto:

Non doluit patria Cynicus procul esse Synopeus.

Diomeda, Phorbantis fuit filia, quam Achilles ex Lesbioraptam post amissam Briseida concubinam habuit.

Diomedæ insulæ, duæ è regione Gargani montis Apuliæ: quarum altera deserta est, altera uerò habitatores habet: in hac sola Diomedæ aues uidentur.

Diomedei cāpi, uocati sunt in Apulia, quæ in diuisione regni, quam cū Dauno fecisse dicitur, Diomedi cesserūt.

Diomedes, Aetoliæ rex, Tydei & Deiphiles filius, qui cum reliquis Græcis Troiam profectus adeo strenue se gessit, ut post Achillem & Aiace[m] Telamonium fortissimus haberetur. Nam præter occisos à se reges, & singulares pugnas aduersus Hectorē & Aeneā, aliosq; insignes Troianorū principes, et captos Rhesi equos, Palladiūq; Troianis subtractū, Martē quoq; in eo bello uulnerauit, Veneremq; in dextra manu, dū Aeneam protegere uellet. Quamobrē dea indignata, Aegiale tantā libidinē immisit, ut cū Cyllabaro Stheneli filio cōcuberet. Qua re cognita Diomedes domū reuerti noluit, sed in Apuliam profectus regni partem à Dauno accepit, ibiq; Arpos condidit. Quidam ferunt Diomedem

dem ab Aenea dolo occisum, cuiusq; socios ob perēptū regem in aues Diomedēas, uel, ut Græci uocant, Herci das, mutatos. Horatius lib. 1. Serm.

Qui locus à forti Diomede conditus olim, &c.

Diomedes, alius, fuit Thraciæ rex, qui equos suos hospitum, quos interficiebat, carne & sanguine pascēbat: tandem ab Hercule uictus, & ipse suis, quibus datus est in pabulum. Ouid. lib. 9.

Quid quum Thracis equos humano sanguine pingues, &c.

Diodorus, philosophus fuit Socraticus: aliam item historicus Siculus, cuius opera adhuc extant.

Dion Syracusanus, amicus & auditor Platonis: qui expulso Dionysio tyranno patriæ libertatem restituit. Alius fuit Dion Prusæus, cui ob sermonis elegantiam Chrysostomo cognomen fuit.

Dione, Oceani & Tethyos filia, materq; Veneris, præ qua nonnāquam ponitur. Stat. lib. 1. Sylva.

Cedat equus Latiae qui contra templa Diones.

Inde fit Dionæus, & um.

Dionysius, medicus longa, dictus est Bacchus, & Dionysia, Bacchanalia, Bacchi festa.

Dionysius, alius, fuit Syracusanorum tyrannus, Dionysij filius, apud quos cum permulta perpētrasset scelera, à ciuibus est eiectus, & inde Cenchrum ueniēs, cū nihil aliud esset, quo uitā suscitaret, liliū magister factus est.

Dipson, fluius est Ciliciæ ex Tauro profluēs. Luc. li. 8.

— Tauroq; uidet Dipsona cadentem, &c.

Dirce, Solis filia, Lyci Thebarum regis coniux, quam duxerat repudiata Antiopa, sed hæc uerita ne Antio-  
pam reuocaret, impetrauit à marito, ut posset illam

in uinculis detinere: Antiopa uero tempore partus soluta, gemellos (quos ex Ioue conceperat, ut supra auditum est) peperit, Amphionem uidelicet & Zethum, qui postea Lycum interfecerunt: Dirce uero caudæ indomiti equi alligarunt: quæ diu ita per terram raptata, tandem deorum commiseratione in sui nominis fontem conuersa est, non procul à Thebis. Vnde Diræus, *4. um.* Lucanus libro 3.

Fatidica Cephisos aqua, Cadmeaq; Dirce.

Diræ, tres sunt Acherontis & Noctis filie, quæ apud inferos Canes, ut testatur Lucanus libro 6. apud mortales Furie, item Eumenides: apud superos Diræ uocantur. Harum nomina sunt Megera, Tisiphone, & Aleto. Verg. lib. 12.

Dicuntur geminæ pestes cognomine Diræ.

Dis, id est, diues, nomen est Plutonis inferorum regis, cui omnem terrenam uim atq; naturam dedicatam putabant, quòd diuitiæ omnes è terra oriantur, & in terras recidunt. Verg. lib. 6.

Noctes atq; dies patet atri ianua Ditis, &c.

D O.

Dodona, ciuitas est Epiri, quæ lucum habet propinquum Ioui sacrum, quernum totum, & glandibus semper abundantem. In hoc duas columbas consulentibus responsum dedisse, quidam fabulantur, quarum altera Delphos, altera uerò in Ammonis Iouis templum uolauit. alij, arbores uocales fuisse. Hinc Iupiter Dodonæus: & Nymphe, quas Bacchum nutriuisse commemorant, Dodonides dicuntur. Et Dodonius, *4. um,* apud Claudianum. Vergilius:

—Et uictum Dodona negaret.

Dolon,

Dolon, Troianus quidam fuit, uelox pedibus, qui noctu missus explorator ad castra Græcorū pro præmio poscit Achillis equos. Sed à Diomede & Vlyssc depræhensus, qui & ipsi exploratum exierant, consilia Troianorum spe conseruandæ uitæ illis aperuit. Verum ut proditorem, falsa spe delusum occiderunt. Verg. lib. 12.

Antiqui proles bello præclara Dolonis.

Dolopes, populi fuerunt Thessaliæ, ad Pindum montem, qui cum Pyrrho Achillis filio Troiam uenerunt. Verg. lib. 2. Aeneid. — Quis talia fando

Myrmidonum Dolopum'ue, aut duri miles Vlyssi,  
Temperet à lacrymis, &c.

Donyssa, penulii. longa, insula est in mari Aegæo, una ex Cycladibus, in qua uiride marmor nascitur. Vergilius libro tertio Aeneid.

Bacchatamq; iugis Naxon, uiridemq; Donyssam  
Legimus, &c.

Dorion, oppidum Magnesiæ, iuxta quod Thamyras cietharædus Musas ad cantus certamen prouocauit. Lucanus libro 6.

— Teleos & Dorion ira Flebile Picridum, &c.

Doris, filia fuit Oceani & Tethyos, Nerei fratris coniux, atque Nympharum mater. quandoque pro ipso mari ponitur. Vergilius:

Sic tibi cum fluctus subterlabere Sicanos,  
Doris amara suam non intermisceat undam.

Doris, regio est Græciæ prope Thessaliam, à Doro Neptuni & Elopis filio sic appellata. Hinc Dorienfes, populi: & Doricus, a, um, ut Dorica lingua. Verg. Dorica castra uides, &c.

Doryclus, filius fuit Priami, quæ Ajax interemit. Alius  
n fuit



fuit Doryclus, frater Phinei regis Thraciæ, de quo  
Vergilius lib. 5.

Fit Beroë Ismarij coniux longæua Dorycli.

Et paulo post, — Non hæc Rhœteia matres,  
Est Dorycli coniux, &c.

D R.

Drāces, Orator fuit Latini regis, infestissimus Turno Ru-  
tulorū regi, cuius descriptionē uide apud Maron. li. 11.  
Tum Drances idem insensius, &c.

Drepanum, ciuitas est Siciliae, non longē ab Eryce mon-  
te. Dicta uel à curuatura littoris, in qua posita est: uel  
quòd Saturnus post amputata uirilia Cælo patri, illuc  
proiecit falcem, quæ Græcis *Σέπτανος* dicitur. Verg.  
libro 3. Acneid.

Hinc Drepani portus, & ille tabilis ora,  
Accipit, &c.

Druidæ, magi, seu sacerdotes fuerunt Gallorum, maxi-  
mo apud eos in honore habiti, qui in syluis more Be-  
chardinorum degebant. Hi solebant sacrificia publica  
& priuata procurare, religiones interpretari, adole-  
scentes disciplinis instituere, rerum naturalium causas  
scrutari, de cæde, de finibus, cæterisq; controuersijs co-  
gnoscere, ita ut si quis decreto non stetisset, eidem sa-  
crificijs, hominū sermone, & congressu interdicerent,  
ut ait Cæsar in Cōmentar. Immortales animas, & mūdū  
non genitum asserbant: in primis autem hoc niteban-  
tur persuadere, non interire animas, sed ab alijs post  
mortē trāsire ad alios, atq; hoc maximè homines ad uir-  
tutē excitari putabāt, metu mortis neglecto. Luc. lib. 1.

Et uos barbaricos ritus moremq; sinistrum  
Sacrorum Druidæ positis repetistis ab armis.

Drusus

Drusus, filius fuit Liuiæ uxoris Augusti, frater Tiberij.  
 Alius fuit M. L. Drusus Salinator, qui Hasdrubakem  
 uicit. Verg. lib. 6.

Quin Decios, Drusosq; procul, &c. Affpice.

Dryades, nymphæ sunt sylvarum, à δρῦς, id est, arbore,  
 seu quercu, sic nominatæ. Ouid. in Epist.

Aut quas semideæ Dryades, Fauniq; bicornes.

Hamadryades uerò, quæ cum arboribus uitam simul  
 sortiuntur, & simul cum ijs intereunt. Verg. eccl. 10.

Iam neque Hamadryades rursus, nec carmina nobis  
 Ipsa placent, &c.

Dryas, filius fuit Hippolochi, cui Clustumina Colchida  
 fuit coniux, ex qua Lycurgum suscepit. Hic in bello  
 Thebano fuit, stetitq; à partibus Ethæoclis: qui cum in  
 pugna Parthenopæum letali ictu uulnerasset, à Diana  
 sagittis occisus est. Statius:

Horrendumq; Dryana mouet, &c.

Dryantiades, dicitur Lycurgus rex Thraciæ, apud  
 Ouidium in Ibin:

Vtq; Dryantiadæ Rodopeia regna tenenti.

Dryopes, populi iuxta Parnasum habitantes. Verg. lib.

4. Aeneid. — Mistiq; altaria circum

Cretesq; Dryopesq; fremunt, pictiq; Agathyrsi.

## D V.

Dulichium, insula est in mari Ionio non procul ab Itha-  
 ca, quodam sub Vlyssis imperio. unde Dulichius pro  
 Vlyssc, uel ad Vlyssē pertinēte accipitur. Verg. eccl. 6.

Dulichias uexasse rates, &c.

Duria, siue Durias (quidam tamen pert, literā scribunt)  
 fluuius est Hispaniæ circa Numantiam per Vacceos  
 flucns, qui Gallatiam à Lusitania separat. Claudian.

*Callætia risit*

*Floribus & roseis formosis Duria ripis, &c.*

D Y.

**D**yrhachium, ciuitas est in Epiro (alij in confinio Macedoniae & Dalmatiae sitam esse uolunt) quae antea Epidaurius uocabatur. Nomen autem accepit à Dyrhachio quodam, qui portum urbi adiecit. Lucan.

—Dyrhachij rapiendas tendit ad arces, &c.

D E L I T E R A E.

E B.

**E**Burones, Galliae Belgicae populi, qui per fraudem multos ex Caesaris exercitu trucidarunt. Hodie Leodienses dicuntur.

**E**busus, insula est, una ex Balearibus, in qua optimae ficus nascuntur. Alia uidetur esse prope Phoeniciam. Syl. li. 3.

Iamq; Ebusus Phoenissa mouet, mouet Artabus arma, &c.

Nisi respexerit poeta fortasse ad Carthaginē Nouam, quae à Chartaginiensibus ex Phoenicia oriundis condita est, cui prior insula adiacet.

E C.

**E**chinades, insulae in sinu Corinthiaco, & Acheloi proruptionibus proximae. Stat. lib. 2. Theb.

Turbidus obiectas Achelous Echinadas exit.

**E**chion, unus fuit sociorum Cadmi, primi regis Thebarum, & pater Penthei regis, qui ab eo Echionides dicitur. & Echionius, id est Thebanus. Lucanus lib. 6.

—Veteres ubi fabula Thebas

Monstrat Echionidas, &c.

E D.

**E**don, mons est Thraciae. Edoni, populi circa illum montem



montē habitantes. Edonius, a, um, possess. Verg. li. 12.

Ac uelut Edoni Boreæ cum spiritus alto

Insonat Aegeo, &c.

Lucanus tamen per Systolen corripuit, inquiring,

Edonis Ogygio decurrit plane Lyæo.

## E L.

Elatus, pater fuit Cænei, unde Elateius dicitur. Ovidius lib. 12. — Manet imperfossus ab omni

Inq; cruentatus Caneus Elateius ictu.

Elea, ciuitas est Lucaniæ. Hinc Eleatæ, eiusdem incolæ.

Electra, filia fuit Atlantis & Pleiones, ex qua Iupiter Dardanum suscepit. Ouid.

Dardanon Electra quis nescit Atlantide cretum.

Scilicet Electram concubuisse Ioui?

Vide infra, Pleiades. Alia fuit Electra Agamemnonis & Clytemnestræ filia, quæ occiso patre Orestem infantem Strophilo Phocensi Agamemnonis amico clam commēdauit: cumq; matrem ob perpetratū scelus acerrimè increpasset, ab eadem in carcerem coniecta est, postea uerò occisa matre ab Oreste liberata.

Eleides, dicuntur mulieres Bacchantes, ab Eleo, id est, Baccho. Ouid. in Epist.

Nunc seror ut Bacchi furij Eleides actæ, &c.

Eleus, Bacchi cognomen, dictus quasi pius pater, quòd libertatem hominibus præstet. Græci enim ἱεὸς misericordem uocant. Ouid.

Nycteliusq; Eleusq; parens, &c.

Eleusis, ciuitas est in Attica regione nō lōgè ab Athenis, in qua regnauit Eleusius. In hac nobile fuit Cereris templum, unde Eleusina mater dicitur: & Eleusina, eius sacra. Ouid. lib. 7. Metam.

Cercyonis letum uidit cercalis Eleufis.

Elice, uide Helice.

Elis, idis, Arcadiæ ciuitas, iuxta quam Alpheus fluuius ori-  
tur. Clara fuit ob currule certamen, quod ibidem in ho-  
norem Iouis Olympici exercebatur. Inde Eleus, a, um.  
Verg. 3. Georg.

Hic uel ad Elei metas & maxima campi  
Sudabit spatia, &c.

Elisa, proprium nomen Didonis. Verg. lib. 5.

Mœnia respiciens, quæ iam infelicitis Elisæ  
Collucent flammis, &c. Vide suprâ Dido.

Elicius, dicitur Iupiter, quod sacrificis eliciatur preci-  
bus. Ouid. lib. 4. Fastor.

Eliciunt cœlo te Iuppiter: unde minores  
Nunc quoq; te celebrant, Eliciumq; uocant.

Elorus, fluuius est Sicilia, ex Pachinno mōte oriens: ad-  
iacentes campos fecundat, ut Nilus Aegyptum. unde  
Vergilius lib. 3. Aeneidos:

Exupero præpingue solum stagnantis Elori.

Elpenor, comes fuit Vlyssis, quem Circe in porcum  
mutauit, unde Iuuenalis:

Et cum remigibus grunisse Elpenora porcis.

Homerus scribit, quod cum esset ebrius, de scalis ca-  
dens, ceruicem fregit. hinc apud Nasonem legitur:

At miser Elpenor tecto delapsus ab alto,

Occurrit regi flebilis umbra suo.

Eluina, dicta est Ceres, ab Eluio oppido, uel ab Eluide  
fluuiio, in quo colebatur. Iuuenal. Sat. 3.

Me quoq; ad Eluinam Cererē, uestramq; Dianam.

Elysium, locus est apud inferos, plenus uoluptatibus, ubi  
beatorum animas uersari fingunt poëtæ. Verg.

Sed

Sed amara piorum

Concilia, Elysiūq; colo, &c. Inde Elysius, a, um.

E M.

Emathia, pars est Macedonia, alio nomine Pharsalia: in qua sunt cāpi Philippi, ubi primum Cæsar & Pompeius, deinde Augustus & Cassius manus conseruerūt, ut testatur Verg. lib. 1. Georg.

Non fuit indignum superis bis sanguine nostro

Emathiam, & latos Aemi pinguescere campos.

Nomen accepit ab Emathione rege. Hinc Emathis, idos, & Emathius, a, um.

Empedocles, philosophus Agrigentinus, discipulus Pythagoræ, Rhetorices inuētor, qui de rerum natura uersibus conscripsit. Hic cum immortalitatem nouo mortis genere affectaret, in Aetnam se coniecit. Horat.

—Siculiq; poëtæ

Narrabo interitum. Deus immortalis haberi

Dum cupit, Empedocles ardentem seruidus Aetnam

Insiluit, &c. E N.

Enceladus, gigantum maximus, Titanis & Terræ filius, quem Iupiter fulmine ictum Aetnæ monti supposuit. Verg. lib. 3. Aeneid.

Fama est Enceladi semustum fulmine corpus

Urgeri mole hac, ingentemq; insuper Aetnam

Impositam ruptis flammam expirare caminis.

Enchaliæ, oppidum in Illyria, iuxta quod Cadmus & eiusdem uxor in serpentes uersi sunt. Lucanus lib. 3.

—Et nomine prisco

Enchaliæ uersi testantes funera Cadmi, &c.

Endymion, pastor quidam fuit, Aethlij filius, quem Iupiter in cælum assumptum, cum Iunonem amaret, atq;

etiam cum nube pro Iunone concūberet, iratus rursum deiecit, & perpetuò somno damnauit. Huius postea amore Luna quoq; capta, eum in Latmi, Carie montis specu occultauit, atq; ibidem cum eo conuersata est. Ouidius:

Latmius Endymion non est tibi causa pudoris.

Vide prouerb. Endymionis somnum dormire

Enipheus, quidam non aspirant, fluuius est Thessaliæ, apud quē Cæsar & Pompeius bello sunt cōgressi. Lentus primò, sed Appidano mixtus, uelocissimus est. Luc.

— Nunquam celer nisi mixtus Enipheus, &c.

Enna, Siciliæ ciuitas, iuxta quam Pluto Proserpinam rapuit, unde Ennēa dicitur apud Lucanum lib. octauo:

— Quæ te Contineant Ennea dapes, &c.

Ennius, poëta natus est Rudijs Salëtinorum oppido, Romam uenit ætate M. Plauti & M. Catonis oratoris clarissimi: domum habuit in Auentino monte, parco ac tenui uictu uiuens. Scripsit libros Annalium, Satyras, Comœdias & Tragoedias. Primus coronam ex Helicone sumpsit. Scipionē Africanū maximè coluit, mutuaq; beneuolētia ab eo redamatus est: periit articulari morbo, quem ex immodico uini usu contraxerat. Horatius:

Ennius ipse pater nunquam nisi potus, ad arma  
Prosiluit dicenda, &c.

Ennosigæus, dictus est Neptunus, maris deus, quasi concutiens terram. Iuuenal.

Ipsam compedibus qui uinxerat Ennosigæum.

Est enim ἐνώϊον, id quod quatio, & per Επεθήσιν ἐνώϊον.  
& γαίᾱ, terra.

Enyo, penul. product. furor bellieus, capitur pro ipsa Bellona. Martialis:

Cum

Cum dubitaret adhuc belli ciuilis Enyo.

E P.

Epæa, ciuitas fuit Græciæ. Epæi, ciues, contra quos Nestor bella gessit.

Epaminundas, princeps fuit Thebanorum clarissimus, qui aliquoties cum Lacedæmonibus congressus, sæpius retulit uictoriam. Tandem lancea traiectus, cum in castra semianimis referretur, ubi audiuit scutum suum adhuc saluum, nec ab hostibus raptum, respondit: Bene res se habet, mortem hanc morior lubens.

Epaphus, filius fuit Iouis & Ius Inachi filie, Aegypti rex, qui Memphim in eadē condidit. Ouid. lib. 1. Meta.

Hinc Epaphus magni genitus de semine tandem  
Credatur esse Iouis, &c.

Huius quoq; mentio fit infrà de Phaëthonte.

Epeus, Ἠπειός, quem quidam Endymionis filium & Pæonnis fratrem faciunt, fabricator fuit lignei equi, quo Troia prodita est. Verg. lib. 2.

—Et ipse doli fabricator Epeus.

Ephesus, metropolis Ioniæ, celeberrimo Dianæ templo clara, ab Amazonibus condita. Horatius:

Laudabunt alij claram Rhodon aut Mitylenen,  
Aut Ephesum, &c. Ephesus, a, um, posseß.

Ephialtes, & Othus, filij fuerunt Neptuni ex Iphimedia Aloi coniuge, qui Martem bello bis uicerunt, cathenisq; uinctum in carcere per tredecim menses detinuerunt: & nisi Mercurius Iunonis iussu eum clam liberasset, in carcere defecisset. Postea ad gigantomachiam missi, à Ioue ad inferos fulmine sunt detrusi. Verg. in Culice:

Nam uictus sedet immanis serpentibus Othus  
Deuinctus, mæstum procul aspiciens Ephialten.

n 3

Ephyre,

Ephyre, penul. corr. urbs est Achaiæ, alio nomine Corinthus. Ephyreides puella, id est, Corinthiaca. Sic dicta ab Ephyra Oceani filia. Ouid. in Epist.

Hic Ephyrē bimarē, Scythiā tenet ille nivosam, etc.

Inde Ephyreus, a, um, & Ephyreius, a, um.

Epicharmus, poëta fuit Siculus, cui nonnulli inuentum Comædiæ tribuunt. Horat. lib. 2. Epist.

Plautus ad exemplar Siculi properare Epicharmi.

Fuit et alius huius nominis philosophus Pythagoricus.

Epicurus, Atheniensis philosophus, qui summū bonū ponebat in ea uoluptate, quā Cicero indolentiā, id est, doloris carentiā uocat, ut quidā uolūt. Existimabat cūctā fato agi. Epicurei, dicebantur eius sectatores. Sidon.

Ast Epicureos eliminat undiq; uirtus.

Epidaunius, uide Dyrrhachium.

Epidaurus, Achaiæ urbs est, in qua colebatur Aesculapius, qui inde Epidaurius nominatur. Est etiam nomē ciuitatis maritimæ in Dalmatia, de qua Lucan. lib. 2.

Illyris Ionias uergens Epidaurus in undas.

Epimenides, Cretensis, à patre suo missus, ut ouem perditam quæreret: diuertēs in specum, dormiuit quinquaginta septem annos: deinde experrectus ouē quæsiuit, putans se paulum dormiuisse. Postea philosophari cœpit. Vixit annos 152. uel secundum alios, 299. Vide prouerb. Ultra Epimenidem dormire.

Epimetheus, Iapeti ex Asia nympha filius, Promethei frater, qui ingenio ualēs, hominis statuā primus ex luto finxit: qua re indignatus Iupiter, cū uertit in simiā, atq; apd' isulas Pithecusas relegauit. Hic pater fuit Pyrrha uxoris Deucaliōis, uide Epimethis dicitur. Ouid.

Inde Promethides placidis Epimethida dictis

Mulcet,



Mulcet, &c. Vide infra de Prometheo, Pandora, Pitheculis insulis.

Epirus, regio est Græciæ, in qua olim Pyrrhus regnavit, ab ortu Achaiæ habens, ab occidente mare Adriaticum, à septentrione Macedoniam. Hodie autem cum maxima Macedoniae parte Albania dicitur. Quodam urbibus populisq; fuit frequentissima, sed à Romanis subacta, cum sæpius deficeret, penè in solitudinem redacta est. Ovi. li. 8.

Misit apros quanto maiores herbida taurus

Non habet Epirus, &c.

Epirota, aliquis ex Epiro: & Epiroticus, a, um.

B R.

Erasinus, fluuius est ex Stymphalo lacu exorians, & per aliquot stadia sub terra delatus in Argiuo agro erumpit, cum antea exitum non haberet. Ouid. lib. 15.

— Tecto modò gurgite lapsus

Redditur Argolicis ingens Erasinus in agris.

Erato, ἑρατώ, una est Musarum, quæ Orchestim inuenisse fertur, dicta uel à canēdis amoribus, uel quòd omnibus desideretur. Ouid.

Nunc Erato, nam tu nomen amantis habes.

Hanc idem poëta Amatorien appellat, inquit:

Vilis Amatorie, uilis mihi candida Clio.

Eratosthenes, cosmographus insignis, qui primus uniuersum totius orbis circulum ducentorum quinquaginta duorum stadiorum esse prodidit, unde & orbis terrarum mensor appellatus est.

Erginus, rex fuit Orchomeni, quem Hercules interfecit, eo quòd tributa quotannis à Thebis exigeret, ipsamq; urbem incensa regia euertit.

Erebus, obscurior pars est inferni, unde Vergilius:

Imag



—Imas Erebi descendit ad umbras.

Erebum quoq; fluvium esse inferorum dicunt, citantes illud Verg. —Et magnos Erebi tranauimus amnes.

Erembi, populi sunt Arabiae, qui & Ichthyophagi, & Trogloditæ uocantur: prærupta saxa & specus montium inhabitant, sine opibus.

Eriboea, dicta est Iuno, quasi lis bouis, quia I fidem mutatam nimia indignatione persecuta est.

Erichtheus, quæ Homerus ἱερὸν nomina, rex fuit Athenarum, quæ ab eo Erichthææ dicuntur. Verg. in Cyri:

Qualis Erichthæis olim portatur Athenis:

Erichtho, siue Eriçtho, mulier fuit Theßala, multis ueneficijs famosa. Lucan. —Hæc diræ carmina gentis

Effera damnavit nimie pietatis Erichtho.

Erichthonius, quem quidam cum superiori Erichtheo eundem faciunt, Vulcani & Mineruæ filius. Vulcanus enim cum Ioui fulmina contra gigantes fabricasset, petijt, ut sibi cum Minerua cõcumbere liceret: quod ipse concessit, data tamen Mineruæ licentia, ut uirginitatem uiribus, si posset, defenderet. Vulcanus itaq; cū Mineruæ cubiculum intrasset, & acriter se defendenti uim inferre conaretur, præ nimio libidinis ardore, semen in terram effudit: quod dea uidens, præ pudore terra cõtexit, & inde natus est Erichthonius: habuitq; pedes serpentinos, ad quos contegēdos iam adultus currū & equorum iugum inuenit. Vergilius lib. 3. Georg.

Primus Erichthonius currus, & quattuor ausus

lungere equos, rapidisq; rotis insistere uictor.

Hic Pādioni Atheniensij regi in imperio successit: Argenti quoq; inuentor fuit, ut testatur Plin. Alius fuit Dardani filius ex Cādania cõiuge, ut quibusdā placet.

Eridanus,

Eridānus, fluuius est Italiae, alio nomine Padus, in radicibus Vesuli montis oriens, per septem ostia rapido cursu in mare irrupit. Nomen accepit à Phaëthōte, ibidem submerso, qui prius Eridanus dicebatur. Verg.

Fluuiorum rex Eridanus, camposq; per omnes.

Erigone, filia fuit Icarij, quæ cum Baccho placuisset, ab eo in specie uux decepta atq; oppressa est. Hæc postea ductu canis in Marathoniam syluam ueniens, cum patrem à pastoribus occisum comperisset, præ dolore se de arbore suspendit: sed ramo, nimia corporis pondere fracto, in terram decidit: cuius tamen miserti Dij, eā inter astra transtulerunt, factaq; est signum Zodiaci, quod adhuc Virgo dicitur. Vergilius:

Quod locus Erigonen inter Gelasq; sequentes  
Panditur, &c.

Porro cum eius umbra regionem illam infestaret, ad irā mitigandam imagunculas ex cera confectas arboribus appenderunt, quod & in Bacchi sacrificijs fieri consuetum est. Vnde Verg. lib. 2. Georg. — Tibiq;

Oscilla ex alta suspendunt mollia pinu.

Erinnys, furia infernalis. Verg. lib. 2. Aeneid.

— Quò tristis Erinnys, Quò fremitus uocat, &c.

Eriphyle, Thalaonis, uel ut alij uolunt, Iphios filia, & uxor Amphiarai, quæ desiderio habēdi monilis aurci, quod Argia Polynicis cōiux ferebat, Amphiaraum maritū Adrasto regi prodidit: ob quod nefas postea ab Alcmeone filio occisa est. Sed de his latius suprà de Amphiarao & Alcmeone. Verg. — Mæstāq; Eriphylē

Crudelis nati monstrantem uulnera cernit, &c.

Erisichthon, Thessalus quidā fuit, Cereris contemptor, cuius lucum, cum abscidisset, dea iniuriam ulciscente,

ad

ad tantam famem reductus est, ut sua ipse membra cor-  
roserit. Ouid.

Sic epulas omnes Erisichthonis ora profani  
Accipiunt, &c.

Erymanthus, mons Arcadiæ nemorosus, in quo Hercu-  
les uastissimum aprum cepit, & Eurysteo uiuum detu-  
lit. Ouid. lib. 5. Metamorph.

Mænaliosq; sinus, gelidumq; Erymāthon, & Elin.  
Inde Erymanthis, idos, & Erymanthius, a, um.

Erythræ, arum, ciuitas est Asiæ, nō longe à Chio, ex qua  
fuit Sibylla Erythræa. Vide infra.

Erythreus, seu Erythra, filius fuit Persci & Androme-  
dæ, qui in confinio rubri maris regnum habuit: un-  
de etiam Erythreum mare, pro mari rubro positum  
affirmant.

Erythia, Ἐρυθία, ut habet Mela: Erythræa, ut alij: insula  
est in mari Gaditano, in qua fuit Geryonis regia.

Eryx, filius fuit Buthæ & Veneris, qui cum uiribus ua-  
leret, hospitibus legem statuit, ut cælibus secum decer-  
tarent, atq; hoc modo multos necauit. Tandem ab Her-  
cule ex Hispania redeunte uictus occubuit, atq; in eo  
monte, in quo matri templum condiderat, sepultus est,  
unde ipse mōs Eryx, & Venus Erycina dicitur. Ery-  
cinus, a, um, possess. Verg. lib. 10.

. Quid refrā exustas Erycino in littore classes? &c.

## E S.

Essedones, populi sunt Scythici, anthropophagi, qui pa-  
rētum corpora, excepto capite, post mortē admixtis pe-  
cudū carnibus, edere consueuerunt: caput autem inau-  
rabant, habebantq; simulacri loco. De his Herod. lib.  
quarto Histor.

Ethcoecles,

## E T.

Etheocles, filius fuit Oedipi, & frater Polynicis, cū quo, patre iam mortuo ita conuenerat, ut alternis annis regnarent: uerū cum Etheocles imperij gubernacula recepiſſet, anno ſuo finito, Polynici cedere noluit. Quapropter Polynices Adraſtum ſoccrum, aliosq; Achaiæ principes in auxiliū uocauit, qui Thebas obſederunt. In quo bello cū multi utrinq; eſſent occiſi, Etheocles cum fratre in duellum uenit, cumq; ſe uictum uideret, cultro fratrem tranſegit, atq; ita mutuis uulneribus perierūt: quorū cadauera cum in uno rogo cōburerētur, flamma ſe in duas partes diuiſit, indicās quōd odia etiam mortui nondum finiſſent. Stat. lib. 8. Theba.

—Inſando differt Etheocleā fratri, &c.

Etheſiæ, uenti ſunt certo tempore ſtantes, nempe quadraginta diebus poſt caniculæ exortum. Hieron. Menſe Auguſto ſtantibus Etheſijs nauem ſecurus conſcendi.

Ethruria, uide Hethruria.

## E V.

Euadne, filia fuit Martis ex Thebe Aſopi fluminis coniuge, quæ ex Capaneo marito Sthenelum peperit. Porro tanto amore maritum ſuum dilexit, ut cum audiſſet cum apud Thebas fulmine ictum periſſe, penè in mortis ſtuporem diriguerit: & cum eiſdem funeralia celebrarentur, corpusq; ſemiuſtum in rogam poneretur, ipſa præ doloris impatientia flammis ſeſe iniecit, atq; ita cum uiro combuſta eſt. Verg. lib. 6.

Euadnenq; & Paſiphaën, his Laodamia, &c.

Euan, cognomen eſt Bacchi, ab euantium clamore inditum. Euantes, dicuntur mulieres eiſdem dei ſacra celebrantes. Verg. lib. 6.

Euantes

—*Euantes orgia circum Ducebat Phrygiæ, &c.*

**Euander**, Arcadiæ rex, ob eloquentiam Mercurij filius ex Nicostrata, habitus est. Hic cum patrem casu interfecisset, auito regno pulsus, suadente matre, quæ uates erat, conscensa naui in Italiam uenit, & pulsus Aboriginibus tenuit illa loca, ubi postea Roma condita est, paruumq; oppidum in Palatino monte extruxit, ibiq; Herculem ex Hispania redeuntem hospitio suscepit, qui illum ab insultibus Caci liberauit. Deinde etiam euersa Troia Aeneæ nouas sedes quærenti auxilium unâ cum Pallante filio contra Turnum misit. Vide Verg. lib. 8.

*Arcades his oris, &c. Hinc Euandrius, a, um.*

*Verg. libro decimo:*

*At tibi Tymbre caput Euandrius abstulit ensis.*

**Eubœa**, insula est in Aegæo mari, Bœotiæ admodum uicina, à qua Euripo angusto maris portu separatur, hodie Nigropontus uocatur. Inde Euboicus, a, um, ut Euboicum mare, quod hanc insulam alluit. Et Euboicum mare, quod Cumarû Baiarumq; oræ adiacet: sic dictû ab Euboicis aduenis, qui illic habitauerunt. unde Verg. lib. 6. *Æneid.*

*—Teucros uocat alta in templa sacerdos*

*Excisum Euboicæ latus ingens rupis in antrum.*

**Eucarpia**, Phrygiæ ciuitas, in qua racemi fertilitate & magnitudine spectabiles sunt.

**Euchius**, cognomē est Bacchi, ab *ἔυχῃ*, id est, uotû Colu.

*Sed nos maturis iam flagitat anxius uuis*

*Euchius, &c.*

**Euclides**, philosophus fuit Megarensis, auditor Socrætis, & insignis geometra.

**Eudora**,

Eudōra, filia Atlantis ex Aethra. Vide suprà Aethra.

Eudorus, Mercurij filius, & Philumeles, homo bellicosus, qui cum Achille ad Troianum bellum profectus est.

Eudoxus, insignis astronomus, medicus & geometra, qui primus annum deprehendit, & conscripsit. Alius fuit Rhodius historicus. Alius item Siculus Agathoclis poëta comicus.

Euenus, Aetoliae fluuius, per Calydonem urbem fluens, iuxta quem Hercules Nessum Centaurum interfecit, ut suprà de Deianira dictum est. Dictus ab Eueno Martis filio, Marpissae patre, qui se in eundem praecipitauit. Vide Idas. Lucanus:

Et Meleagre ammaculatus sanguine Nessi,

Euenus Calydonia secat, &c.

Euhius, Bacchi cognomen est. Horat.

Curas edaces curat Euhius, &c.

Euganei, Venetorum populi sunt. & Euganei montes iuxta Patavium, pecoribus mollissimas lanas habentibus abundantes. Euganeus, a, um. Iuuenal.

—Euganea quantumuis mollior agna.

Eumenides, tres sunt furiae, Megera, Tisiphone, & Alecto, sic dictae per Antiphrasin, quod minime sint beneuolae. Lucan. lib. 1.

—Aut seui cōtor sit tela Lycurgi

Eumenides, aut qualem, &c.

Euphranor, Ōris, pictor fuit insignis, de quo Fabius lib. 12. Item Iuuenal. Satyr. 3.

Hic aliquid praecclarū Euphranoris et Polycleti, etc.

Euphrates, maximus Parthorum fluuius in Pyrrarde Armeniae monte oriens, multis etiam annibus acceptis per Babyloniam fluit, & inde in mare Persicū sese exonerat, ut

o rat, ut



rat, ut Curtius, Herodotus, & Diodorus Siculus tradiderunt, & non in mare rubrum, ut quidam arbitrati sunt. Verg. lib. 8. — Euphrates ibat iam mollior undis. Euphrosyne, una est Gratiarum. uide Aglaia.

Euripides, Atheniensis Tragœdiographus, eo die natus quo Xerxes ab Atheniensibus fugatus est. Fertur Veneris omnino fuisse abstinentissimus. Vixit in summa familiaritate apud Archelaū Macedoniæ regē, à cuius cœna cum noctu reuerteretur, iugulatus est à canibus, à quodā æmulo immisissis, annū agens 75.

Euripus, est angustū mare inter Boeotiam seu Phocidem Boeotiæ partem, & Eubœā insulam, quod alterno cursu septies in die, totiesq; nocte fluit, & refluit, tanto impetu, ut etiam naues secum rapiat. Silius lib. 14.

Euhoici non per scopulos illusa Caphareo

Euripus, &c.

Europa, filia fuit Agenoris, regis Phœnicum, quam Iupiter in bouis specie rapuit, & in Cretā abduxit, ibiq; ex ea Minoē, Rhadamanthum, & Sarpedonē peperit. Ab hac postea nominata est Europa, tertia pars orbis, quæ à Tanai incipiens usq; ad Atlanticum mare protenditur. Verg. Europa atq; Asia, &c.

Eurōtas, fluvius est Laconiae, Spartam præterfluens, cuius ripæ lauris abundant. Nomen sortitus est ab Eurota quodam Myletis filio, qui stagnantes per eam regionem aquas in mare produxit. Verg. Eclo. 6.

Audiſt Eurotas, iuſſitq; ediscere lauros, &c.

Euryāles, una fuit Gorgonum, Phorci filia. uide infrā.

Euryālus, nobilis Troianus, qui cū Aenea post dirutam Troiā in Italiam uenit. Hic in bello, quod contra Turannum gestum est, cum Niso noctu egressus, hostium castra

castra tacite intrauit, & ambo multos trucidauerunt. Tandem ab equitibus depræhensus est Euryalus, quem cum Nisus eripere non posset, cum amico mori, quam eundem deferre maluit. Sed hæc omnia copiosius describit Verg. lib. 9. Aeneid. Alius fuit Euryalus, qui cum fratre Hyperbio primus laterarias domos Athenis constituit. Est etiã histrionis cuiusdã nomen, de quo Iuue. Eurydia, nutrix fuit Ulyssis, à qua primus fuit cognitus, quum à Troia reuersus esset.

Eurydice, *Εὐρυδική*, Orphei fuit uxor, quam Aristæus, ut superius quoq; patet, amans, cum ea concubere uoluit: illa autẽ fugiens morsu colubri in herba latentis intercepta est. Cuius amore Orpheus commotus accepta ciathara inferos adiit, carminibusq; Plutonem & Proserpinam flexit, ut eam redderent: quod etiam factum est, hac tamen lege, ne in itinere respiceret: quod cum præ amore non seruasset, eam denuo amisit, ut canit Verg. lib. 4. Georg.

Restitit, Eurydicenq; suam iam luce sub ipsa,  
Immemor heu, uictusq; animi, respexit, &c.

Alia fuit Eurydice Clymenes filia, uxor Nestoris, ex qua septem filios & unam filiam suscepit.

Eurymedon, filius fuit Fauni, cuius meminit Statius lib. septimo Theba.

Proximus Eurymedon, cui pastoralia Fauni

Arma patris, &c.

Eurynome, filia fuit Apollinis, quæ Thalaoni iuncta, Adrastum regem Argiuorum & Eriphylen Amphiarai coniugem genuit. Est quoque nympha nomen, Oceani & Tethyos filia.

Eurypylus, Eumonis siue Euemonis filius, qui Orcho-

meni urbe Bœotiae regnavit : hic cum Græcis quoque Troiam uenerat. Vergilius lib. 2.

Mittimus Eurypylum scitatum oracula Phœbi.  
 Alius fuit Neptuni filius, de quo in dictione CÔ. Alius fuit Telephi filius, à quo Telephides nominatur. Hunc Neoptolemus interfecit, ut auctor est Homerus.

Eurysteus, Mycenarū Rex, Stheneli fuit filius, qui Iuno nis instinctu Herculi imperabat, ut uaria monstra domaret, putans eum aliquando periturum, cum tamen semper uictor rediret. Vergilius:

—Quis aut Eurystea durum, &c.

Eurytus, penultima correpta, unus, fuit ex Centauris, qui cum Theseo Hippodamiam ui rapere uellet, ab eodem est occisus. Alius fuit Eurytus, Oechaliae rex, qui Ioles filiae suae nuptias pollicebatur, quicumq; sagittandi arte se, uel, ut alij tradunt, filios suos uicisset: nam ab Apolline hanc artem dono acceperat. Ab Hercule igitur uictus, filiam illi negauit. Quapropter Hercules iratus Euryti urbem diripuit, Iolamq; occiso patre abduxit. Eurytis, idos, patronymicum.

Euterpe, ἑρπην, una est Musarum, quæ mathemata, uel, ut alijs placet, tibiae inuenit, à concentus suauitate nomen trahens. est enim ἰν bene, & τέρπειν delectare. Vide Musas. Vergilius:

Dulciloquis calamos Euterpe flatibus implet.

Euxinus, penul. prod. pars est maris, iuxta Byzantium, quasi bene hospitalis. antea enim Axenus, id est, inhospitalis dicebatur, à ξείνο accolarum ingenio: sed postea mollitis moribus Euxinus uocari coepit. Ouidius tamen falso hoc nominis impositum, multumq; pristinae ferocitatis reseruasse affirmat, dicens:

Quem

Quē tenet Euxinus mēdax cognomine Pōtus. Itē,  
Exinus falso nomine dictus habet.

E X.

Exquilīæ, arum, mons erat Romæ, dictus uel ab excu-  
bijs regum, uel quòd in eo rex Tullus arcem habue-  
rit, addideritq; illū montem ciuitati. Ouid. lib. i. Fastor.

Adde quòd excubias ubi rex Romanus agebat,

Qui nunc Exquilias nomina collis habet.

Inde Exquilinus, a, um, ut Exquilina porta.

D E L I T E R A F.

F A.

**F**Abaris, fluuius est Sabinorum, quem Plautus Farfa-  
rum nominat. Vergilius libro septimo:

Qui Tyberim, Fabarimque bibunt, &c.

Fabius Maximus, qui cunctando Annibalis uires attri-  
uit, ut docet Ennius. Porro Fabiorum familia Romæ  
fuit illustrissima, quorum sex & trecenti apud Crema-  
ram fluuium à Veientibus dolo circumtenti, & occisi  
sunt. Ouidius:

Vna dies Fabios ad bellum miserat omnes,

Ad bellum missos perdidit una dies.

Fabricius, Romanus, neq; metu neq; auro expugnabi-  
lis, qui consul electus cum Pyrrhus aduersus Romanū  
imperium bellum mouisset, Timochares medicus Pyrr-  
hi ad C. Fabricium uenit, promittens se dominū uene-  
no sublaturum, si quam petebat mercedem acciperet.  
Fabricius hominis perfidiā detestans, cum Pyrrho re-  
misit cum literis, quibus illum monuit, ut à domesticis  
insidijs caueret. Bellum quoq; contra Samnites gessit:  
qui postea ei regium munus obtulerunt (uiuebat enim  
tenuissimo cēsu) quod forti animo cōtempnit. Verg. li. 6.

—Paruoq; potentem Fabricium, &c.

Falernus, regio est Campaniæ optimo uino nobilitata, quod Falernum dicitur: quondam Amineum appellatum, ut Amineæ uites apud Maron. Mart. de Falerno: Attica nectareum turbatis mella Falernum,

Misceri decet hoc à Ganymede merum.

Falisci, siue Phalisci, populi fuerunt Hetruriæ, quorum opidum Falerij uocabatur. Hos cum obsideret Camillus, eorum ludi magister, quasi spatiatum egressus cum Faliscorum filijs, illos Camillo tradidit. Sed Camillus hominem nudatum & à pueris casum in urbem remisit. Quapropter Falisci iustitiam Camilli admirati, se ultro dederunt. Verg. libro 7.

Hic Fescenninas acies, æquosq; Faliscos, &c.

Fanum, urbs Piceni amœnissima in Adriatico littore, inter Pisaurũ & Senogalliam sita, haud longè à Metauro amne. sic dictum, quod in ea pulcherrimum fortunæ fanum, id est, templum fuerit. Hinc Fanenses, seu Faneftres, eius incolæ.

Fanestj, populi sunt in Oceano Septentrionali, qui, ut refert Plinius libro 4. tam grandes aures habent, ut eorũ nuda corpora tegantur.

Falcelis, dicta est Diana, à fasce lignorum, in quo absconditum Dianæ simulachrum Orestes Aritiam detulit.

Fauna, quæ & Senta, Pici regis filia, & soror Fauni, quam idem in uxorem duxisse fertur. Vide suprâ de Bona Dea.

Faunus, filius fuit Pici & pater Latini, qui regnavit in Latio: is genuisse etiam fertur Faunos, Satyros, Panes, & Sylvanos rusticorum numina, quos poëta fingunt & cornigeros & caprinis pedibus. Ouid.

Sunt mihi semidei, sunt rustica numina nymphæ,

Et Fauni, Satyriq; & monticolæ Syluani.

Faustulus, pastoris nomen, qui Romulum & Remum in  
fantes expositos inuenit, eosq; Laurentiæ uxori nutri-  
endos dedit: quæ quia corpus suum turpiter prostitu-  
bat, lupa uocata est. Vide infrà, Laurentia.

F E.

Felsina, urbs est Italiæ, alio nomine Bononia. Mantuan.

—Felsina dicta fuit Bononia prisco, & c.

Feretrius, dicitur Iupiter, quod pacem ferre uideretur,  
quoniam ex templo eius, quod Romæ primû à Romulo  
ædificatum est, sumebant sceptrum, per quod iuraret;  
& lapidem silicem, quo fœdus ferirent. uel à feriendo,  
ut ait Plutarchus. Propert. lib. 4.

Nunc Iouis incipiam causas aperire Feretri.

Feronia, dea nemorû, à ferendis arboribus. Tradunt eum  
cum nemus eius aliquando fortuito arsisset incediô, &  
ob id trans ferre inde simulacrum incolæ uellent, subi-  
tò nemus euiruisse. Vnde Verg. lib. 7.

—Et uiridi gaudens Feronia luco.

Fuit & Feronia ciuitas in radicibus Soractis môtis Hir-  
pinorum in Faliscis, in cuius uertice tēplum erat Deæ  
eiusdē nominis, quam finitimi mira religione colebant.

Ferraria, promontorium Hispaniæ in Sucronensi sinu.

Itē ciuitas Italiæ, ad ueterē Padū sita, uide Ferrariēsis.

Fescenninum, oppidum fuit Campaniæ, ubi carmina nu-  
ptialia primum sunt inuēta: hi populi originem ducūt  
ab Atheniēsis, ut autor est Seruius. Inde fit Fescen-  
ninus, a, um. Vergilius libro septimo:

Hi Fescenninas acies, æquosq; Faliscos, & c.

Fesulæ, arum, urbs fuit Etruriæ, non procul à Florētia,



hodie paruus uicus. Conditam autem uolunt ab Atlante Mauritanie rege.

F I.

Fidēna, & Fidenæ, arum, urbs fuit in Latio, à qua Fidenates, eius ciues. Vergilius lib. 6.

Hi tibi Nomentum, & Gabios, urbemq; Fidenam,  
Iuuenalis primam produxit:

Viuat Fidenis, & agello cedo paterno.

F L.

Flaminea, uide Aemilia.

Flora, meretrix fuit ditissima, quæ Romanum populum constituit heredem, unde & in deorum numerum relata est. Floralia, sacra eidem constituta, quæ Aprili mense fieri solebant, magno uerborum & rerum omnium cum lasciuiâ, tum licentiâ. Et Flora dicitur dea florû, quæ prius Chloris dicebatur, de qua suprâ. Ouid.

Chloris eram, quæ Flora uocor, &c.

Florentia, urbs est Italiæ, quæ condita fertur à militibus Syllæ, iuxta Arnum fluuium, prius Fluentia dicta. Hanc à Gotthis dirutam Carolus Magnus restaurauit.

F O.

Folia, mulier quædam fuit Ariminensis, ueneficijs famosa.

Horat. Non defuisse masculæ libidinis

Ariminensem Foliam, &c.

Formiæ, arum, Campaniæ oppidum maritimum, non procul à Taracina, à Laconibus conditum. prius uocabatur Hormiæ, à stationis bonitate. Inde Formianus, a, um.

Foruli, Sabinorum oppidum, in saxosis locis situm, unde Strabo petras uocat ad rebellandum, quàm ad habitandum aptiores. Verg. lib. 7.

Qui Tetricæ horrendæ rupes, montemq; Seuerum,  
Cassperiamq;

*Casscriamq; colunt, Forulos, et flumen Hymellæ.*

F R.

*Frandia, regio est Germaniæ inter Hassiam et Sucuiam.*

*Franci, eiusdem populi, quos uulgo Francones appellant. Mantuan.*

*Misisset fortes contra genera impia Francos.*

*Fregellæ, oppidum est in Latio antiquissimum. Hinc et ger Fregellanus.*

F V.

*Fucinus, magnus Marforû lacus est in Italia. Verg. li. 7.*

*— Vitrea te Fucinus unda,*

*Te liquidi fleuere lacus.*

*Fundi, oppidum est Campaniæ, in mediterraneo loco situm, optimi uini ferax, quod Fundanum appellatur.*

*Furiæ, tres sunt, Acherontis et Noctis filiæ, quarum nomina sunt Megæra, id est, odium: Tisiphone, id est, ultio cædis: et Alecto, id est, indefinens. has punire sonites apud inferos poëtæ fingunt, easq; pro capillis angues habere. Vide Diras.*

## DE L I T E R A G.

G A.

**G**Abij, orû, Volscorû urbs, distans à mari septuaginta millibus passuum, à Galactio et Bio Siculis fratribus cõdita, unde nomē habet. Gabiniij, qui Gabios inhabitant: hos Tarquinius dolo superauit. Iuuen. Sat. 3.

*Simplicibus Gabijs aut proni Liburis arce, &c.*

*Inde Gabinus, a, um, ut Iuno Gabina. Verg.*

*Quiq; altum Præneste uiri, quiq; arua Gabinæ*

*Iunonis, &c.*

*Gades, ium, insula est prope Hispaniam in fine Bæthicæ prouinciæ, à continente, ut ait Plinius, septingentos*

o 3 pedes

pedes distans, in qua oppidū est Gaddir nomine, olim à Tyrijs, q ab Erythraeo mari uenerāt, conditū: & hinc est, quòd quidam totam insulam Erythream uocarūt.

Gaditani, uocātur eiusdem incolae. Claruit olim haec insula excellentibus uiris, sed puellas habuit libidinosas, procaces, saltatrices, & nimia lasciuiā in cantilenis & choreis gestiētes, ut est apud Iuuenalem Satyra 11. & ob hoc quidam Aphrodisiam, quasi Veneris insulā uocarunt. In hac quoq; templum Herculis, in quo quidam columnas illas esse existimant, quas Herculeas nominant, factae ex aere, cubitorum octo. Silius lib. 6.

Nam repeto Herculeas Erythrea ad littora Gades.

Haec insula à Pomponio Mela Erythia uocatur.

Galathea, nympha, Nerei & Doridis filia, quam Polyphemus amauit. Vide supra Acis. Vergil. Eclog. 7.

Nerine Galathea thymo mihi dulcior Hyblae.

Galatia, γαλατία, regio est minoris Asiae, Phrygiae contra-  
mina, quam olim Galli ex Europa uenientes habitau-  
runt. à qua Galatae, populi. Lucanus lib. 7.

Istis parce precor, uiuant Galatae q; Syriq;.

Haec & Gallograecia dicitur, à qua Gallograeci. Nam cum à rege Bithyniae Galli simul & Graeci in auxilium uocati uenissent, partem regni tenuerūt, & ab utrisq; populis Gallograeci sunt dicti.

Galenus, Pergamenus, medicus insignis, qui temporibus Antonij imperatoris floruit. Fama est hunc centum & quadraginta annos uixisse.

Galesus, fluuius est Calabriae, prope Tarentum. Est itē cuiusdam Itali nomen, apud Vergilium lib. 7.

—Seniorq; Galesus, Dū paci mediū se offert, &c.

Galli, sacerdotes fuerūt Cybeles in Phrygia, dicti à Gal-  
lo flumine,

lo flumine, cuius aquis poti statim furere incipiebant, adeo ut se ipsos castrarēt, quod aliter citra pernitiē facere nō poterāt, nisi Samia testa. Hi sacra faciētes furētū more capita rotabāt. Lucan. lib. 1. — Crinēq; rotātes

Sanguineum populis ulularunt tristia Galli.

Gallia, maxima Europæ regio inter Hispaniam & Oceanum, dicta à candore populi, qui Galli uocantur (est enim γῶλα, lac) nam montes & rigor cœli solis ardorem excludunt, ne corpora eorum colorentur. Duplex est, Cisalpina & Transalpina. Cisalpina, quæ ab usu togæ Togata dicta est, pars est Italiæ, in qua sunt Lōbardia, ut uocant, Mediolanum, & Venetorum pars. Transalpina, quæ & Comata, item Braccata uocatur (sunt tamē, qui Comatam à Braccata distinguant, uocantes hanc Narbonensem) diuiditur in tria populorū genera, omnibus maximè distincta: à Scalde ad Sequanam Belgica, à qua Belgi: ab eo ad Garumnā Celtica, à qua Celta, & qui finitimi ijs Hispani sunt Celtiberi, eadem etiam Lugdunensis à Lugduno insigni oppido: inde ad Pirenæi montis excursū Aquitania, quæ antea Arcemora dicebatur, à qua Aquitani, item Aquitanica regio. Iuuenal. Sat. 15.

Gallia caufidicos docuit facunda Britannos.

Gallogræcia, uide Galatia.

Gallus, fluuius Phrygiæ, uide supra de Gallis, Cybeles sacerdotibus. Ouid. in Fastis:

Inter ait uiridem Cybelen, altasq; Celenas

Amnis it insana nomine Gallus aqua.

Gallus, poëta, uide Cornelius Gallus.

Gangaridæ, populi habitantes iuxta Gangen fluuium.

Ganges, maximus Indiæ fluuius, incertæ originis, licet sint

sint qui cum ex Paradysi fontibus scaturire tradant. auriferus esse perhibetur. Tanta magnitudinis est, ut ubi minus occupat latitudinis nusquam minus uiginti passibus reperitur, idemq; multis fluminibus auctus no uem ostijs in mare irrumpit. Dictus à Gange Aethiopū rege, ut ait Suidas. Ouid. lib. 4. Metam.

Decolor extremo, quā cingitur India Gange.

Hinc Gangeticus, a, um, id est, Indicus. Lucan.

Et quas sentit Arabs, et quas Gangetica tellus.

Ganymēdes, Trois filius, iuuenis speciosissimus: quem aquila, dum uenaretur in Ida monte Troadis, rapuit, mensq; Iouis ad praeministranda eidem pocula, adhibuit, contēpta Hebe Iunonis filia: quæ prima causa fuit inuidiæ Iunonis erga Troianos. postea in Zodiaco positus, Aquarij locum obtinuit. Verg. lib. 1. Aeneid.

Et genus inuisum, et rapti Ganymedis honores.

Garamantes, populi sunt Libyæ, Psyllis finitimi, à Garamante Apollinis filio sic uocati, qui ibi Garama oppidum ex suo nomine condidit. Vergil. in Bucol.

Ismarus aut Rhodope, extremi Garamantes.

Alius fuit Garamantes rex, cuius filiā Garamantida Iupiter Ammon apud fluuiū Bragadā compressit, et ex ea Hiarbam genuit, ut autor est Verg. lib. 4. Aeneid.

—Hic Ammone satus, Garamantide nymphe, et c.

Gargānus, mons est Apuliæ, ubi quondam Diomedes Tydei filius ab expeditione Troiana reuersus confectus est. Lucanus libro 5.

Appulus Adriacas exit Garganus in undas.

Gargarus, in singulari, in plural. Gargara, unus est ex collibus Idæ, in cuius radicibus ciuitas eiusdem nominis, apud quam tanta erat frugum copia, ut qui magnū

gnum cuiusq; rei numerum uellet exprimere, pro im-  
mensa multitudine numeraret. unde Ouidius:

Gargara quot segetes, quot habet Methymnara  
ccmos,

Alij Gargara pro monte & ciuitate accipiunt. Garga-  
rum, ἡ γάργαρα, autem pro lacu, ex quo Scamander &  
Simois fluuij decurrunt.

Garumna, fluuius ex Pirenæis mōtib; defluens, Celtas  
ab Aquitanis dirimit, augetur tribus amnibus, & per  
Bituriges & Santones fluēs in Oceanū cadit. Claud.

Quosq; rigat retro perniciosior unda Garumna,  
Oceanū pleno quoties impellitur, &c.

Gaurus, mōs Cāpaniæ, Massico & Surrēto propinquus,  
ī quo nascitur uinū præcipuæ bonitatis. Stat. lib. 3. Syl.  
Seu tibi Bacchæi uineta madentia Gauri.

Gaza, insignis ciuitas est Palæstinae, quæ olim Iudæ in  
sortem cecidit. sic dicta à regia gaza, id est, pecunia,  
quam illuc quondam Cambyses Persarum rex uchi cu-  
rarat. Hinc Gazæus, aliquis ex hac urbe.

## G E.

Gebenna, mons inter Aluernos & Heluetios medius, in  
cuius radicibus urbs est eiusdem nominis. Lucan. lib. 1.

—Quæ montibus ardua summis

Gens habitat cana pendentes rupe Gebennas.

Gela, fluuius Siciliae, dictus ab atra, nimiaq; nebula, quæ  
exhalat, iuxta quæ est ciuitas eiusdē nominis. Ver. li. 3.

Apparet Camerina procul, campiq; Geloi,

Immanisq; Gela, fluuij cognomine dicta, &c.

Geloum, stagnum est Siciliae, qui appropinquantes tetro  
odore abigit: à quo non procul duo fontes sunt: ex  
quorum altero si sterilis bibat, cōcipit: ex altero autē  
si fixo

si fecunda, sterilis sit. Hinc Campi Geloi, stagno illi  
adiacentes. Sunt tamē, qui ab Gela fluuio dictos uolūt.  
Geloni, populi sunt Scythiæ, Agathyrſis contermini, di-  
cti à Gelono Herculis filio. Multas ſinguli habebant  
uxores: contenti uiuebant ſuis finibus, ut ait Horatius  
lib. 2. Carm. Sanguinem equinum bibebant cum lacte,  
teſte Vergilio in Georg.

Proſuit immenſos aſtus auertere, & inter  
Ima ſerire pedis ſalientem ſanguine uenam,  
Biſaltæ quo more ſolent, accerq; Gelonus,  
Cum fugit in Rhodopen, aut in deſerta Getarum,  
Et lac concretum cum ſanguine potat equino, &c.

Genius, dicebatur à priſcis Deus naturæ, & qui omniū  
rerum gignendarum uim haberet: unde cuiusq; rei dice-  
batur ſuus Genius: hominiq; duos Genios aſſignabāt:  
bonum & malum. Accipitur pro ipſa natura: quidam  
ipſam animam, uel deum, uel ſpiritum eſſe uolunt, qui  
mortales ad uoluptatem incitet.

Genua, inſignis Liguriæ urbs maritima, in extremis Allo-  
brogum: ſic dicta à Genuo Phaëchontis ſocio, ibidem  
relictō. A quibuſdam Ianua uocatur, quaſi à Iano Ita-  
lorum rege condita.

Genūſus, fluuius, quem Dyrrhachio cuntes in Theſſaliā,  
inueniunt. Lucan. lib. 5.

Quam uolucer Genuſus, quam mollior Apſus  
Circumeunt ripis, &c.

Germania, ampla regio Europæ, quæ à Gallis, Rhetijs,  
à Pannonijs Rheno & Danubio fluminibus, à Sarma-  
tis Daciſq; mutuo metu ac montibus ſeparatur, cæte-  
ra ambit Oceanus.

Germani, cuius populi, ſic appellati, quaſi Gallorum fra-  
tres,



tres, quibus solent esse moribus similes. De his multa Cæsar in Commentarijs. Ouid. lib. 4. Trist.

Iam fera Casaribus Germania, totus ut orbis, &c.

Geryon, rex fuit Hispaniæ, secundū Hesiodū Chrysaoris filius: qui quoniā tria regna tenebat, tricorpor dictus est: postea ab Hercule occisus est, qui pecora eius egregia, Græciā usq; cū magna pōpa deduxit. Verg. lib. 8.

Tergemini nece Geryonis, spolijsq; superbus.

Alij tres fratres uno nomine Geryones dictos uolunt: & quoniam tanta inter se concordia uiuerent, una animā regi putatos.

Getæ, populi feri in Scythia, quos olim Dacos nominatos uolūt: nullos habēt in agro limites, sed fruges cōmunes. Gaudēt sagittis & pharetris integūtur ferarū pel libus, bibunt equinum sanguinē permixto lacte. Ouid.

Nulla Getis toto gens est truculentior orbe, &c.

Inde Geticus, a, um.

Getulia, regio est Africæ iuxta Garamantes. Getuli, eiusdem populi. Habet autem hoc nomen priores syllabæ indifferentes. Ouid.

Quid dubitas uinctam Getulo me tradere Hiarbæ?

Lucanus:

Inculto Gētulus equo, semperq; paratus, &c.

Adiectiuū uerò Getulus, a, um, semper producit. Ver.

Et Gētulæ urbes, genus insuperabile bello, &c.

G I.

Gigantes, Titanis & Terræ fuerūt filij, qui tanta superbia elati, ut impetum in deos fecerint, eosq; cælo deiicere conati sunt: cuius rei causa dii territi, omnes mutatis figuris in Aegypto delituerunt. Tandem à Ioue fulmine partim sub Aetnam aliasq; insulas, partim ad inferos

rat, ut Curtius, Herodotus, & Diodorus Siculus tradiderunt, & non in mare rubrum, ut quidam arbitrati sunt. Verg. lib. 8. — Euphrates ibat iam mollior undis. Euphrosyne, una est Gratiarum. uide Aglaia.

Euripides, Atheniensis Tragœdiographus, eo die natus quo Xerxes ab Atheniensibus fugatus est. Fertur Veneris omnino fuisse abstinentissimus. Vixit in summa familiaritate apud Archelaum Macedoniae regem, à cuius coena cum noctu reuerteretur, iugulatus est à canibus, à quodā amulo immixtis, annū agens 75.

Euripus, est angustū mare inter Boeotiam seu Phocidem Boeotiae partem, & Euboeā insulam, quod alterno cursu septies in die, totiesq; nocte fluit, & refluit, tanto impetu, ut etiam naues secum rapiat. Silius lib. 14.

Euhoici non per scopulos illisa Caphareo

Euripus, &c.

Europa, filia fuit Agenoris, regis Phœnicum, quam Iupiter in bouis specie rapuit, & in Cretā abduxit, ibiq; ex ea Minoem, Rhadamanthum, & Sarpedonē peperit. Ab hac postea nominata est Europa, tertia pars orbis, quæ à Tanai incipiens usq; ad Atlanticum mare protenditur. Verg. Europa atq; Asia, &c.

Eurotas, fluuius est Laconiae, Spartam præterfluens, cuius ripæ lauris abundant. Nomen sortitus est ab Eurota quodam Myletis filio, qui stagnantes per eam regionem aquas in mare produxit. Verg. Eclo. 6.

Audijt Eurotas, iussitq; ediscere Lauros, &c.

Euryales, una fuit Gorgonum, Phorci filia. uide infra.

Euryalus, nobilis Troianus, qui cū Aenea post dirutam Troiā in Italiam uenit. Hic in bello, quod contra Turnum gestum est, cum Niso noctu egressus, hostium castra

castra tacite intrauit, & ambo multos trucidauerunt. Tandem ab equitibus deprehensus est Euryalus, quem cum Nisus eripere non posset, cum amico mori, quam eundem deserere maluit. Sed hæc omnia copiosius describit Verg. lib. 9. Aeneid. Alius fuit Euryalus, qui cum fratre Hyperbio primus laterarias domos Athenis constituit. Est etiã histrionis cuiusdã nomen, de quo Iuue. Eurydia, nutrix fuit Ulyssis, à qua primus fuit cognitus, quum à Troia reuersus esset.

Eurydice, *ἑυρυδική*, Orphei fuit uxor, quam Aristæus, ut superius quoq; patet, amans, cum ea concubere uoluit: illa autem fugiens morsu colubri in herba latentis interfecta est. Cuius amore Orpheus commotus accepta ciethara inferos adiit, carminibusque Plutonium & Proserpinam flexit, ut eam redderent: quod etiam factum est, hac tamen lege, ne in itinere respiceret: quod cum præ amore non seruasset, eam denuo amisit, ut canit Verg. lib. 4. Georg.

Restitit, Eurydicenq; suam iam luce sub ipsa,  
Immemor heu, uictusq; animi, respexit, &c.

Alia fuit Eurydice Clymenes filia, uxor Nestoris, ex qua septem filios & unam filiam suscepit.

Eurymedon, filius fuit Fauni, cuius meminit Statius lib. septimo Theba.

Proximus Eurymedon, cui pastoralia Fauni  
Arma patris, &c.

Eurynome; filia fuit Apollinis, quæ Thalaoni iuncta, Adrastum regem Argiuorum & Eriphylen Amphiarai coniugem genuit. Est quoque nymphe nomen, Oceani & Tethyos filia.

Eurypylus, Eumonis siue Eucemonis filius, qui Orcho-

meni urbe Bœotiae regnavit: hic cum Græcis quoque Troiam uenerat. Vergilius lib. 2.

Mittimus Eurypylum scitatum oracula Phœbi.  
 Alius fuit Neptuni filius, de quo in dictione Cō. Alius  
 fuit Telephi filius, à quo Telephides nominatur. Hunc  
 Neoptolemus interfecit, ut auctor est Homerus.

Eurysteus, Mycenarū Rex, Stheneli fuit filius, qui Iuno  
 nis instinctu Herculi imperabat, ut uaria monstra domaret,  
 putans eum aliquando periturum, cum tamen  
 semper uictor rediret. Vergilius:

— Quis aut Eurystea durum, &c.

Eurytus, penultima correpta, unus, fuit ex Centauris, qui  
 cum Theseo Hippodamiam ui rapere uellet, ab eodem  
 est occisus. Alius fuit Eurytus, Oechalia rex, qui Ioles  
 filiae suae nuptias pollicebatur, quicumq; sagittandi  
 arte se, uel, ut alij tradunt, filios suos uicisset: nam ab  
 Apolline hanc artem dono acceperat. Ab Hercule igitur  
 uictus, filiam illi negauit. Quapropter Hercules  
 iratus Euryti urbem diripuit, Iolamq; occiso patre abduxit.  
 Eurytis, idos, patronymicum.

Euterpe, ἑὺ τέρπεινα, una est Musarum, quæ mathemata, uel,  
 ut alijs placet, tibias inuenit, à concentus suauitate nomen  
 trahens. est enim εὖ bene, & τέρπεινα delectare. Vide  
 Musas. Vergilius:

Dulciloquis calamos Euterpe flatibus implet.

Euxinus, penul. prod. pars est maris, iuxta Byzantium,  
 quasi bene hospitalis. antea enim Axenus, id est, inhospitalis  
 dicebatur, à sæuo accolarum ingenio: sed postea  
 mollitis moribus Euxinus uocari cœpit. Ouidius tamen  
 falso hoc nominis impositum, multumq; pristinae ferocitatis  
 reseruasse affirmat, dicens:

Quem

Quē tenet Euxinus mēdax cognomine Pōtus. Itē,  
Exinus falsa nomine dictus habet.

E X.

Exquiliæ, arum, mons erat Romæ, dictus uel ab excu-  
bijs regum, uel quod in eo rex Tullus arcem habue-  
rit, addideritq; illū montem ciuitati. Ouid. lib. 1. Fastor.

Adde quod excubias ubi rex Romanus agebat,

Qui nunc Exquiliæ nomina collis habet.

Inde Exquilinus, a, um, ut Exquilina porta.

D E L I T E R A F.

F A.

**F**Abaris, fluuius est Sabinorum, quem Plautus Farfa-  
rum nominat. Vergilius libro septimo:

Qui Tyberim, Fabarimque bibunt, &c.

Fabius Maximus, qui cunctando Annibalis uires attri-  
uit, ut docet Ennius. Porro Fabiorum familia Romæ  
fuit illustrissima, quorum sex & trecenti apud Creme-  
ram fluuium à Veientibus dolo circumuenti, & occisi  
sunt. Ouidius:

Vna dies Fabios ad bellum miserat omnes,

Ad bellum missos perdidit una dies.

Fabricius, Romanus, neq; metu neq; auro expugnabi-  
lis, qui consul electus cum Pyrrhus aduersus Romanū  
imperium bellum mouisset, Timochares medicus Pyr-  
rhi ad C. Fabricium uenit, promittens se dominū uene-  
no sublaturum, si quam petebat mercedem acciperet.  
Fabricius hominis perfidiā detestans, cum Pyrrho re-  
misit cum literis, quibus illum monuit, ut à domesticis  
insidijs caueret. Bellum quoq; contra Samnites gessit:  
qui postea ei regium munus obtulerunt (uiuebat enim  
tenuissimo cēsu) quod forti animo cōtempnit. Verg. li. 6.

—Paruoq; potentem Fabricium, &c.

Falernus, regio est Campaniæ optimo uino nobilitata, quod Falernum dicitur: quondam Amineum appellatum, ut Amineæ uites apud Maron. Mart. de Falerno: Attica nectareum turbatis mella Falernum,

• Misceci deest hoc à Ganymede merum.

Falisci, siue Phalisci, populi fuerunt Hetruriæ, quorum opidum Falerij uocabatur. Hos cum obsideret Camillus, eorum ludi magister, quasi spatiatum egressus cum Faliscorum filijs, illos Camillo tradidit. Sed Camillus hominem nudatum & à pueris casum in urbem remisit. Quapropter Falisci iustitiam Camilli admirati, sculpro dediderunt. Verg. libro 7.

Hic Fescenninas acies, & quosq; Faliscos, &c.

Fanum, urbs Piceni amoenissima in Adriatico littore, inter Pisaurum & Senogalliam sita, haud longè à Metauro amne. sic dictum, quod in ea pulcherrimum fortune fanum, id est, templum fuerit. Hinc Fanenses, seu Faneftres, eius incolæ.

Fanestij, populi sunt in Oceano Septentrionali, qui, ut refert Plinius libro 4. tam grandes aures habent, ut eorum nuda corpora tegantur.

Fascelis, dicta est Diana, à fasce lignorum, in quo absconditum Dianæ simulachrum Orestes Aritiam detulit.

Fauna, quæ & Senta, Pici regis filia, & soror Fauni, quam idem in uxorem duxisse fertur. Vide suprâ de Bona Dea.

Faunus, filius fuit Pici & pater Latini, qui regnavit in Latio: is genuisse etiam fertur Faunos, Satyros, Panes, & Syluanos rusticorum numina, quos poëtæ fingunt & cornigeros & caprinis pedibus. Ouid. . .

Sunt mihi semidei, sunt rustica numina nymphæ,  
Et Fauni, Satyriq; & monticolæ Syluani.

Faustulus, pastoris nomen, qui Romulum & Remum in  
fantes expositos inuenit, eosq; Laurentiæ uxori nutri-  
endos dedit: quæ quia corpus suum turpiter prostitu-  
bat, lupa uocata est. Vide infra, Laurentia.

## F E.

Felsina, urbs est Italiæ, alio nomine Bononia. Mantuan.

—Felsina dicta fuit Bononia prius, & c.

Feretrius, dicitur Iupiter, quod pacem ferre uideretur,  
quoniam ex templo eius, quod Romæ primû à Romulo  
ædificatum est, sumebant sceptrum, per quod iuraret;  
& lapidem silicem, quo fœdus ferirent. uel à feriando,  
ut ait Plutarchus. Propert. lib. 4.

Nunc Iouis incipiam causas aperire Feretri.

Feronia, dea nemorû, à ferendis arboribus. Tradunt eum  
cùm nemus eius aliquando fortuito arsisset incendiò, &  
ob id transferre inde simulacrum incolæ uellent, subi-  
tò nemus euiruisse. Vnde Verg. lib. 7.

—Et uiridi gaudens Feronia luco.

Fuit & Feronia ciuitas in radicibus Soractis môtis Hir-  
pinorum in Faliscis, in cuius uertice tēplum erat Dæ  
eiusdē nominis, quam finitimi mira religione colebant.

Ferraria, promontorium Hispaniæ in Sucronensi sinu.

Itē ciuitas Italiæ, ad ueterē Padū sita, uide Ferrariēsis.

Fescenninum, oppidum fuit Campaniæ, ubi carmina nu-  
ptialia primum sunt inuēta: hi populi originem ducūt  
ab Atheniēsis, ut autor est Seruius. Inde fit Fescen-  
ninus, a, um. Vergilius libro septimo:

Hi Fescenninas acies, æquosq; Faliscos, & c.

Fesulæ, arum, urbs fuit Etruriæ, non procul à Florētia,



*Casscriamq; colunt, Forulos, & flumen Hymellæ.*

F R.

*Francia, regio est Germaniæ inter Hassiam & Sueuiam. Franci, eiusdem populi, quos uulgo Francones appellant. Mantuan.*

*Misisset sortes contra genera impia Francos.*

*Fregellæ, oppidum est in Latio antiquissimum. Hinc & ger Fregellanus.*

F V.

*Fucinus, magnus Marforû lacus est in Italia. Verg. li. 7.*

*— Vitrea te Fucinus unda,*

*Te liquidi fleuere lacus.*

*Fundi, oppidum est Campaniæ, in mediterraneo loco situm, optimi uini ferax, quod Fundanum appellatur.*

*Furiæ, tres sunt, Acherontis & Noctis filiæ, quarum nomina sunt Megera, id est, odium: Tisiphone, id est, ultio cædis: & Alecto, id est, indefinens. has punire fontes apud inferos poëtæ fingunt, easq; pro capillis angues habere. Vide Diras.*

## DE L I T E R A G.

G A.

**G***Abij, orû, Volscorû urbs, distans à mari septuaginta millibus passuum, à Galacto & Bio Siculis fratribus cõdita, unde nomē habet. Gabiniij, qui Gabios inhabitant: hos Tarquinius dolo superauit. Iuuen. Sat. 3.*

*Simplicibus Gabijs aut proni Liburis arce, &c.*

*Inde Gabinus, a, um, ut Iuno Gabina. Verg.*

*Quiq; altum Præneste uiri, quiq; arua Gabinæ*

*Iunonis, &c.*

*Gades, ium, insula est prope Hispaniam in fine Bethicæ prouinciæ, à continente, ut ait Plinius, septingentos*

o 3 pedes

pedes distans, in qua oppidū est Gaddir nomine, olim à Tyrijs, q ab Erythraeo mari uenerāt, conditū: & hinc est, quòd quidam totam insulam Erythream uocarūt.

Gaditani, uocātur eiusdem incolæ. Claruit olim hæc insula excellentibus uiris, sed puellas habuit libidinosas, procaces, saltatrices, & nimia lasciuiā in cantilenis & choreis gestiētes, ut est apud Iuuenalem Satyra 11. & ob hoc quidam Aphrodisiam, quasi Veneris insulā uocarunt. In hac quoq; templum Herculis, in quo quidam columnas illas esse existimant, quas Herculeas nominant, factæ ex ære, cubitorum octo. Silius lib. 6.

Nam repeto Herculeas Erythrea ad littora Gades.

Hæc insula à Pomponio Mela Erythia uocatur.

Galathea, nympha, Nerei & Doridis filia, quam Polyphemus amauit. Vide suprā Acis. Vergil. Eclog. 7.

Nerine Galathea thymo mihi dulcior Hyblæ.

Galatia, γαλατία, regio est minoris Asiæ, Phrygiæ contemina, quam olim Galli ex Europa uenientes habitauerunt. à qua Galatæ, populi. Lucanus lib. 7.

Istis parce precor, uiuant Galatæq; Syriq;.

Hæc & Gallogræcia dicitur, à qua Gallogræci. Nam cum à rege Bithyniæ Galli simul & Græci in auxiliū uocati uenissent, partem regni tenuerūt, & ab utrisq; populis Gallogræci sunt dicti.

Galenus, Pergamenus, medicus insignis, qui temporibus Antonij imperatoris floruit. Fama est hunc centum & quadraginta annos uixisse.

Galesus, fluuius est Calabriae, prope Tarentum. Est itē cuiusdam Itali nomen, apud Vergiliū lib. 7.

—Seniorq; Galesus, Dū paci mediū se offert, &c.

Galli, sacerdotes fuerūt Cybeles in Phrygia, dicti à Gallo flumine,

lo flumine, cuius aquis poti statim furere incipiebant, adeo ut se ipsos castrarēt, quod aliter citra perniciē facere nō poterāt, nisi Samia testa. Hi sacra faciētes furētiū more capita rotabāt. Lucan. lib. 1. — Crinēq; rotātes Sanguineum populis ulularunt tristia Galli.

Gallia, maxima Europæ regio inter Hispaniam & Oceanum, dicta à candore populi, qui Galli uocantur (est enim γαλα, lac) nam montes & rigor cœli solis ardorem excludunt, ne corpora eorum colorentur. Duplex est, Cisalpina & Transalpina. Cisalpina, quæ ab usu togæ Togata dicta est, pars est Italiæ, in qua sunt Lōbardia, ut uocant, Mediolanum, & Venetorum pars. Transalpina, quæ & Comata, item Braccata uocatur (sunt tamen, qui Comatam à Braccata distinguant, uocantes hanc Narbonensem) diuiditur in tria populorū genera, omnibus maximè distincta: à Scalde ad Sequanam Belgica, à qua Belgi: ab eo ad Garumnam Celtica, à qua Celtae, & qui finitimi ijs Hispani sunt Celtiberi, eadem etiam Lugdunensis à Lugduno insigni oppido: inde ad Pirenæi montis excursus Aquitania, quæ antea Aremorica dicebatur, à qua Aquitani, item Aquitania regio. Iuuenal. Sat. 15.

Gallia caufidicos docuit facunda Britannos.

Gallogræcia, uide Galatia.

Gallus, fluuius Phrygiæ, uide supra de Gallis, Cybeles sacerdotibus. Ouid. in Fastis:

Inter ait uiridem Cybelen, altasq; Celenas

Amnis it insana nomine Gallus aqua.

Gallus, poëta, uide Cornelius Gallus.

Gangaridæ, populi habitantes iuxta Gangen fluuium.

Ganges, maximus Indiæ fluuius, incertæ originis, licet sint

gnum cuiusq; rei numerum uellet exprimere, pro immensa multitudine numeraret. unde Ouidius:

Gargara quot segetes, quot habet Methymna ramos.

Alij Gargara pro monte & ciuitate accipiunt. Gargarum, τὸ γὰρ γὰρον, autem pro lacu, ex quo Scamander & Simois fluuij decurrunt.

Garumna, fluuius ex Pirenæis mōtib; defluens, Celtas ab Aquitanis dirimit, augetur tribus annibus, & per Bituriges & Santones fluēs in Oceanū cadit. Claud.

Quosq; rigat retro perniciosior unda Garumna,

Oceani pleno quoties impellitur, &c.

Gaurus, mōs Cāpaniæ, Massico & Surrēto propinquus, ī quo nascitur uinū præcipuæ bonitatis. Stat. lib. 3. Syl.

Seu tibi Bacchæi uineta madentia Gauri.

Gaza, insignis ciuitas est Palestinæ, quæ olim Iudæ in sortem cecidit. sic dicta à regia gaza, id est, pecunia, quam illuc quondam Cambyses Persarum rex uchi curarat. Hinc Gazæus, aliquis ex hac urbe.

## G E.

Gebenna, mons inter Alucernos & Heluetios medius, in cuius radicibus urbs est eiusdem nominis. Lucan. lib. 1.

—Quà montibus ardua summis

Gens habitat cana pendentes rupe Gebennas.

Gela, fluuius Siciliæ, dictus ab atra, nimiaq; nebula, quā exhalat, iuxta quā est ciuitas eiusdē nominis. Ver. li. 3.

Apparet Camerina procul, campiq; Geloi,

Immanisq; Gela, fluuij cognomine dicta, &c.

Gelourn, stagnum est Siciliæ, qui appropinquantes tetro odore abigit: à quo non procul duo fontes sunt: ex quorum altero si sterilis bibat, cōcipit: ex altero autē

si fax

si fecunda, sterilis fit. Hinc Campi Geloi, stagno illi  
adiacentes. Sunt tamē, qui ab Gela fluuio dictos uolūt.  
Geloni, populi sunt Scythiæ, Agathyrſis contermini, di  
cti à Gelono Herculis filio. Multas ſinguli habebant  
uxores: contenti uiuebant ſuis finibus, ut ait Horatius  
lib. 2. Carm. Sanguinem equinum bibebant cum lacte,  
teſte Vergilio in Georg.

Proſuit immenſos æſtus auertere, & inter  
Ima ſerire pedis ſalientem ſanguine uenam,  
Biſalta quo more ſolent, acerq; Gelonus,  
Cum fugit in Rhodopen, aut in deſerta Getarum,  
Et lac concretum cum ſanguine potat equino, &c.

Genius, dicebatur à priſcis Deus nature, & qui omniū  
rerum gignendarum uim haberet: unde cuiusq; rei dice  
batur ſuus Genius: hominiquē duos Genios aſſignabāt:  
bonum & malum. Accipitur pro ipſa natura: quidam  
ipſam animam, uel deum, uel ſpiritum eſſe uolunt, qui  
mortales ad uoluptatem incitet.

Genua, inſignis Liguriæ urbs maritima, in extremis Allo  
brogum: ſic dicta à Genuo Phaëthontis ſocio, ibidem  
relictō. A quibuſdam Ianua uocatur, quaſi à Iano Ita  
lorum rege condita.

Genūſus, fluuius, quem Dyrrhachio cuntes in Theſſaliā,  
inueniunt. Lucan. lib. 5.

Quam uolucer Genuſus, quam mollior Apſus  
Circumeunt ripis, &c.

Germania, ampla regio Europæ, quæ à Gallis, Rhetijs,  
à Pannonijs Rheno & Danubio fluminibus, à Sarma  
tis Dacisq; mutuo metu ac montibus ſeparatur, cete  
ra ambit Oceanus.

Germani, eius populi, ſic appellati, quaſi Gallorum fra  
tres,

tres, quibus solent esse moribus similes. De his multa Cæsar in Commentarijs. Ouid. lib. 4. Trist.

Iam fera Cæsaribus Germania, totus ut orbis, &c.

Geryon, rex fuit Hispaniæ, secundū Hesiodū Chrysaoris filius: qui quoniā tria regna tenebat, tricorpor dictus est: postea ab Hercule occisus est, qui pecora eius egregia, Graciā usq; cū magna pōpa deduxit. Verg. lib. 8.

Tergemini nece Geryonis, spolijsq; superbus.

Alij tres fratres uno nomine Geryones dictos uolunt: & quoniam tanta inter se concordia uiuerent, una anima regi putatos.

Getæ, populi feri in Scythia, quos olim Dacos nominatos uolūt: nullos habēt in agro limites, sed fruges cōmunēs. Gaudēt sagittis & pharctris: integūtur firarū pelibus, bibunt equinum sanguinē permixto lacte. Ouid.

Nulla Getis toto gens est truculentior orbe, &c.

Inde Geticus, a, um.

Getulia, regio est Aphricæ iuxta Garamantes. Getuli, eiusdem populi. Habet autem hoc nomen priores syllabas indifferentes. Ouid.

Quid dubitas uinctam Getulo me tradere Hiarbæ?

Lucanus:

Inculto Gētulus equo, semperq; paratus, &c.

Adiectiuū uerò Getulus, a, um, semper producit. Ver.

Et Gētulae urbes, genus insuperabile bello, &c.

G I.

Gigantes, Titanis & Terræ fuerūt filij, qui tanta superbia elati, ut impetum in deos fecerint, eosq; cælo deiicere conati sunt: cuius rei causa dij territi, omnes mutatis figuris in Aegypto delituerunt. Tandem à Ioue fulmine partim sub Aetnam aliasq; insulas, partim ad inferos

inferos detrufi sunt. Lucan. lib. 1.

Cælumq; suo seruire tonanti,

Non nisi seuorum potuit post bella gigantum.

Hinc fit Gigantæus, a, um.

G L.

Glaucōpis, γλαυκῶπις, cognomen est Minervæ, quasi cæ-  
sios oculos habens.

Glaucus, piscator quidā fuit, qui gramine gustato in ma-  
rinū deū mutatus est. Hic Scyllā amavit. Vide prouer.

Glaucus comesa herba habitabat in mari. Alius fuit  
Glaucus Minois filius, quē quidā putāt in parte quōdā  
Italiæ regnasse, cūq; in mellis dolio necatū, Aesculapij  
opera renixisse. Alius fuit Hippolochi filius, qui cum  
Troianis in auxiliū uenisset, cū Diomede cōgressus est,  
sed inter pugnandū cū quisq; maiores suos, qui magna  
familiaritate inuicē uixerant, cōmemorasset, facta pace  
arma permutarūt, sed admodū inæqualia. Glaucus enim  
Diomedi aurea dederat, ærea recipiēs. Vide Erasmi in  
prouerbio, Diomedis et Glauci permutatio. Martial.

Tam stupidus nunquam nec tu puto Glauce fuisti,

Χρῆσις, donanti χάρις, qui dederis.

Ferunt tamen hunc ab Aiace occisum, cum pro corpo-  
re interfecti Achillis pugnaretur, et postea in Lyciā  
uentis delatum in fluuiū mutatū esse. Alius item fuit  
Glaucus Potniæus, ex Potnia Bæotiae uico, Sisyphi fi-  
lius: qui cum equos à coitu cohiberet, quo essent uelo-  
ciores, Venus indignata eis furorem immisit, qui illum  
dilacerauerunt. Verg. lib. 3. Georg.

Et mentem Venus ipsa dedit, quo tempore Glauci

Potniades mālīs membra absumpsere quadrigæ.

Vide adagium, Glaucus alter.

Gnidos



## G N.

Gnidos, urbs est Lyciæ duos portus habens, & in fronte insulam aggeribus continenti iunctam, in qua maior pars ciuium habitabat. In ea fuit Veneris templum & simulachrū à Praxitelo mira arte sculptū. Ouid. lib. 10.

Piscosamq; Gnidō, grauidamq; Amathunta metallis.  
Hinc Gnidius, a, um.

Gnosus, siue Cnosus, siue Cnossus, κνωσός, urbs est Crete in plano sita, olim Cerathus dicta, à præterlabentis fluuij nomine: hodie Candia uocatur, quondam Minois regia. Gnosus, Gnosius, Gnosidus, & Gnosiacus, a, um. Verg. lib. 6.

Gnosius hæc Rhadamātus habet durissima regna.

## G O.

Gorgias, Leontinus sophista, & rhetor celeberrimus, qui arte sua tantū pecuniæ corrasit, ut auream statuā primus omnium poneret in tēplo Apollinis Delphici.

Gorgythion, Priami filius ex Castianira in Aesina ciuitate susceptus, postea in bello Troiano à Teucro Telamonis filio confossus occubuit.

Gorgones, filię fuerūt Phorci ex marino mōstro susceptę, Medusa uidelicet, Stenio, quā Hesiodus Stenō uocat, & Euryale: uide infrà Medusa. Hæ Dorcades insulas in Aethiopico mari habitarūt. Dictas autē uolūt ab agilitate, γῶργον enim agilem sonat. Vide Eras. in prouer. Orci galca. Inde fit Gorgoneus, a, um. Oui.

Lumina Gorgoneo sæuius angue micant.

Gortina, uide Cortina.

Gothi, siue Gothi, populi sunt Scythici prope Daciā, qui nunc Sueci & Rusci uocantur. Hi imperante Honorio multas provincias, immo & Italiam Alarico

p      duce

dace omnem subegerunt, ipsamq; urbem Romam ceperunt. Mant.

Ora subit Gothus armipotēs & Vādalus acer. Idē,

Quā ferus argenti Gotthus descendit ab axe.

Inde Gothicus, a, um.

G R.

Gracchi, duo fuerunt fratres apud Romanos, Tyberius & Caius Gracchi, ambo eloquētes, quorum facundiæ mater Cornelia multum contulit. Hi multas factiones concitarūt in rep. uoluerunt enim commouere plebem in senatum, & reuocare leges agrarias, de agris uiritim diuidēdis, ob quā causam ambo occisi sunt. Iuuen.

Quis tulerit Gracchos de seditione querentes?

Gradiuus, dicitur Mars, belli deus, quem quidam hoc nominis traxisse uolunt à gradiendo, quòd in bello uultro congregiatur: alij à gramine, quòd ex gramine natus sit. uide infra de Marte. alij à uibratione hastæ: ῥαδίου, enim Græcis uibrare est: alij neq; Græcum, neq; Latinum uocabulum esse contēdunt, sed Thrax, significareq; bellicosum & fortem. Verg.

Gradiumq; patrem Geticis qui præsidet aruis.

Grææ, γραικῶν, tres fuerunt sorores, Phorci filiæ, unicum tantum habentes oculum, & dentem, quibus uicissim inter se tres utebantur. Harum ope Perseus ad Gorgonas peruenit. Vide prouerb. apud Eras. Orci galea, ubi hæc omnia copiosius.

Græcia, regio est Europæ undiq; mari circumscripta, præterquàm à Septentrione, ubi Pindo, Olympo, & Ossa montibus clauditur. Sic dicta à Græco rege. Græci, qui & Graij, Danai, Pelasgi, Achæi, Argolici, Achiui dicuntur, eiusdem populi. Olim quidem Græcia adeò bonis

bonis artibus florebat, ut undiq; iuuentus ad eam conflu-  
eretur, discendi causa: hodie uerò barbarie inquinata  
totà Turcarum imperio paret. Iuuenal. Sat. 10.

— Et quicquid Græcia mendax  
Audet in historia, &c.

Gratiæ, tres sunt, Aglaia, Thalia, & Euphrosyne: de  
quibus supra in dictione Aglaia.

Graufcæ, Hetruriæ ciuitas est, de qua Vergil. libro 10.

Et Pyrgi ueteres intempestæq; Graufcæ.

Gryneum, oppidum Myreneorum, ut docet Strabo lib.  
13. in quo tēplum Apollinis & locus uaticinandi per-  
uctustus. templum autem candido marmore sumptuo-  
sum erat, in quo ipse Apollo colebatur, unde & Gry-  
næus appellatur. Verg. Eclog. 6.

Hic tibi Grynæi nemoris dicatur origo,  
Ne quis sit lucus quo se plus iactet Apollo.

G Y.

Gygæa, γυγᾱ, lacus est Lydiæ, à quo Gygæus, 4, um.  
Propertius libro 3.

Lydia Gygæo tincta puella lacu.

Gyges, γυγης, siue ut alij scribunt, γίγης, Titanis & Terræ  
fuit filius, immanis gigas, & centimanus, frater Bria-  
rei. Sunt tamē, qui Briareū, Gygen, & Aegæona eosdē  
esse putant. Ouid. lib. 4. Trist.

Centimanumq; Gygen, semibouemq; uirum.

Alius fuit rex Lydiæ, qui anuli ope ex regio pastore  
factus est rex, cuius fabulā describit Cicer. lib. 3. Offic.

Est etiam nomen proprium uiri apud Maronem lib. 9.

Principio Phalarim & succiso poplite Gygen

Excipit, &c.

Item formosi cuiusdam pueri, apud Horat. lib. 2. Carm.

Luna mari Gnydius'ue Gyges.

Gyarus, ri, & Gyari, orum, parua insula in Aegeo mari, una ex Cycladibus, in quam Romani noxios relegabant. Iuuenal. Satyr. 1.

Aude aliquid breuibus Gyaris & carcere dignum.

# DE L I T E R A H.

## H A.

**H**Aemō, *ἄϊμων*, Thebanus fuit iuuenis, qui tanto amore dilexit Antigonen Oedipi & Iocastæ filiam, ut ad mortuæ tumulum seipsum interfecerit: fuerat enim Antigone iussu Creontis iugulata, ut superius audiimus. Prop. lib. 2.

Quid non Antigones tumulo Bæotius Hæmō, &c.  
Hæmus, & Hæmonia, uide Aemus.  
Halcyone, uide Alcyone.

Halesus, Agamemnonis fuit filius ex Briseida, ut quidā uolunt: ex Clytæmnestra, ut alij dicunt enim hunc cum matre sensisse contra patrem, & postea patria pulsum in Italiam uenisse, atque apud Massicum Campaniæ montem consedisse, & tanquam Troiani nominis hostē Turno aduersus Acneam fauisse. Verg.

Hinc Agamemnonius Troiani nominis hostis,  
Iungit Halesus equos, &c.

Ouid. quoq; li. 4. Fast. autor est, hūc Faliscoscōdidisse.  
Halesus, fluuius est Siciliæ, de quo Columella:  
Et quæ Sicanij flores legistis Halesi.

Halicarnassus, ciuitas est Cariæ maritima, in minori Asia, principū regia, Argiuorū colonia, in qua Mausoli quondam nobilissimum opus extabat. Inde Halicarnassæus, a. um.

Halizones, populi Paphlagonum, dicti ἀπὸ τοῦ ὑποζώου  
στραζή αλι,

ἡ ἀλὶ, hoc est, quod mari undique circudentur.

Halys, fluuius est, qui in Tauri radicibus oriens Syros, Cappadoces, Paphlagonesq; interfluit, ut tradit Herodotus: Ptolemæus uero originem & exitum eius in Paphlagonia describit. Ouidius libro quarto de Ponto: Influit & crebro uortice tortus Halys.

Hamadryades, uide Dryades.

Harmonia, Martis & Veneris filia, Cadmi uxor, cui Vulcanus pulchrum, sed exitiale monile dedit, eò quod ex coniugis adulterio fuisset prognata. Reliqua suprâ de Cadmo, & apud Ouidium libro 4. Metamorph.

Harpalice, mulier fuit Thrax, Licurgi filia, uenationibus dedita: hæc cum patrem senem à Getis captum sensisset, collecta confestim multitudine, & celerius, quàm de foemina sperari potuerit, illum armis & robore liberauit. Vergilius libro 1. Aeneid.

— Vel qualis equo Threïssâ fatigat

Harpalice, uolucrumq; fuga præuertitur Hebrum.

Harpe, gladius est Mercurij, falcatus, quo Perseum usum firunt. Ouid. lib. 5. Metamor.

— Et inertia frustra

Brachia tendentem Cyllenide concidit Harpe.

Harpocrates, deus fuit Aegyptiorum ex Iside & Osiride natus, cuius simulachrum finge batur digito labris admoto.

Harpÿiæ, ἁρπυιάι, ut est apud Seruium, Neptuni & Terræ fuerunt filiae uolatiles, uultu uirgineo, uicis manibus. Alij ex Thaumante & Electra prognatas affirmant. Strophades insulas incolunt: dictæ ἀπὸ τοῦ ἁρπάσσειν. id est, à diripiendo. Harum nomina sunt Aëλλο, Ocypete, & Celæno, quarum posteriorem Homerus Podargen



uocat, & ex ea Zephyrum uentum Achillis equos, Ba-  
lium uidelicet & Xanthū genuisse dicit. Hesiodus tan-  
tum duas nominat, Aëllo uidelicet & Ocypeten. De  
Harpuijs quoq; suprà de Calai & Zethe, item infrà  
de Phineo. Verg. lib. 3. Aeneid.

Accipiunt Strophades: Graio sunt nomine dictæ  
Insulæ Ionio in magno, quas dira Celano,  
Harpuiæq; colunt aliæ, &c.

Hasdrubal (sunt tamen qui aspirationem reiiciant) dux  
fuit Carthaginiēsis, frater Annibalis, occisus à Roma-  
nis in faucibus Italiæ cum maximo exercitu, quem fra-  
tri afferebat.

## H E.

Hebe, Ἥβη, filia fuit Iunonis absq; patre, ut Latinorum  
poëtæ asserūt. Apollo enim cū Iunoni nouerca conui-  
uium in patris sui domo parasset, inter alia lactucas a-  
grestes ei apposuit, quas cum Iuno desiderio comme-  
disset, ilico, usque tūc sterilis, prægna s effecta est, pepe-  
ritq; Heben: quam postea Iupiter ob formæ elegantiæ  
ad officiū pincernatus assumpsit, deamq; iuuentutis effe-  
cit. Tandem cū ipse una cum cæteris dijs apud Aethi-  
opes commessaturus iuisset, contigit, quòd administran-  
te eius Hebe pocula, perq; lubricum minus cautè ince-  
dēte caderet, amotisq; uestibus obscœna superis mon-  
straret, quam ob rē ab officio est amota, eiusq; loco Ga-  
nymedes subrogatus. Homerus autē ex Ioue eam cōce-  
ptā esse tradit, neque omnino ab officio remotā, sed cæ-  
terorum decorum pincernam fuisse, Ganymedem uerò  
solijs Iouis. Ouid. lib. 9. Metamorph.

Hoc illi dederat Iunonia muneris Hebe, &c.

Hebrus, Thraciæ fluuius, nascitur iuxta Adrianopolim,  
in monte

in monte Rhodope, labiturq; in Aegeum mare, è regio-  
ne Samothraciae insulae. Celebratur propter aurum, quod  
ex arena eius colligitur. Poëta fabulatur in hunc Or-  
phei caput proiectum esse, unde & Ocagrius dicitur,  
ab Ocagro Orphei patre. Verg. lib. 4. Georg.

Tum quoq; marmorea caput à ceruice reuulsum  
Gurgite cum medio portans Ocagrius Hebrus  
Volueret, &c.

Hecate, dicitur Proserpina, uel quia centum uictimis pla-  
cabatur, unde & Hecatombe nomen habet: uel quia  
centum annos errare faciebat insepultos. Alia fuit He-  
cate uenenorum & herbarum, radicumq; cognitione  
peritissima, ex Perseo Solis filio & Aeete fratre, quem  
in Taurica regione regnasse Dionysius Milesius testa-  
tur, progenita. Ab hoc igitur illam Perseida dictam alij  
uolunt, alij uero à patre Perse Titano. Ouid. li. 7. Meta.

Ibat ad antiquas Hecates Perseidos aras.

Valerius Flaccus lib. 6.

Hanc residens altis Hecate Perseia lucis  
Flebat, &c.

Hector, filius fuit Priami, ex Hecuba uxore, Troiano-  
rum omnium fortissimus, quo sospite, Troia nunquam  
potuit expugnari. Vxorem habuit Andromachen, ex  
qua Astyanacten suscepit, quem Ulysses capta Troia  
è fastigio turris precipitauit. Solus Gracos, quemad-  
modum Achilles solus Troianos, fugabat, ex quibus  
Prothesilaum & Patroclum aliosq; permultos inter-  
fecit. Tandem ab Achille interemptus est, à quo etiam  
bigister circum Iliacos muros raptatus, ut fabulatur  
Verg. libro primo Aeneidos:

Ter circum Iliacos raptauerat Hectora muros.



Tandem eius corpus per duodecim dies insepultum ab Achille seruatum Priamus auro redemit, idq; ueteri more honorificentissimè cremauit. Vide quoque suprà de Achille.

Hecuba, filia fuit Cissei regis Thraciæ, & uxor Priami, ex qua multos filios & filias suscepit. Tandem uiro cum filijs occiso, & Troia diruta, præ nimio dolore mutata est in canem.

Hedui, populi Galliæ post Heluetios & Sequanos in casum uergentes, iuxta quos ex Alpibus fluit Araris.

Hegesias, philosophus Cyrenaicus, tam eloquens, ut cum aliquando uitæ humanæ misérias commemoraret, mortemq; harũ omnium certissimum esse remedium perhiberet, multi ex auditorum numero sibi ipsi mortem conscuerint. Postea tamen à Ptolemæo de hac re ulterius dicere prohibitus est.

Hegaleos, mons est Atticæ nemorosus, de quo Stat. li. 12.

Diues & Hegaleos nemorum, Permesq; benignus Soluatur, &c.

Helena, filia fuit Iouis & Leda. Hæc ob formæ elegantiam, qua cæteris præstabat, à multis amata est, & primum à Theseo adhuc uirguncula rapta, sed postea absente Theseo à Castore & Polluce repetentibus citra iniuriam restituta: mox adulta Menelao Lacedæmonũ regi nupsit. Paris autem Priami filius nemini quoq; forma cedens, illius pulchritudine illectus Spartam nauigauit, ibiq; Helenã ipsam absente Menelao, à quo prius benigne fuerat exceptus, rapuit. Alij tamen dicunt, cum postulata Hesiona negaretur, Paridem illam regionem bello uastasse, & expugnata Sparta Helenam captiuã abduxisse. Hac itaq; iniuria uniuersi Græcorũ principes

principes commoti, primum omnes in Aulide coniuraverunt de repetenda Helena, & evertendo Ilio, ut decemali bello factum est. Porro occiso Paride Deiphobo eiusdem fratri nupsit. Græci itaq; armis diffidentes, proditione urbem capere conati sunt: & cum discessum ex cōposito simulassent, illa ex arce accensa face ad occupandam urbem Græcos reuocauit. Capta urbe; Menelaum in cubiculum, ubi Deiphobus dormiebat, uocauit, quo interfecto cum uiro in gratiam rediisse Vergilius autor est. Hoc igitur modo Menelao restituta cum eodem nauem ascendens, tempestatibus in Aegyptum delata est: inde rursus nauigans cum marito incolumis in Lacedæmoniam peruenit. Vergil. lib. 7.

Ledæanq; Helenam Troianas uexit ad urbes.

Helene, alio nomine Cranaë, insula est una ex Sporadiibus, quæ adiacet Sumo promontorio terræ Atticæ. Dicta autem quod Paris raptæ Helenæ primum in ea stuprum intulerit.

Helenus, filius fuit Priami ex Hecuba, uaticinio clarus, quem quidam ob id à Græcis reseruatum dicunt, quod loca opportuna ad capiendam patriam reuelasset. Ipse etiam Ilio deiecto, Pyrrho nauigationem prohibuit, cæteris abeuntibus naufragium prædixit. Quãobrem non solum à Pyrrho seruatus, sed etiã in Epyrum deductus est: cui quoq; postea Pyrrhus cum Hermionē Orestis rapuisset, Andromachē Hectoris coniugē, quam ipse uxoris loco habuerat, cōcessit, data simul regni parte, quã Helenus de fratris nomine Chaoniã dixit, ibiq; urbem ad similitudinem Troiæ cōdidit, in qua & profugum Aeneam hospitio suscepit. Verg. lib. 3. Aeneid.

— Cum sese à moribus heros

Priamides multis Helenus comitantibus offert.

**Heliades**, tres fuerunt filiae Solis & Clymenes, sorores Phaëthontis, quarum nomina sunt Phaëtusa, Lāpetusa, & Lāpetia. Hæ iuxta Padum mortē Phaëthōtis fulmine deiecti flētes, in arbores, quas alnos uocāt, uerse sunt, electrū lacrymantes. Vocātur autem Heliades, à patre Sole, qui Græcis Ἠλιος dicitur. Ouid. lib. 2. Metamorph.

Nec minus Heliades lugent, &c.

Item Phaëthontiades, à fratre. Verg. Eclog. 6.

Tum Phaëthontiades musco circumdat amara  
Corticis, atq; solo proceras crigit alnos.

**Helisos**, fluuius est Atticæ, de quo Stat. lib. 4. Theb.

—Quos pigra uado Langia tacenti

Lambit, & infractu riparum incuruus Helisos.

**Hellas**, ados, dicitur Græcia ab Hellane Deucalionis & Pyrrhæ filio. Hellenes, ipsi Græci.

**Helle**, filia Athamantis regis Thebarum & Nephelæ, quæ nouerca insidias cum Phryxo fratre fugiens, arietem aurei uelleris conscendit, ut eo modo Colchos uerberetur. Quos cum per mare ferret aries, uenissentq; iuxta Byzantium urbem, contigit ut Helle puella maris æstu perterrita in pontum decideret, qui inde Hellepontus uocari cœpit. Ouid. lib. 11. Metam.

Angustum citra pontum Nephelidos Helles

Laomedontæis Latonis astitit aruis, &c.

**Hellepontus**, ut in præcedentibus audiuius, est angustum mare, Asiam & Europam septē tantū stadijs distans ab Austro, à Tenedo insula usq; ad Propōtidē uersus Septentrionē extēditur. Casu quoq; Leandri iuuenis & Herūs puellæ nobilitatum. Ouid. lib. 13.

Longus in angustum quæ clauditur Hellepontus.

Heluctij,

**Heluetij**, populi fuerūt Galliae, quos interijſſe putant: nā qui hodie illorū regionē tenent, Alemanni ſunt. De his multa apud Caeſarem in Commentarijs. Mantuan.

Heluetij genus armipotens, &c.

**Helice**, eſt ursa maior, ſidus Septētrionale, quod in nauigādo obſeruāt & ſequūtur Peloponeſij. Vide Arcas.

**Helicon**, mons eſt Bæotiae, non procul à Parnaſo, Phocidi uicinus, Apollini ſacer & Muſis, quæ ppter ea Heliconiades uocantur à Perſio. In eo eſt fons caballianus, quem Pegasus ungula fecit. Horat. lib. 2. Epist.

Vt ſtudio maiore petant Helicon uirentem.

Inde Heliconius, a, um.

**Heraclea**, ciuitas eſt Boſphorana, in finibus Europæ, quæ antea Perinthus uocabatur. Mantuan.

— Quā magna Perinthus

Antē fuit, priſcum mutauit Heraclea nomen.

In hac fuit amphitheatrū tanta ſtructura, ut inter ſeptē orbis miracula connumeratum ſit. Alia eſt in radicibus Oētæ mōtis, quā Aſaris fluuius abluit. Alia in ponto iuxta Lycum amnem. Alia iuxta Rhodani oſtia. Alia item in Campania, quæ & Herculaneum dicitur. Hinc Heracleotes, aliquis ex Heraclea.

**Herceus**, Ἡρακλῆος, dictus eſt Iupiter, qui intra conſeptum domus cuiuſq; colebatur: eundem quoq; Deum penetralem uocabant. Ouidius:

Cui nihil Hercei profuit ara Iouis.

**Hercules**, Ἡρακλῆς, filius fuit Iouis ex Alcmena Amphitryonis coniuge, ut ſuprà audiuiſus: qui Iunonis odio propter Alcenam pellicem, Euryſthei, quem Iuno inſtigabat, mādatis ad tollēda uaria mundi mōſtra miſſus fuit: ſperabat enim ſic fore, ut periret: ſed is ſem-

per

si fecunda, sterilis fit. Hinc Campi Geloi, stagno illi  
adiacentes. Sunt tamē, qui ab Gela fluuio dictos uolūt.  
Geloni, populi sunt Scythiæ, Agathyrsis contermini, di  
cti à Gelono Herculis filio. Multas singuli habebant  
uxores: contenti uiuebant suis finibus, ut ait Horatius  
lib. 2. Carm. Sanguinem equinum bibebant cum lacte,  
teste Vergilio in Georg.

Profuit immensos æstus auertere, & inter  
Ima ferire pedis salientem sanguine uenam,  
Bisalta quo more solent, accerq; Gelonus,  
Cum fugit in Rhodopen, aut in deserta Getarum,  
Et lac concretum cum sanguine potat equino, &c.

Genius, dicebatur à priscis Deus nature, & qui omniū  
rerum gignendarum uin haberet: unde cuiusq; rei dice  
batur suus Genius: hominiq; duos Genios assignabāt:  
bonum & malum. Accipitur pro ipsa natura: quidam  
ipsam animam, uel deum, uel spiritum esse uolunt, qui  
mortales ad uoluptatem incitet.

Genua, insignis Liguriæ urbs maritima, in extremis Allo  
brogum: sic dicta à Genuo Phaëchontis socio, ibidem  
relictō. A quibusdam Ianua uocatur, quasi à Iano Ita  
lorum rege condita.

Genūsus, fluuius, quem Dyrrhachio euntes in Thessaliā,  
inueniunt. Lucan. lib. 5.

Quam uolucer Genusus, quam mollior Apsus  
Circumeunt ripis, &c.

Germania, ampla regio Europæ, quæ à Gallis, Rhetijs,  
à Pannonijs Rheno & Danubio fluminibus, à Sarma  
tis Dacisq; mutuo metu ac montibus separatur, cæte  
ra ambit Oceanus.

Germani, eius populi, sic appellati, quasi Gallorum fra  
tres,

tres, quibus solent esse moribus similes. De his multa Cæsar in Commentarijs. Ouid. lib. 4. Trist.

Iam fera Caesaribus Germania, totus ut orbis, &c.

Geryon, rex fuit Hispania, secundū Hesiodū Chrysaoris filius: qui quoniā tria regna tenebat, tricorpor dictus est: postea ab Hercule occisus est, qui pecora eius egregia, Græciā usq; cū magna pōpa deduxit. Verg. lib. 8.

Tergemini nece Geryonis, spolijsq; superbus.

Alij tres fratres uno nomine Geryones dictos uolunt: & quoniam tanta inter se concordia uiuerent, una antea regi putatos.

Getæ, populi feri in Scythia, quos olim Dacos nominatos uolūt: nullos habēt in agro limites, sed fruges cōmunes. Gaudēt sagittis & pharetris: integūtur ferarū pelibus, bibunt equinum sanguinē permixto lacte. Ouid.

Nulla Getis toto gens est truculentior orbe, &c.

Inde Geticus, a, um.

Getulia, regio est Aphricæ iuxta Garamantes. Getuli, eiusdem populi. Habet autem hoc nomen priores syllabas indifferentes. Ouid.

Quid dubitas uinctam Getulo me tradere Hiarbæ?

Lucanus:

Inculto Gētulus equo, semperq; paratus, &c.

Adiectiuū uerò Getulus, a, um, semper producit. Ver.

Et Gētule urbes, genus insuperabile bello, &c.

G I.

Gigantes, Titanis & Terræ fuerūt filij, qui tanta superbia elati, ut impetum in deos fecerint, eosq; cælo deijcere conati sunt: cuius rei causa dii territi, omnes mutatis figuris in Aegypto delituerunt. Tandem à Ioue fulmine partim sub Aetnam aliasq; insulas, partim ad inferos

## G N.

Gnidos, urbs est Lyciæ duos portus habens, & in fronte insulam aggeribus continenti iunctam, in qua maior pars ciuium habitabat. In ea fuit Veneris templum & simulachrū à Praxitelo mira arte sculptū. Ouid. lib. 10.

Piscesamq; Gnido, grauidamq; Amathunta metallis.  
Hinc Gnidius, a, um.

Gnosus, siue Cnosus, siue Cnossus, *κνωσός*, urbs est Crete in plano sita, olim Cerathus dicta, à præterlabentis fluuij nomine: hodie Candia uocatur, quondam Minois regia. Gnosus, Gnosius, Gnosidus, & Gnosiacus, a, um. Verg. lib. 6.

Gnosius hæc Rhadamātus habet durissima regna.

## G O.

Gorgias, Leontinus sophista, & rhetor celeberrimus, qui arte sua tantū pecuniæ corrasit, ut auream statuā primus omnium poneret in tēplo Apollinis Delphici.

Gorgythion, Priami filius ex Castianira in Aesina ciuitate susceptus, postea in bello Troiano à Teucro Telamonis filio confossus occubuit.

Gorgones, filię fuerūt Phorci ex marino mōstro susceptę, Medusa uidelicet, Stenio, quā Hesiodus Stenō uocat, & Euryale: uide infr à Medusa. Hæ Dorcades insulas in Aethiopico mari habitarūt. Dictas autē uolūt ab agilitate, *ρόρον* enim agilem sonat. Vide Eras. in prouer. Orci galca. Inde fit Gorgoneus, a, um. Oui.

Lumina Gorgoneo sæuius angue micant.

Gortina, uide Cortina.

Gothi, siue Gothi, populi sunt Scythici prope Daciā, qui nunc Sueci & Rusci uocantur. Hi imperante Honorio multas prouincias, immo & Italiam Alarico

p      duce



dace omnem subegerunt, ipsamq; urbem Romam ceperunt. Mant.

Ora subit Gothus armipotēs & Vādalus acer. Idē,  
Quā ferus algenti Gotthus descendit ab axe.

Inde Gothicus, a, um.

G R.

Gracchi, duo fuerunt fratres apud Romanos, Tyberius & Caius Gracchi, ambo eloquētes, quorum facundia mater Cornelia multum contulit. Hi multas factiones concitarūt in rep. uoluerunt enim commouere plebem in senatum, & reuocare leges agrarias, de agris uiritim diuidēdis, ob quā causam ambo occisi sunt. Iuuen.

Quis tulerit Gracchos de seditione querentes?

Gradius, dicitur Mars, belli deus, quem quidam hoc nominis traxisse uolunt à gradiendo, quòd in bello ul-  
tro congregiatur: alij à gramīnc, quòd ex gramine na-  
tus sit. uide infrā de Marte. alij à uibratione hastæ: ῥα-  
δίου, enim Græcis uibrare est: alij neq; Græcum,  
neq; Latinum uocabulum esse contēdunt, sed Thrax,  
significareq; bellicosum & fortem. Verg.

Gradiumq; patrem Geticis qui præsidet aruis.

Grææ, γραιῖα, tres fuerunt sorores, Phorci filia, unicum tantum habentes oculum, & dentem, quibus uiciſſim inter se tres utebantur. Harum ope Perſeus ad Gorgo-  
nas peruenit. Vide prouerb. apud Eras. Orei galea, ubi hæc omnia copiosius.

Græcia, regio est Europæ undiq; mari circumſcripta, præterquā à Septentrione, ubi Pindo, Olympo, & Oſſa montibus clauditur. Sic dicta à Græco rege. Græci, qui & Graij, Danai, Pelasgi, Achæi, Argolici, Achiui dicuntur, eiusdem populi. Olim quidem Græcia adeò  
bonis

bonis artibus florebat, ut undiq; iuuentus ad eam conflu-  
 ueret, discendi causa: hodie uerò barbarie inquinata  
 tota Turcarum imperio paret. Iuuenal. Sat. 10.

— Et quicquid Græcia mendax

Audet in historia, &c.

Gratiæ, tres sunt, Aglaia, Thalia, & Euphrosyne: de  
 quibus supra in dictione Aglaia.

Grauficæ, Hetruriæ ciuitas est, de qua Vergil. libro 10.

Et Pyrgi ueteres intempestæq; Grauficæ.

Gryneum, oppidum Myreneorum, ut docet Strabo lib.

13. in quo tēplum Apollinis & locus uaticinandi per-  
 uetustus. templum autem candido marmore sumptuo-  
 sum erat, in quo ipse Apollo colebatur, unde & Gry-  
 næus appellatur. Verg. Eclog. 6.

Hic tibi Grynæi nemoris dicatur origo,

Ne quis sit lucus quo se plus iactet Apollo.

G Y.

Gygæa, γυγᾱ, lacus est Lydiæ, à quo Gygæus, α, um.

Propertius libro 3.

Lydia Gygeo tincta puella lacu.

Gyges, γυγης, siue ut alij scribunt, γιγης, Titanis & Terræ  
 fuit filius, immanis gigas, & centimanus, frater Bria-  
 rei. Sunt tamē, qui Briareū, Gygen, & Aegæona eosdē  
 esse putant. Ouid. lib. 4. Trist.

Centimanumq; Gygen, semibouemq; uirum.

Alius fuit rex Lydiæ, qui anuli ope ex regio pastore  
 factus est rex, cuius fabulā describit Cicer. lib. 3. Offic.

Est etiam nomen proprium uiri apud Maronem lib. 9.

Principio Phalarim & succiso poplite Gygen

Excipit, &c.

Item formosi cuiusdam pueri, apud Horat. lib. 2. Carm.

Luna mari Gnydius'ue Gyges.

Gyarus,ri, & Gyari,orum, parua insula in Aegeo mari, una ex Cycladibus, in quam Romani noxios relegabant. Iuuenal. Satyr. 1.

Aude aliquid breuibus Gyaris & carcere dignum.

# DE L I T E R A H.

H A.

**H**Aemō, ἄμιον, Thebanus fuit iuuenis, qui tanto amore dilexit Antigonem Oedipi & Iocastæ filiam, ut ad mortuæ tumulum seipsum interfecit: fuerat enim Antigone iussu Creontis iugulata, ut superius audiimus. Prop. lib. 2.

Quid non Antigones tumulto Bæotius Hæmō, &c.  
Hæmus, & Hæmonia, uide Aemus.  
Halcyone, uide Alcyone.

Halesus, Agamemnonis fuit filius ex Briseida, ut quidā uolunt: ex Clytæmnestra, ut alij: dicunt enim hunc cum matre sensisse contra patrem, & postea patria pulsum in Italiam uenisse, atque apud Massicum Campaniæ montem consedisse, & tanquam Troiani nominis hostē Turno aduersus Aeneam fauisse. Verg.

Hinc Agamemnonius Troiani nominis hostis,  
Iungit Halesus equos, &c.

Ouid. quoq; li. 4. Fast. autor est, hūc Faliscoscōdidisse.

Halesus, fluuius est Siciliae, de quo Columella:

Et quæ Sicanij flores legistis Halesi.

Halicarnassus, ciuitas est Cariæ maritima, in minori Asia, principū regia, Argiuorū colonia, in qua Mausoli quondam nobilissimum opus extabat. Inde Halicarnassæus, a, um.

Halizones, populi Paphlagonum, διὰ τὸ τοῦ ὑποφωτισμένου ἁλίου,

ἡλίου, hoc est, quod mari undique circundentur.

Halys, fluuius est, qui in Tauri radicibus oriens Syros, Cappadoces, Paphlagonēsq; interfluit, ut tradit Herodotus: Ptolemæus uero originem & exitum eius in Paphlagonia describit. Ouidius libro quarto de Ponto:

Influit & crebro uortice tortus Halys.

Hamadryades, uide Dryades.

Harmonia, Martis & Veneris filia, Cadmi uxor, cui Vulcanus pulchrum, sed exitiale monile dedit, eò quod ex coniugis adulterio fuisset prognata. Reliqua suprâ de Cadmo, & apud Ouidium libro 4. Metamorph.

Harpalice, mulier fuit Thrax, Licurgi filia, uenationibus dedita: hæc cum patrem senem à Getis captum sensisset, collecta confestim multitudine, & celerius, quàm de fœmina sperari potuerit, illum armis & robore liberauit. Vergilius libro 1. Aeneid.

— Vel qualis equo Threissâ fatigat

Harpalice, uolucrumq; fuga prauertitur Hebrum.

Harpe, gladius est Mercurij, falcatus, quo Perseum usum ferunt. Ouid. lib. 5. Metamor.

— Et inertia frustra

Brachia tendentem Cyllenide concidit Harpe.

Harpocrates, deus fuit Aegyptiorum ex Iside & Osiride natus, cuius simulachrum finge batur digito labris admoto.

Harpyiæ, ἁρπυγῖαι, ut est apud Seruium, Neptuni & Terræ fuerunt filiae uolatiles, uultu uirgineo, uicis manibus. Alij ex Thaumante & Electra prognatas affirmant. Strophades insulas incolunt: dictæ ἀπὸ τοῦ ἁρπάσσειν. id est, à diripiendo. Harum nomina sunt Aëλλο, Ocypete, & Celano, quarum posteriorem Homerus Podargen

uocat, & ex ea Zephyrum uētum Achillis equos, Ba-  
lium uidelicet & Xanthū genuisse dicit. Hesiodus tan-  
tum duas nominat, Aëllo uidelicet & Ocypeten. De  
Harpyijs quoq; suprà de Calai & Zethe, item infrà  
de Phineo. Verg. lib. 3. Aeneid.

Accipiunt Strophades: Graio sunt nomine dictæ  
Insulæ Ionio in magno, quas dira Celeno,  
Harpyiæq; celunt aliæ, &c.

Hasdrubal (sunt tamen qui aspirationem reiiciant) dux  
fuit Carthaginienſis, frater Annibalis, occisus à Roma-  
nis in faucibus Italiæ cum maximo exercitu, quem fra-  
tri afferebat.

## H E.

Hebe, Ἥβη, filia fuit Iunonis absq; patre, ut Latinorum  
poëtæ asserūt. Apollo enim cū Iunoni noueræ conui-  
uium in patris sui domo parasset, inter alia lactucas a-  
grestes ei apposuit, quas cum Iuno desiderio comme-  
disset, ilico, usque tūc sterilis, prægnaſ effe cta est, pepe-  
ritq; Heben: quam postea Iupiter ob formæ elegātiā  
ad officiū pincernatus assumpsit, deamq; iuuetutis effe-  
cit. Tandem cū ipse una cum cæteris dijs apud Aethi-  
opes commessaturus iuisset, contigit, quòd administran-  
te eius Hebe pocula, perq; lubricum minus cautè ince-  
dēte caderet, amotisq; uestibus obscœna superis mon-  
straret, quam ob rē ab officio est amota, eiusq; loco Ga-  
nymedes subrogatus. Homerus autē ex Ioue eam cōce-  
ptā esse tradit, neque omnino ab officio remotā, sed cæ-  
terorum decorum pincernam fuisse, Ganymedem uerò  
solijs Iouis. Ouid. lib. 9. Metamorph.

Hoc illi dederat Iunonia muneris Hebe, &c.

Hebrus, Thraciæ fluuius, nascitur iuxta Adrianopolim,  
in monte

in monte Rhodope, labiturq; in Aegeum mare, è reglo  
ne Samothraciæ insulæ. Celebratur propter aurû, quod  
ex arena eius colligitur. Poëtæ fabulatur in hunc Or-  
phei caput proiectum esse, unde & Oeagrius dicitur,  
ab Oeagro Orphei patre. Verg. lib. 4. Georg.

Tum quoq; marmorea caput à ceruice reuulsum  
Gurgite cum medio portans Oeagrius Hebrus  
Volueret, &c.

**Hecate**, dicitur Proserpina, uel quia centum uictimis pla-  
cabatur, unde & Hecatombe nomen habet: uel quia  
centum annos errare faciebat insepultos. Alia fuit He-  
cate uenenorum & herbarum, radicumq; cognitione  
peritissima, ex Perseo Solis filio & Aeete fratre, quem  
in Taurica regione regnasse Dionysius Milesius testa-  
tur, progenita. Ab hoc igitur illam Perseida dictam alij  
uolunt, alij uerò à patre Perse Titano. Ouid. li. 7. Meta.  
Ibat ad antiquas Hecates Perseidos aras.

Valerius Flaccus lib. 6.

Hanc residens altis Hecate Perseia lucis  
Flebat, &c.

**Hector**, filius fuit Priami, ex Hecuba uxore, Troiano-  
rum omnium fortissimus, quo sospite, Troia nunquam  
potuit expugnari. Vxorem habuit Andromachen, ex  
qua Astyanacten suscepit, quem Ulysses capta Troia  
è fastigio turris præcipitauit. Solus Græcos, quemad-  
modum Achilles solus Troianos, fugabat, ex quibus  
Prothesilaum & Patroclum aliosq; permultos inter-  
fecit. Tandem ab Achille interemptus est, à quo etiam  
bigis ter circum Iliacos muros raptatus, ut fabulatur  
Verg. libro primo Aeneidos:

Ter circum Iliacos raptauerat Hectora muros.

Tandem eius corpus per duodecim dies insepultum ab Achille seruatum Priamus auro redemit, idq; ueteri more honorificentissimè cremauit. Vide quoque supra de Achille.

Hecuba, filia fuit Cissei regis Thraciæ, & uxor Priami, ex qua multos filios & filias suscepit. Tandem uiro cum filiis occiso, & Troia diruta, præ nimio dolore mutata est in canem.

Hedui, populi Galliæ post Heluetios & Sequanos in occasum uergentes, iuxta quos ex Alpibus fluit Araris.

Hegesias, philosophus Cyrenaicus, tam eloquens, ut cum aliquando uitæ humanæ misérias commemoraret, mortemq; harum omnium certissimum esse remedium perhiberet, multi ex auditorum numero sibi ipsi mortem consciuerint. Postea tamen à Ptolemæo de hac re ulterius dicere prohibitus est.

Hegaleos, mons est Atticæ nemorosus, de quo Stat. li. 12.

Diues & Hegaleos nemorum, Permesq; benignus Soluatur, &c.

Helena, filia fuit Iouis & Leda. Hæc ob formæ elegantiam, qua cæteris præstabat, à multis amata est, & primum à Theseo adhuc uirguncula rapta, sed postea absente Theseo à Castore & Polluce repetentibus citra iniuriam restituta: mox adulta Menelao Lacedæmonum regi nupsit. Paris autem Priami filius nemini quoq; forma cedens, illius pulchritudine illectus Spartam nauigauit, ibiq; Helenam ipsam absente Menelao, à quo prius benigne fuerat exceptus, rapuit. Alij tamen dicunt, cum postulata Hesione negaretur, Paridem illam regionem bello uastasse, & expugnata Sparta Helenam captiuam abduxisse. Hac itaq; iniuria uniuersi Græcorum principes



principes commoti, primum omnes in Aulide coniuraverunt de repetenda Helena, & evertendo Ilio, ut decemali bello factum est. Porro occiso Paride Deiphobo eiusdem fratri nupsit. Græci itaq; armis diffidentes, proditione urbem capere conati sunt: & cum discessum ex cōposito simulassent, illa ex arce accensa face ad occupandam urbem Græcos reuocauit. Capta urbe, Menelaum in cubiculum, ubi Deiphobus dormiebat, uocauit, quo interfecto cum uiro in gratiam rediisse Vergilius autor est. Hoc igitur modo Menelao restituta cum eodem nauem ascendens, tempestatibus in Aegyptum delata est: inde rursus nauigans cum marito incolumis in Lacedæmoniam peruenit. Vergil. lib. 7.

Ledæanq; Helenam Troianas uexit ad urbes.

Helene, alio nomine Cranaë, insula est una ex Sporadiabus, quæ adiacet Summo promontorio terræ Atticæ. Dicta autem quod Paris raptæ Helenæ primum in ea stuprum intulerit.

Helenus, filius fuit Priami ex Hecuba, uaticinio clarus, quem quidam ob id à Græcis reseruatum dicunt, quod loca opportuna ad capiendam patriam reuelasset. Ipse etiam Ilio deiecto, Pyrrho nauigationem prohibuit, cæteris abeuntibus naufragium prædixit. Quãobrem non solum à Pyrrho seruatus, sed etiam in Epyrum deductus est: cui quoq; postea Pyrrhus cum Hermionē Orestis rapuisset, Andromachē Hectoris coniugē, quam ipse uxoris loco habuerat, cōcessit, data simul regni parte, quā Helenus de fratris nomine Chaoniā dixit, ibiq; urbem ad similitudinem Troiæ cōdidit, in qua & profugum Aeneam hospitio suscepit. Verg. lib. 3. Aeneid.

—Cum sese à moribus heros

*Priamides multis Helenus comitantibus offert.*

**Heliades**, tres fuerunt filiae Solis & Clymenes, sorores Phaëthontis, quarum nomina sunt Phaëtusa, Lāpetusa, & Lāpetia. Hæ iuxta Padum mortē Phaëthontis fulmine deiectioni scētes, in arbores, quas alnos uocāt, uersæ sunt, electrū lacrymantes. Vocātur autem Heliades, à patre Sole, qui Græcis ἥλιος dicitur. Ouid. lib. 2. Metamorph.

*Nec minus Heliades lugent, &c.*

*Item Phaëthontiades, à fratre. Verg. Eclog. 6.*

*Tum Phaëthontiades musco circumdat amaræ  
Corticis, atq; solo proceras crigit alnos.*

**Helisos**, fluuius est Atticæ, de quo Stat. lib. 4. Theb.

*—Quos pigra uado Langia tacenti*

*Lambit, & infractu riparum incuruus Helisos.*

**Hellas**, ados, dicitur Græcia ab Hellane Deucalionis & Pyrrha filio. Hellenes, ipsi Græci.

**Helle**, filia Athamantis regis Thebarum & Nepheles, quæ nouerca insidias cum Phryxo fratre fugiens, arietem aurei uelleris conscendit, ut eo modo Colchos uerberetur. Quos cum per mare ferret aries, uenissentq; iuxta Byzantium urbem, contigit ut Helle puella maris aestu perterrita in pontum decideret, qui inde Hellespontus uocari cœpit. Ouid. lib. 11. Metam.

*Angustum citra pontum Nephelidos Helles*

*Laomedontæis Latonis astitit aruis, &c.*

**Hellespontus**, ut in præcedentibus audiuius, est angustum mare, Asiam & Europam septē tantū stadiis distans ab Austro, à Tenedo insula usq; ad Propōtidē uersus Septentrionē extēditur. Casu quoq; Leandri iuuenis & Herūs puellæ nobilitatum. Ouid. lib. 13.

*Longus in angustum quæ clauditur Hellespontus.*

*Heluctij,*

**Heluetij**, populi fuerūt Gallia, quos interijſſe putant: nā qui hodie illorū regionē tenent, Alemanni ſunt. De his multa apud Caeſarem in Commentarijs. Mantuan.

Heluetij genus armipotens, &c.

**Helice**, eſt ursa maior, ſidus Septētrionale, quod in nauigādo obſeruāt & ſequūtur Peloponeſij. Vide Arcas.

**Helicon**, mons eſt Boeotiae, non procul à Parnaſo, Phocidi uicinus, Apollini ſacer & Muſis, quae ppter ea Heliconiades uocantur à Perſio. In eo eſt ſons caballinus, quem Pegafus ungula fecit. Horat. lib. 2. Epiſt.

Vt ſtudio maiore petant Helicon auiſentem.

Inde Heliconius, a, um.

**Heraclea**, ciuitas eſt Boſphorana, in finibus Europae, quae antea Perinthus uocabatur. Mantuan.

—Quā magna Perinthus

Antē fuit, priſcum mutauit Heraclea nomen.

In hac fuit amphitheatrū tanta ſtructura, ut inter ſeptē orbis miracula connumeratum ſit. Alia eſt in radicibus Oēte mōtis, quā Aſaris fluuius abluſit. Alia in ponto iuxta Lycum annem. Alia iuxta Rhodani oſtia. Alia item in Campania, quae & Herculanum dicitur. Hinc Heracleotes, aliquis ex Heraclea.

**Herceus**, Ἡρακλῆος, dictus eſt Iupiter, qui intra conſeptum domus cuiuſq; colebatur: eundem quoq; Deum penetralem uocabant. Ouidius:

Cui nihil Hercci profuit ara Iouis.

**Hercules**, Ἡρακλῆς, filius fuit Iouis ex Alcmena Amphitryonis coniuge, ut ſuprà audiuiſimus: qui Iunonis odio propter Alcmenam pellicem, Eurysthei, quem Iuno inſtigabat, mādatis ad tollēda uaria mundi mōſtra miſſus fuit: ſperabat enim ſic fore, ut periret: ſed iſ ſem-

per

per uictor cum maxima etiam rerum gestarum laude redibat. Et licet multi fuerint Hercules, qui uarijs tēporibus floruerunt, omnes heroica uirtute rerumq; gestarum magnitudine insignes: tamen huic uni reliquorum omnium labores tribuuntur: quorum quandoquidem undiq; fit mentio, uisum est celebriores subijcere. Primo itaq; cum adhuc in cunabulis iaceret, geminos angues à Iunone immissos elisit. I I. Thestij filias numero quinquaginta, adhuc puer, sed corporis robore præstans, una nocte compressit, suscepitq; quinquaginta filios, quos Thestiadæ uocauerunt. III. Iam adultus Hydram colubris & capitibus pullulantem facce & ferro in Lerna palude oppressit. IIII. Ceruam eripedē, aureaq; habentem cornua in Mænalo monte cursu depræhendit, atq; interfecit. V. In Nemea sylua iuxta Cleonæ inusitatæ magnitudinis leonē iugulauit, & detractam pellem pro insigni gestauit. Vicit quoq; Theumesium leonem, cuius meminit Statius in Thebaide. VI. Diomedem Thraciæ regem, qui equos suos hospitū carnibus & sanguine pascebat, deuicit, uictū ipsius equis in pabulum dedit. VII. In Erymantho Arcadiæ monte terribilem aprum, & omnia circa illū locum deuantem cepit, eumq; uiuum ad Eurystheū detulit. VIII. Stymphalides aues sagittis, ut quidam uolunt, interfecit, ut alij, sonitu ahenci crepitaculi usq; ad insulā Aretiada fugauit. IX. Taurū (cui Neptunus furorem immiserat, eò quòd Minos Neptuno sacrificaturus optasset uictimā maiestate illius dignā: cui cum pulcherrimus taurus ab eodem deo fuisset oblatuſ, ipsum Minos seruare uoluisset) insulā Cretam ferè totā deuantem domuit, eumq; uinctum ad Eurystheum detulit:

detulit: qui postea eum Atticæ regioni immisit, cui plurimū damni intulit: sed à Theseo interfectus fuit apud Marathonem, ut canit Ouid. lib. 7. Metamorph. x. Acheloum superauit, ut suprà dictū est. xi. Busiridē Aegypti regem hospites suos mactantē occidit. xii. Anthemū gigantem in Libya lucta uictum suffocauit. xiii. Calpen & Abylam montes antea coniunctos diuisit. xiiii. Aurea mala in Hesperidū hortis, interēpto prius dracone peruigili, qui ea custodiebat, sustulit. xv. Cælum iam fesso & succumbente Atlante, humeris tulit. xvi. Geryonem Hispaniæ regem tri- corpore bello superauit, eiusq; armenta abduxit. xvii. Cacus latronem Vulcani filium semihominem & flammium oppreſsit. xviii. Lacinum latronē extremam Italiæ oram infestantem sustulit, ibiq; Iunoni templum constituit, quod Iunonis Laciniæ appellauit. xix. Albionem & Bergionem iter ipsius impediētes haud longè ab ostio Rhodani, à Ioue patre lapidum imbre adiutus, deuicit. xx. Pyrechmum Eubœæ regem Bœotijs bellum inferentem profligauit, eumq; pullis equinis alligatū in diuersas partes discerpſit. xxi. Centauros domuit. xxii. Augiæ stabulum repurgauit. uide suprà. xxiii. Hesionen Laomedontis filiam monstro marino expositam liberauit, occiso prius ceto, sed cum Laomedon equos præstantissimos in præmium illi pollicitos, denegaret, Hercules indignatus Troiam euertit, & occiso rege Hesionen Telamoni, qui primus murum conscenderat, in prædæ partem concessit. xxiiii. Diripuit insulam Cò, regemq; Eurypylum cum uxore & liberis trucidauit. uide suprà in dictione Còs.

xxv. Amazonas debellauit, earumq; Hippolytē reginā cepit, cui baltheū abstulit, Eurytheoq; regi tradidit, captam uerò Amazonē Theseo bellorū socio dedit. xxvi. Ad inferos descendit, & Cerberum iter prohibentem triplici cathena uinctum ad superos traxit. Sunt qui dicunt Herculem etiam adiuuasse Theseum in rapienda Proserpina: alij solum Theseum eduxisse ad superos, Ditemq; uulnerasse. xxvii. Alcesten Admeti regis coniugē ab inferis ad uirū reduxit. xxviii. Ab inferis reuersus Lycum Thebarum regem, cō quòd Megaræ coniugi uim uoluisset inferre, interemit. xxix. Promethei aquilam, quæ senis istius in Caucaſo alligati epas deuorabat, sagittis traiecit. xxx. Cygnū Martis filiū equestri certamine uicit. xxxi. Occidit Theodamantē, quòd ei cibum denegasset, illiusq; filium Hylam sibi charissimum secum abduxit. xxxii. Cercopas uicit, dum Omphalæ Lydorū reginæ seruiret. xxxiii. Pylū diripuit, eiusq; regem Neleū cum tota domo præter Nestorē trucidauit, insuper Iunonem Neleo opem ferentem trisulco uulnerauit. xxxiiii. Eurythum Oechaliæ regē occidit, ipsamq; Oechaliam urbem deleuit, & Iolen Eurythi filiam sibi uxorem denegatam, quam tamen parens antea desponderat, ui obtinuit, eamq; secum in Eubœam abduxit. Quod cum Deianira coniux rescuiſſet, maritum uidelicet suum Ioles amore detineri, Neſſi Centauri uestem per Lycham seruum illi mīſit, putans eadē abstrahi maritum suum ab aliarum amore, quemadmodum Centaurus ipsi perſuaſerat. Cum itaq; Hercules uestem sacrificaturus induiſſet, in tantam rabiē uersus eſt, ut constructa pyra ſcipſum combuſſerit. Post mortem



mortem uerò in Deorum numerum relatus est. Habentur & aliæ res gestæ apud Diodor. Siculū, quas si quis uolet, inde petat. Ab eo fit Hercules, a, um. Horat. lib. 1. Carm.

Perrupit Acheronta Hercules labor, &c.

Hermaphroditus, filius fuit Mercurij et Veneris, à qui bus etiam nomen traxit: est enim Græcis ἑρμῆς Mercurius, & ἀφροδίτη Venus. Hic cum uagabundus in Cariam ad lymphidissimum fontem, quem Salmacis nympha incolebat, peruenisset, illa subito eius amore correpta (erat enim adolescens formosissimus) cum neq; bladijs, neq; precibus ad concubitum flectere posset, simulato recessu post ueprem latuit. is autem nympham abiisse ratus, fontem nudus intrauit: quod uidens Salmacis, subito accurrit, & abiectis uestibus artissimè eum cōplexa est. Sed cum neq; tunc obstinatū exorare posset, à dijs petijt, ut ex duobus corporibus in unum redigerentur: itaq; factū, ut qui uir fontē intraret, ἄνδρ' ἑρμῆς, id est, utrumq; sexum habens, exiret. Hinc omnes Androgyni uocantur Hermaphroditi.

Hermiōna, ciuitas est in conspectu maris Aegi, producitq; duas medias. Verg. in Cyri:

Hinc sinus, hinc statio, contra patet Hermiona.

Hermiōne, filia Menelai ex Helena, admodum formosa, militante patre apud Troiā Orestī Agamemnonis filio desponsata fuit: sed hanc quoq; Menelaus huius rei inscius apud Troiam promisit Pyrrho Achillis filio: qui domū reuersus cum Aegistius regiā occiso Agamemnone occupasset, atq; Orestes ad regem Strophium Phocensem Electræ sororis auxilio clam ablegatus esset, Hermionē reluctatē ui rapuit, tradita Andromacha Hectoris



Hectoris coniuge, quæ illi in sortem cesserat, proq; uxore habuerat, Heleno uati, filio Priami. At Orestes posito furore, quo ob interfectam à se matrē cruciabatur, ex Taurica regione rediens Pyrrhum in templo Apollinis Delphici trucidauit, suamq; sponsam recepit. Vergilius lib. 3. Aeneid. — Qui deinde secutus

Ledaë Hermionē Lacedæmoniosq; hymenæos, etc.

Hermus, fluuius est, qui ortus in Dorylao monte Phrygiæ Smyrneos campos secat. Phrygiamq; à Caria diuidit, atq; etiā Lydiā alluens in mare labitur: & quoniam capus superflusus maximā gignit fertilitatē, creditus est olim fluctibus aureis æstuassee. Verg. lib. 2. Geor.

Nec pulcher Ganges, atq; auro turbidus Hermus.

Hernici, populi in Campania, saxa incolentes: dicti uel à saxis quas illi Hernas uocant, uel ab Herno Pelasgo, qui eorum dux fuit: horum metropolis est Anagnia. Verg. lib. 7. Aene. — Et rosida riuus

Hernica saxa colunt, quos diues Anagnia pascit.

Hero, nēpō, puella formosissima, Veneris sacerdos, ex Sesto urbe Europæ ad Hellespōtum sita, & ex aduerso Abydo Asiæ ciuitati. quæ correpta amore Leandri adolelescētis Abydeni, lucernā accensā noctu ponebat in fastigio turris, ad cuius lumē Leāder natabat: sed aliquādo furentibus uētis & tēpestate suborta extincta est lampas, & natator submersus, cuius corpus cū forte fluctibus ad Sestō urbē delatū esset, Hero illud uidēs præ nimio dolore se è turri præcipitauit. Vide Ouid. in Epist. & Muscū, qui horum mutuos amores descripserunt.

Herostratus, uir quidam fuit, qui ut famam sui nominis dilatarct, templum clarissimum Dianæ Ephesiæ incendit, moxq; seipsum prodidit.

Hersilia,

**Hersilia**, uxor fuit Romuli, quam rapuerat Sabinis inter alias uirgines, cum ijdem ex inuidia filias suas Romanis clocare recusarent. Vide infrà Sabini. Hæc postea in Oran de am mutata est, ut ait Ouid. li. 14. Met.

— A cuius lumine flagrans

Hersiliæ crinis cum sidere cecit in auras.

**Hesiodus**, poëta, natus est in Ascre Boeotiae uicibus; hic missus à patre ad ouium custodiam dormiens somniauit se repente factum poëtam. unde Mantuan.

Tu sapis ut custos ouium Parnassidos Ascre

Incola, quem subito Musæ institucere poëtam.

Scripsit poemata, Theogoniam, Aspida, Heroidum mulierum catalogum, & quædam alia. Primus etiam agriculturæ præcepta tradidit. unde Ouid. lib. 6. Fast.

Ecce duas uidi, non quas præceptor arandi, &c.

**Hesione**, filia fuit Laomedotis regis Troiæ, quæ Hercules ceto expositam liberauit. Vide infrà Laomedon. Vergilius libro 8.

Nam memini Hesiones uisentem regna sororis

Laomedontiaden Priamum Salamina petentem, &c.

**Hesperia**, dicta est communi nomine Italia & Hispania: sed cum simpliciter dicitur, seu Hesperia magna, Italiã intelligimus. ut apud Verg. lib. 1. Aeneid.

Est locus, Hesperiam Graij cognomine dicunt.

Si uerò ultima additur, Hispaniam, quæ in Occidentis fine est. Horat.

Qui nunc Hesperia sospes ab ultima, &c.

Nomen autem sumpsit uel ab Hespero Atlantis fratre,

Iapeti filio: uel ab Hespero stella.

**Hesperides**, dicuntur filiae Hesperii, quæ hortum habuerunt in Libya, in quo arbores erant aurea mala ferentes,

q

quibus

quibus custodem adhibuerunt peruigilem draconem,  
quo tamē sopito & occiso, Hercules aurea poma sustu-  
lit. Vide supra Aegle. Verg. Eclog. 6.

Tum canit Hesperidum miratam mala puellam.

Hesperus, filius fuit Iapeti & frater Atlantis, qui à ger-  
mano regno pulsus in Italiam uenit, ibiq; regnauit, à  
quo Hesperia dicta est. Est etiam stella uespertina.

Hetruria, alio nomine Thufcia, & Hetruscia, regio est  
Italiae, quæ se à Tyberi ad occidentem usq; ad Liguriã  
extēdit, clauit olim maximè aruspicina, quã Tages ex  
hac regione oriūsus primus inuenerat. dictã Hetruriã  
quidam uolunt, quasi *ἡ τε πόσις*, ab *ἡ τε* pos, id est alte, &  
*ῥος*, id est, terminus, finis, quod eius fines tēdebātur usq;  
ad primā ripā Tiberis. Hetrusci, eiusdē populi. Claud.

Fulmineos sollers Hetruria consulat ignes.

## H I.

Hiarbas, (quidam aspirationem abijciunt) filius Iouis ex  
Garamatide nympha. Nam Iupiter à cōiuiuo Aethio-  
pum rediens, cū uidisset in ripa Bragadæ fluminis Ga-  
ramantidē nymphā, eius forma captus, cū ea concūbere  
optauit; nympa autē ipsum accurrētem uidens, fuga  
sibi consulere uoluit: uerū cancer quidā arrepto mini-  
mo pedis digito, maximo dolore eam affecit: quæ cum  
illū remouere conaretur, à Ioue superueniēte capta &  
cōpressa est: ex quo cōcubitu postea natus est Hiarbas.  
Iupiter autem cancri beneficij memor, eum inter astra  
collocauit. Higinus tamē à Iunone factum tradit, quod  
Herculis pedē mordicus arripuisset, dū ille Hydram ex-  
tingueret. Hic postea Getulorū rex, cum uiduā Didonē  
cogere uellet, ut sibi nuberet, ad inferendā sibi mortem  
compulit, ut ab historicis traditur. Vergili. lib. 4. Aeu,  
Destruat, aut captam ducat Getulus Hiarbas.

**Hiera**, insula est inter Siciliam & Liparen, Vulcano sacra, una ex Aeolijs. Est etiam nomen nymphe apud Maronem lib. 9. Aeneid.

Pandarus & Bitias Ideo Alcanore creti,

Quos Iouis eduxit luco sylvestris Hiera, &c.

Alij tamen Telephi Mysorum regis uxorem fuisse tradunt, & à Nereo interfectam, quod marito ab Achille vulnérato opem tulisset.

**Himera**, fluuius est per mediam Siciliam fluens. Est etiā urbis nomen eiusdem insulae, unde adiect. Himeræus, a, um. Silius libro 4.

Armauere suos quā mergitur Himera ponto.

**Hiolcon**, oppidum in Thessalia, quod Thracenses Aemonij condiderunt. Lucan. lib. 3. — Quorumq; labore

Thessalus Aemoniam uomer proscindit Hiolcon.

**Hippocrates**, medicus fuit insignis ex insula Cō, unde & Cōus appellatur. Aufon.

Cincta mari tellus quæ creat Hippocratem.

**Hippocrene**, fons est Bœotiae in Helicone monte, Musis & Apollini sacra, quem equus Pegasus pedis ungula elicit, unde & nomen traxit. ἵππος enim Græci equum uocāt, πῦρ fōntem. Alio nomine Caballinus uocatur. Ouidius lib. 3. Pastor.

Dicite quæ fontes Aginippidos Hippocrenes.

**Hippodame**, es, quæ & Hippodamia, & Hippocatia ab alijs nominatur, Atrati filia & uxor Pirithoi, in cuius nuptijs Pirithous uicinos populos uocauit ad festum. Cumq; in huius sacris omnes Dij honorarentur præter solū Martē, factū est, ut Mars indignatus Cētauris furem immiscrit: qui statim contra Lapithas pugnarunt, rapientes etiam quisq; , quam poterat uirginem.

Verum Pirithous Thesei ope adiutus plurimos Centauros neci dedit recepta etiā spōsa. Ouid. lib. 12. Met.

Duxerat Hippodamen audaci Ixione natus, &c.

Idem in Epist. —Indicere bella coëgit

Atracis Aemonios Hippodamia viros.

Hæc à Propertio lib. 2. Atalanta Ischomache dicitur:

Qualis & Ischomache Lapithæ genus heroinæ.

Hippodamia, à Propertio Ischomache dicta, filia fuit Ocnomai regis Pise atq; Elidis, qui cū ex oraculo, se à genero interceptum iri didicisset, & illa tamen à multis procis ob formæ præstantiam expeteretur, curule certamē procis instituit cum ipsa (habebat enim equos uelocissimos, qui ex uentorum flatu creati erant) ea lege, ut qui uinceret, filiam haberet, uictus subiret mortem. Tredecim igitur uictis & occisis, Pelops Tantali filius uisa illa puella eius amore protinus exarsit. cuius nuptias ut assequeretur, Myrtilum eius aurigā pollicitis corrupit, sic ut ille axes infirmos & fragiles subiunxerit, uel ut alij uolunt, obieci axi non obiecerit: & sic fracto uel dissoluto curru, Oenomaus excidit, mortuusq; Myrtili caput deuouit, precādo ut & post à Pelope occideretur, quod & factum est. cū enim pollicita à Pelope postularet, ab eodē in mare deiectus est, atq; hoc modo Pelops puella & regno potitus est. Alia item fuit Hippodamia Brise filia, quam Achilles expugnato Lyrnesso oppido secum abduxit: hæc tamen postea semper à patris nomine Briseis appellata est. Alia quoq; Hippodamia fuit Anchise filia, quæ Alcatoo Troiano in uxorem data est, quem postea Idomeneus Cretensis in pugna occidit.

Hippolyte, Acasti Magnesie regis fuit uxor, alio nomine

mine Creteis: cuius fabulam uide suprâ de Acasto.

Hippolyte, alia, fuit Amazonum regina, quam Hercules pralio uictam Theseo bellorum socio in uxore dedit (detraçto tamē prius balthæo, quem ad Eurystheum detulit) cui Hippolytum genuit. Proper. lib. 2.

Felix Hippolyte nuda tulit arma papilla.

Hippolytus, filius fuit Thesei & Hippolytes Amazonis: qui cum studio conseruandæ castitatis hominum consortia deuittans, assidue in syluis uenationibus sese exerceret, à Phædra nouerca, quam pater mortua priorē coniuge induxerat, adamatus est tam uehementer, ut illum etiam de stupro appellarit. sed cum ille consentire nollet, depecta apud maritum eum falsi criminis detulit. Qui iratus inuocauit patrem Aegeum, ut Hippolyto currū agitati iuxta mare, phocas immitteret, quibus emissis equi territi currum ruperunt, ipsumq; Hippolytum discerpsērūt: quo audito, Phædra nimio amore flagrans, laqueo gulam fregit. Alij tamē dicunt, quod cum Phædra priuignū in suā sententiam trahere non posset, laqueo se suffocarit, relictis literis, quibus Hippolytum stupri arguebat, suæq; mortis uocabat authorē. Postremò Aesculapius rogatu Dianæ, quæ Hippolytum unice amabat, eum uitæ restituit, quæ postea dea in Aritium nemus deduxit, & Aegeriæ nymphæ curandum tradidit, eumq; Virbium appellauit, quasi bis uirum, cum prius ab equis dissolutus fuerit, unde & Hippolytus dictus. Et licet ab omnibus poetis pudicitiae exemplar ostentetur, filium tamen suscepisse ex nobili quadā fœmina Aritia nomine, eundemq; Virbium nominasse, Verg. lib. 7. Aeneid. author est, cum inquit, Virbius, insignem quem mater Aritia misit.



Hippomenes, ut inquit Ouid. lib. 10. Metam. Megarci fuit filius & Neptuni pronepos: ut alij, Martis, qui Atalanta Schænei, seu Iasij filiam cursu pedum uictam in uxorem duxit. sed cum neglecta religione, in Cybeles tēplo rē uenereā fecissent, ambo mutati sunt in leones, ut suprā dictū est de Atalāta posteriore. Ouid. lib. 10.

Quid me sollicita proles Neptunia uoce  
Inuocat Hippomēnes, &c.

Hipseus, filius fuit Asopi fluminis, qui Etheocli in auxilium uenit aduersus Polynicen. Stat.

Hipsea quadrijugos clypei septemplete tuiro, &c.

Hispania, magna Europæ regio, fertilitate insignis, quæ Aphrica, Gallia, & Pyreneis montibus clauditur: est autem duplex, citerior & ulterior. Citerior prouincias habet Gallatiā, Taraconensem, & Carthaginensem. Ulterior uerò diuiditur in Bethicam & Lusitaniam, quæ nūc Portugallia dicitur. Dicta alio nomine Iberia ab Ibero insigni eius flumine: itē Hesperia, ut superius auditum est. Hispaniam uerò nominatam uolunt, uel ab Hissalo rege, uel ab Hissali eius urbe, quam nostrates Siliam uocant. Hispani, populi. Tibullus lib. 4.

—Nec latis audax Hispania terris, &c.

H O.

Homerus, Græcorum poëtarum maximus, & reliquorū poëtarū fons, ut asserit Ouid. prius Melesigenes dictus, deinde à cæcitate Homerus, quod lingua Ionica cæcū sonat. Lippum fuisse credo, quoniā omnino cæcū fuisse, ut quorūdam opinio est, credibile non uidetur. quomodo enim uisu priuatus regum atq; principū officia, & mores uitamq; aulicam, aliaq; permulta adeo exactē describere potuisset, nisi ferē ab ineunte ætate cum maximis



ximis etiam uiris uersatus fuisset? Probabilior itaq; ratio esse uidetur, aut aegris illū fuisse oculis, aut in ipsa senectute oculorum usu caruisse. Sed ut ad rem redeam, scripsit duo opera, alterū de bello Troiano, quod Ilias dicitur: alterum de Vlysse, quod Odyssea nominatur: quæ postea Aristarchus grammaticus in ordinē redegit. Reliquit & alia opuscula. De patria eius magna est diuersitas. Nam

Septem urbes certant de stirpe insignis Homeri,  
Smyrna, Rhodos, Colophon, Salamin, Ios, Argos,  
Athenæ.

Homole, uel ut alij, Homolus, & Hotris, montes sunt Thessaliæ. Verg. lib. 7.

Ceu duo nubigenæ cum uertice montis ab alto  
Descendunt, Homolen Hotrinq; niualem, &c.

Horatius Codes, Romanus uirtute insignis, qui obfessa à Porsena rege Hetruscorum Roma, pro ponte Sublicio stetit, sustinuitq; solus hostilem impetū, donec pons à tergo incideretur, quo cum armatus in Tyberim decidit: sed natandi arte peritus euasit, amisso tantum altero oculorum. unde Cocles uocari cœpit. Vergilius lib. 8. Acneid.

Aspiceres, pontem auderet quòd uellere Cocles.

Hotris, uide Homolen.

## H V.

Hunni, gens fuit Scythica, quæ circa Mæotidem paludem habitauit: hi pertæsi pristinae sedis, egressi duce Atila per totam Italiam & Galliam peruagati sunt: tandem reuersi in Pannoniam se contulerunt. hodie Vngari uocantur. Claudianus:

Iam parat insidias, qui nos aut turpibus Hunis, &c.

Hyacinthus, Amyclæ fuit filius, facie honestissima, qui ab Apolline & Zephyro uento simul adamat<sup>us</sup> est. sed cum in Apollinis amorem magis inclinaret, ob zelotypiā in se Zephyrū armauit. Quum igitur disco se cū Apolline exerce<sup>re</sup>t, Zephyrus uehementius flare coepit, discumq; ab Apolline in aërem cōiectum ita repercusit in Hyacinthū, ut puerū interfec<sup>er</sup>it. Quapropter dolens Apollo eū in florē sui nominis cōmutauit. Verg.

Munera sunt Lauri & suauē rubens Hyacinthus.

Hyades, septem fuerunt Atlantis filiæ ex Aethra coniuge, quæ cum Hyantem fratrem in uenatione in Libya à serpente morsu, uel ut alij uolunt, Icaena interfectum, nimium deflerent, luctu contabuerunt: sed tandem à Ioue inter sidera collocatæ sunt, & à pluendo, quod Græcis ὕαξ est, uel à fratre Hyades dictæ. Sunt autem septē stellæ in capite Tauri, quæ quoties oriūtur uel occidūt, pluuias creāt. Vocātur & Atlātides, itē Succulæ. Oui.

Ora micant Tauri septem radiantia flammis.

Nauita quas Hyadas Graius ab hymbre uocat.

Hyantes, populi sunt Boeotiæ. Hyantia, illorum urbs, à qua incolæ Hyantiij uocantur. Ouidi. lib. 3. Metam.

Cum iuuenes placido per deuia lustra uagantes

Participes operum compellat Hyantius ore, &c.

Actæonem intelligens.

Hyas, filius fuit Atlantis & Aethræ, puer formosissimus.

Ouidius lib. 5. Fastor.

Nondum stabat Atlas humeros oneratus Olympo,

Quum satus est forma conspiciendus Hyas.

Hybla, mons est Siciliae, apibus & optimi mellis abundans, ut Hymettus in Attica, Ouid.

Quot

Quot lepores ī Atho, quot apes pascūtur in Hybla.  
 Hinc Hyblæus, a, um. Vergil. Hyblæis apibus, &c.  
 Hydaspes, magnus fluuius est, qui per Parthos & Me-  
 dos fluens in Indiam extenditur, Nysamq; urbem allu-  
 ens, Indo flumini miscetur. Alij non in Indū, sed in ma-  
 re labi tradunt. Lucan. lib. 8.

Quā rapidus Ganges, & quā Nysæus Hydaspes  
 Accedunt pelago, &c.

Hinc fit adiect. Hydaspheus, a, um, apud Claudian.  
 Hydra, serpens fuit multorum capitum in Lerna palu-  
 de prope Argos, cui si unum recidebatur, statim duo  
 suppullulabant: cumq; totam illā regionem deuastaret,  
 Hercules eò profectus, claua primū percussit: sed cum  
 pestiferum, quem emittebat, odorē perferre nequiret,  
 sagittas immisit: postremò cum sese solitis cauernis cō-  
 didisset, congesta lignorū strue, igne cōsumpsit. Verg.

Proxima Lernæam ferro & face cōtudit Hydram.  
 Hydrus, mons est Apuliæ, iuxta quem est oppidum eius-  
 dem nominis. Est & nomen fluuij, qui in Adriaticum  
 mare effluit. Lucan. lib. 5.

Et cunctas auocare rates, quas auisus Hydrus, &c.  
 Hyerus, pauper quidam fuit, qui à Ioue, Neptuno, &  
 Mercurio, hospitio susceptus, Oriona filium suscepit.  
 uide infra. Ouid.

Hunc Hyerus, quia sic genitus, uocat Vriona:  
 Perdidit antiquum littera prima sonum.

Hylas, filius fuit Thyodamātis, seu Theodamātis, ut qui-  
 dam scribunt, quem Hercules rapuit. Cum enim ex Ca-  
 lydonia occiso Oenei pincerna iugeret, uenissetq; cum  
 Deianira & Hylo filio in Dryopes: & esurienti pue-  
 ro, cum Lycus pædagogus abesset, à Theodamante a-

liquid cibi postulasset, ille autem denegasset, arreptum unum ex bobus Theodamantis mactauit, atq; coxit. Quamobrem Theodamas conuocatis popularibus arma aduersus Hercule mouit: & quauis in ea pugna ferè oppressus fuerit Hercules, tamè uictoriam obtinuit, & occiso Theodamate Hylā filium eius secū abduxit: quem postea unicè dilexit, secumq; cum reliquis Argonautis Colchos nauigans duxit. sed cum in Mysia ad hauriendam aquam Ascanij fluuij se extulisset, nimio pondere demersus est: unde postea poëta finxerūt Hylā à nymphis raptum. Hercules autē interitum eius sic doluit, ut relictis Argonautis retrò abierit, Hylamq; per omnem regionem requisierit. Iuuenal. Sat. 1.

Et multum quæsitus Hylas, urnamq; secutus.

Hyle, oppidi nomē est apud Stat. Qui breue littus Hyles. Sed Hylea gens, prima longa, Sarmatæ dicūtur à Valer. Flac. eò quòd in syluis maximam uitæ partem degant. Vñ enim Græcis syluam sonat.

Hyleus, Centauri nomen est, de quo Vergil. lib. 8.

—Tu nubigenas inuicte bimembres

Hyleumq; Polumq; manu, &c.

Hyllus, filius fuit Herculis ex Melita Aegei fluminis filia, à quo Hyllinenses populos, & Hyllicū portum denominatum tradunt. Quidam tamen hunc & sequentem unū fuisse existimant. Quibus etiā Ouid. in Epist. Deianiræ ad Hercule, ad stipulari uidetur, cum inquit: Mater abest, queriturq; deo placuisse potenti.

Nec pater Amphitryon, nec puer Hyllus adest.

Nisi fortè per Epenthesin alterum l, sit interpositum.

Hylus, simplici l, alius fuit filius Herculis ex Deianira, qui Iolen, patre mortuo, in uxore duxit, ut ait Ouid. lib. 9. Metam. Hic postea cum cæteris fratribus, qui ex

*Hercule superstites fuerunt, ab Eurysteo pulsus, Athenas confugit, ibiq; Misericordiae, uel Clementiae templū condidit, in testimonium auxilij ab Atheniensibus impensi, & in posterum deiectorum refugium. Seneca in Tragœdia Hercul. Oethci:*

.. Si uera pietas Hyle quærenda est tibi,  
Iam perime matrem.

*Hymella, fluuius est Italiæ. de quo Verg. lib. 7.*

- Qui flumen Hymellæ,  
Et Tyberim Fabarimq; bibunt, &c.

*Hymenæus, ut quidam arbitrantur, Bacchi & Veneris filius: alij tamen ferè omnes ex Apolline & Calliope progenitum affirmant. Catullus uerò non Calliopem, sed Vraniam matrem dicit. Deus nuptiarum fuit ab antiquis habitus, quòd primus certas nuptias instituerit. Quanquàm non desint, qui Argium iuuenē fuisse dicunt, & in itinere cum Athenas nauigaret, puellas Atticas, quæ à Pelasgis rapiebantur, liberasse, & ob id in nuptijs eum inuocatum esse. Nomen autē traxit uel ab hymene pellicula: uel à valeo, quia simul sponsus & sponsa habitare incipiant. Ouidius:*

Turpia formosus corpora iungit Hymen.

*Hymettus, mons est Atticæ clarus, apibus & copia optimi mellis abundans. Ouid. lib. 7.*

Vertice de summo semper florentis Hymetti.

Ab eo fit Hymettius, a, um.

*Hypanis, Scythiæ fluuius, qui ex Scythiæ montibus oriens dulcissimum saporem habet: sed quatuor dierum nauigatione à mari admodum amarus efficitur à fonte quodam Exampeo. Ouidius uerò mari causam adscribit lib. 3. Metam.*

Quid

Quid non & Scythicis Hypanis de mōtibus ortus,  
Qui fuerat dulcis, salibus uitiatur amaris?

Alius est in India, de quo Solinus.

Hypæpa, orum, urbs est, quæ occurrit à Tmolo monte  
ad Caystri cāpestria. Nomen habet ab ὑπὸ, id est, sub.  
& ἄκρος, id est, cacumen, quòd sub monte iaceat. Ouid.  
lib. 6. Metam.

Orta domo parua paruis habitabat Hypæpis.

Hyperborei, populi sunt septentrionales, ultra Rhiphe  
os montes, qui felicem & longissimam uitam degere  
dicuntur. Inde Hyperboreus, a, um, id est, septen-  
trionalis. Iuuenal.

Exul Hyperboreum si demittatur ad axem, &c.

Hyperion, ὕπεριον, Titanis & Terræ filius, pater Solis  
& Lunæ: quandoq; pro ipso sole ponitur. Verg. in  
Prognosticis:

Vt cum Luna means Hyperionis officit orbi.

Dictum putant, quòd fuerit homo magnæ præeminen-  
tiæ, qui supra cæteros incesse-rit.

Hypermestra, filia fuit Danai, quæ iugulātibus cæteris  
quadraginta nouem sororibus, sola marito suo Lynceo  
seu Lino pepercit: ob quod factum à patre in carcerem  
coniecta est: sed postea à Lino liberata. Vide supra Be-  
lides. Ouidius in Epist.

Mittit Hypermestra de tot modo fratribus uni,

Cætera nuptarum crimine turba iacet.

Hypsiphyle, filia Thoantis regis Lemni, de qua ita fa-  
bulantur poëtæ. Cum mulieres in Lemno uiros omnes  
communi cōsilio una nocte necassent, ipsa patrem sala-  
uauit, & dimisit. Deinde cum Argonautæ Lemnū ue-  
nissent, Iasonē hospitio suscepit, cuiusq; amore capta cū  
co con-

eo cōcubuit, unde peperit gemellos, abeuntē uerò mul-  
tis lacrymis prosequuta est, nec quengquam post Iasonē  
amauit. Postea cum Lemniades eam ad supplicium po-  
suerent, quod patrem seruasset, fugiens à pyratis ca-  
pta, Lycurgo regi Nemeæ tradita est: cuius filiū Ophel-  
ten cum nutriret, Argiuis Thebas petentibus Langiā  
fontē ostendente, puer in herba relictus à serpēte est oc-  
cisus. Quā cum postea Lycurgus ob filij necē occidere  
uellet, à Græcis defensa et seruata est. Proper. lib. 1.

Hypsiphyle nullos post illos sensit amores,

Vt semel Aemonio tabuit hospitio.

Ab ea Hypsiphylæa dicta est Lemnos insula: Oui-  
dius lib. 3. Fastorum:

Vulcanum tellus Hypsiphylæa colit.

Hyrcania, Scythiæ regio inter mare Caspium, Armeni-  
am, et Albaniam sita, abundat tigris, pantheris, et  
pardis. Nomen accepit ab Hyrcana sylua. Inde Hyr-  
canus, a, um. Martialis.

Lambere securi dextram consueta magistri,

Tigris ab Hyrcano gloria rara iugo.

## DE L I T E R A I.

### I A.

**I**acchus, Bacchi nomen est, à Græco uerbo, ἰαχχω, id  
est, uocifero. Ponitur quandoq; pro uino Metonymi-  
cōs. Verg. Eclog. 6.

Inflatum hesternis uenas, ut semper, Iaccho.

Iader, fluuius est Dalmatiæ, in Adriaticū mare defluens,  
iuxta quem oppidum est Iadera. Lucan. lib. 4.

Et tepidum in molles Zephyros excurrit Iader.

Ialmenus, uide supra Ascalaphus.

Ianus, rex fuit Italiæ, quem geminam faciem prætulisse  
serunt:



ferunt: quod ad regis prudentiam solertiamq; referendum est, qui & praterita nosceret, atq; prospiceret futura, unde etiam bifrons dicitur. Hic Saturnum classe profectum suscepit hospitio, & quoniam ab eodem ruris agriculturam edoctus est, regni partem illi concessit, amboq; unà regnarunt concordēs, uicinaq; oppida communi opera condiderunt. Romani hunc omnibus ianuis praeesse crediderunt, unde & clauigerum ipsum uocarunt. Alij per Ianum Solem intelligunt, quod oriens aperiat diem, occidens claudat. Alij mundum intellexerunt, Ianumq; ab eundo dictum, quod mundus semper eat, dum in orbem uoluitur. Ianuarius mensis cū sacer fuit. Templum habuit Romæ ad infimum Argiletum à Numa Pompilio positum, quod tempore belli patebat, pacis uerò claudebatur. Ianus quoq; locus erat Romæ in regione Basilicæ, ubi foceratores consistebant, quoniam in eo Iani simulachra collocata uidebantur. Ouidius:

Qui puteal, Ianumq; timent, celeresq; Calendas.

Ianiculum, oppidum fuit à Iano conditum, quod postea urbi additum est. Verg. lib. 8.

Hanc Ianus pater, hanc Saturnus condidit urbem.

Ianiculi huic, illi fuerat Saturnia nomen.

Iapetus, filius fuit Titani & Terræ, uir quidem potens, apud Thessalos, sed proterui ingenij, magisq; filiorum quàm sua uirtute clarus. Ferunt hunc Asiam nymphā in uxorem duxisse, & ex ea Hesperum, Atlantem, Epimetheum, & Prometheum suscepisse. Vale. Flac. lib. 1.

Iapeti post bella truci, Phlegræq; labores.

Iapis, Acoli cuiusdam filius, qui cum ad regionem Venetiæ uenisset, oppidum de suo nomine cōdidit, à quo ea pars,

pars, ubi Timaeus fluvius est, nomen sumpsit. Verg.  
lib. 2. Georg.

Castella in tumulis, & Iapidis arua Timavi.

Iapix, peculiaris uentus est Apuliae, qui aduersus Eurum  
flare uidetur. Horat. lib. 1. Carm.

Ventorumq; regat pater

Obstrictis alijs praeter Iapiga.

Inde Iapigia dicitur Apulia (quamuis quidam ab Iapyge Dædali filio dictam putent, & ultimam per y, scribant). Iapigium uero Salentinorum promontorium est. unde Verg. lib. 11. inquit:

Victor Gargani condebat Iapigis aruis.

Iasion, quem Diodorus lib. 6. Iasium uocat, Iouis & Electrae fuit filius. Hic, ut idem autor est, adeo à Cerere adamatus est, ut in eius gratiam ad nuptias Hermiones ipsius Iasij sororis maximam frumenti & panis copia attulerit, ac ex eo Plutum pepercrit, qui cultum uitae instituerit, pecuniasq; coacervare, ac in usus custodire omnium primus docuit, cum antea parua congreganda seruandaeq; pecuniae fuisset cura. Alij addunt fabulae, cum postea à Ioue ex inuidia fulminatum: quamuis non desint, qui aliam mortis causam ponant, nepe quod si mulacrum eius contumelia affecerit: hunc quoq; alio nomine Actionem uocant. De Pluto seu Plutone etiam infra paulo aliter. Ouid. lib. 9.

— Queritur canescere mitem Iasiona Ceres, &c.

Iasius, filius fuit Abantis Argiuorum regis, à quo Graeci Iasidae, & Iasis uocatur Atalanta eiusdem filia. Fuerunt & alij huius nominis uiri, unde est Iasides Palinurus, & Iasides Iapis, apud Maronem lib. 12. &c.

Iason, filius fuit Aesonis ex Polymila, seu ut alij uolunt,  
Alcimedea,

Alcimedē, quem pater moriens Peliae fratri in tutelam commendauit ( licet alij alia recensent ) tradito etiam regno, ea tamen lege, ut illud adulto Iasoni restitueret. Porro Alcimedē suspectum habens Peliam, Iasonem Chironi alendum dedit. Itaq; Iason adultus ad repetendum paternum regnum uenit, sed Pelias commentus fraudem, Iasonem Colchos ad auferendum aureum uellus nauigare iussit. Quae res licet primò impossibilis uideretur Iasoni, tamen preparata Argo naui cum reliquis heroibus Colchos profectus est. Intē nauigādū autē primum ad Lemniades uenit, ubi ab Hypsiphylē & hospitio & thalamo susceptus est, ut suprà dictū. deinde ad Phineū regē, à quo muneris loco edoctus est, quomodo per Cyaneas petras inter se concurrentes ad Colchos usq; tutò nauigare posset. Quò cū peruenisset, à Medea Colchorum regis filia receptus est: quae illius pulchritudine capta, se eidem nupturam spondit, monstrauitq; qua ratione tauri arripedes, igniuomūq; & ipse draco peruigil domari posset. cuius cōsilia secutus Iason aureum uellus sustulit, & inde clam cum socijs & Medea fugam arripens, ad Istri ostium peruenit: quod ingressus ad eam usq; partem uectus est, in qua diuisus Ister in mare Adriaticum defertur. Tandem in patriam redijt cum aureo uellere. Alij uerò per eandem uiam, à qua abierat, reuersum affirmant, ubi duos filios ex Medea suscepit. Sed cū postea Creusae Creontis Corinthiorum regis filiae amore flagraret, repudiata priore coniuge, hanc in uxore duxit. Quod ut ulcisceretur Medea, Creusam cum regia exussit, ut suprà dictū est. Postremò Medae denuo iunctus, Colchos redijt, & Aetā regno pulsum reduxit in imperium,

imperium, aliaq; multa per Asiam egit magnifica, adeò  
ut ipsi diuini honores decernerentur. Ouid. lib. 7.

Multaq; perpeſſi claro sub Iafone tandem, &c.

Iasonides, patronym. apud Statium:

Ecce Iasonidæ iuuentis noua gloria matris,

Hypsiphyles, &c.

## I B.

Iberus, fluuius est Hispaniæ ulterioris, à quo ipsa regio  
Iberia uocata est. Hic Cantabros alluēs Balearicū ma-  
re ingreditur. Iberi, populi Hispaniæ, iuxta hunc flu-  
uium habitantes. Lucan. lib. 2.

Quiq; feros mouit Sertorius exul Ibros, &c.

Iberus, a, um, adiect. apud Verg. lib. 9.

Iberes, in tertia declinatione, populi sunt prope Arme-  
niam. Lucan. — Occurrat Iberibus alter, &c.

## I C.

Icarius, Atheniensis, filius Oebali, & pater Erigones,  
qui cum Bacchi comes fuisset, ab eo accepit, ut uinum  
mortalibus exhiberet. Quod cum messoribus, seu ut al-  
ijs placet, pastoribus ultra debitū exhibuisset, ab iisdē  
iam incbriatis apud Marathonem uenationi uacans in-  
terfectus est. Quod cum Erigone cognouisset, laqueo  
uitam finiuit, ut suprā annotauimus. Icarium uerò po-  
stea in Booten uersum quidā fabulantur. Alius fuit Ica-  
rius Lacedæmonius, pater Penelopes. Ouid. in Epist.

Me pater Icarius uiduo discedere lecto

Cogit, & immensas increpat usq; moras.

Icaris, idos, apud Nasonem, & Icariotis, idos, apud Pro-  
pertium, est Penelope.

Icarus, filius fuit Dædali, qui cum patre metu Minois  
regis ex Creta fugiens, fretus alarū, quas pater fecerat,

r

fiducia

fiducia, dum altius euolaret, liquefacta à Sole cera,  
qua pennæ erant conglutinatae, in mare cecidit, quod  
ab eo Icariū nominari postea cœpit. Ouid. lib. 3. Trist.

Quid fuit ut tutas agitare Dædalus alas,  
Icarus immensas nomine signet aquas?

Ichnūsa, dicta est insula Sardinia, quod ad similitudinem  
uestigiū facta sit. est enim Græcis Ἰχνοῦς uestigium. Silius  
libro duodecimo:

Inde Ichnusa pijs Graijs memorata colonis, &c.  
Vide infrà Sardinia.

## I D.

Ida, mons est Phrygiæ, aquis & fontibus abundans, ex  
eo enim Scamander & Simois, & Esopus scaturiunt,  
parua quidem flumina, cum mox à mari absorbeantur,  
celeberrima uerò propter ea quæ gesta sunt apud Iliū.  
In hoc quoque mōte Paris sententiā tulit pro Venere de  
pomo aureo aduersus Palladē & Iunōnē. Oui. li. 6. Fast.

Nec quas Priamides in aquosa uallibus Idæ  
Contulit, ex illis sed tamen una fuit.

Alius est in Creta altissimus, qui multis urbibus cingi-  
tur. Vergilius lib. 12.

Dictæmum genitrix Cretæa carpit ab Ida.

Hinc Idæus, agum.

Idæle, oppidum est in Troade, ut inquit Plinius. De hoc  
quoq; Lucanus libro 3.

Mysiāq; & gelido tellus perfusa Cairo

Idalis, & nimium glebis exilis Arisbe.

Idælus, mons est Cypri, olim Veneri sacer (unde et iam  
Idalia dicta) ad cuius radices situm est Idalium op-  
pi dum à Chalcenore conditum. Verg. libro 10.

Est Amathus, est celsa mihi Paphos, atq; Cythera,  
Idali æq;

Idaliæq; domus, &c.

Idas, Apharci filius fuit nomine, re autem ipsa Neptuni, qui acceptis à patre uelocissimis equis Marpißam filiam Eueni regis Aetoliæ, Martis filij, elegantissimam in Dianæ luco saltantem rapuit. Ob quam rem eiusdē pater (qui nulli procorū filiam suā dare uoluit, nisi certamine cursus fuisset uictus, à se autem uictos decollare, eorumq; capita in aliorum terrorem de muris ædium suarum suspendere solebat) dolore commotus, interemptis, quos habebat, equis, se in fluuium Lycorinam, qui postea ab ipso Eucnus dictus est, præcipitauit. Ceterū fugiēti cum puella Idæ Apollo in itinere obuiam uenit, qui cum Marpißam & ipse præripere Idæ uellet, uentum utrinq; ad certamen est. Sed à Ioue missus Mercurius arbitrium Marpißæ commisit, ut ipsa utrū uellet eligeret: illa autem Idam elegit, uerita ne sese ætate prouectam Apollō relinqueret.

Idomeneus, Deucalionis filius, Cretēsiū rex, qui in bello Troiano strenuē contra Troianos militauit. Tandē delecto Ilio, cū in patriā nauigare uellet, tempestatem passus pro salute sua superis uouit, si sospes domum rediret, se illud quodcunq; primum occurreret, immolaturum. Cū igitur iam Cretam appulisset, contigit ut filius desiderio uidendi patrē, primus illi fieret obuius, quē cum immolasset, siue ut alij habēt, immolare uellet, ob immanitatē suam à ciuibus pulsus est. Arrepta itaq; naui in Italiam uenit. Vergilius libro undecimo:

Regna Neoptolemi referam, uersosq; penates

Idomenei, Libyco uē habitantes littore Locroſo

Idumæa, regio est Syriæ, à Meridie Arabiam, à Septentrione Phœniciam habens. In ea est Idume, urbs



finitima Phœnicia, palmis abundans. *Lucan. lib. 3.*

Gazaq; & arbusto palmarum diues Idumæ.

Idumæus, a, um, apud *Maron. lib. 3. Georg.*

Idya, dicta est à Cicerone mater Medea, quam *Ouid. I.*  
ipseam uocat, cum inquit:

Non erat Aetes, ad quem despecta rediret,

Non Ipsea parens, Chalciopeq; soror.

I . L.

Ilerda, ciuitas est Hispania, non procul à Pirenaeis mon-  
tibus. *Lucanus;*

—Altaq; ad mœnia rursus Ilerdæ.

Ilia, quæ & Rhœa, Numitoris Albanorum regis filia,  
quam Amulius pulso iam Numitore fratre, & inter=  
fecto eiusdem filio Lauso, uirginem Vestalem fecit, ut  
habendæ prolis occasionem adimeret, & ne quid su=  
peresset de prole Numitoris. Veruntamen Ilia, dum a=  
quâ pro sacris quæreret, obdormiuit, & in somnis illi  
uisum est, se à Marte opprimi, & sic geminos conce=  
pit: quos cum peperisset, partum exponi iussit, matrēq;  
Iliam uiuam apud Tyberim fluuium infodi: unde poë=  
tæ eam Tyberi nupsisse fingūt, qui ob id quoque Vxo=  
rius amnis ab Horatio libro 1. *Carm. dicitur.* Verum  
quomodo actum sit de pueris, uide supra de Amulio.  
*Verg. lib. 1. Aeneid.* —Donec regina sacerdos

Marte grauis geminam partu dabit Ilia prolem.

Ilione, filia fuit Priami ex Hecuba, natarum maxima,  
quæ ratione ueteris hospitij, & insignis amicitiaë Po=  
lymnestori regi Thraciæ matrimonio iuncta est. *Verg.*  
*lib. 1. Aeneid.*

Præterea sceptrum Ilione quod gesserat olim

Maxima natarum Priami, & c.

Ilioneus



**Ilioneus**, Phorbantis fuit filius: qualis autem in bello fuerit, nusquam legitur, eloquentia uerò excelluisse Vergilius autor est, delectoq; Ilio cum Aenea fugisse, & apud eundem legati uice functum. Verg. libro primo:

Postquam introgressi, & coram data copia fandi,  
Maximus Ilioneus placido sic pectore cœpit.

**Ilithya**, penul. long. dicta est Lucina, seu Diana, quæ parturientibus adesse dicebatur. Ouid.

Præpositam timidis parientibus Ilithyam.

**Ilium**, urbs fuit Phrygiæ, à Dardano Iouis filio condita, ab Ilo uerò rege ampliata, & Ilium nominata, cum ante Troia à regione illa, in qua sita fuit, diceretur: mille quingētis passibus distans à portu. Regia fuit Priami: postea uerò ob Helenam à Paride raptam decennali bello obfessa, ac demum expugnata est. Verg. lib. 2.

— Ccciditq; superbum

Ilium, & omnis humo fumat Neptunia Troia.

Hinc fit Iliacus, a, um, id est Troianus. Iliadæ, ipsi Troiani: Iliades fœminæ Troianæ: & Ilias opus Homeri, quod de bello Troiano scripsit.

**Illyris**, seu Illyria, seu Illyrium, regio est Europæ satis ampla, quæ Italia, Germania, Macedonia, Epiro & Adriatico mari terminatur. Alio nomine Dalmatia, hodie uero Sclauonia uocatur. Dicta ab Illyrico Polyphemus, seu Cadmi filio. Hinc Illyricus, a, um. Verg. 8. Ecl.

Tu mihi seu magni superas iam saxa Timauis,  
Siue oram Illyrici legis æquoris, &c.

**Ilua**, insula est in mari Mediterraneo, Tusciæ adiacēs, ferri fodinis nobilitata. De hac Verg. lib. 10. Aeneid.

— Ast Ilua trecentos

Insula inexhaustis Chalybū generosa metallis, &c.

Ilus, Trojs regis fuit filius, qui Ilium ampliassse traditur.  
nam à Dardano fundata est, Vergilio teste, qui inquit:

Dardanus Iliacæ primus pater urbis & author.

Porro iam senior Laomedontem regni heredem reliquit. Hoc quoq; nomine appellatus fuit Ascanius Aeneæ filius. Verg. lib. 1. Aeneid.

At puer Ascanius, cui nunc cognomen Iulo,  
Ilus erat, cum res stetit Iliæ regno.

## I N.

Inachus, primus rex fuit Argiuorum, & pater Ius, à quo ipsa Inachis, & Inachus, fluuius Achaïæ, & Inachia regio uocatur. Inachius, 4, um. Verg. lib. 11.

Si duo præterea tales Idæa tulisset

Terra uiros, ultrò Inachias uenisset ad urbes

Dardanus, &c.

Inarime, insula est in mari Thusco, alio nomine Aenaria, in qua mons fuit, qui terræmotum passus alterā fudit insulam, quæ Prochyta, ab effusione dicta est. Sub hanc quoq; insulam Typhæa gigantem à Ioue detructum, Vergilius his uersibus declarat:

Tum sonitu Prochyta alta tremit, durumq; cubile

Inarime Iouis imperijs imposita Typhæo.

Vide suprâ Aenaria.

India, prima & maxima regio est Orientis, sic dicta ab Indo flumine, frugibus, gēmis, unguētis preciosissimis, auro item & argēto abundantiſſima: Elephantos quoq; habet maximos, unde à poētis multis in locis diues appellatur. Horatius libro 3. Carmi.

Theſauris Arabum, & diuitis Indiæ, &c.

Indi, populi. Indicus, 4, um, adiect.

Indus, maximus est Indiæ fluuius, qui in Cybiratarum montibus

montibus oriens, sexaginta fluuios, torrentesq; ultra centum exeipiens, in mare Indicum labitur. Crocodilos nutrit, ut Nilus Aegypti fluuius.

**Ino**, quam alij etiam Inoën appellant, filia fuit Cadmi & Harmonia, uel Hermiones, ut reliquis placet: nuntrix Liberi patris, & uxor Athamantis: quem cum uiddisset furijs agitatam Learchum filium occidisse, cum altero filio Melicerto fugâ arripuit, & ambo se è Scyronis saxo præcipitantes, in marinos deos à Neptuno sunt conuersi, illa in Leucotheam deam, filius uerò in Palamonem, qui & Portumnus dicitur. Ouidius:

Leucotheaq; deum cum matre Palamona duxit.

Ab ea fit Inous, a, um, media longa.

**Insubria**, regio est Gallia Cisalpina, cuius populi Insubres dicuntur, qui Mediolanum & alia loca tenuerunt.

## I O .

**Io**, filia fuit Inachi regis Argiuorum, quam cum Iupiter ob formæ elegantiam maximè diligeret, ab Inacho fluuioredeuntem tenebris superinductis detinuit & oppressit. Iuno autem ex alto tenebras uidens, suspicata maritum suum alterius amore frui, in terras descendit, tenebrasq; soluit. Quod Iupiter sentiens, ne pateret crimen, puellam in uaccam transformauit, eamq; Iunoni poscendi ægrè cõcessit. Iuno autem nec tam suspicionibus libera, Argo centoculo custodiendâ tradidit: quæ Mercurius à Ioue missus sopitum interfecit. Quapropter Iuno dolens, uaccæ æstrum immisit, quo per multa loca agitata, tandem in Aegyptum uenit, ibiq; prece Iouis à Iunone eidem forma restituta est: & ab Aegyptijs Isis nominata, Osiridi regi nupsit: post mortem uero pro dea culta est, cui anserem immolare, eiusq; sacra Isiaca dicere solebant.

Iuuen. Sat. 6.

r 4

-Si

—Si candida iusserit Io,  
Ibit ad Aegypti finem, &c.

Iocasta, filia fuit Creontis, & uxor Laij regis Thebani, quæ occiso marito insciens nupsit Oedipo filio, ex quo Ethoclem & Polynicem peperit. Hanc postea cum Oedipus cognouisset, repudiavit, superinducta Astry= medusa coniuge. Tandem seipsam gladio transfodit, cum filios suos ex Oedipo susceptos mutuis uulneribus interissee uideret.

Iolaus, Iphicli fuit filius, qui Herculi hydram interfici= enti adfuit, ferroq; candenti cruorẽ restrinxit atq; co= hibuit. Postea cum alijs Theßiadibus in Sardiniam ue nit, priorẽq; insula partem tenuit, quam à se Ioliã, populos uerò Iolenses denominauit. Hic cū ad decre= pitam ætatem peruenisset, Herculis precibus iuuentuti restitutus est, ut inquit Ouid. lib. 4.

—Dubiaq; tegens lanugine malas  
Ore reformatus primos Iolaus in annos.

Iole, Euryti filia ab Hercule raptã. Vide suprã Eury= tus, item Hercules. Ouid. lib. 9.

Dumq; refert Iole factum miserabile, dumq;  
Eurytidos lacrymas admoto pollice siccant  
Alcmene, &c.

Ionia, regio est minoris Asiæ inter Cariam & Acoliã, ab Ione Xuthi filio sic uocata. In ea urbes sunt, Ephesus, Miletus, Priene, & aliæ multæ. Hinc Iones, populi, et Ionium mare, huic regioni uicinum. Ouid. lib. 6. Fast.

Nec Latium norat, quem præbet Ionia diues.

Inde Ionius, & Ionicus, a, um.

Ioppe, ciuitas est maritima Palæstinae, ante diluuium (ut ferunt) condita. In hac Cephei fuit regia, nec procul  
inde

inde est scopulus, cui Andromeda eiusdem filia alligata, ceto marino monstro fuit exposita, sed postea à Perseo liberata. Alij Indiæ urbem fuisse dicunt, ubi Andromeda marinæ belluæ fuit exposita, citantes illud Ouidij. lib. 1. de Arte:

Perseus Andromeden nigris portauit ab Indis, &c.  
Item illud Sapphûs ad Phaonem:

Candida si non sum, placuit Cephæia Perseo  
Andromede patriæ fusca colore suæ.

Vide Vallam lib. 3. cap. 6.

Iordanis, penultima indifferente, fluuius in Iudæa eximie suauitatis, quæ Plinius & Solinus ex Peneade fonte oriri tradunt. D. Hieronymus uero ad radices Libani, ex duobus fontibus scaturire dicit, quorû alter Ior, alter Dan, uocetur, qui iuncti Iordanis nomen efficiunt: quod etiam approbare uidentur Hebræi, qui eum Iarden nominant. Sedulius:

Sed quasi lustra gerens placidâ Iordanis ad undam  
Venit, &c. Eobanus Psalm. 114.

Vidit, & attoniti retro maris unda refugit,  
Peneades refluo Iordanis amne stetit.

Ios, insula est, haud longè à Creta distans, celebris sepulchro Homeri: hic cum patriam ignoraret atq; parentes, Apollinis oraculû consuluisse dicitur, responsumq; accepisse, matrem fuisse ex Io insula.

## I P.

Iphates, & Testorius, filij fuerunt Priami, quos illi uno partu Periuia Idæa nympa enixa est, quam ipse furtim in uenatione cõpresserat. Postea uero in bello Troiano ab Antilocho Nestoris filio sunt occisi.

Iphianassa, & Lysippe, filiæ fuerunt Proeti Argiuorû  
3 r regis,

regis, quibus Perottus Maëra, & Euryalen addit: quæ cum ad Iunonis templum uenissent, deam contumelijs affecerunt, patris sui domum diuitijs tēpli Iunonis, uel ut alij ferunt, formam suam Deæ pulchritudini præferentes, à Iunone in furorem uersæ sunt, ut putarent se esse uaccas. Ad quas curandas accersitus est Melampus, cui pater regni partem, & alteram filiam, quam uellet, nuptui promisit. Placata igitur per supplicationem & hostias Iunone, Prætides à morbo curauit, & Iphianassā in uxorē duxit. Hoc nomine appellatur etiā à Lucretio li. 1. Iphigenia Agamemnonis filia, cū inqt:

Aulide quo pacto Triuiā uirginis aram

Iphianassæo turparit sanguine sædē.

Iphiclus, à Solino Iphicles appellatus, filius fuit Amphitryonis & Alcmenæ, eodem cum Hercule partu natus. Hercules uero ex Ioue, Iphiclus ex Amphitryone cōceptus erat. Fuerunt & alij huius nominis.

Iphigeniā, filia fuit Agamemnonis & Clytemnestræ, de qua ita fabulantur poëtæ. Cū Agamemnon in Aulide ceruum Dianæ ignarus occidisset, dea irata uentorum flatu amouit, ut nauigare nō possent. Quapropter cum oraculum consulerent, responsum est, Agamemnonio sanguine Deam esse placandam. Missus igitur Ulysses Iphigeniā filiā astu à Clytemnestra sub prætextu facti cum Achille matrimonij impetratam adduxit: cumq; iā immolari parabatur, Dea miserta illā sustulit, ceruamq; pro ea supposuit: uirginē autē in Tauricam regionem transtulit, ubi à Tho ante rege eiusdē deæ sacris præfecta est, quæ humano sanguine fieri solebant. Quò cum postea Orestes furijs agitat & ab incolis captus uenisset, iamq; esset immolandus, à sorore cognitus



re cognitus & liberatus est, cum quo non multo post occiso Thoante rege aufugit, ablato secum Dianæ simulacro, in lignorum fascie abscondito, propter quā illam Fascelidam uocarunt. Tandem uenerūt in Italiā, & in Aricia urbe simulacrum locauerunt, ædificato Deæ insigni templo. Ouid. lib. 3. de Ponto:

Sceptra tenente illo, liquidas fecisse per auras

Nescio quam dicunt Iphigenian iter, &c.

Iphimedia, uxor fuit Aloï, quæ à Neptuno oppressa, geminos, Othū uidelicet & Ephialten peperit. Hi, quoniam mater Aloï erat coniux, ut plurimū uocati sunt Aloidæ. Vide supra Alous, item Ephialtes.

Iphitus, Euryti fuit filius, quem Hercules è turri præcipitauit. Alius fuit Troianus, de quo Vergilius lib. 2. Aeneidos. — Diuellimur inde

Iphitus & Pelias, &c.

## I R.

Iris, ut poëtæ uolunt, Thaumantis fuit filia, & Iunonis nuncia. Vnde Verg. lib. 4. Aeneid.

Irim de cælo misit Saturnia Iuno.

Irus, Ithacensis fuit pauperrimus, unus ex procis Penelopes, quem mater Aræum, pueri uerò Irum uocare solebant. Hunc Ulysses reuersus ab expeditione Troiana ictu pugni interfecit. Erasmus uero in prouerbio Iro pauperior, tantum eiectum esse dicit. Ouidius:

Irus erit subito, qui modò Cræsus erat.

## I S.

Is, ciuitas fuit à Babylone itinere dierum octo distans, apud quam est Is fluuius, quo bitumen totius Babylonis subministrabatur.

Isander, filius fuit Bellerophontis & Achimenes, qui  
cum

cum esset bellum inter Lycios & Solymos, contra Solymos pugnans occisus est.

Isara, Gallie fluvius, qui inter Aëriam Durionemq; fluens, in Rhodanum exit, nomenq; amittit, ut ait Lucanus libro 1.

Hi uada liquerunt Isaræ, qui gurgite ductus  
Per tam multa suo, sãmæ maioris in amnem  
Lapsus, ad æquoreas nomen non pertulit undas.

Isaurum, ciuitas est Pamphylie, à quo Isauricus Seruius Romanus dictus est, qui eam cepit. Isauriam dictam uolunt ipsam regionem, cuius metropolis est Seleucia. Isaurus quoq; fluuij nomen est Gallie Cisalpinæ, de quo Lucanus libro secundo:

Crustumiumq; rapax & iunctus Sapis Isauro.

Ischomache, dicta est à Propertio Atalanta & Hippodamia. Propertius:

Qualis & Ischomache Lapithæ genus heroinæ.

Isis, filia fuit Inachi, de qua supra in dictione Io. Ab ea fit Isidius, ut Despauterio placet, & Isiacus, a, um. Iuuenalis Satyra 1.

Aut apud Isiacæ potius sacraria lenæ.

Isiphylus, pater fuit Protefilai, cuius meminit Ouidius in Epistola Laodamiæ ad Protefilaum:

Vix socer Isiphylus, uix me grandæuus Acastus,  
Vix mater gelida mœsta refecit aqua.

Ismarus, mons est Thraciæ partim asperrimus, partim uinetis atq; oliuetis & Orphei habitatione clarus. In eo quoq; fuit Ismara, Ciconum urbs. Verg. Eclo. 6.

Nec tatum Rhodope miratur & Ismarus Orphea.

Inde Ismarius, a, um, id est, Thracius.

Ismene, Oedipi fuit filia, quæ cuidam Aty adolescenti Cyrrhco

Cyrrheo desponsata fuit, uerum Theseus sp̄sum ante nuptias occidit.

Ismenus, Boeotiae fluuius, non procul à Thebis, ab Ismeno Pelasgi filio cognominatus. Ouid. lib. 2. Metamor.

Et celer Ismenos cum Phocaico Erymantho.

Inde Ismenius, a, um, id est, Thebanus. Ismenides, mulieres Thebanæ. Item, Ismenias, nomen Thebani uiri, optimi tibicinis.

Isocrates, orator Græcorum celeberrimus, auditor fuit Platonis, qui præfectus magister multos docuit, multaq; præclare scripsit.

Issa, insula est in mari Adriatico, Dalmatiæ adiacens, in qua est ciuitas eiusdē nominis, à qua fit Issæus, a, um. Est item catellæ nomen apud Martialis. epigram. 138.

Issa est passere nequior Catulli.

Issus uerò locus est Syriæ, in quo Alexander Darium superauit.

Ister fluuius est Europæ maximus, qui alio nomine Danubius uocatur, ut superius audiuius. Ouid. li. 1. de Pont. Stat uetus urbs ripæ uicina binominis Istri.

Et Istri, dicuntur huius fluminis accolæ. Lucan. lib. 4. Detegit orta dies stantes in puppibus Istros.

Istria, Italiæ regio, Illyriæ contermina, in latitudine x l. pass. mill. in circuitu uerò cxxv. millia complectitur.

Isthmos, dicitur angusta terra inter duo maria, quorum præ cæteris sunt nobiliores, Thracius uidelicet & Corinthiacus. Hic quatuor tantū milliū spatio, Ioniū mare ab Aegeo separat. Corinthiacus autē dicitur à Corintho urbe, in eius medio sita. Ille similibus angustiis & pari latitudine in Propontidē protenditur, in cuius quoq; medio Plinius Cardia ciuitatē sitam fuisse tradit. Ouid.

Qua

Quà duo porrectus longè freta detinet Isthmos.

I T.

Italia, Europæ regio, ab Italo rege sic dicta, cùm antea Hesperia magna ab Hespero, Atlantis fratre: item, Saturnia à Saturno, & Oenotria ab Oenotrijs populis uocaretur. Vnde Vergilius lib. 1. Aeneid.

Est locus, Hesperiam Graij cognomine dicunt.

Terra antiqua, potens armis, atq; ubere gleba.

Oenotrij coluere iuri, nunc fama minores

Italiam dixisse ducis de nomine gentem.

Quidam uerò, ut Timæus historiographus, & M. Varro apud Gellium, à multitudine uitulorum, quos illi Italos uocant, nomē accepisse uolunt. Eius fertilitas, omniūq; rerum abundantia undiq; ab autoribus decantantur. Et quoniam multarum regionum capax est, quorum ubiq; apud poetas fit mentio, uisum est & eius diuisionē ex Monstero annotationibus in Solinum adijcere. Diuiditur itaq; Italia in sedecim regiones: nempe in Liguriam, in qua est Genua. In Latium, ubi sunt ostia Tyberina. In Hetruriam, quæ protenditur usq; ad primam ripam Tyberis. In Capaniam, quæ & terra laboris hodie dicitur, in qua sunt Capua, & Neapolis. In Lucaniam, quæ situm habet inter Calabriam & Apuliam. In Calabriam, quæ tenet extremitatem Italiæ prope Siciliā. In Apuliam, quæ olim Iapigia fuit dicta, & mari Adriatico adiacet, habens urbes Brundisium, Tarentum, &c. In Samnium, siue Aprutium, quod est inter Campaniam & Apuliam, habens ciuitates Aquinum & Beneuentum, &c. In Picenum, in quo Ancona, Urbinum, &c. In Aemiliā, seu Romandiolā, quam & Flamminiā uocāt, in qua ciuitates sunt, Rauenna, Bononia, &c.

In Umb

In Vmbriā, quæ nunc est ducatus Spoletanus, incipit q̃;  
ab Apennino monte, & usq; ad sinum Adriaticum ex=  
tenditur, urbes habet Spoletum, Reate, &c. In Galliā  
Cisalpinam, quæ & Togata dicitur, hodie uerò Lom=  
bardia à Lombardis, cuius metropolis est Mediolanū.  
In Venetiam, quæ nunc est Marchia Teruisana, in qua  
sunt urbes Verona, Patauium, &c. In Iapigiam, quæ  
est iuxta Venetias. In Carniam, quæ nunc est for=  
um Iulium. In Istriam, quæ contermina est Illyrio.  
Hæc ille.

Ithaca, insula est ante Achaiam sita, Vlyssis patria, un=  
de etiam Ithacus, & Ithacensis uocatur. Vergilius li=  
bro 2. Aencid.

Hoc Ithacus uelit, hoc magno mercentur Atride.

In ea urbs est eiusdē nominis. Itē mōs Neritos, à quo to=  
ta insula interdū dicta est Neritos. Verg. lib. 3. Aencid.

Dulichiumq; Sameq; & Neritos ardua saxi,

Effugimus Ithacæ scopulos Laërtia regna, &c.

Ithome, ἰθώμη, oppidum Macedoniae, antiqua Minervæ  
sedes. Item Boeotiae urbs, ab Ithomeo Herculis ex Pa=  
phyra filio sic nominata: hanc alij quoq; Ithoniam uo=  
cant. Alij arcem Messenes urbis fuisse perhibent. Stat.  
lib. 4. Theb.

Planaq; Messene, montanaq; nutrit Ithome.

Ithyra, pen. longa, ciuitas in Tauro monte Pyrrhiam uer=  
sus, à qua Ithyreus, a, um. Verg. lib. 2. Georg.

—Et bona bello

Cornus, Ithyrcos taxi torquentur in arcus.

Quidam tamen hoc loco Iturcos legunt. ab Itura Scy=  
tharum natione.

Ithys, Terei Thracum regis filius, ex Progne Pandionis,  
Athenarum

Athenarū regis filia, qui interfectus à matre, patri in cibum est appositus, quòd ille Philomelam, Progenes uxoris suæ sororem, in uia adulterasset, &c. Hunc postea in Phasianum mutatum ferunt. Ouid. ad Liuiam:

Deflet Threicium Daulias ales Ithym.

Vide infra de Progne.

Itylus, & Neis, filij fuerunt Zethi, ex Aedone coniuge. Itylum mater noctu per errorem interfecit, putans eū esse Amalea Amphionis filium. inuidebat enim uxori Amphionis, eò quòd sibi sex essent filij masculi. Quæ cum errorem suū cognouisset, optauit mori, sed Deorū commiseratione in Carduelem uersa, Itylum deflet.

## I V.

Iuba, rex fuit Mauritaniæ, qui Pompeij partes sequutus est: sed illo uictò cum Petreio socio fugit, seq; cum illo in regiam recepit: cumq; uideret omnia ad interitum inclinare, magnificè epulatus est, & postero die intrepidè se interficiendum illi præbuit. Lucan. lib. 5.

—Libyamq; iubent authore senatu

Sceptrifero parere Iubæ, &c.

Iudæa, regio est Asiæ maioris, inter Arabiam, Phœniciam, Aegyptum, & mare Cyprium. In hac habitabant Iudæi, populus Deo olim gratissimus: postea uerò ob incredulitatem à Deo reiectus, iulissimus habetur. Petrarcha:

Vincetur Iudæa tenax, Armenia duplex, &c.

Iugurtha, filius fuit Manastabilis, fratris Micipsæ regis Numidarum, quem Micipsa patruus moriens hæredē regni sui cōstituit, unà cū duobus filiis suis adhuc im-  
puberibus Adherbale & Hyëpsale, quos ille postea beneficiorū immemor, insidijs adortus interfecit, ut solus regnaret.



regnaret. Id ægrè ferentes Romani, bellum aduersus Iugurtham mouerunt. & licet sæpius hostiū manus effugerit, tamen à Mario uictus, & in triumphum ductus est, postremò in carcerem coniectus præ animi dolore perijt. Propert. libr. 3.

Victor cum uictis pariter miscebitur umbris.

Consule cum Mario capte Iugurtha sedes.

Vide Sallustium de bello Iugurthino.

Iulus, uide Ascanius.

Iuno, Saturni & Opis filia, soror & coniux Iouis, Dea regnorum & diuitiarum. nubentibus præest, unde Pro nuba uocatur: parturientibus quoq; adest, unde Lucina nomen sumpsit. Terent. Iuno, Lucina, ser opem obsecro, & c. Verum hoc officium alij Dianæ ascribunt. uide alibi Diana, & Lucina. Nymphas habet pedisequas. Hinc Verg. lib. 1. Aeneid.

Sunt mihi his septē præstati corpore nymphae, & c. Filiam habuit Heben, quam commestis syluestribus lactucis concepisse fertur, ut supra patet. Sic & percusso utero flore Martem peperit: Vulcanū quoq; ex Ioue. Eam præcipuè colebāt sequētia loca: Carthago, Prosinna ciuitas, Samos insula maris Icarij, ubi nutrita est: Argos, Mycenæ, Græciæ urbes, & Falisci in Italia. Pauo ei sacer est, in cuius caudam Argi caput adposuit, quapropter etiā eius currū à paucis trahi, poetarū fabulis proditū est. Cæterum perpetuo odio prosequuta est Troianos, cum propter raptū Ganymedē, quem Iupiter Hebe prætulerat: tum in primis ob iudiciū Paridis, & quòd præuideret futuram ex Troianis gentē, à qua labētibus annis Carthago Africæ urbs sibi sacra, euerteretur. Inde Lunonius, a, um.

Iupiter (quamuis trecentos Ioues à M. Varrone enumeratos Tertullianus testetur, tamen huic omnia tribuamus, ne multitudo puerorum memoriam fallat) Saturni & Opis filius, qui natus eodem cū Iunone partu clam in Iolam Cretæ montem alendus à matre transmissus est, ibiq; nutritus à Curetibus tympana pulsantibus, ne uagiens audiretur à Saturno, qui ex pactione cum Titano fratre facta, filios suos deuorabat. Nutritus est ille primum caprino lacte ab Amalthea & Melissa, si liabus Melissi Cretensium regis: & hinc nata fabula, Iouem à capra nutritū esse. Iam igitur adultus bellum gessit cum Titanibus, quibus uictis parentes liberauit, cumq; cognouisset patrem uitæ ipsius insidiari, regno illum pepulit: Et sic imperio potitus, Deorum summus factus est. Mox consequutum bellum cum gigantibus, quos ipse fulminatos montibus & insulis supposuit. Iamq; toto orbe subacto, cū Neptuno & Plutone fratribus de regno sortitus est. cecidit autē sibi in sortem cælum cum terra, Neptuno maris, Plutoni uerò inferorum dominium. Iunonē sororem in coniugē sumpsit. Pincernā habuit Heben Iunonis filiā. quā reiecta, Ganymedem in eius locū subrogauit. Ex plantis quercus illi sacra est, & ex uolatilibus aquila, tū quod Ganymedē rapuerit, tum quod fulmina à Cyclopibus fabricata ministraret, quam ob causam etiā fulmine nō tāgi ferūt. Maxime colebatur in Creta insula, in qua natus fuit: atq; in Homole Thessaliæ monte, unde etiam Homolius: item in Iola, Latio, Libya, ubi & eius oraculū: in Eliade urbe Græciæ, ubi quinto quoq; anno celebrabantur ludi Olympiaci, in honorem Iouis: licet alij Pelopis dicant. uide infra. Filios habuit plurimos, unde natum

adagium

adagium, Iupiter absq; filijs. Quidam per hunc fatum intelligunt. Verg. lib. 10.

—Sua cuiq; exorsa laborem

Fortunamq; ferent, rex Iuppiter omnibus idem.

Et libro duodecimo:

Iuppiter ipse duas æquato examine lances

Sustinet, &c.

Iuturna, Dauni filia, & Turni Rutulorum regis soror, cui, ut inquit Vergilius lib. 12. Iupiter in munus ablata uirginitatis immortalitatē dedit, Numiciq; fluminis nympham fecit. Hæc in bello fratrem aduersus Acneā multū adiuuit, sed uidens omnia euertere, in Numicum fluuium se occultauit. Alij dicūt eam rem habuisse cum Latino rege: quo palam facto, sua sponte se in Numicū præcipitauisse. Verg.

At procul ut diræ stridorem agnouit & alas,

Infelix crines scindit Iuturna solutos, &c.

Est & Iuturna fons Italiæ prope Numicum saluberrimæ aquæ. Hinc ad omnia sacra Romam afferrebatur aqua. Ad hunc fontem pleriq; in superioribus Vergilium respexisse uolunt.

## I X.

Ixion, filius fuit Phlegiæ, alij tamē Aetionis, alij Iouis faciunt, qui principio in uxore duxit Diā filiam Deionci seu Eionci: cui cum multa pro compensatione dotis pollicitus esset, & ob id pater spōse ad eum uenisset, ut dotem ferret, Ixion facta scrobe, eaq; lignis & stramine intercepta, patrē spōse in ea fraude peremit: propter quā cadē cū neq; homines neque Dij cum lustrare uellent, diuq; incertus uagaretur, Iupiter illius misertus, in cælum assumptum expiauit. Cumq; iam purgatus

fuit Arcefilæ, & Carneadis præceptor.

Ladon, fluuius est Arcadiæ, cuius ripæ lauris abundant,  
unde Apollini sacer est. hunc quidam Daphnes patrem  
faciunt, non Peneum. Ouidius libro primo Metam.

Donec arenosi placidam Ladonis ad amnem  
Venerat, &c.

Lænus, fluuius Cretæ, Gortinam urbem præterlabens,  
per quem à Ioue Europam, Agenoris filiam tauri dor  
so usq; ad eam urbem uectam fuisse prodiderunt.

Laërtes, filius fuit Arceſij, & rex Ithacæ, qui Anticliam  
ſeu Autoliam Sinonis primi, ſiue ut alij habent, Autoly  
ci filiam in uxorem duxit: ex qua Vlyſſem (ut ipſe opi  
nabatur, ignorans eundẽ ex Siſypho latrone antea cõ  
ceptum) & ſorores eius ſuſcepit. Ouid. lib. 4. Metam.

Nam mihi Laërtes pater eſt, Arceſius illi,  
Iupiter huic, &c. id eſt Arceſio.

Inde Laërtiades, patronym. & Laërtius, a, um.

Lagus, pater fuit Ptolemæi ſucceſſoris Alexãdri: cui Phi  
ladelphus ſucceſſit in regno. Lucanus libro decimo:

Nobilitas uarij proles clariffima Lagi, &c.

Hinc Lagæus, a, um.

Lais, meretrix fuit elegantiffima, quæ ex Sicilia in Pelo  
poneſum deducta Corinthi habitauit, unde Corinthia  
dicta. Ad hanc ditiffimi quiq; uiri ex tota Græcia tur  
matim confluebant, neq; admittēbatur quiſquam, niſi  
qui dabat, quod popoſcerat. Proper. lib. 2.

Non ita complebant Ephyræ Laidos ædes, &c.

Laius, filius fuit Labdaci regis Thebarum, qui Iocaſtam  
Crcontis Thebani filiam in uxorem duxit, quam cùm  
concepiffie audiſſet, de futura prole oraculum conſu  
luit: cui reſponſum eſt, ſe naſciturum manu periturum.

Qua

Quapropter Iocastæ præcepit, ut quicquid peperisset  
tolleret. Quæ cum mactata infantem curasset exponi, a-  
litus ab extero, dum adolescens patrem exquireret, ab  
oraculo audiuit illum in Phocida inuenturum. quò cum  
uenisset, patrē incognitum seditionem ciuiū & extero-  
rū separantē occidit, & sic Laius occubuit. Stat. lib. 11.

Ensem sceptriferi spoliū lacrymabile Lai, & c.

Lamia, secundum quosdam mater fuit Scyllæ ( unde Ver-  
gilius in Cyri: Ipsi seu Lamia mater sit, siue Crateis)  
quæ ex puella in monstrum uersa infantes necare dici-  
tur, quoniam omni sobole, quam ex Ioue pepererat, à  
Iunone orbata est. Hinc Lamia dicuntur mulieres no-  
cturnæ, quæ infantes noctu rapiūt atq; comedūt. Horat.

Neu pranso Lamia puerum uiuum extrahat aluo.

Fuit item Lamia Romæ familia, à Lamo Lestrigonum  
regē ortum habens, ut quidam uolunt.

Lampado, una est ex Pleiadibus, de quibus infrà.

Lampetia, Lampethusa, et Phaëtusa, filia fuerūt Solis  
& Clymenes, sorores Phaëthontis. uide suprà Helia-  
des. Homerus Phaëtusā & Lāpetiē Solis filias facit ex  
Neära, easq; in Sicilia seruare patris greges: ad quas  
Vlysses cum socijs uenit, ibiq; tēpestate retentus, cum  
maxima esset penuria, socij ipso dormiente, licet Circe  
præmonuisset ab illis abstinendū esse, pecora inuaserūt,  
quibus mactatis atq; coctis famem sedarunt: propter  
quod factum omnes præter solum Vlysem, à Ioue ful-  
minati sunt. Vide Boccacium lib. 4. cap. 6.

Lampia, urbs est Arcadiæ in montibus niuosis sita. Stat.  
libro 4. Thebaid.

Pene sacer candensq; iugis Lampia niuosis, & c.

Lampsacus, seu Lampsacus, oppidum Hellesponti,

ante Pithyusa dictum, situm iuxta mare, & portum habens optimū, inter quod & Abydum alterū Helleſpontii oppidū Praetius amnis fluit. In hoc maximè colebatur Priapus hortorum deus, qui inde Lampſacenus, Lampſacides, & Helleſpōtiacus uocabatur. Ouid. libro 6. Faſt.

Lampſacus hunc ſoli ſolita eſt maſtare Priapo.

Lamus, filius fuit Herculis ex Omphale regina Lydiæ, cui nouercam ſe factam eſſe Deianira apud Ouid. in Epist. conqueritur, cum inquit:

Vna recens crimen reſeratur adultera nobis,

Vnde ego ſum Lydo facta nouerca Lamo.

Alius fuit Lamus, Neptuni filius, Leſtrigonum rex.

Langia, ſons eſt in Nemea ſylua Arcadiæ, cuius aquis ab Hyſſiphyle monſtratis reſectus fuit Græcorum exercitus, cū ad Thebanam expeditionem profiſciſceretur.

Alij fluuium eſſe uolunt. Stat. lib. 2. Theba.

Culta ſerunt quos pigra uado Langia tacenti, &c.

Laocoon, filius fuit Priami ex Hecuba, & Apollinis ſacerdos, qui primus haſtā in equū lignēū torſit: ob quod factū Vergilius lib. 2. ait ipſum cū duobus filiis perijſſe.

Primus ibi ante omnes magna comitante caterua

Laocoon ardens ſumma decurrit ab arce, &c.

Laodamia, Bellerophontis fuit filia ex Archimene cōiuge: quæ cū forma excelleret, Iupiter illa iritatus, cū ea cōcubuit, ſuſcepitq; Sarpedonē, qui poſtea Lyciæ rex factus eſt. Altera fuit Laodamia, Acaſti & Laodothææ filia, quæ tanto amore Protheſilaū dilexit, ut etiam notu ipſum Troian proſectum ſomniaret: quem cum poſtea ab Heſtore occiſum cognouiſſet, tanto dolore intabuit, ut ſuperuiuere noluerit. Priuſquam tamen interiret



interiret, in solatium mœroris optauerat, ut mortui umbram uideret: qua uisa in illius amplexibus expirauit. Ouid. in Epist.

Mittit, & optat amans, quò mittitur, ire, salutem  
Acmonis Acmonio Laodamia uiro, &c.

Laodice, Priami fuit filia & Hecuba, quæ Helicaoni Antenoris regis Thraciæ filio nupsit. Alia fuit Agamemnonis filia, quam pater cum Chrisothemis & Iphigenia seu Iphianassa Achilli obtulit, ut ex his, quam uellet in uxorem eligeret.

Laodicea, urbs est Syriæ, in ea parte, cui Antiochiæ nomen est, non procul ab Amano monte.

Laomedon, rex fuit Troiæ, Ili filius, qui cum de ædificandis Troiæ mœnibus cogitaret, Apollini & Neptuno id negocij dedit, pactus mercedem quã mox extructis mœnibus se soluturum iurciurando affirmauit. Verum perfecto opere Laomedon periurus pactam mercedem negauit, propter quod dii irati, Neptunus aquam, Apollo pestem urbi immisit. Duplici igitur calamitate affectus Laomedon, de remedio oraculum consuluit: responsum est, non aliter deos placari posse, quam si singulis annis uirgo Troiana ceto dilaceranda exponeretur. Institutum itaque uirginem quotannis exponi, eamque sorte eligi. Sed cum tandem fors in Hesione (quam tamē alij solā ab Apolline & Neptuno expositā tradūt) Laomedontis filiā cecidisset, & iam scopulo alligata monstrum exspectaret, Hercules fortē transiens liberaturum se filiā Laomedonti pollicitus est, si equos diuino semine procreatos, quos habere cum constabat, in præmiū sibi traderet. Hūc igitur in modū pactione facta, Hercules interfecta bellua uirginē liberauit. Sed cum Laomedon promissis non

s s statet,

staret, indignatus Hercules, collecto undiquaq; exercitu Ilium expugnauit, Laomedōtē occidit, Hesionem Thelamoni in uxore dedit, quod primus murū cōscendisset. Priamū eius filiū captiuū abduxit, qui postea auro à uicinis redēptus fuit, ideoq; ὁπὸ τοῦ πρίαδῃ, hoc est, à redimendo nomen obtinuit. Ab eo fit Laomedontia=des, patronym. & Laomedōtæus, a, um. Verg. lib. 8.

Laomedontiaden Priamum Salamina petentem.

Lapithæ, Λαπίθαι, populi fuerunt Thessaliæ, Pindum & Othrin montes inhabitantes, quorū rex fuit Pirithous: cui cum Centauri sponsam in nuptijs rapere uellent, bellum contra ipsos gesserunt, plurimosq; occiderunt. Verg. in Culice:

Nec Centauræos Lapithas compellit in enses.

Lara, nymp̄ha fuit, Almonis filia, de qua ita fabulantur. Cū Iupiter diligeret Iuturnam Tyberinam nymp̄ham Turni sorore, reliquis loci nymp̄his imposuit, ut eam fugientē retardarent, ne se sequente ipsa mergeretur in undas. Lara uerò una Naiadū iussa Iouis Iunoni retulit. Quapropter Iupiter indignatus Laram lingua priuauit, mandauitq; Mercurio, ut eam ad inferos traheret, ibiq; esset Stygia nymp̄ha: qui cum illam duceret, eius elegantia incensus, in itinere oppressit: quæ cum concepisset, gemellos peperit, quos ille de matris nomine Lares appellauit. Ouid. lib. 2. Fast.

Fortè fuit Nais Lar nomine, prima sed illi

Dicta bis antiquum syllaba nomen erat, &c.

ubi totam fabulam describit. Hæc alio nomine Larunda uocabatur.

Larissa, Thessaliæ ciuitas, non procul à Phthia Achillis patria, qui inde Larissæus uocatur. Horat. lib. Carm.

Nec

Nec tam Larissæ percussit campus opimæ, &c.

Sunt tamen & aliæ huius nominis urbes, de quibus apud geographos.

Larius, lacus Gallie Cisalpinæ, propinquus Como urbi, piscium copia excellens. Addua flumine maximè auge-  
tur. Verg. lib. 2. Georg.

An'ne lacus tantos? te Lari maxime, &c.

Latinus, Laurētū rex, Fauni regis & Maricæ Laurētis  
nymphæ filius, ut autor est Ver. lib. 7. Iustinus uerò tra-  
dit hunc ex Hercule, cū ex Hispania rediret, & Fauni  
filia progenitū. Seruius Hesiodū secutus Vlyssis et Cir-  
ces, quā nōnulli Maricā dixerunt, filiū facit. & Verg.  
quodam loco ait, Solis aui specimen, &c. de Latino lo-  
quēs. Sed quoniā tēporū ratio nō cōuenit, intelligendū  
est, multos fuisse huius nominis reges, quēadmodū &  
Higinus testatur: sed poētas confundere personas. Hic  
igitur, cuiuscūq; filius fuerit, Amatā Dauni regis Ar-  
deæ sororē in cōiugē habuit, ex qua Lauiniā suscepit,  
quā Turno Dauni filio sponddit: ucrū cū oracula re-  
spondderent, externum gnerum quærendum, profugo  
Acneæ, quem hospitio suscepserat, filiam suā elocauit,  
spretō Turno. Quapropter ingens bellum postea inter  
Turnum & Aeneam secutum est, ut patet ex Vergilio  
Latmus, mōs est Cariæ, quò Luna ad Endymionē ama-  
sū noctu descēdere solebat. Inde Latmius, a, um. Ovi.

Latmius Endymion non est tibi Luna rubori.

Latium, ea pars est Italiae, ubi sunt Tyberina ostia, &  
Roma quondā orbis caput, quam dictā putant, uel à la-  
titudine, uel quòd Italia inter præcipitia Alpiū & A-  
pennini lateat, uel quòd Saturnus à Ioue filio regno  
expulsus apud Ianū regem latuerit. unde Verg. lib. 8.

-Latiumq;

—Latiumq; uocari

Maluit, his quoniam latuisset tutus in oris.

Hinc Latialis, le, Latinus, & Latius, a, um. Lucanus libro 1.

Gentibus inuisis Latium præbere cruorem, &c.

Latona, filia Cei Titanis, à Ioue amata & oppressa est, ex quo geminā concepit prole, Apollinē uidelicet & Dianā: quod Iuno adco ægre tulit, ut immissockōtraillā Pythone serpente, per totū terrarū orbē pellicē persecuta sit, donec errādo ad sororē Asterien in insulā Ortygiā permutatā peruenisset, à qua suscepta est, ibiq; Dianā peperit, quæ euestigio obstetricis officiū in nascituro fratre matri præstitit, & Apollinem nascentē suscepit: qui adultus mox Pythone interfecit, & petētibus cœpit dare respōsa. Porro hæc insula, cū ātea Ortygia uocaretur, postea Delos uocari cœpit. Ab hac Apollo Latoides, Latous, & Latonius: Diana uerò Latonia, & Latois appellatur. Ouid. lib. 7. Metam.

Inde Calauræ Latoidos aspicit arua, &c.

Lauinia, filia fuit Latini regis & Amatæ, quæ primum Turno, deinde Aenææ despōsata est. orto itaq; inter hos duos bello, multi utrinq; occubuerūt. Tandem deuictō Turno Aenææ nupsit: quo mortuo ipsa priuigni in solentiā timēs, in syluas prægnās profugit, & apud Tyrheum pastorem diuertit, ibiq; peperit filium, quē Iulium Syluium Posthumū appellauit, eò quòd post patris funus in syluis natus esset. Hæc tamē postea Ascanius in regnū uocauit, cū ipse secessisset in Albā longam, urbē à se cōditam: & sic postea filius Iul. Syluius Posthumus imperij gubernacula retinuit. Vergil. lib. 12.

—Et uictum tendere palmas

Ausonij

Aufonij uidere, tua est Lauinia coniux, &c.

Lauinium, seu Lauinum, urbs fuit in Latio, à Lauino (ut sentit Scruuius) Latini regis fratre sic dicta. Postea uerò cū Latinus adepto imperio ciuitatem ampliaret, laurum inuenit, à quo Laurentū & Laurolauiniū appellari cœpit: & Laurēs, aliquis ex Laurento. Vergil.

—Laurentis regia Pici, &c.

Postremo tamen rursus à Lauinia Aeneæ coniuge Lauinium appellatum est.

Laurentia, uxor fuit Faustuli pastoris Amulij, quæ Romulū & Remū expositos nutriuit: & quoniā se omnibus prostituebat, lupa dicta est: & hinc locus datus est fabulæ, Romulum & Remū à lupa esse nutritos. Laurentialia, dicuntur festa, quæ fiebant in eius honorem.

Lausus, filius fuit Numitoris, quem Amulius patruus suus gato patre occidit. Alius fuit Mezentij filius, quem Aeneas interfecit, cum parentem uulneratum defenderet. Verg. lib. 10.

Ingemuit chari grauius genitoris amore,

Vt uidit, Lausus, lacrymæq; per ora uolutæ.

L E.

Learchus, filius Athamantis & Inoës seu Inūs, quem pater furijs agitatus arreptum pro ceruo interfecit. Vide supra Athamas. Ouid. lib. 6. Fastor.

Tuq; cadis patria parue Learchæ manu.

Leander, adolescens fuit formosissimus, ex Abydo Hellesponti oppido, qui cū in Seston urbē ex aduerso sitā noctu per mare ad amasiā suā Herō nataret, tēpestas orata submersus est. Vide supra Hero. Ouid. in Epist.

Quam mihi misisti uerbis Leandre salutem,

Vt possim missam rebus habere, ueni.

Inde

Inde Leandrius, *a, um*, ut Leandrius Helleſpontus *a* =  
 pud Silium libro 10.

Leda, filia fuit Theſtij, & Tyndari Laconiae regis uxor,  
 quae cū Ioui placuiſſet, ipſe in cygnū uerſus, ſuauiſimè  
 canere coepit: quo cantu mulier illecta, cū nō modo au-  
 diendi, ſed etiā capicndi gratia ad ſe traxit: qui dū ca-  
 peretur, eā ipſe cepit, atq; oppreſſit. unde Ledā ouum  
 cōcepiffſſe ſerūt, ex quo Pollux, Caſtor, & Helena nati  
 ſunt. Alij dicūt Pollucē & Helenam tantum, Caſtorem  
 uerò fuiſſe mortālē Tyndari filiū. Nōnulli uolūt eā duo  
 oua peperiffſſe, & ex uno Caſtorē & Pollucē, ex altero  
 autē Helenam & Clytāmeſtram. Ouid. lib. 6. Metam.

Fecit olorinis Ledam recubare ſub alis.

Ab hac fit Ledæus, *a, um*.

Leleges, populi fuerunt errabundi, diuerſa loca quondā  
 inhabitantes, unde alij eos Theſſaliam, alij Bæotiam,  
 occupaffe tradunt, alij Cares & Leleges conterminos  
 fuiſſe dicunt: eosq; ſic dictos à Lelege eorum ducce. O =  
 uid. lib. 9. Metam. — Quibus illa reliſtis

Caras & armiferos Lelegas, Liciamq; pererrat.

Lemanus, lacus eſt Galliae Cifalpinæ, per quem Rhoda-  
 nus rapitur prope Gebennam urbē: is Heluctios à Gal-  
 lis ſeparat, ſuisq; accolis Lemānorum indidit nomen.  
 Hunc hodie Gebennicum, & Loſanenſem uocant, &  
 regionem adiacentem, Sabaudiam, quae olim Allobro-  
 gum fuit. Lucan. lib. 1.

Deſcruere cauo tentoria fixa Lemano, &c.

Lemnos, inſula in Aegeo mari ſita, à Borea Thraciam  
 ſpectans, ab Austro longo tamen tractu Cretae oppoſi-  
 ta eſt. Vrbes habet Myritinā, ad mare ſitam, & Ephre-  
 ſiam mediterraneam. In ea olim colebatur Vulcanus



deus ignis, unde Lemnius dicitur, & Lemnij, populi, & Lemniades, mulieres in Lemno, quæ quum uiros suos odissent, eos una nocte omnes necarunt, præter Hypsiphylem, quæ patrem Thoanta seruauit, &c. Ouidius in Epist.

Dos tibi Lemnos erit, terra ingeniosa colenti, &c.

Lenæus, uocatur Bacchus, ἀπὸ τοῦ λανού, id est, à lacu, in quo olim uuæ exprimebantur. hodie torculari utimur. Vergil lib. 2. Georg.

Huc pater ô Lenæe, tuis hic omnia plena  
Muneribus, &c.

Lerna, ciuitas est in Argolico sinu, iuxta quam lacus est eiusdem nominis, in qua Hercules hydram serpentem interemit. Hinc fit Lernæus, a, um. Vergil.

Lernæus turba capitum circumstetit anguis.

Lesbos, insula est Aegei maris amplissima, laudabilis optimi uini. In ea quondam urbes fuerunt Mitylene & Methymna. Hinc fit Lesbius, Lesbous, a, um, adiectiua, pen. longa. & Lesbides, pen. correpta, dicuntur mulieres ex Lesbo. Sappho apud Ouid. in Epist.

Lesbides infancem quæ me fecistis amare,

Desinite ad cytharas turba uenire meas.

Lestrigones, populi fuerunt in extremis Italiae Siciliae uersus habitantes, homines ab omni humanitate alieni: aduenientes enim hospites mactabant, eisq; uescebantur. Homerus quoq; scribit Lestrigones socios Ulyssis uerubus transfixos, igneq; assos comedisse. Sil. lib. 14.

Regnatam duro quondam Lestrigone terram, &c.

Inde Lestrigonius, a, um.

Lethe, fluuius est inferorū, cuius aqua pota præteritarum rerum obliuionem inducere fertur, unde ἀπὸ τῆς λήθης, id est,

id est, ab obliuione nomē habet. Ab eo fit Lethæus, *a*,  
 ū. Cōstat autē hūc amnē in Aphrica circa extremū Syr  
 tiū cornu Berenicē alluere: sed ipsum apud omnes fama  
 est, ad loca inferna inūdatione prorūpere. Lucan. li. 8.

Quam iuxta Lethes tacitus prælabitur amnis,  
 Infernis (ut fama) trahens obliuia uenis, &c.

Leucadia, seu Leucas, insula est contra sinum Ambraci-  
 cium sita, iuxta Epirum, habens mōtem altissimum, &  
 Augusti contra M. Antonium, & Cleopatram pugna  
 memorabilis. quondam continenti iuncta fuit, ut refert  
 Ouid. lib. 15. Metam.

Leucada continuam ueteres habuere coloni,  
 Nunc freta circumeunt, &c.

Dicta ab albo colore saxi cuiusdam in mari prominen-  
 tis. Inde Leucadius, *a*, um. Ouid. in Epist. Sapp.

Tu quoq; mollis Amor pennas suppone cadenti,  
 Ne sim Leucadiæ mortua crimen aquæ.

Leucas quoq; ciuitatis nomen est, Acarnania partis Epi-  
 ri, quæ olim Neritum uocabatur.

Leucates, promontorium est Epiri, prope Ambraciam  
 in mare prominens, in quo fuit Ambracia ciuitas, quā  
 postea Augustus uictō cum Cleopatra Antonio Nico-  
 polim uocauit. Fuit quoq; in eo templū Apollinis, quē  
 inde Leucadium nominatum putant. Verg. lib. 8.

-Totumq; instructo Marte uideres

Feruerē Leucaten, auroq; effulgere fluctus, &c.

Leuce, parua insula in Ponto, Boristhenis ostio obiecta:  
 & quoniam Achilles ibi situs sit, Achillæa cognomi-  
 nata fuit. Est & huius insulæ oppidum. Vide Melam.  
 Aliud item huius nominis oppidum est in Italia, stadijs  
 quingentis à Tarento distans. Lucan. lib. 5.

—Secreta q̃; littora Leuce.

**Leucosia**, una est Syrenarum. Vide infrà. Et insula nomen non procul à Velia urbe distans.

**Leucothea**, quam quidam alio nomine **Leucothoë** nunc uocant, dicta est Ino, uxor Athamantis, cum se & Melicertam filiū ē Scyronis scopulo præcipitasset, & à Neptuno inter Deas marinas esset relata. uide suprà. Ouid.

**Leucothea** q̃; deum cū matre Palemona dixit, &c. Hanc quoq̃; dicunt **Vlysi** uelum dedisse, ut naufragiū passus tutius enataret. Ouid. lib. 3. de Ponto, eleg. 6.

Nec quia Neptunus nauem lacerarat **Vlysis**,

**Leucothoë** nanti ferre negauit opem, &c.

Et **Leucotheam** Græci auroram uocant, quæ Latini **Matuta** dicitur.

**Leucothoë**, **Orchami Archemeniorum** regis & **Erymones** filia, summè à **Phœbo** adamata est, qui ut ea potiretur, in **Eurymones** matris formam mutatus accessit, famulas q̃; tanquam arcani quiddam dictura secedere iussit: quæ cū abiissent, in propriam formam rediit, & patientem compressit. Quod cū **Clytie**, quæ eadem à **Phœbo** diligebatur, audisset, cōfestim eam apud **Orchamū** patrem accusauit: qui iratus & saeuus nimium uiuam sepeliri iussit. **Phœbus** autē cū illi nulla ratione uitam restituere posset, mortuam in uirgam thuream uertit. Ouid. lib. 4. Metam. —Et orsa est

Dicere **Leucothoë**, uocem tenuere sorores, &c.

**Leuctra**, æ, siue **Leuctra**, orum, oppidum est **Boeotiæ**, iuxta quod **Epaminūdas** Thebanorum dux ita superauit **Lacedæmonios**, ut ab illo tempore Græciæ principatum nunquam recuperare potuerint. Quidam in **Lacedonia** ponunt.

t **Leuci**,

**Leuci**, Galliae populus prope Lingones, iaculandi peritissimus. *Lucan. lib. 1.*

Optimus excusso **Leucus**, **Rhemusq;** lacerto.

L I.

**Libanus**, mons est inter Arabes & Phœnices, excelsis arboribus abundans, ex quo **Orontes** & **Iordanis** fluvij oriuntur. *Mantuanus:*

*Thuriferosq; Arabas, Libaniq; tepentis odores.*

**Liber**, eris, dictus est **Bacchus**, quod mentem curis liberet. *Verg. Eclog. 7.*

*Liber Pampineas invidit collibus umbras.*

Hinc **Liberalia**, id est, **Bacchanalia**.

**Libethrides**, dicuntur **Musæ**, à **Libethro** eorū antro in **Helicone**. *Seruius* & *Solinus* fontem esse tradiderunt: ille quidē locum reticet, hic uerò in **Magnesium** reponit. Quidam à **Libethro**, **Macedoniæ** monte, **Musis** sacro, sic nominatos uolunt. *Verg. Eclog. 7.*

*Musæ noster amor Libethrides aut mihi carmē, &c.*

**Libitina**, seu **Libentina**, dea, quam alij **Proserpinam** & **Venerem** dicunt, in cuius templo uendebantur & locabantur ea quæ ad sepulturam pertinet; unde aliquādo pro morte accipitur. *Horatius:*

*Autumnusq; grauis, Libitinæ questus acerbæ.*

**Liburnia**, regio est inter **Dalmatas** atq; **Illyricos**, siue, ut quidam uolunt, **Dalmatiæ** pars, in qua sunt **Salonæ**, urbs insignis. **Liburni**, huius regionis populi scuiissimi, quos *Seruius* **Rhetorū Vindelicorum** partem fuisse, & ab **Amazonibus** originem traxisse, ex *Horatio* testatur. *Verg. lib. 1. Aencid.* — Atq; intima tutus

*Regna Liburnorum, & fontem superare Timai.*

**Liburnum**, **Liburna**, & **Libunica**, & dicuntur naues celeres,

*celerēs, à Liburnis populis inuentæ. Liburni quoq;  
dicuntur uiatores, uulgò Gallicè Chergant, Germanicè  
Statknecht.*

*Libya, filia fuit Epaphi, & Cassiopæ coniugis, quæ à  
Neptuno compressa, Busiridem peperit.*

*Libya, dicta est ea Aphricæ pars, in qua Libya Epaphi  
filia habitauit, à qua hoc nomen accepit. Ponitur etiã  
sæpius pro tota Aphrica. Lucan. lib. 1.*

*Duc age per Scythiæ populos, per inhospita Sirtis  
Littora, per calidas Libyes sitientis arenas, &c.*

*Hinc Libycus, a, um, & Libystis, idos.*

*Lichas, seruus Hercules, qui à Deianira ad perferendum  
Nessi Centauri uestem ad maritum Ioles amore captũ  
missus est. sed Hercules indutus ea ueste, & in furorem  
uersus, Licham è scopulo in Euboicum mare præcipi-  
tauit. tandem in scopulũ mutatus est. Ouid. lib. 9. Met.*

*Tu'ne Licha, dixit, feralia dona dedisti? &c.*

*Liguria, Italiæ regio inter Varum & Macram amnes,  
ab altero latere habens Apenninum, ab altero Padum,  
Thusciam attingens, cuius caput Genua est. Ligustica  
ora, & Ligusticum mare, appellatur. & Ligures;  
eiusdem regionis populi. Verg. lib. 2. Georg.*

*Assuetumq; malo Ligurum, Volscosq; uerutos.*

*Ligya, una est Syrenarum. Vide infrà.*

*Lilybæum, Siciliae promontorium, quod ad Aphricum  
spectat, & flexo littore brachia representat. Est etiam  
oppidi cuiusdam nomen. Silius lib. 14.*

*Cernit deuexo Lilybæum nomine chelas, &c.*

*Lingones, populi Belgici fœderati, in occasũ uergentes,  
qui super Heluetios & Sequanos habitant. Lucan. li. 1.*

*Pugnaces pictis cohibebant Lingones armis.*

Hinc fit Lingonicus, a, um, apud Martialem.

**Linus**, filius fuit Apollinis ex Psammate Crotopi Argiuorum regis filia. Cū enim Apollo occiso Pythone serpente, ad Crotopū uenisset, ab eodem hospitio susceptus est, ubi clām cū Psammate filia concubuit. quæ cum concepiſſet, & tempore debito secus Nemeum flumen occultè peperisset, filium suum Linū appellauit, eumq; ut quorūdam est opinio, exposuit: qui sic reperi- tus à canibus deuoratus est. Alij dicunt hanc pastori in- fantem alendum tradidisse, qui cum eum ex incuria in herba iaccre neglexisset, à canibus inuētum dilaniatū esse. Alius fuit Linus, Apollinis & Terpsichores fi- lius, siue, ut quidā uolunt, Mercurij & Vranie Musæ, lyricæ peritiſſimus, in qua discipulos habuit Orpheū, Thamyra, & Herculem. Hunc ab Hercule plectro cy- tharæ occisum ferunt, dum eum resticitus canentem ni- mis corripuiſſet. Verg. Eclog. 6.

Non me carminibus uincet nec Thracius Orpheus,  
Nec Linus, huic mater quāuis, atq; huic pater adsit.

Orphei Calliopea, Lino formosus Apollo.

Alius fuit Linus, Hypermestree maritus, Aegypti filius, qui alio nomine Lynceus, de quo infrā.

**Linternum**, uicus est Campanie, nō procul à fluuio qui Linternus dicitur, ubi inclytus ille Scipio Aphricanus inuidiæ cedens obiit, & sepultus est.

**Lipare**, insula ex Aeolijs maxima, dicta à Lyparo Auso- nis regis filio, cui Aesbus successit. Liparæi, uocātur in- cola, à quibus Liparæus, a, ū, adiect. Verg. li. 8. Aenc.

Insula Sicanium iuxta latus, Acoliamq;

Erigitur Liparen, & c.

**Liriōpe**, Oceani & Tethyos filia, ex qua Cephissus ānis  
Narciss



Narciſſū puerū formoſiſſimū ſuſcepit. Ouid. li. 3. Meta.  
Cæcula Liriope, quam quondam flumine curuo  
Implicuit, &c.

Lissus, oppidum in Macedonia, post sinum Cyzicum iuxta Acrolissim, tria millia passuum à Nymphæo distans.  
Lucanus libro 3.

Prætereunt frustra tentati littora Lissi,  
Nymphæumq; tenent, &c.

Lixus, oppidum est Mauritania, iuxta quod fuit hortus Hesperidum: in hac quoq; urbe Anthæum gigantem ferunt regiam suam habuisse.

L O.

Locri, populi quidam fuerunt ex Locride Græciæ regione, & Aiæcis Oilci socij, qui ab expeditione Troiana redcuntes orta tēpestate disiecti sunt, ueneruntq; in extremam Italiæ oram Siciliam uersus, ibiq; urbē Locrū & Nariciū cōdiderunt. Dicti sunt etiā Epizephyrij, à Zephyrio promōtorio, cui subiacent. Verg. lib. 3. Aen.

Hic & Naricij posuerunt mœnia Locri, &c.

Alij fuerunt in Aphrica eiusdem Aiæcis socij, qui & Ozolci dicebantur. unde idem,

—Libycōue habitantes littore Locros.

Sunt & alij prope Bæotiam, quos Opuntios uocant.

Lothis, nympha, Neptuni filia, à Priapo hortorum deo adamatæ: quā cū noctu cōprimere uellet, ab asino prohibitus est, &c. Vide infra de Priapo. Ouid. lib. 1. Fast.

At ruber hortorum deus, & tutela Priapus

Omnibus ex illis Lothide captus erat.

Lotophagi, Aphricæ populi, à Loto arbore, cuius fructu maximè uescuntur. Est enim Lotos arbor, quā & Celtin uocant, magnitudine pyri, lignū habens colore

t 3 nigro

nigro, fructumq; ferens suauissimum, quo qui uescitur, statim omnium rerum obliuiscitur. Ad hos cū Vlysses uenisset, exploratores emisit, qui gustato loto de reditu nihil curabant, donec ui ab Vlysse abduccerentur. Ouid. libro 4. de Ponto:

Nec degustanti Lotos amara fuit.

Loxias, dictus est Apollo, uel propter obliqua & tortuosa responsa, quæ huius uates reddebant, quo facilius consultoribus imponerent: uel quod Apollo, id est, Sol, Zodiacū obliquè percerret: λόγος enim Græcis obliquus est.

## L V.

Luca, ciuitas est Thusciæ, à qua Lucenses dicuntur, quæ eam inhabitant. Dicta à Lucumone Hetruscorum rege. Mantuanus:

Vnum Luca tulit, Luca urbes inter Hetruscas  
Nobilis, &c.

Lucania, Italiæ regio inter Apuliam, & Calabriam, cuius populi Lucani dicuntur: siue quod eorum regio sita sit ad partem Luciferæ stellæ: siue quod loca ætheria sint, & ob id multæ lucis: siue à Lucilio eorum duce: seu quod primò in luco cōfederint. Et Lucanus, a, um, quod ad lucem pertinet.

Lucerius, Ardeæ rex fuit, qui auxilio fuit Romulo bellati aduersus Tatium: unde Luceres appellati tertia pars populi Romani.

Luceria, ciuitas Apuliæ prope Adrian. Lucan. lib. 2.

Tu quoq; commissa nudatam deseris arcem  
Scipio Luceriæ, &c.

Lucifer, filius fuit Iouis & Auroræ, qui Trachinnyam nympham amauit, & ex ea suscepit geminam prolem, Ceycem uidelicet & Dædalionem. Dictus autē est Aurora

roræ filius, quia stella illa quæ & Venus dicitur, mane solē præcedēs, quasi ex eiusdē sinu oriri uidetur. Ver. 8.

Nascere præq; diem ueniens age Lucifer alnum.

Lucilius, poëta, primus apud Romanos scribere cœpit Satyras, quibus maximè insectatus est Rutilium Lupū Carbonem, & Lucium Tubulum. Scripsit Satyrarum libros amplius triginta. Mortuus est Neapoli annos natus quadraginta sex. De Lucilio uide Quintilianum lib. 10. & Horatium lib. 1. Sermon. Satyr. 4.

Hinc omnis pendet Lucilius, hosce secutus, &c.

Lucina, dicta est Luna & Diana, quando partui præest. sic dicta quòd lucē ferat. alio nomine Ilithya uocatur. Verg. Eclog. 4.

Castæ faue Lucina, tuus iam regnat Apollo, &c.

Hoc nomine etiam dicta est Iuno quibusdam, qui Iuno nem eandem cum Luna esse uoluerunt. unde est apud Comicum: Iuno Lucina fer opem obsecro, &c.

Lucretia, Romanæ castitatis præcipuum lumē, filia fuit Tricipitini præfecti urbis, & uxor Collatini. quam Sextus Tarquinius, cū precibus exorare non posset, ui oppressit. stricto enim gladio in cubiculum irruens, mortē minabatur, ni uoluntati suæ obsequeretur, addebatq; se cū mortua iugulatū seruū positurū, ut in sordido adulterio necata dicatur. quibus minis illa perterrita, ut infamiae suspicionem effugeret, expugnari sese passa est. Quo facto scæmina conuocatis patre, marito, cæterisq; amicis, obortis repētē lacrymis, tyranni flagitiū detexit, & educto cultro, quem sub ueste occultū habebat, sese statim cōfodit. Quare moti pater cū marito et cæteris amicis, populo ad arma concitato, reges expulerūt. Vide Perottū, ubi oīa copiosius enumerat. Martial.

Esse uidebaris, fateor, Lucretia nobis, &c.

Lucretius, poëta paulo antiquior Terentio Varrone, & M. Tullio. Per intervalla temporū accedebat ad scribendum carmē, non sine quodam animi furore. Scripsit libros sex de rerū natura. Perijt annos natus supra 40. Eusebius tradit cum tanto furore percitū fuisse, assumpto amatorio poculo, ut propria manu sese interfecisset. Ouid. lib. 2. Trist.

Explicat ut causas rapidi Lucretius ignis,

Causarumq; triplex uaticinatur opus.

Lucretilis, mōs est in Sabinis, de quo Horat. lib. 1. Carmi.

Velox amorum sæpe Lucretilem, &c.

Lucrinus, lacus est Campaniæ in sinu Baiarū cōtra Puteolos, propinquus Aucerno lacui, adeo ut ortis maximis aliquando tempestatibus coniungantur. Dictus autem est à lucro, propter multitudinem piscium, qui illic capiebantur. Martialis:

Hic mihi Baiarū soles, mollisq; Lucrinus, &c.

Et Lucrinum, Apuliæ oppidum. uide Melam lib. 2.

Lugdunum, insignis urbs est Galliæ, apud Aquitaniā, quam Plancus cum Galliam Comatam regeret, condidisse traditur. Ab ea fit Lugdunensis, sc. Item Lugdunensis dicta est tota illa regio. Iuuen.

Aut Lugdunensem Rhetor dicturus ad aram, &c.

Luna, Hetruriæ oppidum ad mare situm, ubi adhuc egregius portus est. Lucan. lib. 1.

— Quorum qui maximus æuo

Arnus incoluit desertæ mœnia Lunæ, &c.

Lupercal, dictus est locus sub Palatino mōte, ab Euandro sacratus Pani deo, qui Lycæus uocabatur. Verg. lib. 8.

— Et gelida monstrat sub rupe Lupercal,

Parhasio

*Parthasio dictum Panos de more Lycæi.*

*Lupercalia autē uocabantur ipsa sacra: & Luperci, sacrorū ministri, qui nudi & currentes lustrabant ciuitatē: quod fiebat Februario mense ratis diebus expiationis gratia. Hi etiā incisis in particulas & lora caprarum pellibus discurrebāt in urbe, mulieresq; se ad uerbera ultrò offerētes pellibus percutiebāt, quod putaret eā rem ad fœcūditatem conducere. Iuuen. Sat. 2.*

*Nec prodest agili palmas præbere Luperco.*

*Alij dicunt eos prægnantium mulierum manus uerberasse, ut facilius essent partus.*

*Lusitania, pars est ulterioris Hispaniæ, quam nunc Portugalliam appellant. Lusitani, eiusdem populi.*

L Y.

*Lyæus, Bacchi cognomen est, à λύω, id est, soluo, quod membra & mentem soluat. Ouid. lib. 3. Eleg.*

*Corniger increpuit thyrso grauiore Lyæus.*

*Lyæus, mons est Arcadiæ, in quo fuit delubrum non solum Iouis Lycæi, sed etiam Liberi patris, & bicornis Fauni. Alij Pana tantum Lyæum uocant, uel ab hoc mote: uel quod lupos fugarit, quibus Arcadia abundat: λύκος enim Græcis lupus est. Verg. Eclog. 10. de monte:*

*—Et gelidi fleuerunt saxa Lycæi.*

*Et Licæus, a, um, apud Ouidium.*

*Lycambes, uir Thebanus, quem Archilochus poëta Iambographus ob filiam Neobolen sibi denegatam ad laqueum compulit. Vide supra Archilochus. Ab eo fit Lycambæus, a, um. Ouidius:*

*Tincta Lycambæo sanguine tela madent.*

*Lycaon, λυκάων, filius fuit Titanis & Terræ, pater Callistus, de quo talis fabula narratur. Cum olim ad super-*



ros clamor perucnisset, omnia pessimè in terris agi: Iu-  
piter uerum experiri cupiens, sumpta hominis forma  
in terras descendit: cumq; totam Arcadiam peragra-  
set, ad Lycæonis regiam peruenit, signumq; dedit se  
deum esse: cui cum Arcades sacra pararent, solus Ly-  
caon eos risit, addiditq; se ea nocte experiturum, an ho-  
spes suus Iupiter esset. Cum igitur illum dormientem  
occidere (quemadmodū ceteros hospites solebat) de-  
stinasset, nec tamen succederet, ad aliud facinus animū  
intendit, unumq; ex obsidibus Molossorum missum iu-  
gulauit, & partim undis, partim prunis coctū Ioui ap-  
posuit. Qui cibo cognito iratus, appositum in terram  
proiecit, ipsamq; regiam incendit. Qua re territus Ly-  
caon in sylvas fugiens in lupum conuersus est. Ab eo fit  
Lycæonicus, a, um. Ouid. lib. 1. Metam.

Fœda Lycæonia referens conuiuia mensæ, &c.

Alius fuit Lycæon Nelei filius, & Nestoris frater, quē  
Hercules expugnato Pylo occidit. Alius fuit Priami  
filius, ex Laothoë Altai Lelægensium regis filia, ab A-  
chille occisus. Alius itē Lycæo Cnosius, faber, et artifex  
ensis, quē Ascanius dedit Euryalo, ut ostēdit Ver. lib. 9.

Lycæonia, regio est minoris Asiæ prope Phrygiā, à qua  
mōtibus separatur, ad Taurū Cilicum & Pisidicū ex-  
tensa. Lycæones, dicuntur ipsi populi. Ouid. in Trist.

Quæq; Lycæonio terra sub axe iacet.

Quamuis hoc quidam de Arcadiæ parte, ubi Lycæon  
regnauit, intelligendum putent.

Lycaste, filia fuit Priami ex concubina, cuius amore fla-  
grans Polydamas Antenoris & Theanūs sororis He-  
cubæ filius, eam in uxorē duxit. Est etiam nymphæ no-  
men. Item Lycaste nobile fuit scortū in Sicilia, quam  
ob for



ob firmositatem Venerem uocauerunt. Vide supra  
Buthes.

**Lyceum**, λυκαῖον, gymnasium fuit Athenis, in quo doce-  
bat Aristoteles, Ciccr.

Inq; Academia umbrifera, nitidoq; Lyceo  
Fuderunt claras fecundi pectoris artes, &c.

**Lycia**, regio est Asiae minoris inter Pamphyliam & Ca-  
riā, à Lyco Pandionis Atheniensium regis filio sic di-  
cta, cum prius Termile, ut Herodotus tradit, appellaretur.  
In ea sunt urbes insigniores, Patara, Pinara, Xan-  
thus (quod etiā fluuij nomen est in eadem regione) My-  
ra & Tlone, ut Strabo scriptum reliquit, & mons Chi-  
mera. Lycij, dicuntur incolæ. Verg. lib. 1. Aeneid.

Vnam quæ Lycios fidumq; ferebat Orontem.

Lycius quoq; uocatur Apollo, uel à Lycio tēplo De-  
li, uel à lupis, quod ueluti lupi pecora rapiunt, ita ipse  
quoq; humorem rapit radijs.

**Lycomēdes**, rex fuit in Scyro, cui Thetis filium suū dor-  
miente præceptore suo Chirone clam raptum seruau-  
dum tradidit, ut ibi inter eiusdē regis filias (erat enim  
facie uenusta & puellari, ita ut facile pro puella sese  
gereret) muliebri habitu indutus latitaret, ne ad bellū  
Troianum, à quo illum non reuersurum esse sciebat,  
proficisci cogeretur. Apud quē cum delitesceret, Dei-  
damiam regis filiam uitiauit, & ex ea Pyrrhum susce-  
pit. Vide supra Deidamia, & Achilles.

**Lycōphron**, Chalcidensis fuit poëta tragœdiographus.  
Is scripsit Alexandram, poëma ualde obscurū, in quo  
meminit de uaticinijs Cassandrae, exorsusq; ab Hercu-  
le, & rebus Troianis prosequitur usq; ad Alexandrū  
Macedonem. De huius morte Ouid. in Ibin:

Vtq;

Vtq; cothurnatum periſſe Lycophrona narrant,  
Hæreat in fibris fixa ſagitta tuis.

Alius fuit Perinthis Corinthiorum regis filius, qui matrem occiderat uiuente adhuc patre.

Lycoris, amica fuit Galli poëtæ, quam ficto nomine appellauit, cum Cytheris uocaretur. Sed poſtea M. Antonium ſecuta eſt in Galliam proficiſcētem, ſpreto poëta Gallo priore amaſio: qui ſibi ipſi tandem amoris impatiens mortem conſciuit. Verg. Eclōg. 10.

—Tua cura Lycoris

Perq; niues alium, perq; horrida caſtra ſecuta eſt.

Lycornas, quem alij Lycorinam uocant, flauius eſt Aetoliæ, flauas arenas uoluens. Hic poſtea Euenus ab Eueno rege Aetoliæ, qui ſe in illum præcipitauit, appellatus eſt. Ouidius lib. 2. Metamorph.

Arsurusq; iterum Xanthus, flauusq; Lycornas.

Lyctus, urbs eſt Cretæ ſub Idomeni imperio, à quo ipſe Lyctius, id eſt, Cretenſis appellatur.

Lycurgus, Lacedæmonius princeps, & legiſlator, de quo uide Plutarchum & Eraſmum in Apophtheg. Alius fuit Lycurgus rex Nemicæ, ad quem Hypſiphyle profuga uenit, eiusq; filium Opheltē nutriuit. Alius itē Lycurgus rex Thraciæ, Dryantis filius, qui cū Bacchū contemneret, eius nutrices in Nyſa urbe latentes perſequutus eſt, ipſumq; Bacchū timentem fugauit in mare: quapropter dijs odioſus factus, oculis priuatus eſt. Alij dicunt, quod cum in Bacchi contemptiōnem uites amputare ſe crederet, ſua ſibi ſucciderit crura. Alij dicunt in mare præcipitatum, quod primus aquā uino miſcuiſſet, & rem hauſtu ſynceram plurimis inſeciſſet uenenis. Verg. lib. 3. Acneid.

Terra

Terra procul uastis colitur Mauortia campis,  
 Thraces arant, acri quondam regnata Lycurgo.  
 Lycurgides, filius Lycurgi, apud Ouidium in Ibin:  
 Quiq; Lycurgiden (Ancæum seu Angeū intelligēs,  
 quāuis tamen hunc quidam Neptuni & Astypalæ fi-  
 lium dicant, de quo supra) lacerarat ab arbore natum,  
 Idmonaq; audacem, te quoq; rumpat aper.  
 Quem & idem poëta eodem loco Lycurgum Penthei-  
 den uocat, inquit:

Qua sua Pentheiden proles est ulta Lycurgum,  
 Hæc maneat teli te quoq; plaga noui.

Mihi nondū satis liquet: quamuis Guido quidam Mo-  
 rillonus hunc locū annotans, dicit, Butthen quendā Ly-  
 curgi Thracū regis filiū, & Penthei nepotem Bacchi  
 sacerdotes in patris uindictā occidisse: cōtra reliquos  
 omnes authores, qui hunc Lycurgū Dryantis, non Pen-  
 thei filium faciunt. Sit tamen cuiq; liberum iudicium.

Lycus, nomen proprium uiri: quo tamen nomine multi  
 claruerūt. Vnus fuit Troianus, de quo Verg. li. 1. Aene.

Nunc Amyci casum genuit, & crudelia secum

Fata Lyci, &c.

Alius fuit Thebanus, ignobilis genere, qui Antiopam  
 Nyctæi regis filiā in uxore duxit, camq; postea à Ioue  
 in satyrum uerso compressam abdicauit, & Dirce su-  
 perinduxit, quæ eā in carcerē coniecit: sed postea deo-  
 rum commiseratione solutis uinculis aufugit, & in Cy-  
 therone monte Amphionem & Zethū peperit: qui a-  
 dulti cū Lyci iniuriā à pastore, à quo nutriti erāt, edo-  
 cti essēt, eundem cum uxore Dirce interfecerūt. Alij di-  
 cunt eum Mercurij intercessione liberatū, dum ei mor-  
 tem pararēt, & sic postea Amphioni & Zetho regnū  
 reliquisse.

reliquisse. Rursus sunt, qui dicunt eum ab Hercule redeūte ab inferis, cum Pirithoo occisum, quòd Megaræ coniugi uoluisset uim inferre. Alius fuit Lycus Pandionis filius, à quo Lycia nomē sumpsit, cū Termile appellaretur. Est et fluuij nomen, qui ex Alpibus oriens, Augustam uersus fluit, tandem Danubio miscetur. Est item fluuij nomen in Asia, qui terræ hiatu absorptus alio loco renascitur, tandem in Pontum cadit, ut testatur Ouidius libro 4. de Pont. Eleg. 10.

Huc Lycus, huc Sagaris, Peniusque Hipanisque Cratesque;

Influit, et crebro uortice tortus Halys, &c.

Lydia, prouincia est Asiæ, quæ flexuosis Mæandri amnis recurribus perfusa super Ioniam procedit: Phrygiæ abortu solis uicina, ad septentrionem Mysiæ, meridiana parte Cariæ amplectens: à Lydo filio Atys, et Tyrrheni fratre cognominata, cum antea Mæonia uocaretur. Quippe Lydus huic prouinciæ imperauit, cum Tyrrhenus frater ob sterilitatem famemque, à patre in aliam terram abire iussus fuerit. In ea est Tmolus mons et Pactolus fluuius, aureas arenas habens. Lydi, dicuntur populi. Inde adiectiua Lydus, et Lydius, a, um, id est, ad Lydiam pertinens. Porro hæc dictio primam indifferentem habet. Ouid. lib. 6. Metam.

Aequa uiro fuerat, Lydias tamē illa per urbes, &c.

Idem in eodem loco:

Lydia tota fremit, Phrygiæque per oppida facti  
Rumor ijt, &c.

Lynceus, quem Ouidius alio nomine Linum appellat, filius fuit Aegypti, et solus ex 50. fratribus misericordia Hypermetræ coniugis euasit mortem: qui postea expulso,

expulso, uel etiā occiso Danao, regnauit apud Argos.

**Lynceus**, alius, fuit Apharei filius, unus ex Argonautis, tantæ acuitatis in uidendo, ut etiam nouissimam Lunā, primamq; eodem die in signo Arictis cōspexerit, quod paucis mortalium contigit. Vnde Horat.

—Solut nūbila Lynceus, &c.

**Lyncus**, ut habet Ouid. Lynceus, ut alij: Lynx, ut rursus alij, rex fuit Scytharum, ad quem cū Triptolemus curru, quē ipsi Ceres dono dederat, alatis draconibus uectus peruenisset, ab eodē hospitio susceptus est: cūq; nomen patriam, uiaq; causam indicasset, Lycus eiusdem gloriæ inuidens, noctu hospitem suum obtruncare adortus est. Quare indignata Ceres, Lyncum in Lynceum commutauit. Ouid. lib. 5. Metamorph.

Rex ibi Lyncus erat, regis subit ille penates.

**Lyncestius**, fluuius est, cuius aqua pota non minus ebrietatem inducit, quā si quis uino se ingurgitasset. Ouid. lib. 15. Metamorph.

Hinc fluit effectu dispar Lyncestius annis, &c.

**Lymnides**, nymphæ sunt florum & pratorum, quas aliæ quando mori & deficere dicit Aristoteles, sicut Panes Fauniq; faciunt.

**Lyndus**, ciuitas est Rhodi, ubi sacra Herculis maledictis & execrationibus celebrabātur. Lyndij, incolæ appellati sunt. Fuit & altera Lyndus in Dorica regione.

**Lyrnessus**, oppidum fuit Phrygiæ ab Achille cuersum, cum Priamo bellum ob Helenam à Paride filio raptam inferretur, ex quo Briseida quoq; rapuit occiso Minacte eiusdē oppidi principe: quæ inde Lyrnessis ab Ouid. lib. 4. Trist. appellatur.

Fertur & abducta Lyrnesside tristis Achilles.

Lyris,

**Lyris**, fluuius est Campaniæ, ex Apenninis montibus oriens, urbem Myturnensium interfluit, item lucū eiusdem urbis, quem incolæ religiosissimè colebant. Mart.

Ceruleus nos Lyris amat, quem sylua Maricæ  
Protegit, &c.

**Lysander**, Lacedæmonius dux clarus, sed admodum factiosus: fertur enim odium totius Græciæ in Lacedæmonios concitasse. Athenienses per deditionem subegit, Thebanosq; aggressus apud Haliartū oppidū à Necho interfectus est.

**Lysidice**, filia fuit Pelopis & Hippodamiæ, Pitthei soror, quæ Electrioni nupsit, & ex eo Alcmenam Herculis matrē peperit, ut inquit Plutarchus. Alij uerò, inter quos est Comment. Homeri, matrē Alcmenes nō Lysidicen Pelopis, sed Anaxò Ancæi cuiusdā filiā dicūt.

**Lysippe**, filia fuit Præti, quæ cū cæteris sororibus à Iunone in uaccam mutata est. Vide suprâ Iphianassa.

**Lysippus**, Sicyonius sculptor fuit clarissimus, à quo solo Alexander Magnus fingi uoluit, quemadmodum pingi à solo Apelle. Horatius:

Edictoq; cavit, ne quis se præter Apellem  
Pingeret, aut alius Lysippo duceret æra.

DE L I T E R A M.

M A.

**M**Acareus, filius fuit Aeoli, qui cum sorore Canace concubuit, & ex ea filium suscepit. cumq; infans à nutrice exponendus efferretur, seipsum uagitu prodidit. quare indignatus Aeolus, gladium filiae misit, quo in ultionem tanti sceleris seipsam interficeret. Macareus uerò aufugit, & ut quidam uolunt, factus est sacerdos Apollinis Delphici. Ouid. lib. 13.

Veste



*Veſte Peletroniꝝ Macareꝝ in peſtus adaſto, &c.*

*Vide Canace.*

*Machaon, filius fuit Aefculapij & Arfinoës, alij Coronidis, alij Heſiones filie Meropis, alij Xäthiones dicũt. Podalyrij frater, & medicus inſignis, qui etiam cum reliquis Græciæ principibus Troiam uenit. Tandem ab Eurypylo occiſus. Verg. lib. 2. Aeneid.*

*Pelidesq; Neoptolemus, primusq; Machaon.*

*Macra, fluuius uadoſus & præceps Italiæ, per Ligurum montes iuxta Lunam urbem Hetruriæ in mare Tyrrhenum effluens. Lucan. lib. 2.*

*—Nullasq; uado qui Macra moratus*

*Alnos, &c.*

*Macedonia, maxima regio eſt Europæ, ab ortu habens Thraciæ limitẽ, ab Occaſu Ionium pelagus, à Meridie Epirum, & à Septentrione Dalmatiæ partẽ. Inſunt illi Theſſalia, Magnesia, Doris, Locris, Phocis, Bæotia, Attis, Megaris. Primum dicta fuit Emathia, ab Emathio Cameſis filio: deinde cùm Macedo Oſiridis filius regnare cõpiſſet, regio ab eo Macedonia denominata eſt. Macedonicus, a, um, ad Macedoniam pertinens: & Macedo, qui eandem regionem incolit. Lucan.*

*Cum tibi ſacrato Macedo ſeructur in antro.*

*Mæander, fluuius eſt Phrygiæ, qui ex arce Celenarum eiſdem regionis oppido oritur, & per ciuitatẽ fluens, Lydiam à Caria diſterminat, tandem in ſinu maris, qui inter Pyrenen & Miletum eſt, cadit. Fluuius adeò flexuoſus, ut in fontem reuerti uideatur: unde omnes obliquitates ueteres, Mæandros appellarunt. Ouid. lib. 3.*

*Non ſecus ac liquidis Phrygius Mæander in undis  
Ludit, & ambiguo lapſu reſluitq; fluitq;.*

Hunc poëta fingunt Oceani & Terræ filium, cumq;  
Cyaneen nymphā genuisse, quam postea Miletus Solis  
filius oppressit, & ex ea Caunū & Biblidem suscepit.  
Vide suprā.

Mædia, per æ diphthongum, ciuitas est Thraciæ. à qua  
Mædi, ipsius urbis ciues. Media, autē regio est Asiæ,  
de quibus infrā.

Mænades, apud Græcos dicuntur mulieres, & Bacchi  
sacrificulæ, à Græco *μαίνομαι*, id est, insanio. Hæ passis  
capillis instar furētium celebrabant Bacchi sacrificia.  
Iuuenal.

—Crinemq; rotant ululante Priapo

Mænades, &c.

Mænālus, altissimus mons est Arcadiæ, adeo ut eius ca-  
cumen astris insertū uideatur, teste Statio lib. 9. Abun-  
dat etiam pinu arbore: unde Verg. Eclog. 10.

Pinifer illum etiam sola sub rupe iacentem

Mænalus, &c.

In plurali neutrum est hoc nomen. Lucan. lib. 3.

—Tunc Mænala linquit Arcas, &c.

Mænalius, id est, Arcadicus: & Mænalis ursa apud  
Ouidium lib. 3. Trist. Eleg. 11.

Mæonia, regio minoris Asiæ, alio nomine Lydia. à qua  
fit Mæonius, a, um. & Mæonides dictus est Home-  
rus, quòd inde originem traxerit, ut quorundam fuit  
opinio. Verg. lib. 8.

—O' Mæoniæ delecta iuuentus, Flos ueterum, &c.

Mæotis, Μαῶτις, palus est Scythiæ, prope Phasidis  
ostium, recipiens Tanaim, aliosq; fluuios, tandem in  
Pontum effluit. Hinc fit Mæoticus, a, um. Verg. lib. 6.

Responsis horrent diuūm, & Mæotica tellus, &c.

Ouidius

Ovidius uerò lib. 3. Trist. Eleg. 12. primam corripuit:

—Annoq; peracto

Longior antiquis uisa Maotis hyems.

Magnesia, regio Macedoniae prope Thessaliam, cuius populi Magnesij dicuntur. Est etiam Magnesia, Asiae urbs, ad Maëandrum sita, iuxta quam Scipio Asiaticus Antiochum maxima clade affecit.

Maia, filia fuit Atlantis ex Pleione nymphea, quæ cum Ioue concumbens ex eo Mercurium peperit. Hanc quidam tradunt Vulcano nupsisse. Verg. libro 8.

Vobis Mercurius pater est, quem candida Maia

Cyllenes gelido conceptum uertice fudit, &c.

Malea, media indifferenti, promontorium est Laconiae, quinquaginta millibus passuum in mare protensum, iuxta quod fuit olim periculosa nauigatio. Nomen sumpsit ab Argiuorum rege Maleo, qui in eo templum Apollini construxit, quod Maleoticum nominauit. Verg.

Ionioq; mari, Maleæq; sequacibus undis. Ouid.

Nec timeam uestros curua Malca sinus.

Malica, urbs fuit Thessaliae, à qua populi Maliees dicti, & mare uicinum Maliacum.

Mamurrius, faber fuit ærarius, qui ancylia fabricauit Saliorum, qui propterea nomen eius solebant canere suis carminibus. Propert.

At tibi Mamurri formæ cælator ahenæ, &c.

Manto, filia Tirrhesiae uatis, quæ Delphos missa est ab Epigonis, unde postea in Asiam cū Rhatio quodā, cui etiam nupsisse dicitur, peruenit, templumq; Apollinis Clarij & oraculum instituit. Vide infrà de Tirrhesia. Vergilius libro decimo tradit eam ex Tyberi amne Oceanum filium suscepisse, qui Mantuum condidit, & à se

nominauit. Aeneæ præterea in auxilium uenit contra Turnum.

Ille etiam patrijs agmen ciet Ocnus ab oris,  
Fatidicæ Mantûs, & Thusci filius amnis,  
Qui muros, matrisq; dedit tibi Mantua nomen.

Mantua, ciuitas est Galliæ Cisalpinæ, ab Ocnio Mantûs filio condita, ut in præcedentibus liquet. Mantuanus, aliquis ex Mantua.

Marathon, campus est Atticæ prouinciæ, à Marathone heroë dictus: in quo Miltiades copias omnes, quæ Persarum ducem sequutæ fuerant, non expectatis Lacedæmoniorum auxilijs, quæ tardius ob plenilunium uenerat, funditus deleuit. Ab eo quoq; Taurus Marathonius dicitur, quæ Theseus ab Eurystheo immisus occidit. Marathon quoq; oppidi nomē est iuxta Tricorythū, & Rhamnunta urbes. Inde Marathonius, a, um, & Marathonis, idos.

Marcomani, populi fuerunt Germaniæ interioris, Rbecnum bellandi causa transgressi: hos Cæsar cum Ariouisto eorum rege superauit. Stat.

Quæ modo Marcomanos post horrida bella, uagosq; Sauromatas, &c.

Mareotis, idis, palus est Aegypti. & Mareotis pars est Lybiæ Aegypto cõtermina. Mareotæ, populi qui eam habitant. Est etiam Mareotis Epiri pars, in qua nascitur optimum uinum. Vnde Mareotides uinæ dicuntur. Verg. —Sunt & Marcotides albæ.

Mareoticus, a, um, ad hæc loca pertinens.

Marica, nymp̃ha littoris Minturnesium iuxta Lirim a=mnē, ex qua, ut inquit Maro lib. 7. Faunus Latinū regē suscepit, eamq; ille Laurētē, pro Minturnesi poetica licentia

licentia posuit, ut *Seruius* annotat. Quidā uerò per *Mariā* *Venerē* intelligūt, cui ibidē sacellū fuisse perhibēt.

**C. Marius**, *Romanus nobilis* & *Sylla* inimicus acerrimus, qui post exilium urbe potitus ad eadē principū animum cōuertit. *Octauij* consulis caput exposuit pro rostris. *Antonij* caput item mensis apposuit. *Cæsarem* & *Fimbriam* in suis ædibus trucidauit, multosq; alios principes. Tandem *Sylla* ex *Asia* reuocatus *Marium* fugauit, qui in paludibus *Minturnensium* delituit: sed inuentus & in carcerem coniectus, percussorem *Gallū* solo uultus maiestate terruit: liberq; factus, accepta nauicula in *Aphricam* traiecit, ubi aliquandiu exulauit. Mox *Cinnana* dominatione reuocatus, septimū consul factus est, in quo consulatu natus annos 73. morbo, uel ut alij uolunt, uoluntaria morte decessit. *Luca. li. 4.*

*Sylla* potens *Mariusq;* ferox, &c.

Vide *Plutarchum* in uita *Marij*.

**Marmarica**, regio est *Aphricæ*, à qua fit *Marmaricus*, a, um, id est, *Libycus*. *Sidon*.

— *Marmaricus* quem uertice continet *Atlas*.

*Marmaridæ*, dicuntur populi.

**Marpēsus**, mons est lapideus in *Paro* insula, à quo fit *Marpesius*, a, um. *Verg. lib. 6.*

Quā si dura *silex*, aut stet *Marpesia* cautes.

**Marpissa**, filia fuit *Eueni Martis* filij, quam *Idas Aphæ* rei filius rapuit. uide in dictione *Idas*.

**Marrubij**, populi fuerunt *Italiæ*, circa *Fucinum* lacum habitantes: sic dicti uel à rege *Marrubio*, uel quòd circa mare habitent. *Vergilius*:

Quin & *Marrubia* uenit de gente sacerdos.

**Mars**, quem *Osci* *Mamertem* uocant, deus belli, *Iouis*

et Iunonis filius, uel ut Ouidius fabulatur, solius Iuno-  
nis. Cum enim olim Iuno turbata, eò quòd animaduertisset Iouem maritum percussò capite sine muliere procreasse Minervam, uersus Oceanum profecta esset, ut scrutaretur, quo pacto et ipsa sine uiro parere posset: et in itinere fatigata secus fores Floræ deæ coniugis Zephyri consedisset, interrogata ab ea fertur, quam ob causam ad Oceanum pergeret: qua cognita, facturam se uoti compotem deam pollicita est, si id Iuno Iouem celaret. Quod cum Iuno iureiurando affirmasset, mox illam Flora monuit, in campis Olenijs florem esse, quo tacto statim conciperet sine uiro: id experta Iuno concepit, et peperit filium, quem Martem nominauit. Hunc frunt postea cum Venere concubuisse, eosq; Vulcani fallacijs iam obscœnè iacentes cathena inuisibili ligatos, omniũ deorum risui expositos fuisse: tandem Neptuno intercedente à Vulcano solutos esse. Sororem habet Bellonam belli deam. Sacrum ei fecerunt lupum et picum. Salios habuit sacerdotes, de quibus infra. Ponitur sæpiusimè pro ipso bello *μετ' οὐρανῶν*. Verg. lib. 10.

Nunc insanus amor duri me Martis in armis, et c.

Hinc Martius, a, um, id est, bellicosus.

Marfi, populi Italiæ ultra Picenum Samnites uersus: à Marso Circes filio, à quo originem duxerunt, appellati. Marfia, illorum regio. Inde Marficus, a, um. Sunt et Marfi populi in Scythia, ut tradit Herodotus.

Marfya, siue Marfyas, tibicen fuit insignis, ex Celenis oppido Phrygiæ. Ouidius tamen Satyrum fuisse autor est, qui tibijs à Minerua inuentis ausus fuit Apollinem ad certamè prouocare, à quo uictus et excoriatus est: ex cuius corpore tantum defluxit sanguinis, ut à terra absorptus



absorptus in fluuium Marſyam, qui in Phrygia eſt, ſue-  
rit commutatus. Ouid. lib. 6. Metam.

Marſya nomen habet Phrygiæ liquidiffimus amnis.  
Maſſicus, in ſingul. Maſſica, orum, in plurali, mons eſt  
Campaniæ, optimi uini ſeraciſſimus. Verg. lib. 7.

—Vertunt felicia Baccho

Maſſica qui raſtris, &c.

Maſſagetæ, populi ſunt Scythiæ, qui per deſerta diſcur-  
runt, & equorum ſuorum ſanguinem cum lacte bibūt,  
quemadmodum & Biſaltæ populi. Senio conſectos in  
fructa cōſecant, morbo percuntes ſeris obijciunt. Vxo-  
res habent cōmunes, cum quibus etiam in publico co-  
ire non uerentur. Solem præcipuè uenerantur, cui & e-  
quum immolant: ceteros deos habent neglectui. Stat.  
in Achilleid.

Lactea Maſſagetæ ueluti qui pocula fuſcant

Sanguine puniceo, &c.

Maſaniſſa, & Maſiniſſa (utrunq; enim legitur) rex fuit  
Numidarum, & populo Romano amiſſiſſimus. Ouidius  
libro 6. Faſtorum:

Poſtera lux melior ſuperat Maſiniſſa Siphacem.

Maſilia, urbs eſt Galliæ Narbonenſis, quam Phocenſes  
cōdiderunt. ab ea fit Maſſilienſis, & Maſſilitanus,  
& Maſſiloticum oſtium. Martial.

Tu me Maſſiliæ ponere uina iubes.

Maſſylia, penul. prod. per y, quamuis Græci ſimplici  
ſcribunt, regio, ut alij uolunt, oppidum eſt Lybiæ Mau-  
ris uicinum, nec longè abeſt ab hortis Heſperidū. Hæc  
gens neq; ephippijs utitur, nec frenis, ſed ſola uirga  
contenti ſunt, qua agitent equos, & moderentur. Ab  
hac fit Maſſylus, & Maſſylius, &c. Lucan. lib. 4.

Et gens quæ nudo residens Massylia dorso,  
Ora leui flectit frenorum nescia uirga.

Et Vergilius lib. 4. Hic mihi Massylæ gentis, &c.  
Matinus, mons est Apuliæ buxis abundans. Matini, di-  
cuntur populi circa eum habitantes. Lucan. lib. 9.

—Et arua

Vulturis, & calidi lucent buxeta Matini.

Matuta, dicitur Latinis Aurora, quam Græci Leucothe-  
am quoq; dicunt. à qua fit Matutinus.

Mauors, dictus est Mars per Epenthesein. Ouid.

Sic ego, sic posita dixit mihi casside Mauors.

Hinc fit Mauortius, a, um, &c.

Mauritania, regio est Africa extrema, uersus Gadita-  
num fretū, & occidentalem occasum: in qua Anthæus gi-  
gas regnasse fertur, quē Hercules occidit. Duplex est,  
Cæsariensis à Cæsarea, & Tingitana à Tingi. Dicti à  
μαύρον, quod nigrum sonat, quod nigros homines, ob  
solis ardorem producat. Mauri, dicuntur eiusdem  
populi: & Mauritanus, a, um, adiectiuū. Lucan. li. 3.

Quicquid ab occiduis Libyæ patet arida Mauris:

Maurusq; dicuntur Græcè Mauritani, hinc adiect. Mau-  
rusius, a, um. Verg. lib. 4. Aeneid.

—Cui nunc Maurusia pictis

Gens epulata toris, &c.

Maurusiacus, a, um, apud Martialem lib. 12.

Mausolus, rex Cariae, cui Artemisia fuit uxor, à qua a-  
deò dilectū ferunt, ut illo mortuo luctu ac desiderio fla-  
grans, ossa ac cincrem eius odoribus mista cōtusaq; in  
aqua ebiberit. sepulchrū præterea edificarit sumptuo-  
sissimū, & toto orbe celeberrimū, quod Mausoleum  
appellauit. Et quoniā tam egregijs operibus cōstruētū  
erat,

erat, inter septem orbis miracula cōnumerarunt. Mart.

Aëre nec uacuo pendentia Mausolea

Laudibus immodicis Cares in astra ferant.

M E.

Mecœnas, oriundus à regibus Hetruria, scripsit tragœdias, & alia uarij generis poëmata. Gratiſſimus fuit Octauio & omnibus poëtis, quos etiam ſemper maximis beneficijs proſequutus eſt: unde factum eſt, ut omnes bonarum artium fautores Mecœnates uocentur. Horat. libro 1. Carm.

Prisco ſi credis Mecœnas docte Cratino, &c.

Medea, filia fuit Aetæ ex Ipſea, uel ut alij, Idya cōiuge, quæ Iaſonem Colchos cum reliquis Argonautis proſectum hoſpitio ſuſcepit: cumq; eius amore ſlagraret, uereturq; ne incolumis rediret, utpote quæ pericula noſceret, habita ſui cōiugij ratione, docuit ipſum, quæ ratione aripedes tauros domare & iugo ſubmittere, draconeq; peruigilē ſopire, & deinde occidere, eiusq; dentes ſulcis immittere, & uellus aureum rapere poſſet. Quo peracto cum eodem fugam arripuit, tracto ſecum fugæ comite Abſyrtho paruulo fratre. Quos cum pater perſequeretur, neq; quiſquam inſequentem remorari poſſet, Medea fratrem Abſyrthum occidit, & articulatim diſcerptum paſſim per agros diſiecit, atq; ſic dum pater filij membra colligeret, illa cum raptore auſugit. Tandem poſt longos errores in Theſſaliam cum Iaſone peruenit, ubi eiſdē precibus Aeſonem patrem annositate decrepitum in robuſtiorē ætatem retraxit. cumq; Iaſoni duos filios peperiſſet, in Pelia mortē ſuas filias armauit. Poſtremo ab ipſo Iaſone repudiata eſt, qui aliā uxorem, Creuſam uidelicet Creontis Corinthi

orum regis filiam duxerat. Quod Medea ægerrimè ferens, igne in scriniolo muneris loco Creusæ misit, quo ipsa cum tota regia exusta est: ut superius auditum est. Quo tam impio facinore Iason iratus, supplicium de ea sumpturus irruit. Medea uero arreptis filiis, quos ex ipso susceperat, ipsos in patris conspectu iugulauit: maleficijsq; sublata Athenas uenit, ubi Aegeo iam senescenti nupsit, peperitq; filium, quæ de suo nomine Medum appellauit. Tandem nescio quo pacto Iasoni conciliata, cū eo Colchos redijt, patremq; senem & exulem Iasonis uiribus in regnum reduxit. Alij uerò referunt, eam non Iasoni reconciliatam, sed post susceptum ex Aegeo Medum filium, Cerberi spuma potasse Theseū priuignum, ac demum nubes carminibus excitasse, ijsq; cum Medo filio inuolutam in eam Asiæ partē, quæ hodie Media dicitur, peruolasse. Horat.

Nec pueros coram populo Medea trucidet.

Media, quidam tamen primam per α, diphthongon scribūt, regio est in Asia, Persiæ, mariq; Hyrcano cōtermina. Dicta à Medo Medæ filio. Ab ea fit Medus, et Medicus, 4, um, id est, aliquis ex Media. Verg. li. 4. Georg.

Lydia, nec populi Parthorū, aut Medus Hydaspes  
Obseruant, &c. Lucan. lib. 2.

— Achmenijs decurrant Medica Sufis Agmina:  
Medūsa, filia fuit Phorci, quæ cum mulierū esset formosissima, habuit inter alia sui decoris spectabilia, crines proximè ad auri colorem accedentes, quorū splendore captus Neptunus, in Mineruæ templo cum ea concubuit, ex quo cōcubitu postea natus est Pegasus equus. Quam iniuriā Minerva graui & iniquo animo ferens Medusæ crines, quibus maxime amatori suo placue-

rat,

rat, in angues mutauit: fecitq; ut omnes eam aspicientes in lapides uerterentur. Quamobrem cum nemo tam immane monstrum intueri posset, Perseus Iouis & Danaë filius, Mercurij talaribus, et falcato ense accepto, Palladis item scuto, ut aeris percussu effigiem eius uidere impunè posset, ex improviso, cum ipsa anguesq; sopiti essent, adortus, uno ualidissimo ictu peremit, & in patriam rediens cum eiusdem caput secum deferret, contigit ut guttæ sanguinis decidentes per solitudines Aphricæ, mutarentur in serpentes. Vide Lucan. lib. 9.

Squallebant latè Phorcinidos arua Medusæ.

Inde Medusæus, a, um.

Megara, filia fuit Creontis Thebanorum regis, quã Herculi in uxorem dedit, quòd Erginum Orchomeni regē interfecisset, urbemq; incensa regia euertisset, eò quòd tributa quotannis à Thebanis exigeret. Est & Megara ciuitatis nomen in Megaride Græciæ regione, ex qua fuit Euclides geometrarum princeps. Alia item in Sicilia prope Syracusas.

Hinc fit Megarensis, & Megarus, a, um. Vergilius:

Panthagiæ, Megarosq; sinus, Thasumq; iacētē, etc.

Megareus, filius fuit Onchesti, & pater Hippomenis. à quo fit Megareius, a, um. Ouidius libro 10. sub persona Hippomenis:

Namq; mihi genitor Megareus, Onchestus at illi:

Est Neptunus auus, pronepos ego regis aquarum.

Megera, una est Furiarum, quas poëtæ Acherontis & Noctis filias faciunt. Verg. lib. 12.

Quas & tartarea nox intempesta Megeram

Vno eodem tulit partu, &c.

Vide suprâ Diræ, item Furia.

Melampus,

Melampus, filius fuit Amythaonis & Dorippes, Bian-  
tis frater. Nomen autē accepisse fertur, eò quòd mater  
infantē exposuerat toto corpore teñtum, præterquàm  
pedibus, qui à sole atro colore attrañto, nomini cau-  
sam dederunt. Augurio claruit. Biantem item iuuit in  
aufrendis bobus Iphiclo, quas ille Nelco restituit, ac-  
cepta eiusdem filia Pero nomine in uxore. Filias quoq;  
Procti furijs agitas sanitati mentis restituit, quarum  
unam, Iphianassam uidelicet, in coniugem accepit, ut  
superius traditum est. Vergil. lib. 3. Georg.

Phyllirides Chiron, Amythaoniusq; Meläpus, &c.

Melantho, filia fuit Protei senis, cui consuetudo fuit po-  
sitis uestibus dorso delphinum insidere, atq; sic per  
maria patris uagari. Quum autem esset formosa, Ne-  
ptunus eius pulchritudine captus, in delphinē se trans-  
formauit, atq; illi applaudēs eā in cōfessum sui traxit,  
& transportatam etiam uiolauit: ex quo postea genuit  
Amycū, ut Theodorus asserit. sed aliter sentit Seruius,  
qui hunc Neptuni & Melites filium facit. Vide suprà.

Melanyon, Μελανύων, dictus est Hippomenes, eò quòd  
pomis certamē cōficeret. Quamuis corrupte apud Pro-  
pertium Mimaliō, pro Melanyon legatur, cum inquit:

Mimalion nullos fugiendo Tulle labores

Sæuitiam duræ contudit Iasidos, &c.

Melas, fluuius est Bæotia, oriens sub Orchomeniorū ur-  
be, unus omnium fluuiorū Græciæ ab ipso fonte nauiga-  
bilis, atq; circa solstitium æstiuum, ut Nilus, stata acci-  
piens incrementa, nec longius excurrit, sed in lacus &  
cuniculos delapsus modica sui parte Cephiso infundi-  
tur. Stat. libro 7.

Palladiusq; Melas Hecateaq; gurgite nutrit.

Sunt



Sunt & alij huius nominis fluuij.

Meleager, siue Meleagrus, filius fuit Oenei, regis Calydoniæ, & Altheæ, in cuius natiuitate mater tres Parcas uidit circa ignem, cui stipitem quendam imposuerunt, dicentes:

O nunc nate erit æqua tibi cum stipite uita.

Quod audiens mater, discedentibus illis, stipitem igni subtraxit, eumq; ne combureretur, diligentissime conseruauit. Quum igitur esset iam ætate adultus, cõtigit, ut pater eius ex susceptis frugibus omnibus dijs sacrificaret, præter solam Dianam. Quapropter dea irata, aprum immisit omnes Aetoliæ agros deuastantem. Ad hunc igitur cõficiendũ, Meleager iuuenes conuocauit insigniores: inter quos uenit & Atalanta, Schœnci filia: quam quum Meleager uidisset, continuo eius amore exarsit. Porro quum in uenatione omnes in aprũ irruerent, hæc omnium prima illum iaculo transfixit. Occiso igitur apro, Meleager, uenationis princeps, caput aprĩ (cui quidam pellem addunt) Atalantæ transmisit. Quod ægrè ferentes Plexippus & Toxeus, Altheæ fratres, Atalantæ caput auferre conati sunt. Quamobrẽ Meleager iratus eos obtruncauit, duxitq; Atalantam in uxorem, quæ ci Parthenopeum peperit. Althea autẽ cum audisset fratrum suorũ cædẽ, indignata, ut eadẽ ulcisceretur, fatallẽ stipitẽ igni imposuit, quo cõsumpto & ipse Meleager occubuit. Oui. li. s. Meta.

Huius opẽ Calydon, quãuis Meleagrõ habcret, etc. Melesigenes, proprium nomen Homeri poëtæ, sumptũ à Melite fluuiio Smyrnæ propinquo, iuxta quem natus esse dicitur. Postea Homerus appellatus. Vide suprã.

Melibœa, urbs est Thessaliæ, nobilitata purpura, quæ  
illic

illic inficiebatur. Vergilius lib. 5. Aeneid.

Purpura Mæandro duplici Melibœa cucurrit.

Vbi Melibœa pro Melibœensi positum est.

Melicerta, filius fuit Athamantis, & Inûs, quem mater secum de Scyronia rupe præcipitauit. postea uerò mutatus est in deum marinum, dictus q; Palæmon. Vide suprà de Athamante, item Ino. Vergilius libro quarto Georgicorum:

Et Glaucos, & Panopæ, atq; Inoo Melicertæ.

Melissa, filia Melissi Cretensium regis, quæ cum Amalthea sorore Iouem infantem in Idamonte caprino lacte & melle nutriuisse fertur. Tandem à Ioue in apem mutata est.

Melissus, rex fuit Cretensium antiquissimus, qui primus dijs sacrificauit, habuitq; duas filias, Amaltheam & Melissam, quæ Iouem nutriuerunt.

Melite, insula est inter Siciliam & Aphricam sita. Ouid. lib. 3. Fastorum:

Fertilis est Melite, sterili uicina Casyræ,

Insula, quam Libyci uerberat unda freti.

Meliteus, a, um, ut Melitei canes, qui olim Romanis in delitijs erant.

Melpomene, una est Musarum, tragœdiarū inuentrix, à modulando nomē trahens. Verg. de Musarū inuētis.

Melpomene tragico proclamat mæsta boatu.

Vide infrà de Musis.

Memphis, Aegyptiorū regia est, ab Ogdoos rege iuxta Nilum ædificata, cui eiusdem filia Memphis nomen dedit, cum qua Nilus sub tauri imagine cōcubuit. Hinc Memphitis, idos, & Mēphiticus, deducuntur. Mart.

Dat chartis agiles calamos Memphitica tellus, etc.

Memnon,

**Memnon**, filius fuit Titoni ex Aurora susceptus, qui cū maxima Orientalium populorum copia in auxilium uenit Priamo: & in pugna ab Achille occisus est: qui quū in rogo cremaretur, precibus Auroræ in auem mutatus est: ex eademq; pyra multæ aliæ aues euolarūt, quas Memnonias uocarunt. Has ferunt quotannis ex Æthiopia ad Memnonis sepulchrum, quod est iuxta Iliū, uolare. Vergil. lib. 1. *Æneid.*

Eoasq; acies, & nigri Memnonis arma, &c.

**Menalippe**, regina fuit Amazonum, quam Hercules cepit, postea uerò Antiopæ sorori restituit.

**Menalippus**, Thebanus quidam fuit, qui Tydeum in pugna apud Thebas letaliter uulnerauit. Quū igitur Tydeus mortem appropinquare uideret, adeo impatenter tulit, ut ferē in rabiē uersus, socios iusserit, ut uulneratoris caput ad se deferrent. Qui postquam illud multo sanguine fuso obtinuissent, ad dominum suum detulerunt: qui eo uiso mordicus arripuit, ac ceruici nō aliter ac canis rabidus dentes infixit: quumq; illam bestiali ritu deuoraret, occubuit. Alius fuit Menalippus, Oenei filius, Tydei frater, à quo imprudenter in syluis inter uenandum occisus est.

**Menander**, Atheniensis fuit comædiographus, qui maximè mulierum amore flagrasse dicitur. Scripsit fabulas 88. quarum aliquot Terentius uertit: item epistolā unam ad Ptolemæum regem. Porro tanto fuit in precio, ut etiā inuitatus sit à regibus Aegypti, oblati magnis honoribus & diuitijs. Ouidius libro 2. *Tristium*:

Fabula iucundi nulla est sine amore Menandri, &c.

**Menelaus**, filius fuit Atrei & Acropes, ut Homerus tradit: Plysthenis uerò, ut Hesiodus, & frater Agamemnonis,

nis, rex Spartaë, qui Helenam Iouis & Ledaë filiam, in uxore habuit: quam cum Paris, Priami filius, eo absente rapuisset, legatos ad Paridē misit, qui illam repeterent. sed quū reddere nollet, omnes totius Græciæ principes ad bellū conuocauit: qui collecto maximo exercitu, ad unum omnes sub Agamemnone rege in excidiū Troianū coniurarunt. Quumq; iam tota Phrygia, atq; Mysia deuastata, ad Ilium Priami regiam peruenissent, decennali bello illud oppugnarunt: tandem fraude magis quā uiribus expugnauerunt, atq; sic egregiam suam coniugem recepit, conscensaq; naui post octauum annum domum redijt. Tantæ molis erat infame reducere scortum. Verg. lib. 2. Aeneid.

Et Menelaus, & ipse doli fabricator Epeus.

Menetes, seu Mynetes, princeps fuit in Lyrnesso oppido, & maritus Astynomes, Chrysæ filiaë, ab Achille occisus. Vide suprà Chryseis, item Astynome. Ouid. libro 12. —Hastam

Misit in aduersum Lycia de plebe Meneten.

Menoëtius, filius fuit Actoris ex Aegina, quam uitiatam Iupiter illi in coniugem dederat. Hic postea relicta Aegina matre, in Opuntē in Locros se cōtulit, ibiq; Patroclū ex Stenele uxore suscepit, qui ab eo Menoëtiades appellatur. Ouid. in Epist. Penelop.

Siue Menoëtiaden falsis cecidisse sub armis, &c.

Mera, Procti & Antiæ filia, quæ uenationi dedita, cū Dianam per nemora sequeretur, à Ioue uisa & dilecta est: qui sumpta Dianæ figura, cum ea concubuit. Quapropter quum postea ob patrati sceleris pudorem, timens ne denuo deciperetur, uocanti eam Dianæ obsequi nollet, ab eadem sagittis confossa, occubuit. Tandem in ca-

nem



*nem est mutata. Ouid. lib. 7. Metamor.*

*Et quos Mera nouo latratu terruit agros.  
Est etiam alterius canis nomen, de qua supra in dictio-  
ne Erigones.*

*Mercurius, Iouis & Maia filius, nuncius & interpres  
deorum: in pedibus habet talaria, galcrum in capite,  
in manu uirgam, qua, Vergilio teste, alias animarū Ora-  
co euocat, alias in tartara mittit, uentos concitat, tra-  
natq; nubila. Deus est eloquentiæ, item mercatorum,  
& furum. Colebatur maximè in Arcadia, in cuius mon-  
te Cyllene progenitus fuit. Verg. lib. 4. Aeneid.*

*Tunc sic Mercurium alloquitur, ac talia mādāt, &c.  
Merōē, insula Nili apud Aethiopes, in qua est ciuitas  
eiusdem nominis, condita à Cambyse, & à matris no-  
mine ita uocitata. In hac fuerunt mulieres grandibus  
mammis. Vnde Iuuenalis:*

*Quis tumidum guttur miratur in Alpibus? aut quis  
In Meroë crasso maiorem infante manullam? &c.*

*Merōpe, filia fuit Atlantis & Placiones, quæ Sisypho Co-  
rinthiorum regi nupsit. Ouid.*

*Septima mortali Merope tibi Sisyphæ nupsit.*

*Pœnitet, & facti sola pudore latet.*

*Messana, Siciliae urbs, Pelori propinqua, à Messenijs  
Græcis condita. Postea cū Mamertini natio Cāpana  
eō colonos misissent, ipsi quoq; Mamertini potius,  
quàm Messanenses sunt uocati. Silius lib. 15.*

*Incumbens Messana freto niuibusq; reuulsa, &c.  
Eius quoq; ager feracissimus est uini, quod Mamerti-  
num appellatur. Martialis:*

*Amphora Nestorea tibi Mamertina senecta  
Si detur, &c.*

Messenia, regio est Peloponesi, in qua est ciuitas Messenæ: cuius incolæ Messeni dicuntur. Ouid. lib. 12.

Ille tuus genitor Messenia mœnia quondam  
Strauit, &c.

Mesapus, filius fuit Neptuni, qui neq; ferro uulnerari, neq; igne corrûpi potuit, ut testatur Verg. lib. 7. Acne.

At Mesapus, equum dormitor, Neptunia proles,  
Quem neq; fas igni cuiquam, nec sternere ferro.

Hic, ut idē ait, Turno aduersus Aeneam suppetias tulit.

Mesopotamia, regio est orientalis, inter Tigrim & Euphratem fluuios, unde & nomen habet: μέσος enim Græcis medius est, ποταμός fluuius. Ab oriēte habet Tigrim, ab occasu Euphratem, à meridie Babyloniam, à Septētrione Caucasum.

Metaurus, fluuius est Umbriæ in Flaminiam decurrens, iuxta quem Claudius Nero consul cum Salinatore Asdrubalem Hannibalis fratrem superauit, atq; occidit. Lucanus lib. 2.

In læuum cecidere latus, ueloxq; Metaurus,  
Crustumiumq; rapax.

Metapontum, oppidum est Italiæ, in sinu Tarentino, à Locrensibus conditum, à quo dicuntur Metapontini, eiusdem ciues.

Methymne, oppidum est in Lesbo insula, ferax optimi uini. ex hac etiam oriundus fuit Arion cytharædus clarissimus. Sil. lib. 7.

Ac Methymna ferax Latij cessere Falernis.

Inde Methymneus, & um.

Methōne, ciuitas est littoralis Peloponesi, in Magnesia regione, quam cum obsideret Philippus rex Macedonum, Alexandri Magni pater, oculum amisit, ictu sagittæ,



*gitta, quam iecerat Aster oppidanus: cui quoq; inscriptum erat, Aster telum Philippo immisit in oculum. Valerius Flaccus libro primo:*

*Neleidesq; Periclymenus, quē parua Methone, etc. Metra, filia fuit Erisichthonis, quam pater consumptis omnibus rebus uendidit. Vide Ouid. lib. 8. Metam. item suprà de Erisichthone.*

*Metius Suffetius, Albanorum dux tempore Tulli regis Romanorum, à quibus in auxilium contra Fidenates uocatus, iure societatis uenit quidē, sed in ipso praelio ad hostes defecit. Quod Tullus cernens, maxima uoce militibus suis dixit, Ne trepidetis, meo consilio factum est, ut factiose Metius Suffetius ad hostes trāsiret. Quo consilio & suis animum reddidit, & effecit ne hostes crederent Metio. quem idem Tullus postea hoste deuictō religauit ad binas quadrigas, ita ut ab unis traherentur manus, ab alteris pedes: quibus postea agitatissimum ipsum crudeli morte discerpserit. Verg. lib. 8.*

*Haud procul inde citē Metiū in diuersa quadrigæ Distulerant, &c.*

*Meuania, Vmbriæ oppidum, ad uiam Flāminiam, armorum & gregium ferax. Lucanus libro primo:*

*—Est tauriferis ubi se Meuania campis*

*Explicat, &c*

*Mezentius, Tyrrenorum rex, summus deorum contemptor, à subditis ob immanem crudelitatem cum tota familia expulsus, qui unā cum Lauso filio fugiens ad Turanum Rutulorum regem peruenit, cum quo aduersus Aeneam profectus est, sed inauspicato. Aeneas enim ipsum cum filio in pugna interfecit. Vergilius libro undecimo:*

*At Iouis interea monitis Mezentius ardens*

*Succedit pugna, &c.*

M I.

*Micipsa, Numidarum rex, Masinissæ regis filius, qui Iugurtham Manastabalis fratris filium, unâ cū Adherbale & Hyempsale filijs regni participē reliquit. Vnde Sallustius de bello Iugurthino.*

*Midas, Gordij filius, rex Phrygiæ ditissimus, cui propter Bacchum hospitio susceptum, cōcessum est, ut quicquid uellet optaret, futurus uoti cōpos. Optauit autē ut quicquid corpore contigisset, in aurum uerteretur: quod, annuente Baccho, factum est. Sed cum cibus & potus contacti etiam in aurū mutarentur, sensit tandem stolidus, se stultè petiisse, & facti pœnitens, orauit Bacchum, ut hoc munus auferret. tum Bacchus iussit, ut in Pactolo flumine se lauaret, & sic liberaretur. Quod cū fecisset, aurum cœpit esse in Pactolo. Postea cum Phœbus, & Pan carmine certarent, & Midas iudex electus cum Tmolo monte, qui Phœbum uicisse dixerat, secundum Pana iudiciū tulit. Quare indignatus Apollo, eisdem asininas auriculas indidit, quas tam scitè occultauit, ut nemo sciret præter solum tonsorem: qui cum rem inauditam tacere non posset, fossam ingressus proclamauit, Aures asininas habet rex Midas. Deinde fossam terra adoperuit: successuq; temporis creuerūt illic arundines, quæ commotæ uocem, quam tonsor infoderat, reddiderunt. Vide Ouidium libro undecimo:*

*—Atq; iniusta uocatur Vnius sermone Midæ, &c. item Erasmus in prouerb. Midæ diuitiæ.*

*Miletum, urbs insignis, in Lesbo insula, à qua uellera Milesia dicuntur, quòd ibi lana optimè tingatur. Alia huius nominis ciuitas est in Creta, alia in Caria.*

*Miletus*

Miletus, filius fuit Apollinis & Argeæ Cleochi filia, uel  
ut Ouidius habet, Deiones. Nonnulli tamen non Apol-  
linis, sed Euxantij Miconis filij: alij rursum Sarpedo=  
nis, qui fuit Iouis, filium faciunt. Hic cum Minoa Cre-  
tensium regem iam senem regno priuare uellet, à Ioue  
territus, in Samum, deinde in Cariam Asiæ regionē fu-  
git, ibiq; oppidū condidit, quod de suo nomine Miletū  
appellauit, eiusq; incolæ Miletios. Ouid. li. 9. Metam.

Tunc erat inualidus Deionidenq; iuuentæ

Robore Miletum, Phæboq; parente superbum

Pertimuit, &c.

Inde Miletis, idis, patronymic. id est, Biblis.

Milo, Crotoniensis, homo fuit tantæ fortitudinis, ut in  
Olympico certamine bouem retēto anhelitu per stadiū  
portauerit, quem ictu pugni interfecit, unoq; die inte-  
grum deuorauit. Malum tenenti digitis nemo poterat  
extorquere: dum constitisset, nemo uestigio educere.  
Quum autem nimia neruorum fiducia arborem in par-  
te media hiantem diducere uellet, brachijs hinc inde cō-  
strictis, & deficiente conatu retentus, lupis fuit præda.

Mantuanus:

Hausit dogma Croton forti insignita Milone.

Alius fuit Milo, Romanus, qui P. Clodium interfecit:  
pro quo etiam Cicero orationē habuit, quam à Milo-  
ne Milonianam uocant. Est item nomē montis Indiæ,  
in quo homines nascuntur auersis plantis, octonos di-  
gitos in singulis pedibus habentes.

Mimas, mons est minoris Asiæ, haud procul à Colopho-  
ne, continuis obsessus urbibus, unde futura tempestates  
sentiuntur, ut inquit Solinus. In hoc monte quotannis  
Baccho sacra facere consueuerunt, à quo mulieres sa-

*crifculæ Mimallones, & Mimallonides dicuntur, in quibus nominibus, o, littera indifferens est. Ouid.*

*Ecce Mimallonides fparfis in terga capillis.*

*Inde Mimalloncus, a, um.*

*Mimas, gigantis nomen fuit, quem Iupiter fulminauit.*

*Horat. lib. 3. Carm.*

*Sed quid Typhoeus & ualidus Mimas, &c.*

*Mimalion, uide Melanyon.*

*Mincius, fluuius est Venetorum, qui ex Benaco fcaturiens delabitur Mantuam: tandem Eridano mifcetur, unde Mantuanus: —Et leni Mincius unda*

*Ipfe natus patre Benaco per pascua ferpit,*

*Et Manto a finu complectens moenia magno,*

*Eridani fe iungit aquis, &c.*

*Minerua, Iouis filia absq; matre. Cum enim Iupiter Iunonem sterilem uideret, ne omnino absque filiis effet, percuffo cerebro suo armatam emisit Mineruam. Dea est sapientiæ: artium quoque & lanificij, texturaq; in uentrix perhibetur: cuius peritia uicit Arachnen Colophoniam, uictamq; transformauit in araneum. Certauit quoque cum Neptuno de imponendo urbi Athenarum nomine: in quo certamine uictrix existens, de suo nomine Athenas nominauit. Fingitur dea bellorum, soror & auriga Martis. Scutum habet cui Perfeus Medusæ caput imposuit. Poëtæ perpetuam uirginem faciunt, unde Vergilius:*

*Pars stupet innuptæ donum exitiale Mineruæ, &c.*

*Habet & alia nomina, de quibus suo loco.*

*Minio, fluuius est Thufciæ, non procul à Cerete oppido. Verg. lib. 10.*

*Qui Cerete domo, qui sunt Minionis in aruis.*

*Minos*

Minos, rex fuit Cretæ, Iouis & Europæ filius, qui Pasiphaën Solis filiam matrimonio sibi iunxit, & ex ea filios filiasq; progeniuit. Maxima bella gessit aduersus Megarenses & Athenienses, quòd filium suum Androgeum occidissent. Dædalum quoq; , eò quòd operam dedisset adulterio Pasiphaës, unà cum Icaro filio Labyrintho inclusit: ex quo cum euolassent, sumptis armis, eos in Siciliam usq; persequutus est, ubi apud Camerinum, seu Camicum oppidū à filiabus Crocali seu Cocali regis occisus est. Alij tamen à Cocalo rege per proditionem captum, & in thermis suffocatum tradunt. Vnde Ouid. in Ibin:

Vel tua maturet, sicut Minoia fata,

Per caput infusa feruidus humor aquæ.

Tandem post mortem, ob insignem, quam in terris exercuerat, iustitiā & scueritatē, à poëtis factus est inferorū iudex. Ab eo fit Minois, idos, patron. & Minois. Minotaurus, monstrum fuit horrendum, partim habens hominis, partim tauri formam, natū ex Pasiphaë, quæ Dædali opera adiuta tauro se commiscuerat. Hoc Minos inclusit Labyrintho: & quum uesceretur humanis carnibus, coëgit Athenienses, qui Androgeum filium suum interfecerant, ut quotannis septem filios ac totidē filias in Cretam mitterent ad alendum monstrum. Quòd cum uenisset Theseus filius Aegei regis Athenarum, beneficio Ariadnes Minotaurum occidit, & egressus est Labyrintho. Ouid. lib. 6.

Pasiphaë, mixtumq; genus, prolesq; biformis

Minotaurus inest, Veneris monumēta nefandæ, &c.

Minois, patronym. id est, Ariadne.

Minturnæ, oppidū est Cāpaniæ septū paludibus, in quibus delituit

delituit Marius metu Syllæ uictoris. Horat. li. i. Epist.  
 Vina bibes iterum Tauro diffusa palustres  
 Inter Minturnas, &c.

Minyæ, pen. prod. populi fuerunt Thessaliæ, uel ut alij,  
 Bœotia, circa Iolcum montem habitantes, qui cum Ar  
 gonautis nauigarunt Colchos ad rapiendum aureum  
 uellus. Hos dictos uolunt à Minya rege Orchomeni, fi-  
 lio Neptuni. Lucan.

Et Magnetes equis, Minyæ gens cognita remis.

Misenus, Aeoli fuit filius, Hectoris tubicen, quo mortuo  
 Aeneam secutus est in Italiam. Hic cum deos marinos ad  
 tubæ certamen prouocaret, à Tritonide submersus est:  
 sed postea ab Aenea inuētus, ab eodē mōte quodā Italiæ  
 sepultus est, q̄ deinde Misenus uocari cœpit. Verg. li. 6.

Misenum Aeolidem, quo non præstantior alter  
 Acre ciere uiros, &c.

Mithridātes, rex fuit Ponti, qui bellum cū Romanis ges-  
 sit annis quinquaginta sex. Asiam occupauit. Q. Op-  
 pium procōsulem & Aquileiū legatū in uincula conie-  
 cit. Rhodū oppugnauit, item Athenas per Archelaum  
 præfectū. Deinde à Lucullo apud Cyzicum superatus  
 confugit ad Tigranem regē Armeniæ. Postremo uictus  
 à Pompeio, obsessusq; in regia uenenū sumpsit: quod cū  
 nihil ad mortē proficeret, propter antidotū, quo ute-  
 batur quotidie aduersus uenenatas potiones, seipsū in-  
 terfecit adiutus à milite Gallo. Filiū habuit Pharnacē,  
 qui Pōpeio fauit aduersus patrē. Tāta memoria clariſ-  
 se traditur, ut quatuor & uiginti gentiū, quas habuit  
 sub ditione, linguas percalluerit, earumq; gentium ui-  
 ris sine interprete locutus sit. Arguitur maximæ cru-  
 delitatis. nam Laodicen coniugem, & sororem, præte-  
 rea



rea matrem, fratremq; ac tres filios impuberes, totidemq; filias interfecit. Iuuen. Sat. 14.

Ocyus Archigenem quare, atq; cme, quod Mithridates Composuit, &c.

Mitylene, es, & Mitylenæ, arū, urbs est in insula Lesbos: & quoniā olim hæc reliquis omnibus præcellebat, sæpiissime pro tota insula accipitur. Horat. lib. 1. Carm.

Laudabūt alij claram Rhodon, aut Mitylenen.

## M N.

Mnemosyne, mater nouem Musarum, à qua Mnemosynides dicuntur. Ouidius:

Aureus ut Danaën Asopida luserit ignis,  
Mnemosynen pastor, &c.

## M O.

Molorchus, pastor fuit, qui Herculem hospitio suscepit, rogauitq; ut leonem uastissimum ibidem interficeret. Stat. lib. 4. Thebaid.

Sacra Cleonæi cogunt uineta Molorchi.

Molossa, seu Molossia, pars est Epiri, à Molosso Pyrrhi & Andromaches filio sic appellata: quam postea Helenus Priami filius Chaoniā à Chaone fratre nominauit. Molossus, a, um, adiect. Claruit olim maximè canibus uenaticis. Lucan. lib. 4.

Venator tenet ora leuis clamosa Molossi.

Momus, maledicus quidam calumniator fuit, qui neminem suis cōiitijs intactum relinquebat. Vide prouerb. Momo satisfacere.

Moneta, dicta est Iuno, à monendo. Cum enim (ut inquit Cicero libro 1. de Diuinatione) terræ motus factus esset, ut sue plena procuratio fieret, uox ab æde Iuno nis ex arce extitit: quocirca Iuno Moneta cognomi-

nata est. Lucan. lib. 1.

Numina miscebit castrensis flamma Monetæ.

Monæcus, portus est in ora Ligustica, qui & Hercules ab Hercule nominatus est, quod ibi solus coleretur, unde & Monæcus uocari coepit: μόνος, enim Græcis solus est, οἶκος domus. Lucanus lib. 1.

—Soluta sua littora turbat

Circius, & tuta prohibet statione Monæci, &c.

Monychus, Centaurus, qui in bello contra Lapithas armoribus utebatur pro telis. Iuuen.

—Quantas iaculetur Monychus arnos, &c.

Mopsus, uates celeberrimus, Ampyci filius ex Chloride, unde ab Ouidi. lib. 12. Ampycides appellatur. Quidam uerò Apollinis & Hymantis, quidam non Hymantis, sed Mantus filium faciunt. Hic Colophonem condidit: Calchantem quoque uictum certamine uaticinandi ad mortem adegit. Vide supra Calchas.

Morini, populi sunt extremi Galliæ uersus Occidentem. Verg. lib. 8.

Extremique hominum Morini, Rhenusque bicornis.

Morpheus, somni minister est, qui, ut in fabulis est, iussu domini quoscunque uultus hominum fingit, uerba ipsa, mores item & gestus imitans. Ouid. lib. 11. Metam.

Excitat artificem, simulatoremque figuræ  
Morpheæ, &c.

Moschi, populi ad mare Hyrcanum, Sarmatis finitimi, ut habetur apud Lucanum. lib. 3.

—Sæuisque affinis Sarmata Moschis, &c.

M V.

Mulciber, dictus est Vulcanus, à mulcendo ferro. Ouid.

Mulciberis capti Marsque Venusque dolis.

Munda,

Munda, oppidum est Hispaniæ, multis cladibus & fune-  
ribus celebre: iuxta quod etiam Cæsar cum Pompeij fi-  
lijs manus conseruit: in quo prælio tanta strages facta  
est, ut Cæsar obsidens uictos congestis corporibus uala-  
lum circum urbem struxerit. Lucan. lib. 1.

Vltima funesta concurrunt prælia Munda.

Musæ, numero nouē sunt, Iouis & Mnemosynes, id est  
memoriæ, filiæ, quarū nomina sunt, Clio, Euterpe, Mel-  
pomene, Thalia, Polymnia, Erato, Terpsichore, Vra-  
nia, & Calliope. Has olim filiæ Pieri numero totidē,  
ad cantus certamen prouocauerunt, sed à Musis uictæ  
in picas commutatæ sunt, ut est apud Ouidium, libro  
quinto. Et ab his postea Musæ dictæ sunt Picrides (ut  
habet Bocatius, libro undecimo, capite secundo) alij ta-  
mē à Pieria Macedonia regione hoc nominis sumpsisse  
uolunt. Ferunt præterea has à Pyrenco quodam domū  
inuitatas, ut imbrem, qui tum erat, euitarent: quæ secu-  
tæ, domi easdem clausit, uim inferre cupiens: illæ uero  
sumptis alis euolauerunt. Quod Pyreneus uidens, uo-  
latu eas sequi cupiens, è turri decedit in magnam sui  
perniciem. De harum inuentis uide Vergilium in  
Epigrammat. Et quoniam uaria habent nomina, quæ  
illis uel à locis uel alijs rebus imponuntur (ut Libethri-  
des, Sicelides, Palæstina, Heliconiades, Pimpleiades,  
&c.) uisum est de ijsdem sigillatim dicere, prout ordo  
alphabeticus exposulauerit, quo facilius à pueris in-  
ueniri possint. Musæ autem uocantur, à μουσα, quod  
est inuestigare, &c.

Musæus, Græcus poëta antiquissimus, unus ex Argo-  
nautis, Epimolphi seu Eumolphi filius: alij tamē Apola-  
linis, alij Lini, alij Orphci (cuius discipulus fuisse con-  
stat)

stat) faciunt. Huius iucundissimum carmen extat de amore Leandri & Herus. Verg. lib. 6. Aeneid.

Musæum ante omnes, &c.

Mutina, ciuitas est Gallie Cisalpinæ, ubi Antonius D. Brutum obsedit: quem tamen Augustus collectis ueteranis militibus liberauit. Lucan. libro primo:

Hic Cæsar Perusina fames, Mutinæq; labores,  
Accedant fatis, &c:

Mutinenſes, dicuntur incolæ.

Mutius, nobilis Romanus, qui accepta potestate à senatu, in castra Porsenæ regis, tum temporis Romanos obsidentis, solus intrauit, eo animo, ut regem occideret: sed cum regem non cognosceret, satellitem purpura indutum pro rege occidit. Propter quod comprehensus, & ad regem perductus, iussus est & coniuratores, si qui essent, indicare. Mutius uero ut ostenderet se nullo supplicio uinci posse, insuper & poenā de dextera sua exigeret, cō quod in cæde aberrasset, ipsam igni impositam in cōspectu regis sibi ipsi adussit: unde postea Scaeuola cognominatus est, quod sinistra manu uti cogeretur. Quapropter rex eius fortitudinem admiratus, eum liberum dimisit. Mutius igitur ut & regi aliquid grati faceret, eidem indicauit, trecentos iuuenes in eum similiter coniurasse. Qua re territus Porsena, bellum acceptis obsidibus deposuit. Martial.

Vrere quam potuit contempto Mutius igne,

Hanc spectare manum Porsena non potuit.

Mutuscæ, Sabinorum ciuitas, quæ & Trebula & Suffena appellata est. Hanc quoq; postea Trebiam dictam Seruius in libro septimo Aeneidos testatur: ubi Annibal Romanos maxima clade affecit. Vergil. lib. 7.

—Oliuiferaq;

—Oliuifræq; Mutusca, &c.

M Y.

Mycenæ, Peloponesi urbs, à Perseo condita, filio Dana-  
ës, regia & patria Agamemnonis, Thycstis, & Pelo-  
pis. Vergil lib. 6.

Eruet ille Argos, Agamemnoniasq; Myccnas.

Mycenis, idos, dicitur Iphigenia, ab Ouid lib. 12. Meta.

Mycone, insula in mari Aegeo, una ex Cycladibus pro-  
pe Delum. Ouid. lib. 7. Metam.

Hinc humilè Myconen, cretosaq; rura Cimoli, &c.

Mygdonia, regio est littoralis Macedoniæ, in qua Nio-  
be Tantalii filia, Amphionis uxor, in saxum uersa est: à  
Mygdone rege sic dicta. Est etiã pars Phrygiæ uersus  
Lydiam: unde Ouidius Mygdonides nurus pro Ly-  
dijs dixit.

Mynetes, uide Menetes.

Myrinus, dictus est Apollo, à Myrina urbe, à qua &  
Myrini campi uocati sunt, quòd ibi religiosissimè  
coleretur.

Myrmidones, populi fuerunt Thessaliæ, qui Achillem  
ad bellum Troianum secuti sunt. De horum origine ua-  
riè fabulatur poëta. Alij enim sic dictos putant à Myr-  
midone rege, Iouis & Corymosæ nymphæ filio, quem  
etiã post Cercopem Atheniensium regem fuisse tradūt.  
Alij à Myrmice puella, in Attica regione: quæ cum ob  
castimoniam & solertiam gratissima esset Minervæ,  
contigit, ut aratrum in odium Cereris à Minerua con-  
ditum omnibus ostenderet: quapropter dea irata eã in  
formicã transformauit: quæ cum multitudinẽ procreas-  
set, euenit ut morientibus Thessalis regnante Aeaco  
in homines mutarentur. Ouid. uerò lib. 7. Metamorph.  
dicit

dicat ex formicis homines factos, precibus à Ioue postu-  
lante Aeaco, postquam pestilentia ipsius totus populus  
perijisset: & inde Myrmidones dictos. Vergilius libr.  
secundo: — Quis talia fando,

Myrmidonū, Delopūue, aut duri miles Vlyssi, &c.  
Myron, statuarius fuit insignis, qui fecit ex ære buculā.  
unde Propertius:

Atq; aram circumsteterant armenta Myronis,

Quattuor, artificis inuida signa, boues, &c.

Myrrha, filia fuit Cynaræ Cypriorum regis, quæ patris  
sui nefando amore flagrans, nutricis auxilio cum eodē  
concubuit, peperitq; Adonim filium. Pater uerò cum  
illud nefas cognouisset, filiam suam gladio interficere  
uoluit: sed illa fugiens per Arabiam deorum commi-  
seratione in arbusculam sui nominis commutata est. Vi-  
de supra Cynaras, item Adonis, &c.

Myrtilus, Mercurij ex Phaëtusa, seu Myrto Amazone  
filius, auriga Oenomai, qui à Pelope curruli certamine  
cum Hippodamia Oenomai filia certante pecunia cor-  
ruptus, axi in certamine uestem non obiecit, ut Hippo-  
damiae currus dissolueretur, et Pelops uictor euaderet.  
Quod cum fecisset, à Pelope uictore præmium postula-  
uit: qui ab Oenomao moriente antè rogatus, ut Myr-  
tili factum ulcisceretur, eundem in mare præcipitauit,  
quod ab eo Mytoun dictum est. Claudianus:

— Nam perfidus obice regis

Prodidit Oenomai deceptus Myrtilus axem, &c.

Mytoun mare, pars est Aegei maris, à Myrtilo sic ap-  
pellatum, ut ex præcedētibus patet. Ouid. in Ibin:

Proditor ut sæui perijt auriga tyranni,

Qui noua Myrtoæ nomina fecit aquæ, &c.

Myfia



*Mysia, regio est Hellesponti, à Mysis dicta, qui è Thracia illuc migrauerunt: quæ subdita fuit Telepho. Huius una pars est in Asia, quam in maiorem & minorem diuidunt, & utraq; extra Bithyniam. Altera pars in Europa, iuxta Istrum, quam similiter duplicem faciunt, superiorem uidelicet, & inferiorem, &c. Alij Moesi-  
am, per æ scribunt. Mysi, sunt eiusdem populi con-  
tempuissimi, de quibus multa in dictione Mysia præ-  
da, & Mysorum postremus.*

## D E L I T E R A N.

N A.

**N** Abathea, regio est Orientalis, ab Arabia incipies, eamq; intra se continens, quæ usq; ad mare ru-  
brum ex latere dextro, Persicum ex sinistro, Indicum  
ex superiori parte protenditur, nomen habens à Na-  
bath primogenito Ismahelis. Nabatheï, dicuntur po-  
puli: & Nabatheus, a, um, adicet. Iuuen.

*Et quos deposuit Nabatheo bellua saltu, &c.*

*Naiades, fontium & fluuiorum nymphæ sunt. Porro hæc dictio nunc tribus, nunc quatuor syllabis effertur.*

*Verg. Ecloga 6.*

*Aegle Naiadum pulcherrima, iamq; uidendi, &c.*

*Calphurnius Eclog. 2.*

*Adfuerant sicco Dryades pede, Naiades udo, &c.*

*Dictæ sunt à νεω, id est, fluo. Naias, dicitur in singula-  
ri numero: & Naïs, nomen nymphæ cuiusdam. Ab  
his fit Naicus, a, um. Propertius libro secundo:*

*Supposita excipiens Naica dona manu.*

*Napeæ, nymphæ sunt sylvarum & montium appellatæ,  
à uallibus montium. Verg.*

*—Faciles*

—Faciles uenerare Napeas, &c.

Nar, Sabinorum fluuius è Viscello monte oriens, aquis sulphureis miscetur, & iuxta, uel ut alij uolūt, per Narinam urbem defluens, in Tyberim cadit. Verg.

Sulphurea Nar albus aqua.

Alius item est in Dalmatia, qui & Naro dicitur.

Narbo, ònis, Galliae ciuitas ad Rhodani ostiū, ubi quondam amplissimum eius regionis fuit emporium. Ab hac est ea Galliae pars Narbonensis, quae alio nomine Bracata dicitur. Vide suprā Gallia.

Narcissus, filius fuit Cephisi & Lyriopes, quo nato pater Cephisus, ut de successu ipsius uitae haberetur responsum, delatus est ad Tiresiā uatem: qui respondit, puerū uicturum, quā diu sese uidere differret. Quod quidē uaticiniū quamuis ab audientibus rideretur, effectu tamen nō caruit. Cū enim adolescens formosissimus esset, à pluribus nymphis amatus est, potissimū autē ab Echo Parnasi nympha: quas omnes quum aspernaretur, tandem sua ipsius forma captus est. nam cum uenatu fessus aliquando diuertisset ad fontem, & in eodem perinde ac speculo seipsum uidisset, ratus unam earum, à quibus prius adamabatur, nympharum, iuxta fontem amoris desiderio intabuit. tandem nympharum miscratione in florē sui nominis cōmutatus est. Verg. in Bucol.

Pro molli uiola, pro purpureo Narcisso, &c.

Naritia, & Narix, Brutiorum ciuitas in Italia, ab Aiacis Oilei socijs condita, à qua Naritiū dicuntur populi, & Naritius, a, um. Verg. libro tertio Aeneid.

Hic & Naritij posuerunt mœnia Locri, &c.

Est & Naritia insula in mari Aegeo, sub Vlyssis imperio.

Nasamones,

Nasamōnes, populi Aphricæ, qui naues Syrtibus illis  
spoliant, uictumq; quæruntrapto. Lucanus lib. 4.

Maurus, inops Nasamō, mixti Garamāte perusto  
Marmaridæ, &c.

Nauplius, filius fuit Neptuni, & Amimones filiæ Danai  
Argiuorū regis, ut supra dictum est. Hunc per Eubæ-  
am regnasse constat, cuius filium Palamedem cum Græ-  
cis Troiam profectum dolo sub proditiōis nomine ab  
Vlysse accusatum occiderunt. Quod cum Nauplius æ-  
gerrimē ferret, nec tamen uires ad ultionem suppeterēt,  
dolo egit, quod ui nequiuerat. cœpit enim per totam  
Græciam uagari, & regias principum intrare, eorumq;  
coniuges cum quibuscumq; poterat, in adulterium pel-  
lexit, putans, redeuntibus Græcis maximas seditiones  
exorituras, & ita, dum se inuicem trucidarent, occisi  
Palamedis mortem, sua expiatiuros. Porro nec adhuc  
placatus senex, cum audisset Græcos ab expeditione  
Troiana redire, conscenso Caphareo monte facem ac-  
cendit, ibiq; Græcos in maximum naufragium deduxit,  
ut superius in dictione Caphareus, auditum est. Nau-  
pliades, patronym. id est, Nauplij filius.

Nausicāa, filia fuit Alcinoi & Aretes, quæ cum exisset  
ciuitatem cum pedisse quis suis, iuissetq; ad flumen lotu-  
ra uestes, uidit Vlyssē naufragum in littore sedentē,  
nudum arborum ramis circumtectum, cui oranti & ue-  
stes dedit, & in regiā patris sui ire iussit. de hac Mart.

Si mihi Nausicaa patrios concederet hortos,

Nausicæ possem dicere malo meos.

Naufithōus, rex Phæacum, filius Neptuni & Peribææ,  
Eurymedōtis filiæ. Hesiodus tamē Vlyssis & Calypsus  
filium facit. Hic pater fuit Alcinoi, qui ei in regno suc-

cessit.

Naxos, insula est in mari Aegeo, una ex Cycladibus, hanc & Strongylē, deinde Diam, mox Dionysiam, à ui nearum fertilitate, qua reliquas superabat, alij Siciliam minorē, alij Callipolim appellarunt. In hac insula The seus Ariadnen dereliquit, quam Bacchus postea in uxo rem duxit. Vergilius libro tertio Aeneidos:

Bacchatamq; iugis Naxon, uiridemq; Donysam.

Næra, nymphæ nomē, ex qua Phæbus Phaëtusam & Lampetien suscepit, quæ patris greges in Sicilia pascuisse dicuntur. Est etiam mulieris cuiusdam nomen apud Verg. Eclog. 3. — Dum fouet ille Næarum, &c.

Neapolis, urbs Campaniæ præclara, ad mare sita: Cumani à parentibus digressi condiderunt, & Parthenopen à nomine unius ex Sirenibus, cuius corpus in ueteri monumento repererant, appellauerunt: quæ cum ob locorum amœnitatem maiorem in modum frequentari inciperet, ueriti ne Cumæ deferrentur, Parthenopen diruerunt. quo factō mox pestilentia uexati, oraculo admoniti sunt, ut urbem restituerent. itaque subito restauratam, Neapolim, id est, nouam urbem uocauere. Mant.

— Sinuosa Neapolis unda Vapulat, &c.

Neleus, Neptuni filius ex Tyro nymphea Salmonci filia, qui à Pelia fratre pulsus in Laconiam uenit, ubi Pilon urbem condidit. Huic uxor fuit Chloris Amphionis Orchomeni regis filia, ex qua duodecim filios suscepit, quos postea omnes præter unicum Nestorē, tum fortē ablegatum, Hercules euerso Pilo interfecit. Inde Neleus, Neleius, a, um. & Neleides, patronym. Ouid. libro 12. Metamorph.

Bis sex Neleidæ fuimus conspecta iuuentus,

Bis sex

Bis sex Herculeis ceciderunt me minus uno, &c.

Nemea, sylua inter Cleonas & Philuntem, in qua Argi-  
ui ob Herculis memoriã Nemea sacra celebrare con-  
sueuerunt, eò quòd immanem leonẽ in ea interfecisset.  
hinc regio omnis Nemea dicitur. Est & Nemea  
fons: item mons. Vergilius:

—Et uastum Nemea sub rupe leonem, &c.

Hinc Nemeæus, a, um.

Nemesis (ut inquit Euripides) Iouis filia, ultrix eorum,  
qui uel superbiũt, uel fastidiũt amores. Clarissimũ eius  
templum in Rhamnũte Atticæ oppido, in quo insignẽ  
statuam habuisse tradunt, quam quidam Diodori, qui-  
dam Phidie, quidam Agoracriti opus fuisse tradunt.  
hinc Rhamnusia uocata est. Est etiam nomẽ puellæ cu-  
iusdam unicẽ à Tibullo adamatæ. Martialis libro 4.

Vsit amatorem Nemesis lasciua Tibullum.

Neoptolemus, appellatur Pyrrhus Achillis & Deida-  
mie filius, quasi nouus miles. Verg. lib. 2. Aeneid.

Degeneremq; Neoptoleum narrare memento.

Nephele, quæ & Neiphile, & Themisto dicitur,  
uxor fuit Athamantis, materq; Phryxi & Helles, un-  
de hanc Lucanus libro nono, Nephyleiam, & Ouid.  
libro 11. Nepheliden appellat, inquiens:

Angustum circa pontum Nephelidos Helles.

Neptunus, Saturni & Opis filius, quem iratum mater  
statim clam abscondit, ne à patre deuoraretur. Huic  
postea expulso Saturno aquæ in sortem ceciderunt, ut  
suprà de Ioue auditum. Vxorem habuit Aphitritem,  
ex qua plurimas nymphas suscepit. Tridentem habet  
pro sceptro. Muros Troianos adiuuante Appolline  
condidit. Inde Neptunius, a, um. Silius libro tertio:

y z Atq;



Atq; imo freta contorquet Neptunia fundo, &c.  
Nereides, nymphae sunt marinae, sic dictae à Nereo patre. Stat. lib. 3. Sylvar.

Nereus, deus marinus, Oceani & Tei hyos filius, Doriadem sororem in uxorem duxit, ex qua maximam nympharum turbam suscepit. Capitur quandoq; pro ipso mari, Verg.

Grandaeus Nereus, nouit namq; omnia uates, &c.  
Hinc Nerine, & Nereis, patron. Nereus, a, um.  
Neritos, mons est in Ithaca, à quo Neritius appellatur Vlysses. Capitur interdum pro tota insula. Verg. libro tertio Aeneid.

Dulichiumq; Sameq; & Neritos ardua saxis.  
Neruij, populi Galliae Belgicae, in finibus Ambianorū, qui semper reliquos Belgas increpitabant, quod se populo Romano dedidissent, se autē neq; legatos ad Caesarem missuros, neq; ullam pacis conditionē accepturos affirmabant. Tandem difficilimo & periculosissimo bello à Caesare uicti sunt. Lucan. lib. 1.

—Nimiumq; rebellis Neruius, &c.

Nesis, idos, penultima longa, seu Nesum, ij, insula in Cāpano littore, inter Pausilypum & Puteolos. Aetius Eclog. 1.

Huc illuc, dum Pausilypi latus omne pererro,

Pisces amq; lego celeri Nesida phaselo, &c.

Nessus, fuit Cētaurus, Ixionis ex Nube filius, sagittis ab Hercule confossus, quod uxorem illius Deianiram rapere uellet. Vide supr à Deianira. Ab eo fit Nessæus, a, um.

Nestor, filius fuit Nelei & Chloridis, ut supr dictum est: adhuc adolescens bellum gessit, etiam uiuo adhuc patre



patre, aduersum Epios Achaiae populos, qui postea Elij, oppida uero Elis & Epie dicta sunt. Cum Centauris in nuptijs Pirithoi pugnauit. postea quinquaginta nauibus cū reliquis Graecis principibus Troiam uenit, cum natus ducētos annos iam tertiam hominis aetatem uiueret, homo tanta eloquentia excellens, ut ex eius ore melle dulcior fluere diceretur oratio. Vxorem habuit Eurydicen Clymenes filiam, ex qua septem filios & unicam filiam suscepit. Ouid lib. 13.

Qui licet eloquio fidum quoq; Nestora uincat.  
Ab eo fit Nestorides, & Nestoreus, a, um.

N I.

Nicomedes, rex fuit Bithyniae, & populo Romano amicissimus. Hic Nicomediam, Bithyniae urbem condidit.

Nicopolis, Epiri urbs, quam ita uocauit Augustus à uictoria, quam habuit ibi de Antonio. Alia item est in Aegypto.

Nicostrata, filia fuit regis Arcadum, alio nomine Carmenta, seu Carmentis. uide supra.

Nilus, Aegypti fluuius, plurimum limum trahens, quo arua fecundat. existente enim sole in Cancro per totam Aegyptum inundat, atq; hoc modo totam terram fertilem reddit. Incerta est eius origo, quamuis de hac Perottus quaedam in medium adferat. demum septem ostijs in mare influit. Ouid. lib. 1. Metamorph.

Sic ubi descriuit madidus septemfluus agros  
Nilus, &c.

Inde fit Niliacus, & Niloticus, a, um.

Ninos, quae & Niniue, maxima urbs Assyriae, à Nino rege condita. Lucan. lib. 3.

Et felix (sic fama) Ninus, uentos a Damascus.

**Ninus**, Beli filius, secundus seu potius primus Assyriorum rex. Belus enim solum Babylonem habuit, Ninus uero totam Assyriam.

**Niobe**, filia fuit Tantali, & uxor Amphionis regis Thebarum, ex quo 14. liberos suscepit: quos omnes Apollo sagittis interfecit, eò quòd illa se Dianæ & Latonæ, seu (ut alij habent) Dianæ & Apollini prætulisset. Id ægrè ferens Niobe præ nimio dolore dirigit in scopium prope Sipylum Mæoniæ urbem, à qua etiam Sipyleia dicitur. Propert. lib. 2.

Nectantum Niobe bis sex ad busta superba  
Solicito lacrymans defluit à Sipylo.

**Alia** fuit Phorongi filia, ex qua Iupiter Apim, qui postea Osiris & Serapis dictus est, genuit.

**Niphætes**, mons est, diuidens Armeniam maiorem ab Assyria, ex quo Tigris fluuius oritur, ut ait Strabo. Quidam uero Armeniæ fluuium esse putant, qui ex eodem monte defluens in Tigrim defertur. Lucan. lib. 3.

Armeniusq; tenens uoluentem saxa Niphatem.

Alij Scythiæ fluuium faciunt.

**Nireus**, rex fuit Naxi, Charopi & Alagiæ filius, quem omnium formosissimum ad Troiam uenisse, Homerus tradidit. Horat. lib. 3. Carmin.

Qualis aut Nireus fuit, aut aquo sa  
Raptus ab Ida.

**Nisæa**, montana regio Siciliæ iuxta Aetnam. Ouidius in Epist. Sapphûs:

Nisiades matres, Sicelidesq; nurus, &c.

**Nisus**, rex fuit Megarensium, aureos habens capillos, cui oraculo responsum est, ipsum tam diu regno positurum

titurum, quàm diu capillos intonsos retineret. Cùm igitur à Minoë ob interfectum Androgeum obsideretur, Scylla Nisi filia hostis amore flagrans, ut illi magis placeret, noctu purpuream comam patri totondit, eamq; Minoi obtulit, qui donum accipiens Nisum eversa regia occidit. Postremò decorum commiscratione conuersus est in sui nominis auem, quam et Halictum uocant, perpetuum odium exercens in Cyrim auem, in quam Scylla fuit transformata. Cùm enim à Minoë cõtempta relinqueretur, illa amoris impatiens celerissimo cursu, ut fabulatur Ouidius libro octauo, super undas eiusdem nauem secuta est, sed fortè decidens, in Cyrim auem mutata est. Ouid.

Filia purpureos Nisi furata capillos,  
Puppe cadens nauis facta refertur auis.

Nisus (alijs primâ per γ, Græcum scribūt) Hyrtaci filius, indissolubili amicitie uinculo coniunctus Euryalo: quorum historiam satis copiose describit Vergilius lib. 9. Aeneidos.

## N O.

Nomades, seu Numide, populi sunt Aphricæ, degētes in plaustribus ductilibus, unde uagi dicuntur. Habebant olim alueos nauium conuersos pro tugurijs, ut est apud Sallustium. De his quoq; Verg. lib. 4. Aeneid.

Te propter Libycæ gentes, Nomadumq; tyranni  
Ocre, &c.

Plinius libro 6. Nomades in Aethiopia ponit. Alij sunt Scythiæ populi in Europa, quorum omnis uita (quemadmodum superiorum in Aphrica) in pascendis gregebis habetur. Hodie dicuntur Tartari.

Nomentum, Sabinorum oppidum in Latio, non pro-

cul à Roma, à Nomento quodam conditum, unde & nomen sumpsit. Nomentani, incolæ, & Nomentanus, a, um, adiectiuum, ut Nomentana uina: habuit enim agrum uini feracissimum. Martialis:

Nomentana meum tibi dat uindemia Bacchum:

Si te Quintus amat commodiora bibes.

Nomius, dictus est Apollo, ἀπό τῆς νόμης, id est, à pascuis, quòd olim iuxta Amphrysum Thessaliæ fluuium diuinitate ob interfectos Cyclopes priuatus, Admeto regi armenta pauit.

Nonacris, mons est Arcadiæ. à quo fit Nonacrius, & Nonacrinus, penultima longa, id est, Arcadicus. Ouid.

Quid fuit asperius Nonacrina Atalanta?

Noricum, Germaniæ regio, circum Alpes, Italiam uersus, hodie Bauaria dicitur. Hinc fit Noricus, a, um. Verg. lib. 3. Georg.

Tunc sciat aërias Alpes, & Norica si quis  
Castella in tumulis, &c.

## N V.

Nuceria, ciuitas Campaniæ, cuius incolæ Nucerienses dicuntur.

Numa Pompilius, secundus Rex Romanorum, ex Curibus Sabinorum oppido in regem electus, ut ait Vergilius libro sexto, iustitia & pietate insignis. Templum Iani condidit, quod aperiebatur tempore belli, pacis uerò claudebatur. mox cultum deorum instituit: creauit sacerdotes, Vestales uirgines sacrauit, dies festos, nefastosq; condidit, aliaque multa, quæ omnia, ut eò firmitus seruarentur, fingeat se iussu Aegeriæ nymphæ instituisse. Vide supra Aegeria.

Numantia, ciuitas in Hispania Tarraconensi, quæ cir-

ca uiginti annos bellum cum populo Rom. gessit: tandē à Scipione posteriore accepta utrinq; maxima clade, capta & deleta. Vnde Scipio Numantinus cognominatus est. Numantini, dicuntur ciues.

Numicus, seu Numicius, fluuius est Italiae, non procul à Lauinio, in quo submersus est Aeneas. Ouid. libro 3. Fastorum:

Corniger hanc tumidis rapuisse Numicius undis  
Creditor, &c.

Numidæ, populus ferus in Aphrica, inter Mauritaniam et Carthaginē, quorū regio Numidia olim dicebatur: hodie uerò Barbaria appellatur. Vergil. lib. 4. Aeneid.

Et Numidæ infreni cingūt, & inhospita Syrtis, etc.  
Vide Nomades. Inde fit Numidicus, a, um.

Numitor, filius fuit Proæ, à fratre Amulio è regno pulsus: postea uerò senex à Romulo & Remo nepotibus, occiso Amulio, in regnum restitutus est. Verg. lib. 6.

Et Capys & Numitor, & qui te nomine reddit  
Sylvius Aeneas, &c.

Nurfa, seu Nursia, oppidum est Sabinorum in montibus situm. Nursini, dicuntur populi. Verg. lib. 7.

— Quos frigida misit

Nursia, & Ortinae classes, &c. Et paulò post,  
Et te montosæ miscere in prælia Nursæ.

N Y.

Nyctileus, dictus est Bacchus, quòd eius sacra noctu celebrarentur.

Nycteus, Neptuni fuit filius ex Celene Atlantis filia: quem ex Amalthea Cretensi nymphea Antiopā & Nyctimenen suscepisse ferunt, ipsumq; ab hac posteriore illecebri amore dilectum, cum eadem nutricis opera i-

gnarum concubuisse: sed scelere cognito Nyctimener occidere uoluit: illa uerò fugiens miseratione Myneruæ in auem sui nominis uersa est, & in ipsius tutelam suscepta. *vixit* Græcis noctuam sonat. Ouid. lib. 2. *Metamorph.*

Non audita tibi est, patrium temerasse cubile

Nyctimenen, auis illa quidem, &c.

Nycteis, idos, filia Nyctei.

Nyctimene, uide Nycteus.

Nymphæ, generale nomen est, quod apud ueteres non tantum aquarum, sed etiam terrarum deas denotabat: ut sunt Nereides, Napeæ, Naiades, Oreades, Dryades, Hamadryades. de quibus suo loco. Vide Perottū, qui uaria horum nomina collegit.

Nymphæum, Macedonia oppidum. uide supra Lysus.

Nysa, urbs est Aegypti, Arabia propinqua, in qua Bacchum nutritum ferunt. Alia est in India, à Libero patre extracta, sub radicibus montis, quem incolæ Merū appellant. Verg. libro sexto:

Liber agens celfo Nisæ de uertice Tigres, &c.

Et Nysa pagus in Helicone, ubi Bacchus maximè colebatur: hanc quidam in Boeotia, quidam in Caria esse uolunt. Nysa quoque dicitur unus ex uerticibus Parnasi montis, Baccho consecratus. Item Nysa, mulieris nomen apud Vergilium Eclog. 8.

Mopso Nysa datur, &c.

Nysæus, cognominatur Bacchus, à Nysa Aegypti urbe, in qua nutritum ferunt. Sed cum in omnibus istis superioribus locis cultus sit, parum retulerit, unde nam hoc nominis sumpsisse dicas.



## DE L I T E R A O.

O A.

**O** Axis, fluuius est Cretæ insulæ, ab Oaxe Apollinis filio sic uocatus, unde & Oaxia tellus ibidem. Verg. Eclog. 1.

Pars Scythiam, & rapidum Cretæ uenimus Oaxæ.

O C.

**O**ceanus, propriè dicitur mare, quod uniuersam terram circūfluit. à locis uarijs uaria accipit nomina, ut apud Britannos, Britannicus: apud inferiorem Germaniæ partem, Germanicus uocatur, &c. Verum eam Oceani partem, quæ est inter Hispaniam, Italiam, Asiā & Aphricam, mare mediterraneum uocant. Poëtæ uirum faciunt, Cœli & Vestæ filium, Tethyos maritum, ex quo multos liberos suscepisse fabulantur. Oceanitis, itidos, filia Oceani. Vergil. in Georgic.

—Oceanitides ambæ, &c.

**O**cnus, filius fuit Tyberis & Mantus filie Tiresie uatis. Hunc Mantuam condidisse tradūt, & Aeneæ in auxilium uenisse aduersus Turnū, Maro testatur lib. 10. Idem hunc Bianora uocat Eclog. 9. uide supra.

**O**cypete, una est Harpyiarum, de qua alibi.

**O**cyroë, filia Chironis Centauri, ex nymphea quadam Cayci fluminis suscepta. Augurij fuit peritissima: Aesculapium enim uniuerso orbi profuturum prædixit, & patrem optaturum mortem, seq; equam futuram: quæ omnia cuencre, ut est apud Ouid. lib. 2. Metam.

O E.

**O**eagrus, Thraciæ fluuius est, quem quidā Orphei patrē dicunt, & ex eodem quoq; Hebrum fluuium ortū sumere, qui inde Oeagrius appellatur. Verg. in Georg.

Tum

Tum quoq; marmorea caput à ceruice reuulsum,  
 Gurgite cum medio portans Oeagrius Hebrus, &c.  
 Oebalus, filius fuit Arguli, rex Laconum, quos à se Oe-  
 balios, & Oebaliam nominauit. Hinc Oebalides,  
 id est, Pollux seu Castor: & Oebalis, id est, Helena: &  
 Oebalius, a, um, adiect. Et Oebalia dicitur Tarentū,  
 quia à Laconibus fuit condita. Verg. lib. 4. Georg.

Namq; sub Oebaliæ memini me turribus altis, &c.  
 Alius fuit Oebalus, Telonis regis Caprearū filius ex  
 Sebethide nympha: quem nō contētum paterno regno  
 Capreis uidelicet Campaniæ insula, totam illam Cam-  
 paniæ oram bello subegisse, Turnoq; aduersus Aeneā  
 opem tulisse, Vergilius lib. 7. Aeneid. demonstrat.

Oechalia, Laconiae ciuitas, ab Hercule euerfa propter Io-  
 len Eurythi filiam, quā desponsatam ipsi pater postea  
 negarat. Ouid. lib. 9.

Victor ab Oechalia Cenæo sacra parauit

Vota Ioui, &c.

Oedipus, secundæ & tertię declinat. filius fuit Laij &  
 Iocastæ, quem natū pater statim exponi iussit, eò quòd  
 ex oraculo didicisset, se à filio nascituro interfectū iri.  
 Famuli autem teneræ ætati parcentes, non prorsus ab-  
 iccerunt, sed perforatis pedibus uimine arbori alliga-  
 uerunt: ad cuius uagitum tractus Phorbas pastor Poly-  
 bij Corinthiorum regis, infantem ab arbore sustulit, &  
 ad Polybium detulit. Qui cum filijs careret, ipsum fi-  
 lij loco educauit. Iam igitur adultus cum audisset se nō  
 Polybij filiū, patrem perquirere statuit: & cōsulto o-  
 raculo accepit se in Phocide patrem inuenturū, & ma-  
 trem sumpturum in coniugem. Quò cum uenisset, orta  
 inter Phocenses seditione, Laium conantem reprimere  
 tumultum,

tumultū, incognitum interemit. Postremò tanquam oraculo lusus Thebas petens in itinere in Sphynge incidit: quā problematibus solutis cū occidisset, Thebas intravit: & quoniā Polybij filius credebatur, Iocasta matrem insciens in uxore duxit, & ex ea quatuor filios genuit. Postea uero cū se matrē sibi coniugio copulasse, patremq; occidisse cognouisset, dolore percitus sibi ipse in poenā oculos eruit: quem postea cecū Antigona filia duxit, & se occidere uolentē custodiuit. Vide supra. Alij dicūt, quòd repudiata matre Astymedusam uxore duxerit, quēadmodū superius annotatū est. Inuenitur & Oedipodes in nominatiuo casu. Claudian.

Oedipodes matrem, natam duxisse Thyestes

Cantatur, &c.

Inde fit Oedipodionides, & Oedipodionius, a, um, Stat. lib. i. Thebaid.

Oedipodionides furtim desertā pererrat, &c.

Oeneus, rex fuit Calydoniæ, Parthaonis filius, qui ex Althea Thestij filia Meleagrum, Tydeum, & Deianirā genuit, licet alij matrem Tydei Euriboram appellent. Stat. lib. i. Thebaid.

Vos quæ progenies, quanquā Calydonius Oeneus. Hinc Oenides, & Oeneis, patronymica: & Oeneius, a, um, adiect.

Oenomaus, rex fuit Elidis & Pisæ, ex Marte & Harpina Afopi, seu ut alij tradunt, Eurithoē Danaï filia progenitus. Vide supra de Hippodamia.

Oenone, nymp̃ha fuit in Ida monte, quam Paris iā adultus amauit, & ex eadem duos filios suscepit: uerū cū in Helenes amorem incidisset, priorē amasiam reliquit. Vide Ouidium in eorundem epistolis.

Oenotria, dicta est Italia, uel a copia & bonitate uini, uel

uel ab Oenotro Lycaonis filio, qui ex Arcadia in Italia uenerat. Oenotrii, ipsi populi. Verg. lib. 1. *Æneid.*

Oenotrij coluere uiri, nunc (fama) minores  
Italiam dixisse ducis de nomine gentem, &c.

Oeta, mons est inter Thessaliam & Macedoniam, in quo  
Hercules in furorē uersus seipsum combustus, unde &  
Oetæus uocatur. Ouid. lib. 9.

Impleuitq; suis nemorosum uocibus Oetam, &c.

O G.

Ogyges, rex fuit Thebanorum, qui Boeotias Thebas ædificauit: a quo Ogygius, a, um, id est Thebanus, deducitur, ut Ogygia mœnia: & Ogygidæ, ipsi Thebani. Verg. in *Aetna*:

Nunc iuuat Ogygijs circumdata mœnia Thebis, &c.

Ogygia, insula maris Phœnicij, in qua Calypso nympha fuit, quæ Ulysssem tempestate adactum hospitio suscepit, & deinde cognitum septem annis detinuit.

O I.

Oicleus, seu Oiclus filius Antiphatis, uel secundū alios Lyncei Argiuorum regis & Hypermestrea, pater Amphiarai uatis Thebani, qui ab eo Oiclides dicitur. Mantuan.

Et sacer Oiclides uertenda ad mœnia Cadmi.

Oileus, rex Locrorum, & Aiæcis pater. Verg. lib. 1.

—Et furias Aiæcis Oilci, &c.

Alius quoq; fuit Ajax Thelamonis filius.

O L.

Olearos, insula in mari Aegeo una Cycladum, de qua Verg. lib. 3. Olearon niucamq; Paron, &c.

Olenus, urbs Boeotiae, secundum alios Arcadiae, ab Oleno Vulcani filio & condita & sic appellata. In hac nutritam

tritam ferunt capram illam Amaltheam, eamq; postea Iouem infantē aluisse, et inde Oleniam dictam. Ouid.

Nascitur Oleniæ signum pluuiæ capellæ.

Est et Olenus Actoliæ oppidum, iuxta quod fuit Cælydonius aper.

Olympia, ciuitas est inter Ossa et Olympum montes, non procul ab Elide et Pisa ciuitatibus Græciæ, ubi erat templum Iouis Olympici, à quo nō procul agebantur quinto quoq; anno Olympia, orum, hoc est, ludi curules et gymnici, ab Hercule instituti in honorem Pelopis: unde Olympias, ados, spatium dicitur quinque annorum. Olympias quoq; nomen est matris Alexandri Magni.

Olympus, mons est inter Thessaliam et Macedoniam altissimus, et quoniam propter sublimitatem uidetur contingere nubes, sæpissime pro cælo ponitur. Dictus quasi ὀλόλαμπος, id est, totus splendens. Verg. libro primo Georg.

Scilicet atq; Ossæ frōdosum inuoluere Olympū, etc. Inde fit Olympius, et Olympicus, a, ū. Alius quoq; Olympus est in Gallogræcia: alius in Mysia: alius itē ad mare rubrum, haud longē ab Heleopoli oppido.

Olynthus, urbs fuit Thraciæ iuxta Atticam regionē, sub Atheniensium imperio, quā cum Philippus Macedonū rex obsideret, nec tamen ui capere posset, eiusdē custodes auro corripuit, atq; hoc modo suæ ditioni subiecit. Postea uero ab Atheniensibus deleta fertur: quamuis nō desint, qui à Philippo euersam tradant. Iuuen. Sat. 12.

—Biberat quo callidus emptor Olynthi, etc.

O M.

Omphale, regina fuit Lydorum, filia Iardani, à quo Iardanis

danis appellatur, cuius amore usq; adeo Hercules exarsit, ut ipsa iubente fusos & lanas rudibus illis manibus, quibus portenta quæq; subegerat, attrectaucrit. Alij dicunt, quod ob Iphiti Euryti regis filij cædem, à Mercurio iussu Iouis Omphalæ Lydorum reginæ fuerit in seruitutem uenditus: & inde esse, quod illi scruiis se, & calathos subministrasse dicatur.

## O N.

Onchestus, filius fuit Neptuni, qui Onchesten ciuitatem Micalesso promontorio propinquam condidit, deq; suo nomine appellauit. Hic Meleagrum peperit, de quo supra.

## O P.

Opheltès, filius fuit Lycurgi regis Thracum, alio nomine Archemorus. uide supra.

Ophiuchus, quasi anguitenens, signum est cæleste, quod quidam putant Herculem esse. Cum enim in Lydia Omphalæ scruiet, interfecit iuxta Sagarim fluuium serpentem totam prouinciam deuastantem: propter quod multis ornatus muneribus ab Omphale regina remissus est Argos: à Ioue uerò anguem manu tenens in cælum est translatus, & Ophiuchus nominatus. Alij Aesculapium esse affirmant: alij Canobonta Getarum regem. Vide Perottum.

Opis, prima longa, nymphea & comes Dianæ, de qua apud Vergilium lib. 11. Aeneid.

Velocem interea superis è sedibus Opim, & c.

Ops, uel Opis, prima breui, filia Cæli, & Vestæ soror, & coniux Saturni, ex quo Iouem, Neptunum, Plutonem, aliosq; plurimos liberos suscepit. Vocatur item alijs nominibus, Cybele, Berecynthia, & c. de quibus suo



*ſuo loco. Ouidius:*

*Carmina turrigeræ dicere iuſſit Opi, &c.*

*Opigena, Iuno eſt dicta: & Opalia, feſta Opis, quæ eodem die, quo Saturnalia celebrabantur.*

*Opitergium, oppidum in Venetia. Opitergini, cuiusdem incolæ. Lucan. lib. 4.*

*Hic Opiterginis moles onerata colonis*

*Conſtitit, &c.*

*Opus, untis, Locrorum ciuitas eſt. Ouidius libro 1. de Ponto, Elcg. 4.*

*Cæde puer facta Patroclus Opunta reliquit.*

*Opunti dicuntur populi, & Opuntius, a, um. Opuntius ſinus, in mari Aegeo, &c.*

O R.

*Orchamus, Achemenidis filius, qui ex Eurymone coniuge Leucothoën filiam ſuſcepit, quam poſtea uiuam cõfodit, quòd cum Sole concubuiſſet. uide ſuprà.*

*Orcades, alij tamen mediã aſpirant, inſulæ ſunt Oceani ſe ptætrionalis, ultra Britannia 30. numero, modicis inter ſe ſpatiis diſcretæ, nõ lõgè remotæ ab inſula Thulc.*

*Orchomenus, mons eſt Theſſaliæ, Minilus antè dictus, à quo Orchomenũ, oppidum Bæotia quòdam ditiffimum & potentiſſimum, cui Thebani olim tributa ſoluuerunt. In eo quoq; fuit tẽplum Gratiarũ ab E theocle Orchomeniorum rege ædificatum. Eſt & Orchomenus fluuij nomen.*

*Orcus, fluuius eſt inferorum, pro quibus nonnũquam ponitur. Eſt & Theſſaliæ fluuius apud Homerum, quem ex inferis ortũ in Peneũ labi dicit. Quidam Orcum & Stygem pro iſſdem accipiunt. Verg. lib. 4. Aencid.*

*—Stygioq; caput damnauerat Orco, &c.*

z

Orcades

Oreades, montium nymphæ sunt, ἀπό τῶ ὄρεος, quod montem significat. Ouid. lib. 8.

Talibus agrestem compellat Oreada dictis.

Orestæ, populi Indiæ, quos Lucanus quoq; ad bellum ciuile uenisse dicit, cum ait lib. 3.

Tum furor extremos mouit Romanus Orestas.

Orestes, Agamemnonis & Clytæmnestræ filius, cui soror Electra necem parari ab Aegisto, qui patrem Agamemnona interfecerat, matrēq; cōstuprauerat, metuēs, ipsum per pædagogum in Phocidem clām ablegat ad Strophium Phocensium principē, qui Agamemnonis sororem duxerat. Illic 12. annos demoratus, cum pædago suo Argos redit: ubi sub specie hospitum Phocensium, quos Strophius miserat, ut Orestis obitum nūciarent, intromissi ad Clytæmnestram, eādem cum Aegisto adultero conscia Electra in ultionem patris occidit, ut ait Sophocles in Electra. Pyrrhum quoq; Macarei sacerdotis ope in Apollinis templo interfecit, cōquòd Hermionem Menelai filiam sibi prius desponsatam rapuisset. Propter quæ scelera agitatus est furijs, quibus non antè purgari potuit, quàm ad aram Dianæ Tauricæ perpetrata facinora expiauerit. Vide suprā Iphigenia. Amicum habuit Pyladem longè fidißimū, ut qui uitam dare pro amico non dubitauit. Verg.

—Et furijs agitatus Orestes, &c.

Vide prouerb. Oresti pallium contexere.

Oreus, dictus est Bacchus, à montibus, in quibus ipsi sacrificabant.

Orgia, sacra sunt, ut inquit Perottus, quæ dijs immortalibus fiunt, ἀπό τῆς ὀργῆς, id est, à furore, quia sacrificantes diuino quodam furore corripi uidentur, uel ( ut quidam

quidam putant) ἱερὰ τὰ θύειν ἐν τοῖς ὄρεσιν, quòd in montibus sacra facere dijs solebant, ueluti locis cælo propinquioribus, ut in Olympo monte, &c. Hinc abusiuè sacra Liberi patris dicta sunt Orgia in Thracia primò ab Orpheo instituta. Hæc ille. Stat. lib. 7. Thebaid.

Et Thebana metu iuratus in Orgia Ganges.

Oricos, siue ut scribunt alij, Orithos, ciuitas est Epyri, uersus Macedoniam, iuxta quam nascitur terebynthus, nigrum lignum, habens soliditatē in buxi speciem. Hinc Oricius, a, um. Verg. lib. 10. — Aut quale per artem  
Inclusum buxo, aut Oricia terrebintho,  
Lucet ebur, &c.

Orion, filius fuit Iouis, Neptuni & Mercurij. De hoc uariè fabulantur. Cum olim Iupiter, Neptunus, & Mercurius terram peragrarent, superueniente nocte, ad pauperem quendam Hyreum, quem Aristonicus Erythreum appellat, diuerterunt, qui eos hilari animo suscepit: cuiq; deos esse animaducrtisset, occiso boue ijs dem sacrificium obtulit. Qua deuotione motus Iupiter, iussit ut aliquid peteret, quod optaret: qui dixit, se non habere coniugem, & præmortuæ promississe, aliã non ducturum, optare tamen filium. Iupiter igitur & reliqui dij corium immolati bouis sumpserunt, in quod cum urinam emisissent, iusserunt, ut terra obrutum completis maternis mensibus solueret. Quod cum fecisset, inuenit puerum, quem ab urina Orionem nominauit, ut ait Ouidius in Fastis. Adultus deinde euasit uenator maximus, adhæsit q; Dianæ. Sed cum uiribus fidēs gloriaretur nullam esse feram, quam non conficeret: dijs insolens uerbum ulciscens, contigit, ut terra scorpionem pareret, à quo ictus periit. Diana igitur sa-

tellitis sui obitum grauissimè ferens, cum in cælum iuxta Tauri sydus constituit. Lucanus uerò à Diana scorpione immisso occisum dicit, & deorum miseratione in cælum sublatum. Horatius ab ipsa Diana sagittis confissum tradit, eò quòd uì uoluerit eam comprimere. Seruius autem hanc fabulam longe aliter tractat, dicens Oenopionis habitum esse filium, qui cum Candiopen (quam Christophorus Landinus Meropen uocat) sororem uitiasset, à patre excacatus est. Consulto igitur oraculo responsum accepit, Si per pelagus ad Orientem pergeret, ut oculorum concavitates semper haberet soli expositas, lumina recuperaturum. Quod quum facere conaretur, audito strepitu, ad Cyclopa peruenit: ex quibus unus ipsum humeris suis imposuit, cuius ductu in solè uadens oculos recepit. Hesiodus Neptuni & Euryales filiū facit, aq; patre datū fuisse, ut posset in summo mari incedere. Alij rursus hanc fabulam diuersè tradunt. Ferunt enim, postquam oculis ab Oenopione priuatus esset, in Lemnū insulam uenisse, & ibidem à Vulcano caballo accepto ad ortum solis perrexisse, & sic uisum recepisse: postea uerò reuersum, Oenopionen ulscisci statuisse. sed quum hic à ciuibus suis sub terra occultaretur, in Cretam profectum, ibiq; ob insolentiam à scorpione immisso occisum. Est autem signum cæleste, quo oriente maximæ excitantur tempestates. Hinc Vergil. lib. 1. *Acneid.*

Cum subito assurgens fluctu nymbosus Orion, &c. Orithyia, filia fuit Erichthei Athenarum regis, qui Pandioni successit in regno. Hanc Boreas sibi in coniugem antea denegatam rapuit, raptam tulit in Thraciam, & ex ea Zethen & Calaim suscepit, qui cū Argonautis Colchos

Colchos nauigauerunt, & Harpyias fugauerunt. Vide Calais. Propert. lib. 2.

Iam Pandioniae cefset genus Orithyiae.

Orontes, fluuius est Syriae, per Antiochiam fluens. Ouidius libro 2. Metam.

Arfit & Euphrates, Babylonius. arfit Orontes.

Inde Oronteus, 4. um, apud Propertium.

Orpheus, filius fuit Apollinis & Calliopes, quē à Mercurio, siue, ut alij habent, à patre Apolline lyram accepisse ferunt, eaquē tantum ualuisse, ut & illius cantu syluas & saxa mouerit, fluuiorum cursum prohibuerit, ferasquē mitiores reddiderit. Eurydicen uxorem habuit: quae Aristaeum uim sibi inferre uolentem fugiens, à serpente occisa est: ob cuius mortem Orpheus maximè contristatus, accepta lyra ad inferos descendit: ubi suo cantu à Proserpina uxorem Eurydicē suscepit, ut superius de hac tradidimus. sed quum eandem non seruata lege à Proserpina sibi imposita, rursus amisset, ex libere uitam agere statuit: cumquē iam multas nuptias reiecisset, alios insuper à mulierum consortio deterreret, atque in puerorum pelliceret (Perottus tamē alias causas addit) à Menadibus inter Bacchi sacrificia iuxta Hebrum fluuium occisus, & discerptus est. cuius membra passim per agros sparsa, Musae collegunt, dederuntquē ea sepulturae. Lyra uerò & caput in Hebrum deiecta, ad Lesbos insulam delata sunt: ubi caput ab incolis sepulturae mandatum est, lyra autē in caelum assumpta. Verg. Eclog. 4.

Non me carminibus uincet nec Thracius Orpheus. Alij Orpheum Oeagri (à quo Oeagrius appellatur) & Polymniae filium dicunt, atque cum Argonautis Colchos nauigasse, ideoquē assumptum, quod iuxta uati-



cinium Chironis, Sirenes præteriri non poterant, nisi præfente Orpheo. Sunt qui duos Orpheos fuisse dicunt, quorum alterum Colchos nauigasse perhibent. Inde Orpheus, a, um.

Orsilochochus, filius fuit Idomenei. Hic patrem sequutus ad expeditionem Troianam, cum per totum bellum ex uoto omnia successissent, in exitu rei ob insolentiam, dum obstaret totis uiribus, ne ex præda capti Ilij sors debita daretur Ulyssi, ab eo occisus est. Alius fuit Alphei filius, qui itidem ad bellum Troianum profectus est. Est etiam Troiani cuiusdam nomen, de quo Verg. lib. 11.

Orsilochochum fugiens, &c.

Ortygia, dicta est Delos insula, quod in ea primo uisæ sint coturnices. ὄρτυξ enim Græcis coturnix est. Vide supra Asteriæ. Alia est iuxta Siciliam ex opposito Plemmyrij fluminis. Verg. lib. 3. Aeneid.

Sicanio prætenta sinu iacet insula contra Plemmyrium undosum, nomen dixere priores Ortygiam, &c.

## O S.

Osci, populi antiqui in Italia, ab oris fœditate dicti. Unde Oscena uerba, id est, impudica, quia frequentissimus fuit Oscis libidinum spurcarum usus. Vergil.

Oscorumque manus, &c.

Osiris, Iouis filius ex Niobe, Phoronei filia. Hic quum Phoroneo auo in regno Argiuorum successisset, & plures annos regnasset, Aegialum fratrem regno Achæiæ præfecit, ipse uero in Aegyptum nauigauit: & ea ditioni suæ subacta Io (quam postea Isidem uocarunt) Inachi filiam duxit, ut supra habetur: ibique uarias artes docuit, unde post mortem unâ cum uxore in deorum numcrum



numerum relatus est. Tradunt præterea hunc à Typho-  
ne fratre ex inuidia interfectum, & mēbratim dilania-  
tum: cuius membra quum Isis diu quæsiuisset, nec ta-  
mē inuenit, in maximos ploratus irrupit. Tandem ad-  
iuuantibus reliquis Aegyptijs iuxta Syenen Aegypti  
urbē inuenit: quæ quum collegisset, in insulam Abato,  
loco serē inaccessibili sepeliit. Cum autem post hæc Ae-  
gyptijs iuxta hunc locum apparuisset, existimauerunt  
hunc Osirim esse, & ut deum honorare cōperūt, muta-  
toq; nomine, Apim uocauere, quod lingua eorum bo-  
uem significat. De huius sacrificijs uide alibi in dictio-  
ne Apis. Deinde quoq; Serapim uocarunt. Tibull.

Primus aratra manu solerti fecit Osiris,

Et teneram ferro sollicitauit humum, &c.

Ossa, Thessaliæ est mons, Centaurorum stabulum: quem  
Seneca dicit olim coniunctum fuisse Olympo monti.  
Abundat pinorum copia. Lucanus libro 1.

Quantus pinifera Boreas cum Thracius Ossa, &c.

Ostia, æ, urbs est in ostijs Tyberinis iuxta mare, ab An-  
co Martio condita, cuius populi Ostienses dicuntur:  
& Ostiensis ager.

O T.

Othris, mons est Thessaliæ, sedes olim Lapitharum. Lu-  
canus libro 6.

Solstitial caput nemorosus submouet Othris.

Quidam primam aspirant.

Othus, uide suprā Ephialtes.

D E L I T E R A P.

P A.

**P**achynus, seu Pachynum, penul. producta, pro-  
montorium est Siciliæ, Peloponesum spectans, à  
crassitudine

crassitudine aeris nomen habens. Græci enim πᾶχον pingue dicunt. Vergilius lib. 3. Aeneid.

Præstat Trinacrij metas lustrare Pachyni.

Inuenitur tamen etiam media breui.

Pactolus, fluuius est Lydiæ, ex Tmolo monte profluens, in quo cum se Mydas rex lauasset, aureis arenis fluere coepit. Vide supra Mydas, item prouerbium, Pactoli opes. Iuuenalis:

Quod Tragus, et rutila Pactolus uoluit arena.

Pacuius, Brundisius, poeta tragicus illustris, Ennii poeta ex filia nepos, Romæ picturam exercuit, et fabulas uenditauit. deinde Tarentum transgressus, propè nonagenarius obiit. Hunc dicit Quintilianus libro 10. grauitate sententiarum, pondere uerborum, autoritate personarum clarissimum fuisse, citra tamen nitorem.

Padus, fluuius est Italiæ, ortum habens ex radicibus Vesuli montis, qui primò paruus, mox triginta annibus acceptis per septem ostia in mare Adriaticum prorumpit. Lucan. lib. 6.

Sic pleno Padus ore tumens super aggere tutas  
Excurrit ripas, &c.

Alio nomine dicitur Eridanus. Vide supra.

Padusa, pen. prod. fluuius est, què alio nomine Messanicum appellant. Quidam Padi brachium esse dicunt. Claud. Eridani ripas, et raucae stagna Padusæ, &c.

Padua, ciuitas est Venetiæ, circa Padum fluuium, alio nomine Patauium. Vide infra.

Pæan, alij Pœan, antis, pater fuit Philoctetæ, qui ab eo Pæantiades, et Pæantius appellatur. Ouid.

Nec Pæantiaden quod habet Vulcania Lemnos.

Pæan, anos, hymnus est in Apollinis laudem factus, pro quo

quo etiam sæpenumero ponitur. Iuuenalis:

Parce precor Pæan, &c.

Pæon, medicus fuit insignis, qui Plutonium ab Hercule uulneratum curauit. Ab eo Pæonia herba dicta est: & Pæonius, a, um, id est, medicinalis, &c.

Pæstum, oppidum Lucaniæ, rosarum abundantissimum, ubi ob cæli clementiâ bis in anno producebantur fructus, Maio uidelicet, & Septēbri. Verg. lib. 4. Georg.

— Bis erig; rosaria Pæsti, &c.

Pæstanus, a, um, apud Vergilium in Rosa.

Pagasa, alij Pegasa, Thessaliæ urbs, alio nomine Demetrius, iuxta quam Argo nauis extructa est. Pagasæus, a, um, adiect. Lucan.

Vt Pagasæa ratis peteret cum Phasidos undas.

Palæmon, dictus est Melicerta, Athamantis filius, quum marinus deus esset factus. Vide supra Melicerta, item Athamas, &c. Latinè Portumnus dicitur. Est & pastoris nomē apud Maronem in Eclogis. Item grammatici cuiusdam Vicentini, cui tanta fuit arrogantia, ut secum natas & perituras literas diceret. Palæmonis ars, dicta est Grammatica, ab hoc Palæmone. Is enim temporibus Quintiliani Romæ in hac arte maxime excelluit. Iuuenal. Satyr. 6. — Odi

Hanc ego qui repetit uoluitq; Palæmonis artem.

Palæstina, regio est Syriæ, Arabiæ contermina, alio nomine Iudæa. Palæstini, sunt eiusdem populi. Ab hac Musæ dicuntur Palæstinæ. Ouid.

Sæpe Palæstinæ iurat adesse deas.

Palamedes, filius Nauplij regis Eubœæ, à Græcis apud Troiam Ulyssis fraude occisus. Nam cum omnes totius Græciæ principes ad bellum Troianum conuocarentur,

2 5 rentur,

rentur, Vlyſſes ut domū maneret, inſanire ſe finxit, & quò melius rei fidē faceret, iunctis diuerſæ naturæ animalibus ſalē ſerebat. Palamedes autē ut uiri aſtutiā deprehenderet, Telemachū filiū obiecit: quo uiſo Vlyſſes aratrū ſubito ſuſpēdit, ne cum læderet. Quo argumēto cognita ipſius aſtutia, ad bellum ire cōēgit. Deinde cū in Thraciam frumentatū iuiſſet, & nihil portaffet, neq; ſe cōperiffet diceret, Palamedes uadens plurimum frumētū aduexit. Quāobrē Vlyſſes inuidiæ ſtimulis agitatus, adulterinā Priamī nomīne epiſtolā ſcripſit, in qua agebat Palamedi proditionis gratiā, commemorabatq; ſecretū auri pondus eſſe tranſmiſſum, quod ipſe Vlyſſes per corruptos ſeruos in ſodī curarat. His igitur literis in Græcorū conſilio habitis, Palamedem proditionis accuſauit, iuſſitq; ut aurū quæreretur: quo inuenito Vlyſſis accuſatio uera credita eſt, & Palamedes tanquam proditionis reus, lapidibus obrutus. Ouid. lib. 13.

Vellet & infelix Palamedes eſſe relictus,

Viueret, & c.

Hic quoq; in bello Troiano quatuor literas, ξ. θ. φ. χ. dationem ſigni, teſſeras, hoc eſt, ſignum bellicum, & uigilias inucnit: acici quoq; ordinem à gruibus didicit, unde & Palamedis aues dicuntur.

Palatinus mōs eſt in urbe Roma, ſuper quo primum Roma fuit ædificata. In hoc quoq; primum reges, deinde conſules, poſtea imperatores maiore ex parte ſedē habuerūt. Eſt & Palatinus deus. Et Palatini ſunt, quos & Palantes uocāt, qui cum Euandro in Italiā uenerunt, & Aborigenes uocati in quartæ regionis palatio conſederunt. Calphur. Eclog. 3. — Nam tibi ſās eſt

Sacra Palatini penetralia uiſere Phœbi, & c.

Palatium,

**Palatium**, præcipuus fuit mons Romæ, à quo fit Palatinus, a, um, ut Palatinus mons, idem, de quo in præcedentibus.

**Palepaphia**, uocatur Venus à Vergilio in Cyri:

Docta Palepaphiæ testatur uoce Pachinnus.

**Pales**, dea pastorum, cuius festa Palilia, seu Parilia dicuntur, quæ eo die celebrabantur, qui natalis erat urbis Romæ à pastoribus condita. Proper. lib. 4.

Vrbi festus erat, dixere Palilia patres:

Hic primus cœpit mœnibus esse dies.

**Palici**, duo fratres fuerunt, Iouis & Thaliæ nymphæ filij. De his ita est in fabulis. Cum olim Iupiter Thaliæ nymphā in Sicilia iuxta Simethū fluvium non lōgè à Catina urbe compressisset, ab eodem metu Iunonis, optavit, ut sibi terra dehisceret: quod factum est. Sed cum iustum partus tempus adesset, terra reclusa est, & duo infantes de aluo Thaliæ progressi emerferunt, appellatiq; Palici, ἀπὸ τοῦ πάλειν ἰκεῖν, id est, quòd primum in terram mersi, denuo inde reuersi sunt. Tandem à Sici-  
licensibus pro dijs habiti. Verg. lib. 9.

—Genitor quem miserat Arcens,

Eductum Martis luco, Simethia circum

Flumina, pinguis ubi & placabilis ora Palici.

**Palinurus**, promontorium Italiæ prope Veliam urbem: dictum à Palinuro Iasij cuiusdam filio, gubernatore navis Aeneæ, in eodem sepulto, qui dormiens de puppe in mare deciderat. Vergil. lib. 5.

Iaside Palinure, ferunt ipsa æquora classẽm.

**Pallanteum**, oppidum fuit in monte Palatino, ab Euan dri comitibus conditum, & à Pallantis proavi nomine dictum. Verg. lib. 8.

—Et

—Et posuere in montibus urbem

Pallantis proau de nomine Pallanteum.

Pallas, Iadis, dicta est Minerva, filia Iouis, ἀπὸ τοῦ πάλας, id est, à uibranda hasta, fingitur enim bellorū dea, & armorum inuentrix. Vide supra Minerva, item Bellona. Horat. lib. 1. Carm.

Sunt quibus unū opus est intactæ Palladis urbē, &c. Ab ea fit Palladius, a, um. Et Palladium, simulacrū fuit Palladis in urbe Troiana, quod Diomedes & Ulysses cæsis arcis custodibus surripuerūt. Sed postea finito bello Diomedes oraculo iussus, Troianis illud restituit. Est & forum Palladium Romæ, sic dictum ob propinquitatem templi Palladis.

Pallas, Antis, filius Euandri, qui Aeneæ iunctus collectis copijs contra Turnum eum secutus est, sed mox à Turno in pugna occisus. Verg. lib. 10.

Ipse caput niuei fultum Pallantis, & ora  
Ut uidit, &c.

Alius fuit Pallas Pandionis filius, cuius meminit Ovid. lib. 7. Metam.

Maior habet Clyton & Buthen Pallante creatos.

Pallene, uide supra Pæonia.

Pamphylia, regio est minoris Asiæ inter Ciliciā & Syriam, à qua uicinum mare Pamphylicum dicitur.

Pan, filius Dæmorgonis fuisse traditur, & cum Cupidine aliquādo pugnasse: à quo superatus incidisse in amorē Syringis seu Syringæ uirginis, eāq; cū transire Lado-nem Arcadiæ amnē non posset, nympha-rū precibus in palustrem calamum mutatā uidisse: ex hoc statim cōpo fuisse fistulam, quæ ex illius nomine apud Græcos est uocata, septē imparibus calamis simul iūctis. unde Verg.

Pan



Pan primus calamos cera coniungere plures  
Instituit, &c.

Hunc præterea deum pastorū prodiderunt: cumq; cornu in fronte habuisse in similitudinem radiorum solis & cornuum lunæ: prolixam barbam: faciē instar æris rubentem: partemq; corporis inferiorem esse hispidam propter feras, arbores, & uirgulta: uirgam quoq; in manu gestare solitum, & fistulam septem cicutis compactam: pedibus præterea caprinis, & assiduo risu insignem fuisse. Colebatur per totam Arcadiam, potissimum tamen in Lycæo & Mænalo montibus. Festa eius dicebantur Lupercalia, fiebantq; in Auentino monte, mense Februario, quorum autor fuit Euander.

Panchaia, regio est Arabia tota arenosa, in qua arbores sua sponte nata thus emittunt. Verg. lib. 2. Georgic.

Totaq; thuriferis Panchaia diues arenis.

Ab ea fit adiect. Panchæus, a, um: & Panchaij, dicuntur populi, &c.

Pandion, filius Erichthonij Athenarum regis, pater Prognēs & Philomela, qui cum diu aduersus Thracas bella gessisset, tandem defatigatus Prognē alteram filiam Tereo Thracum regi in coniugem dedit. Alij uerò dicunt, quòd auxilio Terei profligauerit Ponti regē, qui tum temporis Athenas obsederat: propter quod meritū Prognē filiam illi matrimonio copulauit. Eo autē mortuo Erichtheus in regno successit. Ouid. lib. 6. Metam.

Puppibus exierant, cum rex Pandione natam

In stabula alta trahit, &c.

Pandōra, mulier fuit formosissima, à Vulcano Iouis iussu facta, cui singuli dij sua munera dederunt, unde & nomen sumpsit. hanc postea eò quòd Prometheus ignem è cœlo

cœlo abstulisset, ad Epimetheum cum pyxide clausa missam fuisse fabulantur, qui illa recepta, & pyxide aperta, cui omne malorum genus inerat, terram morbis calamitatibusq; repleuit.

Pangæus, Thraciæ mons Thessaliæ iunctus, apud quem Cæsar à Pompeianis ferè ad deditionem coactus est. Lucan. lib. 1. — Video Pangæa niuosis Cana iugis, &c.

Pannonia, regio est Europæ duplex, superior uel prima, quæ hodie Austria dicitur: & inferior uel secunda, quam Hungariam nominant.

Pannonēs, & Pannonij, ipsi populi. Stat. lib. 1. Pannoniusq; ferox, arcuq; horrenda fugaci Armenia, &c.

Item Pannonis, idos, apud Lucanum lib. 6.

Panomphæus, dictus est Iupiter Græcè, id est, omnium uoce colendus. Ouid. lib. 11.

Ara panomphæo uetus est sacrata tonanti.

Panopæa, nympha fuit Nerei & Doridis filia, à perspicuitate dicta. Verg. lib. 5.

Ncreidum, Phorciq; manus, Panopæaq; uirgo.

Pantagia, siue Pantagias, fluuius Siciliæ, qui cū plenus incederet, sonitu penè totam implebat Siciliã. hinc Pantagia dictus, quasi ubiq; sonãs. Sed à Cerere filiã quærente tacere iussus est. Verg. lib. 3. Aeneid.

— Viuo præteruehor ostia saxo

Pantagiæ, Megarosq; sinus, &c.

Paphlagonia, regio est Asiæ minoris, inter Bithyniam, Cappadociã & Pontum. Paphlagonēs, ipsi populi. Hos dicit Cornelius Nepos in Italiam transfuēctos, & mox Venetos uocatos.

Paphus, filius Pygmalionis filij Cilicis, ex eburnea matre.

tre. Cum enim olim Pygmalion in Cyprū insulam peruenisset, comperissetq; mulieres omnino libidini obsequentes, cōlibem uitam ducere statuit. Porro cum ingenio ualeret, essetq; sculptor insignis, dicitur sibi ex cādidissimo chore sculpsisse fœmineam imaginem, eamq; iuxta desiderium suum lineamenti & oris decore contraxisse per omnia. In qua cum homo ingeniosus artē suam miraretur, in eius amorem incidit, orauitq; Venerem eo tempore celeberrimæ insule deam: nec effectum caruere preces, fœminia uera facta est. Cuius postea concubitu Pygmalion usus, ex ea Paphum filium suscepit, qui ei in regno successit, cōdiditq; urbē in Cypro, quam de suo nomine Paphum appellauit, constructo etiam in eo templo & ara in honorem Veneris, cui diu solo thure sacrificatum est. Verg. lib. 10.

Est Amathus, est celsa mihi Paphos, atq; Cythera,  
Inde Paphius, a, um.

Parcæ, tres sunt deæ fatales, Clotho uidelicet, Lachesis, et Atropos, Dæmorgonis filiæ, uel ut Tullio placet, Herbi & Noctis. Dicuntur autē Parcæ per antiphrasin, quòd nemini parcāt. Alij tamen, inter quos & Varro, à partu potius dictas uolunt, unius literæ mutatione, quoniā (ut scribit Hesiodus) hæ nascentibus hominibus bonum, malumq; conferre censentur. Ferūtur esse scribæ decorum, & sententias Iouis studio ueritatis excipere, metiri quoq; hominū uitam fufis & staminibus, quæ ex sua colonent & deducunt: hinc etiā lanificæ dicuntur: inexorabiles item, nullisq; precibus moueri, ut quā imposuerunt rebus seriem commutent, aut uitæ prorgent exitum, quem nascentibus nobis constituerunt. Porro Lachessin dictam uolunt, ἀπὸ τοῦ λαχάνειν, quod sortiri

sortiri est, ipsa enim net ac filum ducit. Clotho, quòd  
 fūsum torquendo, super eo filū trahit ac colligit. Græ-  
 cis enim κλώειν torquere est. Atropon, in immutabili-  
 tate, quòd scilicet inexorabilis sit: flecti enim non po-  
 test, quin filum truncet, & humanā finem uitam. Græ-  
 ci ἀτροφον, immutabilem dicunt. Vergilius Cyri:

Concordes stabili fātorum numine Parce, & c.

Parethonium, urbs & portus in Aegypto: unde Pare-  
 thonius, a, um. Lucanus:

Inde Parethoniam fertur securus in urbem.

Parilia, uide supra Pales.

Paris, alio nomine Alexander, filius fuit Priami ex Hec u-  
 ba. Hunc cū mater utero ferret, somniauit se pariturā  
 facem, qua tandem aliquādo conflagraret Ilium. Quod  
 cū intellexisset Priamus, natum infāntē exponi iussit.  
 mater uerò filium formosissimum perspiciebat, eius mi-  
 scerta, curauit ut furtim nutriretur à pastoribus in Ida  
 monte. Vbi cū adoleuisset, Oenonen uirgunculam a-  
 mauit, & compressit, suscepitq; ex ea duos filios. Por-  
 rò cū in dirimendis controuersys esset æquissimus, ma-  
 ximam iustitiæ famam sibi comparauit, ad cō ut orta in-  
 ter deas Iunonem, Palladem, & Venerem disceptatio-  
 ne de forma, propter aureum pomum à Ioue cœlitus  
 demissum, in quo scriptum erat, Detur pulcherrimæ,  
 iudex sit constitutus. Quas cū uidisset nudas, senten-  
 tiā tulit secundum Venerem, quæ pulcherrimam fœmi-  
 narum eidem promiserat, neglecto regno quod pollice-  
 batur Iuno, & contempta quam Pallas offerebat sapi-  
 entia. Præterea cū esset formosissimus, in agonali cer-  
 tamine, quod Troiæ agebatur, omnes superauit, et ipsū  
 Hectorē, qui cū iratus, quòd uinceretur, gladiū in eū  
 stringeret,



stringeret, pastorem putans, dixit se esse germanum,  
 quod allatis crepundijs probauit, cum adhuc sub pa-  
 storali habitu lateret. Si igitur cognitus, à patre rece-  
 ptus est. Deinde cōpositis uiginti nauibus sub specie le-  
 gationis ad repetendam Hesi. nam in Græciam missus  
 est: ubi à Menelao hospitio susceptus. uerum cū is abi-  
 re cogeretur, Paris Helenes amore captus, eam uiro  
 absente rapuit. Alij tamen dicunt in Græciam uenisse,  
 & absente Menelao Helenes pulchritudine tractum  
 Spartam expugnasse, Helenamq; etiam renitentem, &  
 omnes regios thesauros rapuisse, & ob id postea Hele-  
 nam à uiro recipi meruisse. Ex qua rapina deinde secu-  
 tum est bellum Troianum: in quo singulari certamine  
 cum Menelao congressus, cum penè uinceretur, à Ve-  
 nere subtractus est. Postremò Hectore & Troilo fratri-  
 bus occisis, cum ipse sumpto arcu & sagittis, quibus  
 plurimum ualebat, Achillem sub prætextu desponsan-  
 dæ Polyxenæ sororis, in tēplo Tymbræi Apollinis in-  
 terfecisset, & ipse à Pyrrho, siue ut aliorū est opinio,  
 à Philoctete occisus est: post cuius mortem Helena Dei  
 phobo nupsit. Ouid. in Epist.

Bella gerant alij, tu Pari semper ama.

Parma, fluuius est Galliæ, à quo dicta est ciuitas Parma.

Parnasus, mons est Phocidis, duos habens uertices, uelut  
 distinctos monticulos, quorum alter Baccho, alter A-  
 pollini sacer est. unde Lucanus lib. 5.

—Parnasus gemino petit æthera colle,

Mons Phæbo Bromioq; sacer, & c.

In eo fuit Apollinis Delphici templum, & fons Casta-  
 lius. Inde fit Parnasius, a, um.

Paros, insula est maris Aegæi, sic dicta à Paro Iasonis  
 A filio,

filio, cum antea Platea, item Minoida, seu Minoia uocaretur. Marmor habet candidissimum, quo primò sculptores usi sunt. Hinc fit Parius, a, um. Verg. li. 1. Aene.

Quale manus addunt ebori decus, aut ubi flauo  
Argentum, Parius ue lapis circumdatur auro.

Ex hac insula fuit Archilochus poëta Iambographus.  
Et hinc Horatius Iambum Parium uocat, cum inquit:

—Parios ego primus Iambos Ostendi Latio, &c.

Parrhasia, ciuitas est Arcadiae, à qua fit Parrhasius, id est, Arcadicus. Et Parrhasis, idos, id est, mulier Arcas, ut Calisto. Lucan. lib. 2.

—Sed nocte sopora

Parrhasis obliquos Elice cum uerteret axes.

Parrhasius, pictor fuit insignis, qui primus symmetriam picturae dedit, primus argutias uultus, elegantiam capilli, uenustatem oris expressit, et artificum confessione in lineis extremis palmam adeptus est. Vide alia eius opera apud Plinium quam plurima: supercratus tamen est à Timante in Aiace. Vide quoque infra Zeufis. Horat. lib. 4. Carmi.

Quas aut Parrhasius protulit, aut Scopas,

Hic saxo, ille coloribus, &c.

Parthenius, mons est Arcadiae, sic dictus, uel quod uirgines frequenter uenari, uel quod Veneri sacra in eo facere solebāt. Est etiā fluuius Paphlagonum. Ouid. li. 4. de Pon.

Partheniusque rapax, et uoluens saxa Cynapes.

Parthenope, ciuitas Campaniae, à Chalcidensibus, seu Euboicis (ob quod Eubois à Statio dicitur) condita, et sic à Parthenope una Sirenarum appellata. Alio nomine Neapolis. uide supra. Ab ea fit Pathenopeius, a, um.

Ouid. in Epistol. —Nec in uno corpore discors

Parthenope



*Parthenope blandis insidiosa dolis.*

*Parthenopēus, filius fuit Melcagri & Atalantæ, rex Arcadiæ, qui adhuc puer ad bellum missus, occisus est. Stat. lib. 6. Thebaid.*

—Sed Arcada Parthenopeum Appellant, &c.

*Parthia, regio est Asiæ maioris, quæ ab Occasu terminatur Media, ab Aquilone Hyrcania, ab Oriente Aria, & Meridie deserto Carnaniæ. Eius populi Parthi dicuntur, qui olim ad eò sagittis claruerunt, ut fugientes & tergo iacularentur, auersi q; sequētes hostes læderent, perinde ac aduersi. Verg. libro 4. Georg.*

*Prima leues incunt si quando prælia Parthi, &c.*

*Pasiphaë, filia fuit Solis, & uxor Minois regis Cretensium, quæ nefando tauri amore deflagrauit: cui beneficio Dædali cōcubuit intra uaccā ligneam inclusa, & septa iuuentæ corio: ex quo concubitu natus est Minotaurus, medius scilicet homo, medius q; taurus. Seruius autē dicit eam in domo Dædali cū Tauro, scriba regio coisse, & hinc datā fabulæ occasionē. Verg. Eclog. 6:*

*Et fortunatam, si nunquam armenta fuissent,*

*Pasiphaën, niuei solatur amore iuuenti.*

*Pasiphaeus, a, um, apud Ouidium.*

*Pasithea, una est Gratiarum, alio nomine Aglaia. Stat.*

*Non hoc Pasithea blandarum prima sororum.*

*Pasithoë uerò Atlantidis fuit filia ex Aethra.*

*Passalus, frater fuit Achemonis, de quo supra.*

*Patara, ciuitas est Lyciæ, ubi Apollo dabat responsa, & qua sit Pataræus, a, um, adiect. Stat. lib. 1. Theba.*

*Phœbe parens, seu te Lyciæ Pataræa niuosis*

*Exercent dumeta iugis, &c.*

*Patavium, ciuitas est Venetiæ, alio nomine Padua dicta.*

Hanc Antenor condidit, cum diruta Troia nouas sedes  
quereret, ut supra monstrauius. Verg. lib. 1. Aeneid.

Hic tamen ille urbem Patavii sedesq; locauit.

Patrae, arum, ciuitas est Achaiae, in Peloponensi promon-  
torio, ex aduerso Aetoliae posita. Ouid.

Messeneq; ferax, Patraeq; humilesq; Cleonae.

Patroclus, Menœtij fuit filius & Steneles, qui occiso  
per ludum astragalorum Clefonymo, seu ut alijs pla-  
cet, Aeane Amphidamantis filio, solum uertens, Phthi-  
am uenit, ubi à Peleo propter generis propinquitatem  
susceptus est, & unà cum Achille apud Chironem edu-  
catus, cum eodem arctissima amicitia iunctus uixit. Po-  
stea etiam cum Achille ad expeditionē Troianam pro-  
fectus est: ubi armis Achillis indutus cum Hectore pu-  
gnans, ab eodem confusus occubuit. Quod cum rescie-  
uisset Achilles, tametsi propter creptam sibi ab Agame-  
mnone Briseida bello abstinere omnino cōstituisset, ni-  
hilominus mutato proposito, acceptis etiam à The-  
tide matre alijs armis à Vulcano fabricatis, ad bellum  
rediit, nec prius quieuit ex animo, quàm socij mortem  
quàm crudelissimè uindicauerit. Vide supra.

Pausanias, dux fuit Lacedaemoniorum, qui cum Aristide  
Atheniensi uicit Mardonium ducē exercitus Xerxis.  
Sed postea proditiōis uictus, exilio multatus est. A-  
lius fuit Macedo, qui Philippū regē Alexandri Magni  
patrem occidit, cō quod iustitiā sibi saepe rogatus exer-  
cere noluisset. Est etiā autoris cuiusdā Græci nomē, qui  
Hadriani et Antonini imperatorū temporibus floruit.

Pausias, pictor Sicyonius, Brietis filius, & discipulus  
Pamphili, qui primus lacunaria pingere instituit. Inde  
Pausiacus, 4. um. Horat.

Vel cum Pausiaca torpes insana tabella, &c.

Pausilypus, locus est Campaniæ, non procul à Puteolis:  
ab amœnitate sic dictus. Acti. Syn. Eclog. 1.

Huc illuc dum Pausilypi latus omne pererro.

Pegafides, dicuntur Musæ, à fonte Hippocrene, quem  
Pegasus ungula elicuerat. Ouid. in Epist. Sap.

At mihi Pegafides blandissima carmina dicant.

Pegasus, equus fuit alatus, ex Neptuno & Medusa, siue  
ut Ouidio placet, ex sanguine cadente ab occisæ Medu-  
sæ capite procreatus. Hoc Perseus usus est, cum ad Gor-  
gones proficisceretur. item Bellerophon, cum aduer-  
sus Chimera expeditionem sumeret. Porro ferunt hunc  
equum saxo in Helicone monte pedis ungula percusso,  
fontem Hippocrenæ elicuisse. Tandem in cœlum subla-  
tus, inter sidera collocatus est. uide supra Belleron-  
phon. Ouid. lib. 4. de Fon.

Sed tantum uirtus alios tua præterit omnes,

Ante citos quantum Pegasus ibat equus.

Ab eo fit Pegaseus, & um: & Pegasis, idos. Est etiam  
Pegasus ciuis cuiusdam Albani nomē. Est & uiri nomē  
apud Maronem, libr. 11. ubi similiter primam corripit.

Pelasgi, Thessaliæ populi, à Pelasgo Neptui filio sic di-  
cti. & Pelasgis, mulier ex hac regione. & Pelasgis,  
ipsa Thessalia. Alij Pelasgi fuerunt in Asia, iuxta Ly-  
ciam, quorum urbs fuit Pelasgia. Verg. lib. 2. Aeneid.

Dixerat, ille dolis instructus, & arte Pelasga.

Pelethronij, dicuntur Lapithæ, à Pelethronio Thessa-  
liæ oppido. Verg.

Frena Pelethronij Lapithæ, gyrosq; dedere.

Peleus, Acaci filius, & Aegina, qui ex Thetide Achillem  
suscepit, qui à patre Pelides uocatur. Stat. lib. 2. Syl.

*Semifer Acmonium uincebat Pelea Chiron. Ouid.*

*Pelides utinam uidisset Apollinis arcus.*

*Pelias, filius Neptuni ex Tyro nymp̃ha, Salmonei regis Salaminie filia, patruus Iasonis, qui à proprijs filiabus Medee opera interfectus est.*

*Pelias, dicta est Achillis hasta, quam nemo præter Achillem uibrare ob magnitudinem poterat. Hanc à Pallade decorticatam & politam, à Vulcano cuspidatam fuisse ferunt. Ouid.*

*Transcat Hectoreum Pelias hasta latus.*

*Peligni, populi Italiae, Marsis uicini, quorum metropolis est Sulmo, Ouidij patria. Est & Pelignum, oppidum Marsis uicinum, in cuius agro pessima nascuntur uina. Inde Pelignus, a, um. Martial.*

*Marsica Peligni mittunt turbata colonis,*

*Non tu, libertus sed bibat illa tuus.*

*Pelion, mons est Thesaliae, ab orientali parte, in cuius uertice pineta abundant, in reliquis partibus quercus. Ouidius:*

*Pelion Acmoniae mons est obuersus in Austros,*

*Summa uirent pinu, cætera quercus habent.*

*Pelias, quidam fuit, quem Acastus Peliae Iasonis patruus filius falsò apud se de stupri appellatione ab uxore accusatum, in Pelio monte omnibus armis spoliatum feris deuorandum reliquit, &c. Vide suprà Acastus.*

*Pella, urbs est Macedoniae, in littore Aegæi maris, illustrata maxime natalibus Philippi Macedonum regis, & Alexandri eiusdem filij, unde uterq; Pellæus uocabatur. Iuuenalis:*

*Vnus Pellæo iuueni non sufficit orbis. Lucan.*

*Illic Pellæi proles uesana Philippi, &c.*

*Pelopea*

**Pelopea**, filia fuit Thyestis, ex qua ipse Thyestes pater Aegistum sustulit, sicuti edoctus fuit ab oraculo. Vide supra Aegistus, item Atreus.

**Peloponesus**, regio est Græciæ, inter duo maria, Ionium uidelicet & Aegeum sita: sic dicta quasi Pelopis insula, quod Pelops in ea regnarit. Alio nomine Achaia, hodie uero Morea dicitur.

**Pelops**, Tantalii Phrygum regis & Taygetæ filius, cuius pater ut diuinitatē experiretur, cum dijs quasi carnem aliam epulandam apposuit: à cuius esu cum dij abstinuissent, sola Ceres humerum pueri depasta est. Quæ propter dij reuocato ad uitam Pelopi eburneum humerum addiderunt. Vxorem postea sumpsit Hippodamiam uictō eiusdem patre Oenomao Achaia rege curruali certamine, siue ut alij uolunt, bello. Vide supra de Hippodamia, & Myrtilo. Ouidius in Episto.

Tantalidæ Pelopis Tyndarciq; genus.

**Pelopidæ** dicuntur filij Pelopis, ut Atreus & Thyestes. & Pelopeius, a, um, posses.

**Pelorus**, Siciliae promontorium Italiam uersus: dictum à Peloro gubernatore nauis Annibalis ibidem sepulto. Ouid. lib. 3. Metam.

Dextra sed Ausonio manus est subiecta Peloro.

**Pelusium**, unum est de septem ostijs Nili, Arabiam separans ab Aegypto. Item oppidi nomē, quod est ad Cassiū mōtē, in quo & templū Iouis Cassij est. Vide supra. Hinc fit Pelusius, & Pelusiacus, a, um. Ver. in Geogr.

Nec Pelusiace curam aspernabere lentis, &c.

**Penelope**, filia fuit Icarij, & Ulyssis coniux, ex quo Telemachum suscepit. Ferunt hanc fuisse castitatis adeo incorrupta, ut absente per uiginti annos marito Ulyss-

se, nullis procorum blanditijs, nullis pollicitationibus ad uiolandam, quam marito promiserat fidem, induci potuerit. Quum autem acrius instarent amatores, eos hac conditione eludebat, ut tum se promitteret nupturam, ubi telam quod habebat in manibus, absoluisset. Quam conditionem posteaquam illi acceperissent, mulier astuta, quod interdum texuisset, noctu retexebat, donec re ad procis comperta, à tela prohibita est. Sed quum Vlysses rediisset, occisis procis uxorem suam sibi rursus copulauit. Ouidius in Epistolis:

Hanc tua Penelope lento tibi mittit Vlysses, &c.

Ab ea sit Penelopæus, a, um, apud Ouidium libro quinto Tristium.

Peneus, fluuius est, ex Pindo monte fluens, per Ossam & Olympum montem decurrit, collibus dextra læuaq; molliter curuis, non paruo spatio nauigabilis, in eo cursu Tempe, quinq; millium passuum longitudine, & ferme sex latitudine, pulcherrimum agrum facit. In eius ripa poëta fabulantur Daphnen in laurum fuisse conuersam, quæ propterea uocatur Penceia, & Peneis, idos, quasi filia Pencæ. Ouid lib. 1. Metam.

Est nemus Aemoniæ, prærupta quod undique claudit Sylua, uocant Tempe, per quæ Peneus ab imo

Effusus Pindo spumosis uoluitur undis, &c.

Pentapolis, regio est Aphricæ, quæ & Cyrenaica dicitur. Vide supra.

Penthesilea, regina fuit Amazonum, quæ Troianis in auxilium uenit, sed ab Achille occisa est. Verg. lib. 1. Aene.

Ducit Amazonidum lunatis agmina peltis.

Penthesilea furens, &c.

Pentheus, filius fuit Echionis regis Thebarum, & Agaveus,



ues: qui dum Bacchi sacra contemneret, à matre catea-  
risq; Menadibus dilaceratus est. Proper.

Pentheus in triplices funera grata greges.

Vide Agaue.

Perga, oppidum est Pamphylia, in quo maximè olim co-  
lebatur Diana. Vnde & Pergæa dicta est.

Pergama, orum, dicuntur muri Troianæ urbis, reperi-  
tur tamen apud unum Senecam Pergamus pro Pergæ-  
ma positum. Vergil.

Namq; uidebat uti bellantes Pergama circum, &c.

Pergamus, ciuitas est in Asia minore, quæ fuit Attali re-  
gis: cuius meminit D. Ioannes in Apocalypsi. Ab ea fit  
Pergameus, a, um: & Pargamentum, substantiuum.

Peribæa, filia fuit Eurymedotis, ex qua Neptunus Nau-  
sithoum genuit Alcinoi patrem.

Pericles, nomen est inclyti ducis Atheniensium, philoso-  
phiq; qui 40. annis Atheniensium Rempublicam gu-  
bernavit. Ferunt hunc tanta facundia excelluisse ut ful-  
minare magis quàm perorare diceretur. Baptist. Pius:

Quem redimunt Veneris famula, Græciq; Periclis.

Periclymenos, Nelei fuit filius, cui à Neptuno auo con-  
cessum, ut posset in quas uellet se transformare figuras.  
Quñ igitur Hercules bellū contra Neleū gereret, ipse  
in muscam uersus, ab Hercule, consilio Palladis, quæ  
illum prodebat, claua interfectus est, quum ille aculeū  
Herculi, ceu solent muscæ grauiiores, immisisset. Oui-  
dius autem libro 12. Metamor. fabulatur Periclyme-  
num in aquilam uersum, ab Hercule, quem plurimū  
unguibus uncis infestabat, sagitta in sublimi confossum,  
quum inquit:

Mira Periclymeni mors est, cui posse figuras

A 3

Sumere

Sumere quas uellet, rursusq; reponere sumptas, etc.  
 Perillus, fabricator fuit Atheniēsis ingeniosissimus, qui,  
 ut Phalaridi tyranno placcret, uenit Agrigentum, et  
 ex ære taurum fabricauit, posita in latere ianua, per  
 quam reus includeretur: qui dum subiectis ignibus tor  
 queretur, non uocem hominis, sed bouis mugitum uide  
 retur emittere: quod primus ipse tyranni iussu fuit ex=  
 pertus, cum potius magnum aliquod præmium expec=  
 taret. Ouid. lib. 1. de Arte:

Et Phalaris tauro uiolentus membra Perilli

Torruit: infelix imbuuit autor opus.

Ab eo fit Perillæus, a, um, apud Ouidium.

Perinthus, urbs Thraciæ metropolis, alio nomine Hera=  
 clea. Vide supra. Perinthus, dicuntur incolæ.

Permessis, seu Permessus, fluuius est ex Helicone, per  
 Bœotiam in Copardem lacum fluens, Phœbo et Mu=  
 sis sacer, quemadmodum fons Caballinus. Vergil.

Tunc canit errantem Permessi ad flumina Gallum.

Martialis:

Quid tibi cū Cyrrha? quid cum Permessidos unda?

Pero, Περσά, filia fuit formosissima Nelci, quam Bias Me=  
 lampodis frater in uxorem duxit. Vide supra de Me=  
 lampode.

Perrhebe, urbs est Thessaliæ: et Perrhebi, populi, qui  
 Lapitharum potentia fracti, profugerunt in loca mon=  
 tana, uicina Pindo Thessaliæ monti. Propert. lib. 3.

Aut cur Perrhebi tremuere cacumina Pindi?

Perfa, filia fuit Oceani, ex qua Sol Acetam concepisse  
 fertur.

Perseis, idos, et Perseus, a, um. Vide supra de He=  
 cate.

Persephone,

**Persephone**, dicta est Proserpina, Cereris & Iouis filia, quam Pluto rapuit, & uxorem duxit. Ouid. in Epist.

Persephone nostras pulsat acerba fores.

**Persepolis**, urbs est Persidis, à Perseo condita, quam postea Alexander Macedo uino & epulis calens demoliri fecit.

**Peres**, rex fuit Macedoniae, qui uictus à Paulo Aemilio, ductus est in triumphum Romam cum filiis. Quem tamen ut captum sibi adduci uidit, Paulus fortunam eius miseratus fleuit. Perisse fertur in carcere animi moerore confectus, uel ut alij uolunt, uigilijs maceratus.

**Persia**, seu Persis, idos, regio est Orientalis, à Persco sic cognominata, ab ortu Carmania, ab occasu Susiana, à meridie parte sinus Persici, à septentrione Media terminatur. Persæ, dicuntur populi luxu & delicijs corruptissimi, de quorum moribus multa collegit Rauus in Epithetorum opere. Propert.

Persarum statuit Babylona Semiramis urbem.

**Persicus**, a, um, adiect. Horat.

Persicos odi puer apparatus, &c.

**Perseus**, filius fuit Iouis & Danaës, Acrisij Argiuorum regis filia, quem auus cum matre exposuit (ut superius auditum est) sed inuenti à piscatore ad Pilumnū regem delati sunt, qui Danaēn uxorem duxit, Perseus uerò Phylodectæ Magnetis filio, Seriphæ insule regi, educandum tradidit. Adultus igitur Perseus expeditionē sumpsit aduersus Gorgones: Medusam interfecit, cuius caput secum accipiens Atlantem in saxū uertit. Deinde Andromedā marino monstro expositam liberauit. Beluū quoq; gessit cōtra Phineū, qui Andromedā sibi prius desponsatam ui auferre uoluit, in quo multos occidit, multos

multos in saxa uertit. Præter quoq; & Acrisiū auū in saxa transformauit. Postea bellum in Persas suscepisse traditur, & in eodem Liberū patrem aduersus ipsum consistentem interfecisse, mox sub ætā nationē de se nominasse, ibiq; Persopolim urbem condidisse. Postremo in cœlū sublatus est cum Andromeda uxore, & inter astra collocatus. Inde Perseus, a, um. Proper. lib. 3.

Seçtaq; Persæa Phocidos arua manu, &c.

Vide supra Acrisius, Andromeda, Atlas, &c.

Perusia, oppidum est Hetruriæ, ab Achæis conditum, in quo M. Antonius ab Augusto obsessus, quum extrema fame laboraret, annonæ penuria coactus est deditionē facere. Lucan. lib. 11.

His Cæsar Perusina fames Mutinæq; labores  
Accedant fati, &c.

Pelsinus, untis, oppidum in Phrygia, nobile habens emporium, à simulacro deæ Cybeles cœlitus in eum locum delapso, sic dictum. Apud hoc colebantur Orgia matris deūm, quæ inde Pelsinuntia dea dicta est.

Petilia, oppidū est Calabriae, à Philoctete cōditū. Verg.

Parua Philoctetæ subnixa Petilia muro, &c.

Petrea, pars est Arabiae, sic nominata à Petra oppido, quod Nabatheci incolunt.

Peuce, insula est borealis ostijs Danubij opposita. Valerius Flaccus lib. 8.

Danubij uiridemq; uident ante ostia Peucen.

Phæaces, populi fuerūt in Corcyra insula, quæ & Phæacia dicta est. Hinc Phæacius, a, um, & Phæacus, a, um, adiect. Proper. lib. 3.

Nec mea Phæacas æquant pomaria syluas.

Phædra, filia fuit Minois, & Pasiphaës, & uxor The-  
sci,

sei, quæ priuignum suum Hippolytū falso detulit apud patrē, quasi de stupro eam appellauerit, cum scelerata mulier illum oraret concubitum, exorare tamen non posset. Vide suprà Hippolytus. Verg. lib. 6. Aeneid.

His Phædrā, Procrinq; locis, mœstāq; Eriphylē, etc.: Phæstia, urbs est Cretæ, à Minoë extructa, postea uerò à Cortinijs deleta. Ouid. lib. 6. Metam.

Proxima Gnosio quam quondam Phæstia regno  
Progenit tellus, &c.

Phaëthon filius fuit Solis & Clymenes, q̄ cū dolcret obiectū sibi ab Epapho Aegypti rege, quòd esset de Sole, sed adulterio procreatus: duce matre uenit ad Solē, & poposcit, ut si uerè eius esset filius, petenda præstaret: quod cum Sol iurasset per Stygiam paludē, se esse facturum, petit ille ut eius currus agitarēt. Sol igitur cū iusiurandum negare non posset, filium à proposito dehortari conatus est: sed cum illud obtinere nō posset, filio currum tradidit. Qui cum uiā Solis excessisset, totū orbem incendit: quare Iupiter iratus Phaëthontem fulmine in Eridanum deturbauit. Ouid. lib. 2.

Hic situs est Phaëthon currus auriga paterni,  
Quem si non tenuit, magnis tamen excidit ausis.

Phaëthontides, dicuntur sorores Phaëthontis, uide suprà Heliades, item Lampetia.

Phaëtusa, Solis fuit filia, uide suprà Heliades, item Lampetia.

Phalantus Lacon quidam fuit, de quo refert Seruius lib. 3. Aeneid. Cum olim Lacones & Athenienses diu inter se bella tractarant, & cum utraq; pars affligeretur: Lacones quibus iuuentus deerat, praeceperunt ut uirgines cum quibuscunq; concumberent: factumq; est, ut  
post

post sedata bella iuuentus incertis parentibus nata, & patriæ & sibi esset opprobrio: nam Partheniatæ dicebantur. accepto itaq; duce Phalanto octauo ab Hercule, profecti sunt, delatiq; ad breue oppidū Calabriae, quod Tharos Neptuni filius condiderat, id auxerūt, & priusco nomine Tarentum appellauerunt. Hæc ille. Horatius libro secundo Carminum:

Et regnata petam Laconi rura Phalanto, &c.

Hinc Phalantæus, a, um.

Phalaris, Agrigentinarum tyrannus fuit crudelissimus, cui Perillus æncum taurum donauit. uide supra Perillus. Ouid. lib. 3. Trist. Eleg. 11.

Dixerat: at Phalaris pœnæ mirandæ repertor, &c.

Phancus, mons est in Chio insula, serax optimi uini: à rege eiusdē nominis sic dictus. Vnde Verg. lib. 2. Georg. Tmolius assurgit, quibus & rex ipse Phancus.

Phao, fuit pulcherrimus hominū, quē iter lactucas Venus occultauit, à qua ferūt ei oblatū alabastrū unguētī: quo cū se obliuisset, factus est omnium formosissimus, & propterea ad amatus à Mitylenæorū mulieribus, maximè à Sappho poëtria Scamædronimæ filia. Ouid. in Epist.

Arua Phaon celebrat diuersa Typhoidos Actnæ.

Pharao, antiquissimus Aegypti rex, à cuius nomine reliqui omnes usq; ad Solomonis tempora Pharaones dicti sunt. Pharao enim lingua Aegyptiaca regem sonat, ut testatur Iosephus. Politian.

Demerso in signem cecinit Pharaone triumphum.

Pharia, insula prope Iaderam Dalmatiæ urbem, quæ hodie Lisna dicitur. Item urbis nomen in eadem insula, à qua Pharienses.

Pharos, Aegypti insula contra Nili ostia, à nauclero Menelai



Menclai ibidem sepulto nuncupata. In ea Ptolemæus  
 Aegypti rex fecit turrim altissimam, inter septē orbis  
 miracula connumeratā, talentis 800. nō ad aliū usum,  
 quā ad nocturnos ignes nautarū cursui ostendendos.  
 eius operis architectus fuit Sostratus. Proper. libro 2.

Et Ptolemææ littora capta Phari.

Ab ea fit Pharius, a, um.

Pharnax, Mithridatis filius, Pompeio contra patrem fa-  
 uit, quem etiam ad mortem compulit. Postea cum Cæ-  
 sari rebellaret, uno (ut inquit L. Florus) et non toto  
 prelio more fulminis obtritus est. Lucan.

—Nec Pharnacis arma

Tigranemq; meum, &c.

Pharsalos, seu Pharsalum, Thessaliæ oppidum, in ripa  
 Enipei fluminis situm, de quo Lucanus libro sexto:

Emathis æquorei regnum Pharsalos Achillis.

Iuxta hoc sunt campi Pharsalici (quos et Philippicos  
 appellant) in quibus Cæsar cum Pompeio manus con-  
 scrui. Et Pharsalia, dicitur regio: quam et Pyrrhiam,  
 à Pyrrho: Aemoniam, ab Aemo monte: Emathiam, ab  
 Emathione duce: Thessaliam, à Thessalo: Macedoni-  
 am, à Macedone nominarunt.

Phasis, is, et idos, magnus Colchorū fluuius ex Armeno  
 monte oriens in Euxinum mare labitur. Lucan.

Colchorum qui rura facit ditissima Phasis.

Est et Phasis ciuitas Colchorū, emporiū celeberrimū,  
 hinc Medea dicitur Phasias. Ouid. lib. 2. de Arte:

Barbara per natos Phasias ulta suos.

et Phasius, a, um.

Pheneus, lacus est Arcadiæ, cuius aqua nocturno tempo-  
 re noxa est, die autem salutaris. Ouidius lib. 15.

Est

*Est lacus Arcadiæ Pheneum dixere priores.*

**Pheræ**, oppidum est Thessaliæ, quod Strabo dicit conterminum Pelasgicis campis ad Magnesium, qui usque ad Pelium montem porriguntur. Hinc fit Pheræus, a, um, id est, Thessalus. Ouid. in Epist. Oenones:

*Ipse repertor opis uaccas pauisse Pheræas*

*Fertur, et à nostro saucius igne fuit.*

Hinc Iason quidam Pheræus, de quo ait Cicero lib. 1. Offic. non ille Argonauta, de quo supra.

**Pherecides**, philosophus Syrus, et poeta tragicus, qui floruit regnante Seruio Tullo apud Romanos. Primus (ut inquit Cicero in 1. Tusc. Quæst.) dixit animos hominum esse sempiternos. Præceptor fuit Pythagoræ. Perijt phthiriasi, id est, pediculari morbo. Serenus:

*Sed quis non pauca Pherecidis fata tragædi.*

**Phidias**, statuarius Atheniensis, claruit deorum imaginibus sculpendis. Idem fecit statuam Mineræ ex auro et ebore, amplitudine 26. cubitorum: in cuius scuto calauit prælium Amazonum, et gigante machiam: in solea is pugnam Lapitharum et Centaurorum. Ab eo fit Phidiacus, a, um. Martial. lib. 6.

*Quis te Phidiaco formatam Iulia celo,*

*Aut quis Palladiæ non putet artis opus?*

**Philæni**, φίλωνοι, duo fratres fuerunt Carthaginienses, qui pro ampliatione suæ reip. se uiuos sepeliri sustinuerunt. Nam cum Carthaginienses et Cyrenenses diu certassent inter se de finibus agrorum, tandem ita cōuenerunt, ut certo tempore duo uiri ex utraq; ciuitate exirent, et ubicumq; sibi obuiarēt, ibi utriusq; ciuitatis finis esset. Missi igitur ex Carthagine urbe Philæni fratres, longè processerunt in Cyrenensium fines, antequam illi aduenirent.

aduenirent. Tandem cum & Cyrenenses uenissent, seque  
præuentos uidissent, grauius indignati, proposuerunt  
Philenis, ut nisi retro cederent, uiui illic infoderentur.  
Quod cū factū esset, Carthaginenses in perpetuā rei me-  
moriā Philenis aras cōstituerunt. Vide Solin. ca. 40.

Philammon, filius fuit Apollinis ex Chyone nymphā,  
clarissimus fuit carmine & cithara. uide suprà, Chy-  
one. Ouidius lib. ii.

Nascitur è Phœbo (namq; est enixa gemellos)

Carminē uocali clarus, cytharāq; Philammon.

Philemon, uide suprà Baucis.

Philetas, poëta fuit elegiographus ex insula Cō, qui Phi-  
lippi & Alexandri Macedonum ætate floruit. Præcep-  
tor fuit Ptolemæi Philadepi. Suis carminibus cele-  
brauit Battidem puellam, quam adamauit. Fuisse fertur  
corpore adeò tenui, ut necesse fuerit ei plumbum adhi-  
bere, ne uentorum flatu raperetur. Politian.

— Nec Cows ad hæc non sacra Philetas,

Quanquā est æger, adest, quanquam uestigia lento  
Fulta grauat plumbo, &c.

Philippi, orum, Thessaliæ ciuitas, à Philippo Macedo-  
num rege condita, qui eam de suo nomine Philippos  
nominauit. Iuxta hæc sunt campi Philippici, in quibus  
Cæsar & Pompeius primò, deinde Augustus et Cæsius  
pugnauerunt.

Philippus, Macedo, filius Amynthæ, Olympiadem uxo-  
rem habuit, ex qua Alexandrum Magnum suscepit.  
Tandem cum multas urbes, & regiones, utcumq; potu-  
erat, imperio suo subicisset, à Pausania adolescente  
interfectus est, natus annos quadraginta septem.

Philoctetes, Pæantis filius, & comes Herculis, cui idem

B

morienis

moriens in Oeta monte mandauit, ne cui corporis sui reliquias indicaret, idq; iurare eum adegit, deditq; promunere pharetram & sagittas Hydra felle intinctas. Adueniente uerò tempore, cum Delphico oraculo moniti essent Græci, ad euertendam Troiam sagittis Herculis opus esse, inuentus Philoctetes, & de Hercule interrogatus, negauit se primò aliquid de Hercule scire: tandem uerò mortuum esse confessus est, & cum grauius ad indicandum sepulchrum cogeretur, ne iusiurandum uiolaret, ictu pedis locum ostendit. cumq; ad bellum Troianum deduceretur, quia ipse solus Lernaëis sagittis uti poterat, unius sagittæ casu in pedē, quo Herculis tumorem monstraauerat, uulnere penè immedicabili affectus est. Tandem cum uulneris fœtor à Græcis ferri non posset, in Lemno relictus est. sed occiso Achille, Vlysses in Lemnum regressus, illas retulit comitante domino, ut inquit Ouidius libro 3. Metam. Deuicta autem Troia, pudore, ne in patriam æger rediret, impeditus, in Calabriam uenit, ibiq; Petiliam condidit. Verg. libro 3. Aeneid. — Hic illa ducis Melibœi

Parua Philoctetæ subnixa Petilia muro, &c.

Tandem opera Machaonis medici sanatus est, Propertio teste, qui inquit:

Tarda Philoctetæ sanauit crura Machaon.

Philomela, filia fuit Pandionis regis Athenarum, uide Progne. Ouidius libro sexto Metamorph.

Vt simul imposita est pictæ Philomela carinæ.

Phineus, Agenoris fuit filius, ut Hellenicus ait, ut Hesiodus, Phœnicis & Cassiopeæ, Agenoris nepos, frater Cilicis, Dorycli & Atamini. Hic igitur rex Arcadiæ, uel, ut alij, Thraciæ, uel, ut rursus alij, Paphlagoniæ, uxorem

uxorem duxit Cleopatram, quam quidam Stenobœam uocant, ex qua genuit Orythum, & Crambim, ut Sophocles: ut alij, Mariandinum & Thynum: uel ut rursus alij, Palæmonem & Phinea: quibus mortua priore coniuge Cleopatra Harpalycen, Calais & Zethæ sororem (quamuis Flaccus non Harpalycen, sed Cleopatram Boreadum sororem appellet, cui etiam Apollonijs Cōmentarius assentit, qui libro primo dicit, Phineum Cleopatram Boreæ & Orithyæ filiam uxorem duxisse, secundam uerò Idæam Dardani filiam) nouercam superinduxit, cuius suasu filios suos ex Cleopatra susceptos excæcavit. Quapropter & ipse excæcatus à dijs, & Harpyiæ contra eum missæ, quæ cibos, & mensam eius turpissimè scædarunt. Postea uerò aduenientibus ad ea loca Argonautis, à Calai & Zethe fratribus alatis rursus ad Strophades insulas fugatæ sunt: uide supra Calais. Postremo occisus est ab Hercule, cum in solitudine liberos Phinei offendisset excæcatos, comperissetq; eos calumnijs nouercæ cinctos fuisse, &c. Hinc Phinæus, a, um, apud Senecam: & Phinæius, a, um, apud Vergilium lib. 3. *Acneid.* — Quas dira Celeno Harpyiæq; colunt aliæ, Phineia postquam Clausa domus, mensasq; liquere priores, &c.

Phlegeton, fluuius est infernalis flammis æstuantibus rapidus, unde ἀπὸ τοῦ φλέγειν, id est abardendo dictum uolunt. Verg. lib. 6.

Mœnia lata uidet, triplici circumdata muro,

Quæ rapidus flammis ambit torrentibus amnis

Tartareus Phlegeton, torquetq; sonantia saxa.

Hinc fit Phlegetontæus, a, um: & Phlegetontis, idos,

Phlegias, Martis filius, rex Lapitharum in Thessalia, à quo Phlegiæ Thessaliæ populi sunt cognominati. Hic liberos habuit Ixionē, & Coronidē nympham: quam cum ab Apolline uitiatam sensisset, confestim ira percussus templum eius Delphis incendit. Quapropter Apollo iratus, ipsum sagittis interfecit: insuper & ad inferos detrussit, ubi hac pœna afficitur, ut sub ingenti saxo ruinam minitante sedens, semper illud casurum suspicietur, & timeat. de hoc ita Vergilius libro 6.

—Phlegiasq; miserrimus omnes

Admonet, & magna testatur uoce per umbras,

Discite iustitiam moniti, & non temnere diuos.

Phlegon, Solis equus, dictus ἵππος τῷ φλέγονι, id est, ab arendo. uide Aethon.

Phlegra, locus est in Thessalia, à quo Phlegræi campi dicuntur, in quibus gigantes à Ioue fulminati sunt. Sit. libro decimo:

Quenam spes hominū tumidæ post prælia Phlegræ?  
Sunt & alij campi Phlegræi in Campania, in quibus Hercules cum gigantibus pugnavit, ubi & eos fugasse dicitur.

Phocæi, seu Phocenses, Ionum populi fuere, qui ob multa mala communi sensu patriam reliquerunt, diris execrationibus se deuouentes, si unquam quisquam rediret in patriam. Tandem in Galliam delati Massiliam condiderunt. De his Horat.

Nulla sit hac potior sententia: Phocæorum

Velut profugit execrata ciuitas, &c.

Vide quoq; Eras. in prouerb. Phocensium execratio.

Phocis, idos, parua regio est Græciæ inter Bœotiam & Aetoliam. in ea est oppidum Delphi, in quo Apollo  
oracula



oracula reddidit: item Parnasus, mons, cum fonte Casta-  
lio, & Cephiso amne. Phocenses, dicuntur populi. &  
Phocaicus, a, um. Lucan. lib. 3.

—Amphisa manus, scopulosaq; Cyrrha, &c.

Et Phocæus, a, um, apud Ouid. de Ponto.

Phocus, filius fuit Aeaci, cuius meminit Ouid. lib. 7. Met.

Phœbus, dicitur Apollo, id est, purus & splendidus. &

Phœbe, id est, Diana seu Luna. Inde Phœbeus, a, um.

Verg. lib. 3. Aeneid. —Phœbæ lampadis instar, &c.

Et Phœbas, ados, sacerdos Apollinis, & mulier uati-  
cinans. Sidon.

Nec sic intortum uiolatæ Phœbados ultrix

In Danaos fulmen iecit, &c.

Phœmonoë, Phœbi filia fuit, & uates, quæ primū car-  
mē Heroicum cecinisse dicitur. De hac Stat. lib. 2. Syl.

—Referetq; arcana pudicos Phœmonoë fontes.

Est & Phœbados cuiusdam nomen apud Lucanum li-  
bro 5. cum inquit,

Phœmonoën errare uagam, curisq; uagamtem.

Phœnicia, & Phœnice, maioris Asiæ regio, & Syriæ  
pars, Iudææ propinqua: à Phœnice rege hoc nominis  
sortita. In ea sunt Tyrus, Sidon urbes: Carmelus & Li-  
banus montes, in quibus thura leguntur. Phœnices, di-  
cuntur populi. & Phœnissa, mulier ex Phœnicia. &  
Phœniceus, a, um, adiect. ut Phœniceū mare. Et Phœ-  
niceus, a, um, id est, purpureus, à palma, quæ Græcis  
φοῖνις est, cuius fructu purpura tingitur.

Phœnix, filius fuit Agenoris, Cadmi frater, qui Phœnici-  
bus imperauit, à quo etiam nomen acceperunt. Literas  
quasdam inuenisse dicitur. Lucili.

Phœnices primi (famæ sic redditur) ausi

Mensuram rudibus, uocem signare figuris, &c.

Alius fuit Phœnix, Achillis præceptor, & Amyntoris filius, à quo Amyntorides appellatur. Ouid. in Ibin:

Id quod Amyntorides uideas, &c.

Est & fluuius Thessaliæ, qui in Asopum fluit.

Pholoë, mons est Arcadiæ syluosus, in quo Centauri morati sunt. Lucan. — Tabemq; cruentæ

Cædis odorati Pholoën liquere leones, &c.

Est etiam famulæ cuiusdam nomen apud Verg. lib. 5.

Olli serua datur operum haud ignara Mineræ,

Cræ, a genus Pholoë, &c.

Pholus, unus fuit Centaurorum Ixionis & Nubis filius. de quo Verg. lib. 2. Georg.

Bacchus & ad culpam causas dedit ille furentes,

Centauros leto domuit, Rhetumq; Pholumq;.

Phorbas, filius fuit Priami & Epithesiæ, Stasippi Mægdonij filiæ, quæ tempore belli tam natu grandem fuisse tradunt, ut potius frater quàm filius Priami uideretur.

Hic in bello Troiano aduersante etiam Priamo sæpius in prælium descendit, & cum multa egregia facinora edidisset, tandè à Menelao gladio obtruncatus est. Ferūt hūc semper in prælio à Mercurio adiutū. Reliquit filiū Ilionea, hominē eloquentia clarū, qui cum Aeneac apto Ilio in Italiam nauigauit, &c. uide supra. Alius fuit Phorbas Argiuorū rex. Alius item pastor Polybij, Corinthiorum regis, de quo supra in dictione Oedipus.

Phorcus, Latine, Græce Phorcin, filius fuit Neptuni & Thoosæ nymphæ, rex Corsicæ & Sardinie insularum. Hic ab Atlante nauali prælio uictus, undaq; obrutus est: quem postea socij superstites, in marinum deum conuersum dixere, eiq; diuinos honores fecere. Verg.

Tritonesq;

Tritonesq; citi, Phorciq; exercitus omnis, &c.

Hic pater fuit Græarum & Gorgonum. unde Phoracinis, idos, Phorci filia.

Phoroneus, filius fuit Inachi & Argiuorum rex, à quo Iô Inachi filia Phoronis, idos, ab Ouidio appellatur:

Nec superûm rector mala tanta Phoronidos ultra Ferre potest.

Phrygia, regio est minoris Asiæ, habens ab Oriëte Capadociam, à Meridie Lycaoniam, ab Occidente Troadem, à Septentrione Galatiam, quæ tamē pars eius est, & propter uiciniam pro Troade ponitur, unde Troiani dicuntur Phryges. Nomē autē sumpsit uel à Phrygio amne, qui eam à Caria separat, uel à Phrygia Cecropis filia. Et Dardania dicitur ea pars Phrygiæ, ubi olim Dardanus regnauit: postea uerò Troia dicta est à Troë Erichthonij filio. Phryx, igitur, aliquis ex Phrygiæ, & Phrygius, a, um. Verg. lib. 9.

Tempore quo primum Phrygia firmabat in Ida Aeneas classē, &c.

Phryxus, filius fuit Athamantis & Nepheles, qui una cum sorore Helle, quum defuncta matre Inûs nouerçæ insidias timerent, conscenso aurei uelleris ariete, quem antea à matre, ut quidam uolunt, ut alij, à patre acceperat, pontum ea parte, qua angustior est, trās fretare cepit. Sed Helles undarum strepitu in pontû decidit, & submersa est, à qua deinde pars illa maris Hellespontus dictus est. Phryxus uerò incolumis in Colchos ad Aëten regē peruenit, ubi arietē Ioui, uel ut alijs placet, Marti immolauit, uellusq; illud aurēum in templo suspendit: quod postea Iason Medæ ope adiutus abstulit. Ariēs uero inter sidera locatus, pristinam effigiem tenuit, qui

it, qui à Phryxo Phryxeus appellatur, media longa.  
Ouid. lib. 7. Metam.

Dumq; adeunt regem, Phryxæq; uellera poscunt.  
Phthia, Thessaliæ ciuitas est, Achilles patria: unde Phthi  
us appellatur. Verg. lib. 1. Aeneid.

Cum domus Assaraci Phthiam clarasq; Mycenæ  
Seruitio premet, &c.

Phthiotæ, aliquis ex Phthiotia. Phthiotis uero dicta  
est una ex quatuor Thessaliæ partibus, ut inq; Strabo.  
Phylace, cypidum est Phthioticæ regionis Thessaliæ,  
cuius quoq; meminit Lucan. lib. 6. In hoc Prothesilaus  
regnavit, unde ipse Phylacides, cognominatus est,  
& Laodamia eiusdē uxor Phylaceia, Ovi. li. 3. de Art.

Phylacides aberat, Laodamia tuus, &c.

Vbi poëta primam produxit cōtra primitiui naturam.  
Idem de Ponto:

Vt uiuat fama coniux Phylaceia, cuius, &c.

Phylira, Oceani fuit filia, ex qua Saturnus Chironem su  
scepisse dicitur, qui à matre Phyllirides, & Phylli  
reius, dicitur germinato luerus gratia. Ouid.

Phyllirides puerum citharæ præfecit Achillem.

Est & Phylira nomen arboris.

Phyllis, filia fuit Lycurgi regis Thracum, quæ Demo  
phoontæ Thesei Athenarum regis filium ab expeditio  
ne Troiana redeuntem, tempestateq; ad eam actum, et  
hospitio & lecto suscepit, ea tamen conditione, ut ma  
trimonio ipsam sibi copularet: quod etiam pollicitus  
est, dū modo liceret sibi Athenas proficisci, & res suas  
componere, quoniā de interitu fratris Mnesthei nun  
ciū accepiſſet. Tandē Phyllide consentiēte, statuto tē  
poris termino Demophoō Athenas profectus est. Verū

cum

cum tardior eſſet ad reditū, illa amoris impatiens, ſiue quòd ſperni ſe à Demophoonte exiſtimaret, laqueo ſe ſuſpendit, & in arborem Amygdalū folijs carentē conuerſa eſt. Mox uerò reuerſus Demophoon cū re cognita amplexus arborē, & deoſculatus foret, folia quaſi in tellecto ſpoſi amore, emittentē cōſpexit. Ouid. in Epist.

Hospita Demophoon tua te Rhodopeia Phyllis, etc. Eſt etiā Phyllis, Bithyniæ fluuius, à quo Phylli, Phyllienſesq; dicuntur, ut autor Strabo.

## P I.

Picenum, regio eſt Italiæ, in qua eſt Aſcalum, à Pico due denominata, quòd Sabinis cum Aſcalum proficiſcerentur, in uexillo ſuo picus conſederit. Hinc Picenus poſſeſſiūū deducitur: & Picēs, gentile, à quo Picentinus: hodie uocatur Marchia Anconitana, ab Ancone urbe.

Picumus, deus quidam fuit, quem Romani in ſuis ſacris adhibere conſueuerunt. Macer in Theog.

Et nunc agreſtes inter Picummus habetur, &c.

Picus, filius fuit Saturni, & Auſoniæ rex: Pomonam deā pomorum dilexiſſe fertur: propter quod à Circe, quæ eiufdem amore ardebat, in picum auem conuerſus eſt. Ouid. lib. 14. Metam. maritum Circes fuiſſe tradit, cui aſſentit Vergilius lib. 7. Aencid.

Picus equū domitor, quem capta cupidine coniux, Aurea percuffum uirga, uerſumq; uenenis Fecit auem Circe, ſparſitq; coloribus alas.

Pierus, uir quidam fuit, cui, ut eſt apud Ouidiū lib. 5. Metam. nouē ſuere filiæ ex Euippe, ſiue ut alij legūt, Auippe uxore, quæ ob nimiam ſuperbiam auſæ fuerunt Muſas ad carminum certamen prouocare: ſed ab iſdem uirgine, in picas ſunt mutatæ: unde poſtea Muſæ earum nomen

men sunt consecutæ, Picridesq; cognominatæ: quâuis alij à Pieria, quæ est Macedonia regio, sic dictas uelint. Hinc Pierius, a, um, ut Picriũ carmẽ. Verg. Ecl. 8.

—Vos quæ responderit Alphesibæus

Dicite Picrides, non omnia possumus omnes.

Pilumnus, Iouis filius, cui Seruius fratrẽ fuisse Pitumnũ dicit, & eos ambos fuisse deos: horumq; Pitumnum uel sum stercorandorum agrorũ inuenisse, & inde Sterculinum dictum. Pilumnus uero pinsendi frumẽti: & ob id à pistoribus coli, pilumq; ab eo denominatum. Ad hunc Danaẽ Acrisij filia forte ad Appulum littus acta, & à pastore unã cum Perseo paruulo delata est: quam ipse cognito genere uxorem duxit, ex qua Daunum filium suscepit. Vergil. libro decimo:

Cui Pilumnus auus, cui diua Venilia mater.

Pimpleides, & Pimpleæ, dicuntur Musæ, à fonte Macedonia Pimpleo, propter liquoris eius unicam subtilitatem. Sunt tamen qui à Pimpla loco quodam iuxta Parnasum montem sic appellatas tradant.

Pindarus, Thebanus poëta, Lyricorum apud Græcos princeps. floruit Aeschyli temporibus. Scripsit lingua Dorica, Olympia, Lythia, Nemea, Isthmia. Alexander cum Thebas euerteret, & in omnes sæuaret sine discrimine, Pindari uatis penatibus parci iussit. Expirasse fertur in gremio pueri adamati, Valerio teste. Vide quoq; Quintilian. lib. 10. Instit. Orator.

Pindus, mōs est Thessaliæ, Apollini, Musisq; saccr: Acarnaniam diuidens ab Aetolia: olim Lapitharum sedes. Est etiam nomen oppidi Thessaliæ, à monte Pindo sic appellatũ, iuxta quod labitur eiusdẽ nominis fluiuius, in Cephisum decurrens.

Piri



**Pirithous**, Lapitharū rex, Ixionis filius, non ex nube, ut cæteri Centauri, sed ex uxore. Hic ut fertur, amicitia integra Theseo Atheniensi iunctus fuit, duxitq; in uxore Hippodamen Atrati filiā, ut suprā ostendimus. Quam mortua, cum Theseo amico suo, qui tum forte cælebs erat, cōuenit, se nisi ex Ioue genitas uxores sumpturū: & cum iam Theseus Helenam Iouis & Leda filiam rapuisset, nec alia eo tēporis noscitur, quæ Iouis esset, præter Proserpinam Plutonis coniugem, ad rapiendā illam simul profecti sunt ad inferos: uerum Pirithous primo impetu à Cerbero interfectus est, quem Theseus adiuuare uolēs, ipse quoq; in uitæ discrimine fuit, atq; ad extremum captus, à Dite detentus est: sed postea ab Hercule liberatus, superisq; restitutus. Ouid.

Et cum Pirithoo felix concordia Theseus, &c.

**Pisa**, urbs est Arcadiæ, Oenomai regia, quam Alpheus amnis præterfluit, ubi quinto quoq; anno exercebantur ludi currules. uide suprā. Ouid.

Ah quam penè Pelops Pisæo concidit axe,

Dum spectat uultus Hippodamia tuos.

Ex hac urbe profecti sunt, qui Pisas in Italia condiderunt, quorum incolæ Pisani dicuntur. Verg. lib. 10.

—Alphæ ab origine Pisæ Vrbs Hetrusca solo, etc.

**Pisaurus**, fluuius est Umbriæ, à quo Pisaurum, ciuitas ipsi adiacens nominata est.

**Pisidia**, regio est minoris Asiæ, inter Lycaoniam & Isauriam: cuius populi Pisidæ dicuntur. Claudian.

—Vtriq; propinqui,

Finibus obliquis Lydi Pisidæq; feroces, &c.

**Pisinoë**, una est Sircnarum. uide infrā.

**Pisistratus**, filius fuit Nestoris & Eurydices, quæ pater dedit

dedit in socium Telemacho Vlyſſis filio, uolenti ire La-  
cedæmoniam, interrogaturus Menelaum, nunquid de  
Vlyſſe aliquid ſciret. Alius fuit hoc nomine Hippocra-  
tis filius Athenarum tyrannus, cui ob ſummā eloquen-  
tiam Athenienſes ſe, & libertatem ſubmiſere, quo tem-  
pore Romæ Seruius Tullus regnabat: quamuis Solon  
ipſe quoq; ſummus orator ē contrario pro libertate ſta-  
ret. Primus apud Athenas bibliothecam inſtituit.

Pitane, urbs eſt Aeolica, ut inquit Mela, & patria Arce-  
ſilai philoſophi. Ouid. lib. 7. Metam.

Aeoliam Pitanen à læua parte reliquit, &c.

Pithecūſa, inſula in mari Thuſco, contra Campaniam ſi-  
ta: quam alij à ſimiarum multitudine ſic dictam uolunt,  
quia πῑθήκας Græcis ſimia eſt: Alij à figulinis doliorum,  
πῑθος enim Græcis dolium ſonat. Olim Inarime, itē Ae-  
naria dicebatur, hodie Iſchia ſeu Iſchiade. In huius  
ſummitate oppidum fuit Pithecuſæ. Ouid.

Inarimen, Prochytenq; legit, ſterilesq; locatas  
Colle Pithecuſas, &c.

Pitheus, auus maternus fuit Theſci, qui Trœzeni regna-  
uit. Hinc Pitheis, patronym. & Pitheius, a, um. Ouid.  
in Epistol.

Hic tecum Trœzena colam Pitheia regna, &c.

Pittacus, philoſophus Mitylæus, & unus ſeptem ſapi-  
entum: hic in bello contra Athenienſes Phrinonem eo-  
rum ducem ſingulari certamine interfecit.

#### P L.

Platea, inſula eſt in mari Aegæo, quæ & Paros & Mi-  
noida dicitur. Plateæ, arum, ciuitas Bœotiae ſub Cithe-  
rone monte, non longe à Thebis. Statius:

Nunciat excubijs uigiles aſſiſſe Plateas, &c.

Plato,

Plato, philosophus, Aristonis filius & Paretonia, ob humerorū latitudinem sic dictus, cum antea ex aui patris nomīne Aristocles uocaretur. Natum Athenis tradunt eo die, quo apud Delon Apollo. Ad eò autem in omni disciplinarum genere, præsertim philosophia excelluit, ut & diuinus Plato, & philosophorum Homerus sit appellatus. Horat.

Pythagoran, Anytiq; reum, doctumq; Platona, &c.  
 Pleiades, septem succe Atlantis & Placiones nymphæ filia, quarum nomina sunt, Electra, Alcynoe, Celano, Merope, Sterope, Taygeta, Maia. Ferunt has in cœlū assumptas, & in stellas mutatas ob pietatē, eò quòd Atlantis calamitatē perpetuo fletu prosequutæ sunt: uel quòd cum perpetuam uirginitatē seruare decreuissent, & ob id Dianæ studia sequeretur, post ab Orione, qui illarum amore captus, eas persequabatur, effugere non possent, implorato Iouis auxilio in stellas mutatae sunt, positaq; in dorso Tauri, & à nomīne matris Pleiades dictæ: uel ut alij uolunt, à pluralitate: πλείους enim Græca lingua plures dicuntur. Vide quoq; supra in dictione Æthra. De his omnibus Ouid.

Pleiades incipient humeros releuare paternos,

Quæ septem dici, sex tamen esse solent.

Seu quòd in amplexus sex hinc uenire Deorum:

Nam Steropen Marti concubuisse ferunt:

Neptuno Alcinoen: & te formosa Celano,

Maian & Electram Taygetamq; Ioui.

Septima mortali Merope tibi Sisyphæ nupsit:

Pœnitet, & facti sola pudore latet.

Siue quòd Electra Troiæ spectare ruinas

Non tulit, ante oculos opposuitq; manum, &c.

Pleias,

Pleias, iados, in singulari numero dicitur una illarum. Oriuntur circa æquinoctiū uernū, unde Latini Vergiliis uocant. Sunt autē pluuioſæ & nautis infeſtiſimæ.

Pleione, Oceani & Tethyos filia, quam Atlas in uxore duxit, & ex ea Pleiades genuit. Ouid.

Duxerat Oceanus quondam Titanida Tethyn,

Qui terram liquidis, quā patet, ambit aquis.

Hinc ſata Pleione cum cœliſero Atlante

Iungitur (ut fama eſt) Pleiadesq; parit, &c.

Plemmyrium, fluuius eſt Siciliae. Vergil. lib. 3. Aeneid.

Sicanio prætentæ ſinu iacet in ſula contra

Plemmyrium undosum, &c.

Pleuron, Aetoliae urbs, & Meleagri patria. Statius lib. 4. Theba.

Fletaq; cognatis auibus Meleagria Pleuron.

Plotæ, duæ in ſulæ in mari Aegeo, quæ & Strophades dicuntur. Vide ſuprà Calais.

Pluto, cui cognomen Ageſilao, filius fuit Saturni & Iouis, Neptuniq; frater: quibuſcum de regno ſortitus, inferos ſorte adeptus eſt. Proſerpinam Cereris filiam in Sicilia rapuit. Vide ſuprà Ceres, item Iupiter. Ab eo fit Plutonium, a, um. Horat. lib. 1. Carm.

Et domus exilis Plutonia, quò ſimul mearis, &c.

Plyſthenes, ut alij Phylifthenes, Pelopis fuit filius ex Hippodamia, qui cū iuuenis moreretur, Agamemnona & Menelaū filios ſuos paruulos Atreo fratri commendauit, qui eos ſuſcepit, filiorumq; loco educauit: & ob id Atrei habitus, Atridae ſunt appellati. Vide ſuprà.

P O.

Podalyris, Aſculapij filius, inſignis medicus, qui cum Machaone fratre ad Troiam ex Creta in ſula uocatus fuit

fuit à Græcis, cum sæuiſſimè inter eos ſæuaret peſtis, ſic dictus à pedum magnitudine. Ouid.

Quantus apud Danaos Podalyrius arte medendi,  
Automedon curru, tantus amator ego.

Eſt etiam Itali cuiuſdam nomē apud Vergiliū lib. 12.

Podarge, una fuit Harpyiarum, ex qua Zephyrus uētus Balam & Xanthum Achillis equos progeniuit.

Pœni, dicuntur Carthaginiēſes, quaſi Phœni, quia ex Phœnicia ſunt oriundi: ſed in deriuatiuis æ, in u, longum mutatur: ut Punicus, a, um. Vergilius:

Punica regna uides, &c.

Pœonia, regio eſt Europæ, & pars Macedonia, à Pœone Endymionis filio ſic dicta, à qua Pœones, populi. Statius:

—Didici quo Pœones arma rotatu, &c.

Postea à regis nomine Emathia appellata. Ponitur æliquando pro Macedonia, ſicut Emathia: cuius littoralis regio iuxta Sithoniam & Thermopōtum Pallene uocatur: unde Verg.

Hic nunc Emathiæ portus, patriamq; reuiſit  
Pallenen, &c.

Pola, oppidum eſt in Iſtria, ubi & Polaticus eſt ſinus: hanc olim à Colchis habitatam aiunt, ſed tandem Romanorum facta eſt colonia.

Polytes, filius fuit Priami & Hecubæ, quem Pyrrhus capta urbe in conſpectu patris interfecit, ut habetur apud Verg. lib. 2. Aeneid.

Ecce autem elapſus Pyrrhi de cæde Polytes

Vnus natorum Priami, &c.

Pollux, filius fuit Iouis & Leda, & frater Caſtoris. Hūc fabulantur poëtæ fuiſſe immortalem, & nihilominus immor

*immortalitatem suam cum fratre mortali diuissse, &c.*

*Vide supra Castor, item Helena. Verg.*

*Talis Amyclei domitus Pollucis habenis  
Cyllarus, &c.*

*Polybius, Corinthiorum rex fuit, de quo supra in dictione Oedipus.*

*Polydectus, statuarius fuit insignis, diligentia & decore  
supra ceteros, ut inquit Fabius.*

*Polycrates, tyrannus fuit Samiorum fortunatissimus, qui  
ut aliquid aduersitatis habuisse uideretur, anulum  
proiecit in mare, quem tamen cocus eius redinuenit in  
pisce. Sed tamen mors infamis & ærumnosa secuta est:  
nam ab Oronte, uel ut alij, Orgite præfesto Darij re-  
gis captus, atq; in altissimo monte cruci affixus est.*

*Polydamas, Antenoris & Thelane sororis Hecubæ fi-  
lius, qui Lycasten Priami filiam, sed ex concubina susce-  
ptam, uxorem duxit. Hic cum Antenore patre & Aenea  
urbem Troianam Græcis tradidisse dicitur. Persius:*

*Ne mihi Polydamas, & Troiades Labeonem  
Prætulerint, &c.*

*Polydorus, πολυδωρος, filius fuit Priami ex Hecuba, quæ  
pater de statu Troiæ dubitans cum magno auri ponde-  
re conseruandum misit Polymnestori Thraciæ regi, an-  
tiquo hospiti, amico & genero suo: sed ille deleta Tro-  
iæ, ceterisq; Priami ferè omnibus liberis interfectis, au-  
ri cupiditate adductus Polydorum in littore spatiantē  
telis aggreditur, & frustra fidem implorantem occidit,  
cadentiq; tumulum superiniecit, cui supercreuere myr-  
ti uirgulta. Quod cum mater Hecuba intellexisset, si-  
mulauit se ingens adhuc auri pondus uelle illi secretò  
indicare, quod pro filio acciperet. Quod auarus rex*

*HERUMS*



uerum existimans, mox ad Hecubā profectus, illius unguibus obcaecatus est. Extat tamen & alia de Polydoro opinio: nempe Græcos per Thraciam uenientes hūc cepisse, Priamum autem redimentem filium Græcis pro eo dedisse urbē, quæ postea ab euentu Antandros dicta est: qua accepta, illos tamen nihilominus Polydorum lapidibus obruisse. Vide Scruū in tertium librum Aene.

—Fuge littus auarum, Nam Polydorus ego, &c.  
 Alius fuit Polydorus, Priami filius ex Laothoë Altai Lelegum regis filia, quem Achilles cum fratre Lycaone in bello Troiano interfecit.

Polymnestor, siue Polymestor, siue Polynestor, ut quibusdam placet, rex fuit Thracum, auri auidissimus, ut iam de Polydoro dictum est. Proper. lib. 3.

Et scelus accepto Thracis Polynestoris auro, &c.  
 Vbi m. litera elisa uidetur metri gratia.

Polymnia, siue Polyhymnia, una est Musarum, à multitudinem carminum, siue laudationum dicta. πόλυ enim multum est, & ὕμνος, id est, canto, laudo, seu ὕμνος, id est canticum. Verg.

Signat cuncta manu, loquiturq; Polymnia gestu.

Ouidius:

Dissensere deæ, quarum Polyhymnia cæpit, &c.

Polynices, filius fuit Oedipi regis Thebanorum, & frater Etheoelis: qui cum mortuo patre alternatim regnare uellent, nec cedcret Etheoelis, contractis copijs cū Adrasto Argiuorum rege socero suo, multisq; alijs Achaïæ principibus, bellum in Etheoelē mouit: in quo multis utrinque occisis, fratres ipsi mutuis quoque uulneribus se confecerunt. Vide suprā Etheoelis, Adrastus, &c.

C

Polyphemus

Polyphemus, Neptuni filius ex Thoosa Phorci filia, Cyclopum maximus, unicum oculum in fronte habens, quemadmodum & reliqui, uescens humanis carnibus. Galatheam nympham adamauit, à qua spretus, animi dolore Acin puerum, quem illa prætulerat, saxo interfecit. Ad hunc uenit Vlysses cum duodecim comitibus, quem reliquis rebus omnibus percontatis per Iouem obsecrauit, ut tutò abire liceret. Ille uerò superbè respondens, non timere se Iouem inquit, duosq; ex comitibus Vlyssis apprehendens, ritu feræ immaniter deuorauit, totidemq; postridie absumpsit summo mane, relicto Vlysse cum reliquis socijs in antro, cui ingens saxum solus admouit, abiitq; cum gregibus suis. Quare Vlysses sibi iam & reliquis timens, reuertēti lagœnam optimi uini, quod secum tulerat, obtulit, ut sibi suisq; parceret obsecrans. Cyclops potato uino, promisit semisereturū, si uinum iterū propinaret: quo factò cum tertio potasset, nomen Vlyssis petijt: qui respondit, οὐτις uocor, quod Latine Nullus sonat. cui Cyclops, loco muneris exhibiti poculi te ultimum comedam. Tandem Polyphemus uino inebriatus, cum se facile in somnum soluisset, Vlysses sumpto stipite, quem in finum sepeliuerat, coq; igne perusto, animatis in facinus socijs, incensum in oculum Cyclopi acri nixu impigere. Ille igitur experrectus ingenti clamore socios antro propinquos, in auxilium uocauit: qui undiq; circum antrum quarentes, quisnam illum infestaret, cum Cyclopem, οὐτις, respōdentē audiisset, arbitrati quia morbo aliquo naturali grauaretur, abeūtes dixere, ut Neptunū patrē pro sospitate precaretur. Porro Cyclops cū cogretur gregibus aperire antrū, immanē inde lapidem amouit:

uerun

ueruntamen exeuntes pecudes manibus palpat, ne quis ostiū egrederetur. quod cū Vlysses cum comitibus animaduertisset, induti pecudum pelles, Cyclopi manus effugere. Vide Vergiliū libro tertio *Acneidos*:

Nam qualis quantusq; cauo Polyphemus in antro  
Lanigeras claudit pecudes, &c.

**Polyxena**, filia fuit Priami & Hecubæ formosissima: cuius amore captus Achilles, pacem promisit Troianis, si eam haberet uxorem. quod cum exorasset. à Priamo, uenissetq; cum illa in templum Apollinis, ad contrahendum matrimonium, ibidem interfectus est à Paride. Quare Pyrrhus Achillis filius in ultionē patris sui interfecti Polyxenam uelut autorem mali, iugulauit ad tumultum ipsius Achillis. Ouid.

Placet Achilleos mactata Polyxena manes.

Ab ea fit Polyxenus, a, um, apud Catullum:

Alta Polyxenia madefient cæde sepulchra.

**Pomona**, dea pomorum fuit, quam Picus Latinorum rex adamauit, propter quod Circe coniux illum in auem sui nominis transmūtauit, ut superius ostendimus. Calphur. *Eclog.* 2.

Et matura mihi Pomona sub arbore ludit.

**Pompeij**, Campaniæ oppidum, iuxta Sarnum amnem. hinc Pompeianum prædium circa Pompeios, &c.

**Pompeius**, cognomine Magnus, nobilissimus fuit Romanus, cuius res gestas, quoniam ubiq; ab autoribus decantantur, hic apponere superuacaneum uisum est. si quis tamen eas desiderabit, Florum, Lucanum, & alios petat. Lucanus libro primo:

Vltima Pompeio dabitur prouincia Cæsar?

Vide Plutarchum, in uita eiusdem.

Pontia, insula in sinu Caietano, non procul à Palmaria.  
Est & ciuitatis eiusdem nomen.

Pontina palus Volscorum iuxta Forum Appij, haud longè à Tarracina, distatq; ab urbe circiter 40. millia passuum, Lucan. lib. 3.

Et quæ Pontinas uia diuidit uda paludes.

Pontus, propriè dicitur mare illud, quod à Mæotide palude usq; in Tenedum protenditur: sed ubi se primum arctat à Tenedo incipiens, post Helles casum, Hellespōtus uocatur: ubi expandit, Propontis: ubi iterum premit, Thracius Bosphorus: ubi iterum effundit, Pontius Euxinus, qui curuatus in figuram Scythici arcus committitur ostio Mæotidis paludis, idq; ostium Cimmerius Bosphorus uocatur. Figuratè autem pro quouis mari ponitur, ut apud Vergilium lib. 1. Aeneid.

—Ingeus à uertice pontus In puppim fririt, &c.

Est etiam Pontus regio Asiæ minoris inter Armeniam, Colchidē, & mare sita, atq; à Ponte rege sic cognominata, herbis uenenosis abundans. unde Verg. Eclog. 8.

Has herbas, atque hæc Ponto mihi lecta uenena  
Ipse dedit Mæris, nascuntur plurima Ponto.

Populonia, Hetruriæ ciuitas, ad mare extructa. Vergilius libro decimo:

Sexcentos illi dederat Populonia mater  
Expertes belli iuuenes.

Porphyryon, gigantis cuiusdam nomen, de quo Claud. Porphyryon trepidam conatur uellere Delon.

Porphyrius quoq; nomen philosophi, Christianis inimicissimi.

Porhyris, insula in Laconico mari sita, quinq; millibus passuum à Malcæ promontorio distans: eadem postea dicta

dicta est Cythera, ob memorabile tēplum Veneri sacru. Et Porphyris, nomē appellatiuū est, Græcis purpuram denotans: unde Porphyriacus, a, um, pro purpureo accipitur. Ouidius:

Et porphyriacis figere labra genis.

Porfena, uel Porfenna, rex fuit Hetruriæ, qui Romanum obsedit, cupiens eiectum regem Tarquiniū regno restitueret: sed fortitudine Romanorum, præsertim Mutij Scauolæ deterritus, cum Romanis in gratiam rediit, atq; ita obsidionem reliquit. Extrui præterea sibi fecit Labyrinthum sepulchri loco, sub urbe Clusio. Mart.

Vrere quam potuit contempto Mutius igne,

Hanc spectare manum Porfena non potuit.

Portumnus, deus marinus, qui portibus præesse putabatur, alio nomine Palæmon. uide supra. Portunalia, festa huic deo dicata.

Porus, rex fuit Indiæ, quatuor cubitis & palmo procerus. Claudianus:

Tradita captiuo spatiosior India Poro, &c.

Potitius, & Pinarius, sacerdotes fuerūt Herculis. Nam cum Euander aram maximam Herculi, ubi nunc Roma est, post interfectum Cacus edificasset, & Hercules de suo armento boues ad sacrificia dedisset, inuenti sunt senes duo, a quibus se æqualiter coli uelle ostendit, statuitq; ut mane & uespere sacrificarēt. Sed cū peracto matutino sacrificio circa Solis occasum essent sacra receptenda, alter prior uenit, qui ἀπὸ τοῦ ποτῖ[ος], id est à potando, Potitius cognominatus est. Alteri propter negligentiam iratus Hercules statuit, ut sacrificanti atque epulāti Potitio ministraret. Quapropter ἀπὸ τῆς πείνης, hoc est à fame, Pinarius, quasi famelicus, appellatus

est. Vergilius libro 8. Aeneidos:

—Primusq; Potitius author

Et domus Herculei custos Pinaria sacri, &c.

Potnia, uicus est Boeotiae, seu ut alij tradunt, Arcadiae. à quo fit Potniæus, & Potnias, adis. Vide supra Glaucus.

P R.

Præneſte, ſiue Præneſtis, urbs eſt Italiae in montibus ſita, à Cæculo Vulcani filio condita, ut Vergilius ſenſiſſe uidetur libro 7.

Nec Præneſtinæ fundator deſuit urbis

Vulcano genitum, &c. uide ſupra.

Dicta fuit ἀπὸ τοῦ πείων id eſt, ab ilicibus, quibus ille locus abundat. In hac Fortunæ templum fuit. Sil.

—Sacrisq; dicatum Fortunæ Præneſte iugis.

Praxiteles, nomen fuit ſtatuarij nobiliſſimi, qui marmorum ſculptor fuit. Sculpsit inter cætera Venerē Gnidi, quæ in toto orbe præcipua habita eſt: multiq; ut eam uiderent, Gnidum ſunt proſecti. Proper.

Praxitelem Parius uendicat arte lapidis.

Priamus, filius Laomedontis, quo adhuc puero capta eſt Troia ab Hercule, ut ſupra uidere eſt de Laomedonte. Hic poſt patris mortem Ilio reſtaurato, ac regno etiam quàm latiſſimè ampliato, adco ut nō ſolum Troia, ſed etiam frē Aſiæ rex uideretur, Hecubam filiam Ciffei regis Thraciæ uxorem duxit, ex qua 19. liberos ſuſcepit, ex alijs uerò ſcæminis triginta unum: ex quibus Paris repetiturus Heſionam ſororem, in Græciam proſectus, Menelao Helenam uxorem rapuit, unde motum eſt bellum decennale à Græcis in Troianos: in quo uidit filios ſuos frē omnes ab hoſtibus interfici. Tandē capto



capto Ilio, & ipse à Pyrrho Achillis filio occisus est, prope aram Iouis Hercæi in sanguine Polyti filij, ut est apud Verg. lib. 2. Aeneidos:

Forſitan & Priamū fuerint quæ ſata requiras, &c.  
Ab eo ſit Priamides, patronym. prima longa, & Priameius, 4, um, prima breui. Fuit & Priamus Polyti ſilius, ſuperioris nepos, quem Aeneas ex Troiæ excidio ſecum in Italiam duxerat. Vergilius libro 5.

Vna acies iuuenum, ducit quam paruus ouantem  
Nomen aui referens Priamus, tua clara Polyte  
Progenies auſtura Italos, &c.

Priāpus, Liberi patris & Veneris filius. Cū enim Venus Bacchum amaret, cum eo concubuit: deinde in Indiam Baccho proſecto, concubuit cum Adonide. Poſtea illo ex India reuerſo coronam illi obuiam progrediēs obtulit, eumq; ſic coronatum tanquam ſponſum ſequi ſe iuſſit. ex quo cum concepiffet, in Lampsacum abiit. Iuno autem inſenſa illi ob zelotypiam, manu uterum illius incantando tetigit: ex quo factum eſt, ut illa pareretur filium, non modo præter omnes alios deformem, ſed & ingenti pene præter modum dehoneſtatum: cuius poſtea cum illam puderet, reliquit in urbe Lampsaci ab ſe reiectum. Hunc poſtea quum Lampsacenis mulieribus nimium gratus eſſet, à ciuib; eiectum ferunt: ob quam rem, quum neſcio quo malo poſtea premereſetur, templa eidem & ſacra conſtituerunt, factusq; etiā horum deus eſt. Imolabant ei aſinum, quod cū olim hic deus in feſto magnæ matris, ad quod omnes dii conueſcerant, epulisq; ſatiati noctem luſibus ducebant, Lothidem nympha, ſiue, ut alijs placet, Veſtam humi dormientem ſuprare uellet, intēpeſtiuo aſini, quo Silenus

uehebatur, clamore, coitu fuisset impeditus, aq; uirgine excitata manu reiectus, magno omnium, qui adcrant, risu, ut Ouidius fabulatur libro primo Fastor. Higinus uerò tradit, ob id Lampsaccenos asinum imolare consueuisse, quòd ab eodem quum de magnitudine membri certarent, supercratus uideretur. Verg. lib. 4. Georg.

Hellepontiaci seruet tutela Priapi.

Priene, oppidum est Ioniæ in Asia; à qua fit Prienæus, & Prienenfis. Sidon.

Prienæ Bia, quod plus tibi turba malorum, &c.

Priuernum, oppidum est Volscorum in Latio: à quo fit Priuernas, atis, aliquis ex hoc oppido. Abundat optimo uino, quod Priuernatium dicitur. Est & uiri nomen apud Maronem libro nono:

Priuernum Capys, &c.

Procas, filius fuit Auentini regis Albanorum, cui etiam in regno successit. Verg. lib. 6.

Proximus ille Procas Troianæ gloria gentis.

Filios reliquit Amulium & Numitorem, &c. de quibus supra.

Prochyta, insula in mari Tyrrheno, non procul à Puteolis Campaniæ urbe, una ex Aeolijs. Dicta autem Prochyta, quia profusa est ab Aenaria insula. nam Græci προχύται dicunt profusum esse. uide supra Inarime.

Procris, filia fuit Erichthei, & Cephalis uxor, à marito in sylua iaculo transfixa. Vide supra Cephalus. Vergilius lib. 6. Aeneid.

His Phædræ, Procrinq; locis, mox stãq; Eriphylæ, etc.

Procustes, latro fuit crudelissimus, qui ut author est Dionysius, eo in loco terræ Atticæ, quæ Crudalus dicitur, latrocinia exercēs, cogebat hospites supra lectū aliquē ascendere,

ascendere, quo si longiores fuissent, pars supereminens amputabatur: qui uerò breuiiores, distendebatur: à qua re etiam nomen illi inditum putant. Hunc postea Theſeus interfecit. Ouid. lib. 7. Metam.

Vidit & immitem Cephissias ora Procustem.

Procyon, sydus cœleste, quod Latini Caniculam seu Anticanem dicunt, eò quòd paulo ante Canem maiorem oriatur cum Leone. Cicero:

Anticanem, Procyon Graio qui nomine fertur, &c. Reperitur tamen apud recentiores prima longa.

Proetus, qui & Pritus, Atlantis Argiuorum regis filius, frater Acrisij, qui ex Stenobœa, quam Homerus Antio-  
pam, Perottus Antiam nominauit, uxore, Iphianassam & Lysippen filias suscepit, quæ à patre Proctides sunt appellatæ à Vergilio Ecloga sexta:

Proctides implerunt falsis mugitibus agros.

Vide suprà Acrisius, Phianassa, Perseus.

Progne, filia fuit Pandionis regis Athenarum, uxor The-  
rei Thraciæ regis (uide suprà Pandion) ex qua Itym filium peperit. Sed cum desiderio uiscendæ sororis tene-  
retur, exorauit uirum, ut Athenas profectus Philomelā ad se duceret. Qui mandata peragens, aduentū Philo-  
melæ à Pandione impetrauit. Verū dū in itinere essent, in libidinem mulieris exardēs, quamuis repugnantem cō-  
preſſit: post hæc ne facti obscœnitatē exprimere pos-  
set, linguā ei abscidit, & seruo in uinculis custodiendā tradidit: reuersus q; ad uxorem, maris nausea periſſe si-  
mulauit. Philomela interim tædio carceris affecta, rem om-  
nē uti gesta fuerat, acu in tenuissima tela depinxit: hanc ancillæ Prognæ clām deferendam tradidit. Pro-  
gne re intellecta, ac dissimulato ad tēpus dolore, post-

C 5 quam

quam Orgiorū tempus aduenit, thyrſis & pellibus pro more inſtructa ſororem adit, eamq; eodē indutam habitu ad regiam ducit. Hīc communicato conſilio, ueluti ſurijs agitata Itym paruulū filium interfecit, uiroq; domū redeūti epulandū proponit: qui re tandē ob delatū iuſſu Prognēs in ſine coenae pueri caput, comperta, dū fugientem uxore ſuribundus perſequitur, mutatam deorum commiſeratione in hirundinem uidit: quae conſuetudinem habitandi intra hominum tecta ſemper ſeruauit. ipſe in upupam conuerſus eſt, ideoq; militarem criſtam adhuc in capite gerit, & quaſi adhuc filium quaeritans, clamat *ὦ ὦ ὦ*, quod ſignificat, ubi ubi. Itys autem in Phaſianum, quae auis frequens eſt iuxta Phaſim fluuium in Colchis. At Philomela in auem conuerſa eſt ſui nominis, nec ceſſat deſlere cātu dulciſſimo iniuriam, quam paulò antè elinguis promere non poterat. Hae ex Picrotto. Vide quoq; Ouidiū lib. 6. *Metam.*

Promētheus, filius fuit Iapeti ex Aſia coniuge, qui primus omnium hominem ex luto formauit: cuius opus eximium mirata Minerua, ei ſpopondit, quicquid ex cœleſtibus bonis uellet in perfectionē ſui operis. Qui cū reſpōdiſſet, ſe nescire, niſi uideret, quae apud ſuperos ſibi eſſent utilia, eiufdem auxilio in cœlū aſcendit: ubi cum cerneret omnia flāmis animata, ut ſuo etiam operi flammā immitteret, clām ſerula rotæ ſolis applicata, eaq; incenſa, ignē reportauit in terras, quo pectori ficti hominis admoto, animatum reddidit. Quāobrem dii irati febres & morbos terris per Pandorā ſœminā (de qua ſuperius) immiſerunt: Prometheū autem per Mercuriū Caucaſo alligauerūt, adhibita aquila, quae iecur ſeu cor aſiduē paſceret. Lucianus & alteram cauſam irae addit,

dit, nempe quòd in sacrificijs ossa & intestina dijs cre-  
mādi & immolandi Prometheus author fucrit, melio-  
rem autem partem sibi retinuerit. Idem author est Pro-  
metheum à supplicio liberatum postea, ob uaticinium,  
quo Iouem monuit, ne cum Theti rē haberet, fore enim  
ut illa pariat filium, qui maior patre suo futurus esset,  
Mercuriumq; ideo missum à Ioue unā cum Hercule, qui  
illum soluerunt. Verg. Eclog. 6.

Caucaseasq; refert uolucres, furtumq; Promethei.

Ab eo sūt patron. Prometides, et Promethis, idos.  
Propontis, pars Ponti est inter Hellepontum & Bo-  
sphorum Thracium. Ouid. lib. 4. de Ponto:

Misit in has si quos longa Propontis aquas.

Vide suprà Pontus.

Proserpina, filia fuit Iouis & Cereris, quam Pluto infe-  
rorum deus in Sicilia flores colligentem rapuit, ut su-  
perius ostendimus de Cerere, item Ascalapho. Voca-  
tur alijs nominibus Persephone, Hecate, Diana, Luna,  
de quibus suo loco. Claud.

—Quo dicta ferox Proserpina curru, &c.

Protesilāus, filius fuit Isiphyli, & unus ex Græciæ prin-  
cipibus: qui quamuis audiuiisset, à uatibus se primum  
omnium in bello Troiano periturum, si eò proficisce-  
retur, contemptis nihilominus uaticinijs, iuit cum cæ-  
teris ducibus, ibiq; in initio belli ab Hectore interfectus  
est: quod etiam ratio nominis indicat: nam Protesilaus  
significat id, quod primus mortuus. Vnde Auson.

Protesilaë tibi nomen sic uata dederunt,

Victima quòd Troiæ prima futurus eras.

Vocatur & Phylacides, à Phylæe Theßaliæ oppido.

Vxorem habuit Laodamiā, Acasti filiā, de qua suprà.

Proteus

Proteus, πρωτεύς, Oceani & Tethyos filius, deus marinus, & uates, qui nisi coactus dat responsa. phocas Neptuno pascit. Ferunt hunc captum amore Pomonæ in omnigenam speciem se uariasse. hinc à Latinis Vertumnus dicitur, à uerso mutatoq; cursu fluminis Tyberini. Vnde Proper. libro quarto:

Vertumnus uerso dicor ab amne deus.

Huic, ut idem autor est, olim frugum primitiæ dicabatur. Vide prouerb. Proteo mutabilior. Fuit etiam huius nominis Aegypti rex temporibus Priami.

Psylli, populi fuerunt Aphricæ, sic dicti à Psyllo rege, cuius sepulchrum in parte Syrtium maiorum est. Horum corporibus ingenitum fuit uirus exitiale serpētibus, ex cuius odore sopirēt eas. Plutarchus scribit Catonē per desertā Libyes iter facientē Psyllos secum duxisse, qui morsibus serpentum mederētur, partim ore trahentes uenenum, partim serpentes ipsos mitigātes. Deleti autem sunt à Nasamonibus Libyæ populis, qui spoliatores extiterūt nauū Syrtibus inuolutarū. Lucan. lib. 9.

—Gens unica terras

Incolit à sæuo serpentum innoxia morsu,

Marmaridæ Psylli, par lingua potentibus herbis.

P T.

Ptolemæus, filius fuit Lagi gregarij militis, maximæ apud Alexandrū Macedonem authoritatis & gratiæ: post cuius mortē Aegypto & Aphrica, & magna Arabiæ parte potitus, regnauit ānis quadraginta, omnesq; deinceps Aegyptij reges Ptolemæi sunt apellati. Eorum nomina sunt, Ptolemæus Philadelphus, Ptolemæus Evergetes, Ptolemæus Phylopater, Ptolemæus Epiphanes, Ptolemæus Philomater, Ptolemæus Phiton, qui



qui & Soter cognominatus est, & Ptolemæus Dionysius, qui per scelus Pöpeio caput abscindi iussit, ut Cæsari uictori mitteret. Lucan. lib. 6.

Non tuleram Magnum mecum Romana regentem,  
Te Ptolemæe ffram? &c.

Fuerunt & alij huius nominis uiri.

Prolemais, ciuitas est in Cyrenaica regione. Est & alia in Egypto. Alia item in Phœnicia, quæ contermina est Iudææ.

Punicus, a, um, id est, Carthaginienſis. uide Pœnus.

## P Y.

Pygmalion, filius fuit Cilicis, qui Paphum filium suscepit ex eburnea matre. uide supra. Alius fuit Pygmalion Beli filius, rex Tyri urbis Asiæ, auarissimus, qui Sichæum sororium ante aras interfecit, ut auro eius potiretur. Verg. lib. 1. Aen. — Sed regna Tyri germanus habebat Pygmalion, scelere ante alios immanior omnes.

Pygmæi, populi sunt in extrema parte montium Indiæ habitantes salubri cœlo, semperque uernante, breuiusculæ staturæ, ut qui cubitum non excedat: πυγμαῖοι enim Græcis cubitum sonat. Horum mulieres pariunt anno quinto, & senescunt octauo: assidue certant cum gruibus, & uincuntur sæpenumero. De his Iuuenalis Satyra 13.

Ad subitas Thracum uolucres, nubemque sonoram  
Pygmeus paruis currit bellator in armis,  
Mox impar hosti, raptusque per æra curuis  
Vnguibus à seua fertur grue. si uideas hoc  
Gentibus in nostris, risu quaticre: sed illic,  
Quanquam eadem assidue spectentur prælia, ridet  
Nemo, ubi tota cohors pede non est altior uno.

Pylades, filius fuit Strophij Phocensis, indissolubili amicitia

citiæ uinculo cum Oreste iunctus, quæ etiā furore percitum, quod matrē interfecisset, ad Tauricam usq; regionem secutus est. Vide supra Orestes. Stat. lib. 2. Syl.

Dignus & Aemonium Pyladem præcedere fama.

Pylemenes, dux fuit Paphlagonum, quem in auxilium Troianorum uenisse Homerus scribit. Dicitur etiam aliquando à poëtis Pylemenæus.

Pylène, oppidum est Aetoliæ. Papi.

—Sensit scopulosa Pylene,

Fletaq; cognatis auibus Meleagrea Pleuron.

Pylos, oppidum fuit iuxta Thessaliam, à Neleo conditū, unde Nestor Pylius est dictus. Ouid.

Illius attactu Pylius iuuenescere posset, &c.

Sunt & aliæ duæ huius nominis urbes.

Pyracmon, seu Pyragmō, cyclops unus est ex ministris Vulcani. uide supra Brontes.

Pyræus, portus fuit Atheniensium, qui contra incurSIONES publicè custodiebatur.

Pyramis, idis, moles maxima quadrata, ita cōstructa, ut è lato in acutum tendat: quarum tres in Aegypto fuisse apud Memphim urbem tradunt, à regibus conditæ, & pro monumentis factæ, tanta altitudine, ut inter septem orbis miracula sint connumeratæ. Martial.

Barbara pyramidum silcat miracula Memphis.

Pyramus, adolescens fuit Babylonius, qui Thyssē puellam mutuo amore prosequutus est: uerū cum adeo à parentibus uterq; obseruaretur, ut nullo modo se complecti possent, egredi urbem ad constitutum locum decreuerunt. Quò quidē cum prior peruenisset Thyssē, læna illac transeunte, perterrefacta in antrū uicinum confugit. Pyramus deinde adueniens, cum uelut quòd fugienti

fugienti Thyſbe à capite deciderat, cruentatū reperif-  
ſet, eam putans à feris fuiſſe dilaniatam, gladio quē ſeciū  
habebat, ſub moro arbore incubuit. Thyſbe autem ex  
antro egreſſa, cū Pyramum uulnere conſectum uidif-  
ſet, eodem ſe gladio confodit. Quorum ſanguine quidē  
mora effecta fuere nigra, cū antea candida fuiſſent, ut  
fabulatur Ouid. lib. 1. Metam.

Pyramus & Thyſbe, iuuenum pulcherrimus alter,

Altera quas oriens habuit prælata puellis, &c.

Pyramus etiam fluuij nomen eſt, qui per anguſtias Tau-  
ri montis per Ciliciam deſertur.

Pyrene, mons eſt Galliam ab Hiſpania dirimēs, ſic dictus  
à Pyrene puella Bebricis filia, in hoc monte ab Hercu-  
le compreſſa, quæ poſtea à feris laniata, ibidem ſepulta  
eſt. uel ut alijs placet, à crebris fulminum ignibus. Dicitur  
& mons Pyreneus. Eſt quoq; fontis nomen in He-  
licone, ut inquit Probus, Muſis conſecratus: quē tamen  
Strabo ſub Acrocorintho eſſe dicit. Primam ſyllabam  
indifferentem habet. Lucan. lib. 1. — De ſuper Alpīs

Nubiſeræ colles, atq; æriam Pyrenē, &c. Tibull.

Non ſine me eſt tibi partus honos, tua bella Pyrene

Teſtis, & Oceani littora Santonici, &c.

Pyreneus, πυρενέως, rex fuit Thraciæ, qui Muſas hoſpitio  
ſuſceptas uiolare uoluit: ſed ipſæ in picas mutatae per  
fenestras euolarunt: quas ille ſecutus decedit, & fractis  
oſſibus miſerabiliter expirauit, ut fabulatur Ouid. lib. 1.  
Metam. — Durusq; ante ora Pyreneus Vertitur.

Pyrgoteles, gemmarum ſculptor fuit nobiliſſimus, à quo  
ſolo Alexander Macedo ſuam imaginem ſculpi uoluit.

Pyrgo, nomen fuit nutricis natorum Priami, cuius memi-  
nit Vergil. lib. 3. Aeneid.

Pyrgum,

Pyrgum, & Pyrgi, orum, quondā fuit metropolis Thusciae. Verg. lib. 10. — Et Pyrgi ueteres, &c.

Pyrois, Solis equus. De quo supra in dictione Aethon. Pyrrha, filia fuit Epimethei, & uxor Deucalionis. Vide Deucalion.

Pyrrhus, filius fuit Achillis, & Deidamiae, Lycomedis regis filiae, qui adhuc adolescens ad bellū Troianū accersitus est, unde & Neoptolemū uocarunt. Capta Troia Polyten, Priami filium, cum parente interfecit: Polyxenā, Priami filiam, ad patris tumulū iugulauit: Andromachen, Hectoris uxorem sibi matrimonio copulauit. Denum captus amore Hermiones filiae Menelai, Andromachen dedit Heleno, Priami filio, cū parte regni, & Hermionen Oresti rapiens sibi in coniugē sumpsit: uerū postea ab Oreste reuerso, in Apollinis templo Macarci sacerdotis opera interfectus est. Ouid. in Epi. Pyrrhus Achillides animosus imagine patris.

Pyrrhus, alius, fuit Epirotarum rex, qui multa & maxima bella gessit cum Romanis. Primus docuit metari castra. Tegula de tecto decidente, ictus interijt.

Pythagoras, philosophus fuit Samius, patrē habuit Demarathum, locupletem & negotiatorē. In Aegyptum primò, mox Babyloniam profectus est studio rerū arithmeticarū: uariae terrae loca discendi causa peragravit. Credebat animas post mortē de corporibus in corpora trāsire, & animas hominum quandoq; in bestias mitti. Vnde esus carnū prohibebat. Vide Ouid. lib. 15. Meta. Abstinebat etiā fabis, ut quidā uolūt. Iuuen. Satyr. 15.

Vel quò non sugeret, si nunc haec monstra uideret  
Pythagoras: cunctis animalibus abstinuit qui,  
Tanquā homine, & uētri indulsit nō omne legumē.

Python,



Python, serpens fuit immanis, quem Apollo interfecit, à quò dictus est Pythius. Et Pythia, ludi fuerūt Apollinares, in honorem ipsius Apollinis instituti, ob interfectum serpentem: quorum author fuit Coræbus Atheniensis. Ouid.

*Strauimus innumeris tumidum Pythona sagittis.*

*Vide suprà Latona.*

Pyttacus, Mityleneus, unus de septem sapiētibus. Sidon.

*Noscere quod tempus Lesbo sate Pyttace suades.*

## DE LITERA Q.

**Q**uinquatria, festa fuisse Mineruæ, quæ quinq; diebus fiebant mense Martio, in honorem Palladis.

*Iuuenalis:*

*Eloquium ac famam Demosthenis aut Ciceronis*

*Incipit optare, et totis quinquatribus optat,*

*Quisquis adhuc uno partam colit esse Mineruam.*

Quirinus, dictus est Romulus, à quiris, id est, hasta, qua utebatur assidue: uel quòd Cures uicerit. Ouidius:

*Siue quòd hasta quiris priscis est dicta Latinis,*

*Bellicus à telo uenit in astra deus.*

*Siue suo regi nomen posuere Quirites,*

*Seu quia Romanus uicerat ille Cures.*

Et Quirinum etiam Martem nominabant, quando uidelicet tranquillus esset: quādo uerò seuiret, Gradiuum.

Quirinalis collis dictus est, quòd in eo Quirini templum erat: siue quòd in eum commigrauerunt Sabini à Curibus uenientes. Et Quirinalis porta Romæ dicta, uel quòd ea itur in collem Quirinalem, uel quòd proxime eam Quirini sacellum erat. Et Quirinalia, uocabant diem, quo Quirino sacra fiebant.

D

Quirites,

Quirites, dicti sunt Romani, à rege suo Quirino, id est, Romulo.

## DE L I T E R A R.

R A.

**R** Auenna, oppidum Sabinorum, in ora maris Adriatici, olim tota ligneis compacta ædificijs, aquis diffusa, pontibusq; ac lenibis peragrata, à Thessalis condita, ut inquit Strabo lib. 3. Silius lib. 8.

Lenta paludosa proscindunt stagna Rauennæ.

R E.

Reate, ciuitas est Umbriæ, quam Italiæ umbilicum esse dicunt, quòd in medio ferè Italiæ positum sit. Reatinus, a, um, ut Reatina præfectura, apud Valer. Max.

Regium, oppidum est Galliæ Cisalpinæ, à Lepido ædificatum, unde et Regium Lepideum uocatur. Regium, propter pulchritudinem et amœnitatem. Ab eo fit adiect. Regiensis, se. Aliud est Rhegium, de quo infra.

Regulus. Vide supra Attilius.

Remus, filius fuit Martis ex Rheæ uirgine Vestali, à fratre Romulo interfectus, quòd uallū extruendis mœnibus designatū, cōtra edictum transiliisset. Ouid. in Ibin:

Vtq; Remo muros auso transire recentes,

Noxia sunt capiti rustica tela tuo.

Vide infra Romulus.

R H.

Rhadamantus, Iouis filius ex Europa, Lyciæ rex, qui quum seuerus iustitiæ executor esset, poëtæ cū apud inferos finxere culpas explorare nocentum. Verg. lib. 6.

Gnosius hæc Rhadamantus habet durissima regna,  
Castigatq; auditq; dolos, subigitq; fateri, et c.

Vide proverb. Rhadamanteum iudicium.

Rhamnus



**Rhamnus**, untis, oppidum inſigne Atticæ regionis, in quo Nemefis ultionum dea templum habet ab Amphiarao conditum. Vnde etiam Rhamnufia, & Rhamnufis uocatur. Ouidius:

Exigit ad dignas ultrix Rhamnufia poenas. Idem:

— Memoremq; time Rhamnufidis iram, &c.

Vide ſupra Nemefis.

**Rhea**, dicitur Cybele, uxor Saturni. Vide ſupra. Et Rhea uocatur mater Romuli & Remi, filia Numitoris. Vide Ilia.

**Rhebas**, Bithyniæ fluuius. Valer. Flac. lib. 4.

— Longinquiq; exirent flumina Rhebæ.

**Rhegium**, oppidum eſt Brutiorum, in finibus Italiæ ad mare contra Siciliam. Sic dictum ἀπὸ τοῦ ῥήγνυω, id eſt, diſrumpo, quòd eo loco Sicilia ab Italia dirupta ſit. Ab eo fit Rheginus, a, um.

**Rhemi**, populi ſunt Galliæ ſuper Ligerim. Nemaufus habet metropolim: aduerſus Romanos ingentia bella geſſerunt: cū Caſare apud Gergouiã cōgreſſi ſunt. Luc. 1. Optimus excuſſo Leucus Rhemusq; lacerto.

**Rhenus**, & Rhenum, nobilis fluuius, ex Alpibus oriens, Belgas à Germanis diuidit, & multis annibus auſtus, in Oceanum ſeptentrionalem hodie tribus oſtijs deſertur, quum olim tantum duobus inſlueret, ut patet ex Verg. lib. 8. — Rhenuſq; bicornis, &c. Horat.

Aut flumen Rhenum, aut pluuius deſcribitur arcus.

**Rheſus**, filius fuit Strymonis & Euterpes Muſæ, rex Thraciæ, qui albis equis in auxilium Troianorum uenit, ſed prodente Dolone ſpeculatore Troiano à Diomedæ & Vlyſſe prima nocte occiſus, antequam eius equi Xanthum bibiſſent, cum ueſpere tum primum ad-

uenisset, & clausis iam portis in littore tetendisset: fuerat enim responsum illi oraculo, si ipse & equi ipsius Xanthum bibissent, Troianaq; pabula gustassent, inuietum fore. Vergilius lib. 1. Aeneid.

Nec procul hinc Rhesi niueis tentoria uelis

Agnoscit lacrymans, &c.

Rhetia, regio est Europæ, & diuiditur in primam & secundam. Prima uel superior, inter fontes Rheni & Licufluum, continens in se maximam Alpium partem, lacum Cōstantiensem, Algoiam (ut hodie uocant) & Sueuiam usq; ad Danubium. Secunda uel inferior, inter Licufluum & Danubij fontes, &c. Rheti, dicuntur populi. & Reticus, a, um, possessiuū, ut Reticum uinū.

Rhexinor, filius fuit Nausithoi, & pater Aretes. Hic ab Apolline percussus obiit.

Rhiphæi, montes sunt in Scythia, a perpetuo uentorum flatu appellati. ῥιπῆω enim Græcis flo, significat. ex quibus Tanain fluuium oriri tradūt. Hinc fit Rhiphæus, a, um, id est, Scythicus & Aquilonaris, ut Rhiphæus populus, & Rhiphæa nix. Claudian.

Non Rheni glacies, non me Rhiphæa tenebunt  
Frigora, &c.

Est & Riphæus Troiani nomē apud Verg. lib. 2. Aen.

Rhodanus, fluuius est uelocissimus, ortum capiens in Alpibus, per Lemanium lacum defertur, & tardū Ararim proximè Lugdunum secum arripiens, auctusq; Isara & Druentia, tribus ostijs in mare Tyrrhenum effunditur. Lucan. lib. 4. — Hos campos Rhenus inundet,

Hos Rhodanus, &c.

Rhodope, mōs Thraciæ altissimus, a quo fiūt adiectiua Rhodopæus, & Rhodopeius, a, um. Ouid. in Epist.

Hospita

Hospita Demophoon, tua te Rhodopeia Phyllis, etc.  
 Est etiam meretricis cuiusdam nomen, quā Plinius tra=  
 dit conseruam fuisse Aesopi, eamq; quæstu meretricio  
 magnificam struxisse pyramidem.

Rhodos, insula est in mari Carpathio, opposita Lyciæ  
 & Aegypto, olim Ophiusa, deinde Staclia, postea Tel=  
 chin à Telchinibus insulanis dicta. urbem habet eiu=  
 dem nominis. Sacra est Soli, qui puella, nomine Rho=  
 diæ, amore captus, Rhodum ab ea nominauit. In hac  
 quoq; fuit admirandæ magnitudinis Colossus, 70. cubi=  
 tis altus, Soli dicatus, à quo Rhodij appellati sunt Co=  
 lossenses. Tradunt cœlum nunquam esse tam nubilum,  
 ut sol in Rhodo non luceat. Hinc fit Rhodius, Rhodi=  
 acus, a, um, Rhodiensis, se. Lucan. lib. 6.

—Pæbeia donis Exornata Rhodos, &c.

Rhœbus, equus fuit Mezentij, apud Vergil. lib. 10.

Rhœbe diu (res si qua diu mortalibus ulla est)  
 Viximus, &c.

Rhœteum, siue Rhetes, promontorium Troiæ, in quo  
 sepultus fuit Ajax Telamonius. Inde Rhœteus, &  
 Rhœteius, a, um. Sidon.

Sigæas rapturus opes Rhœteia clausit  
 Pergama, &c.

R O.

Roma, nobilissima & bellicosissima Italiæ urbs, & toti=  
 us orbis caput, quem penè totū sub suū imperium sub=  
 egerat, abundans olim optimis uiris, sed hodie serè o=  
 mniū malorū Lerna. De cōditione autores uariant, cō=  
 muniore tamē sententia est, Euandrum ex Arcadia fugiē=  
 tem cōdidisse oppidū, ubi nunc Roma est, quod Valen=  
 tiā Latini appellauerūt: postea uerò à Romulo amplia=  
 tū, & mœnibus cinctū. Verg. li. 6. — Illa inclyta Roma

*Imperium terris, animos æquabit Olympo.*

*Ab eo fit Romanus, & Romanensis.*

Romulus, et Remus, fratres, filij suere Martis ex Rheæ Vestali uirgine, quos Amulius aui frater exponi iussit, sed inuenti à Faustulo pastore, nutriti sunt: qui robustiores facti, Amulium interfecerunt, restituto regno Numitori auo, ut superius dictum est de Amulio, Numitore, & Ilia. Hi postea collecta pastorum manu Romam condiderunt. Priusquam autem conderetur, ne factio moueretur de principatu, pacto concuerunt, ut is præesset regno, cui in augurio plures apparuissent uultures. Sex tantum uisi sunt Remo, duodecim Romulo. Eo quoque iure rex constitutus, ambitum urbis uallo & aratro designari iussit, cauitque, ne quis sulcum transiliret, nisi qua parte relictus & indictus fuerat portis locus. Remus statim ægrè ferens insolens fratris edictum, uallum tanquam in ludibrium & contemptum transiit, magno suo malo: quoniam ob hanc causam rastris interfectus est, iubente Romulo. Quare autem poetæ fabulentur eos à lupa nutritos, uide supra Laurentia. Ab eo fit Romulida, & Romulides. Verg. lib. 8.

*Subitoque nouum consurgere bellum*

*Romulidis Tatioque seni, &c.*

Et Romuleus, a. um., Ouid. lib. 5. Fastor. —Habeto

*Tu quoque Romulea dixit in urbe locum, &c.*

Cætera eius gesta uide apud Liuium. Fulmine ictum interiisse ferunt.

Roscus, nomen fuit histrionis nobilissimi: pro quo extat Ciceronis illa præclara oratio. Ab hoc omnes in aliqua re perfecti Roscij dicuntur. Horat.

*Quæ grauis Aesopus, quæ doctus Roscius egit.*

*Rosstra*

**Roftra**, dictum est templum Romæ in foro ante curiam Hostiliam, in quo erat suggestus rostris nauium Antiatum, ex quo concionabantur. Vnde sæpe legimus pro rostris, id est, in eo loco ubi rostra ab hostibus capta fixa erant. Lucan. lib. 1. — Quamuis nolente seuatu, Traximus imperium tunc cum mihi rostra tenere Ius erat, &c.

## R V.

**Rubi**, oppidum est in Campania, à ruborum frequentia dictum. Horat. lib. 1. Sat. 5.

Inde Rubos fessi peruenimus, &c.

Hinc fit Rubeus, a, um, ut Rubea uimina, apud Vergilium, quæ inde afferebantur.

**Rubicon**, fluuius est, Italiã à Gallia citeriore separans: originẽ ducit ab Alpibus ex Apennino monte, fluitq; inter Ariminũ & Rauennã, in mare Adriaticum. Luc. lib. 1. — Ut uentum est parui Rubiconis ad undas, &c.

**Rudiearum**, siue ut apud Strabonẽ legitur, Rhodæiorum, urbs Apuliæ, à Græcis condita, Ennii poëtæ patria. Silius:

Nunc Rudie solum memorabile nomen alumuo.

**Rufæ**, oppidum Campaniæ, cuius meminit Maro lib. 7.

Quiq; Rufas, Batulumq; tenent, &c.

**Rutheni**, populi sunt Galliæ Narbonensis, non longè ab Auerna, & Santonibus. Lucan. lib. 1.

Soluuntur flauis longa statione Rutheni.

Alij sunt Rhuteni in Sarmatia Europea, ultra Liouoniã: hodie Rusi dicuntur, & eorum regio Russia.

**Rutuli**, populi antiqui in Latio, quorum rex Turnus bella gessit cum Aenea in Italia. Verg. lib. 10.

Tros Rutulus hæc fuit, nullo discrimine habeo.

Rutupium, littorale Britanniae oppidum, à quo fit Rutupinus, 4, um. Lucan. lib. 6.

Aut uaga cum Tethys, Rutupinaq; littora feruent,  
Vnda Calydonios fallit turbata Brytannos.

## D E L I T E R A S.

## S A.

**S**Abā, Arabum metropolis est, in monte sita, ita appellata ὑπὸ τοῦ σέβαν, quod sacrificare est, quia thus mittit, quo in sacrificijs utuntur. Et Sabæa, regio Arabiae felicitis, in qua sola thus nascitur. Sabæi, dicuntur populi. Verg. — Solis est thurea uirga Sabæis.

Sabini, antiquissimi Italiae populi, inter Latinos et Umbros, extendunturq; usque ad Nomentum oppidum, quorum regio Sabinia dicitur. A religione et deorum cultu, hoc est ὑπὸ τοῦ σέβαν, cognominati, quasi Sebini. Silius uero libro 8. à Sabo autore gentis, Sabinos dici putat, cum inquit:

- Ductorem gentis, pars laudes ore ferebant

- Sabe tuas, qui de patrio cognomine primus

Dixisti populos magna ditione Sabinos, etc.

Horum filias rapuerunt Romani olim in spectaculo, quum uxoribus carerent. Romulus enim quum propinquitates uicinorum bona pace impetrare non posset, propter urbis nouitatem, consilium cepit de rapiendis uirginibus. Indiectis itaq; ludis Neptuno peragendis, quum multi hospites et accolae uenissent cum coniugibus et liberis: ultimo die dato signo cum ad rapinam discurreretur, raptæ sunt uirgines 683. autore Dionysio in Antiquitatibus. propter quam rapinam consequutum postea est bellum inter Romanos et Sabinos: sed uicti Sabini Romam migrauerunt. Verg. lib. 8.



—Et raptas sine mora Sabinas Confessu caueæ, etc.

A' Sabinis fit Sabellus, a, um. Verg. lib. 8.

Gnatum exhortarer, ni mistus matre Sabella,

Hinc partem patriæ traheret, &c.

Sacæ, populi Scythiæ. Persæ enim omnes Scythas uocāt Sacas, à proxima sibi gente.

Sacer, mons est trans Anienem fluuium ultra tertium miliarium : sic dictus, quòd Ioui esset consecratus. Hunc occupauit olim plébs Romana, cum à diuitibus nimium grauaretur, & ibi creati sunt tribuni plebis.

Sacerani, appellati fuerunt Reate orti, qui ex Septimontio Ligures, Siculosq; eiecerunt : dicti quòd iure sacro nati essent.

Sacrani, populi fuerunt Italiæ, Romæ uicini, qui ortum sumpserunt à Corybante quodam, ea loca tenente. A' sacrificando dicti: Corybantium enim erat matri deûm sacra facere. Seruius tamen Ardeates intelligi putat, propter uer sacrum. Quod immolationis genus erat, quando grauib; periculis adducti uouerent, quæcûq; proximo uere apud se animalia nata esset, se immolatu ros, quod peste adacti Ardeates uouerant. Verg. lib. 7.

Et Sacrae acies, & picti scuta Labici, &c.

Saguntus, & Saguntum, urbs fuit Hispaniæ, à Græcis condita, cuius habitatores adeo fideles Romanis extiterunt, ut ab Annibale obseßi multos menses obstinatis & infractis animis obsidionem tulerint, malueruntq; expectare urbis excidium, quàm deditiõnem facere. Et cum salutem desperarent ob nimiam famem, in foro suas res omnes in publicum rogi coniecerunt, seq; postremo & suos liberos eodẽ præcipitarunt, ne in hostium manus uenirent, Inde Saguntinus, a, um, ut pocula Sa

guntina, quæ maximè commendantur. Mart.

Sume Saguntino pocula ficta luto.

Salacia, quam quidam Salicam uocant, aquæ dea, d' salo-  
ciendo appellata, Neptuni uxor, quam inferiorem æ-  
quam maris esse dicunt, quòd in salum redeat. Vnde à  
poëtis pro aqua sumitur.

Salamis, uel Salamin, insula in mari Euboico, contra  
Athenas sita, in qua urbs est eiusdem nominis. Quidam  
tradunt hanc fuisse Homeri patriam. Vide suprà Co-  
lophon. Altera fuit in Cypro, quam Teucer condidit,  
priorè pulsus à patre Telamone. Horat. in Odis:

—Teucer Salamina patremq;

Cum fugeret, &c. Inde fit Salaminicus, a, um.

Salentinum, promontorium est Italiæ. Salentini, popu-  
li, quorum regio finitima est Apuliæ. Et Salentini  
campi, de quibus Verg. lib. 3.

Et Salentinos obsedit milite campos.

Salij, sacerdotes erant Martis, à Numa Pompilio secun-  
do Romanorum rege instituti, & quòd in portandis an-  
cilibus saltare eos mos esset, sic appellati, ut est apud  
Liuium libro primo Decad. primæ. Vergilius uerò e-  
tiam Euandri temporibus fuisse dicit lib. 8.

Tum Salij ad cantus incensa altaria circum

Populeis adsunt cuiusq; tempora ramis.

Nisi hæc poëtica licentia dixerit, adq; sua tempora re-  
spexerit.

Salmacis, fons est in Caria prope Halicarnasum, homi-  
nes effœminatòs reddens. Vide suprà Hermaphrodi-  
tus. & Ouid. lib. 4. Metam.

Salmacis uel iaculum uel pictas sume pharetras.

Salmonæus, filius fuit Acoli, qui apud Elidem regnauit.

Hic

Hic cum regia maiestate contentus nō eſſet, conatus eſt ſe deum ſuis oſtendere: & fabricato aeneo ponte in ſublimi, adeò ut Elidis partem deſuper tegetet, ſuper eo currus agitari faciebat, qui tã ſuo, quã ærei pōtis ſtrepitu in tantum ſonitum ueniebãt, ut tonitruum uidetur. Præterea ex excelſo ignitis facibus in ſimilitudine fulminũ iaculabatur. Ob quã ſuperbiã Iupiter iratus, cum uero fulmine ad inferos deturbauit. Verg. lib. 6.

Vidi & crudeles dantem Salmonæa pœnas,  
Dum flammæ Iouis, & ſonitus imitatur Olympi.

Salmōnis, idos, Tyro, Salmonei filia. Proper. lib. 1.

Non ſic Aemonio Salmonida mxtus Enipco  
Thracius, &c.

Salonæ, inſigne oppidum eſt Lyburniæ inter Dalmatas  
& Illyricos, quod olim Pollio deuicit. Lucan.

Quæ maris Adriaci longas ferit ora Salonas.

Salpina, palus in Apulia, iuxta Salpiam ciuitatem mere-  
tricio amore Annibalis inclytam. Lucan. lib. 3.

Quas recipit Salpina palus, &c.

Samnites, populi fuerunt Italiæ inter Piſcnũ, Cāpaniam  
& Apuliã, ita appellati à Samnio colle, in quo è Sabi-  
nis ueniētes conſederunt, & eiufdem nominis oppidum  
condiderūt: multa geſerunt bella cum Romanis, quorũ  
exercitum etiam apud Caudinas furcas ſub iugum mi-  
ſerunt. Deletos tandem uolunt à L. Sylla Dictatore.

Samos, duarum inſularum nomen eſt, in mari Aegeo: u-  
nius, quæ adiacet Thraciæ, Samothracia dicta. Verg.

Threiciamq; Samum, quæ nũc Samothracia fertur.  
Abundat luto conſcisciendis fiſtilibus aptiſſimo: unde il-  
lud Ouidij:

Fama eſt fiſtilibus coenſſe Agathoclea regem,

Atq;

Atq; abacum Samio sæpe onerasse luto.

Alterius, quæ Epheso opposita est, & Andro uicina, in qua Iuno, Pythagoras, & una ex Sibyllis nati dicuntur. In hac maximo honore colebatur Iuno, unde Vergil. lib. 1. Aencid.

Quam Iuno fertur terris magis omnibus unam  
Posthabita coluisse Samo, &c.

Inde fit Samius, a, um.

Santones, uel Santoni, uel Santonici, populi sunt Aquitaniæ, finitimi Petragorij. Lucan. lib. 1.

—Gaudetq; amoto Santonus hoste. Mantuan.  
Santonici infrenes, & Sequanidum populorum  
Vulgus inhumanum, &c.

Sapis, Galliæ Cisalpinæ fluuius Senogalliam urbem subterlabens, iuxta quam & Isaurus fluit. Lucan. lib. 2.

—Et iunctus Sapis Isauro, &c.

Sappho, mulier Lesbica lyrica, floruit tempore Alcæi & Stesichori poetarum. maritum habuit Cercylam ditissimi uirum ex Andro, ex quo filiam suscepit Clio nomine. Scripsit Lyricorum libros nouem, præterea Epigrammata, Elegias, Iambos, & Monodias. Carmini Sapphico, cuius inuentrix fuit, dedit nomen. Sunt qui aliam dicunt fuisse Lesbiam, siue ut alij tradunt, Mityleneam, poetriam quoq; priore longè iuniorem, quæ adolescentem Phæonem, cuius superius mentionem fecimus, ad amauerit: cuius amore cum frui non posset, à Leucade demiserit se in aquas. Vtracumq; fuerit, unā tantum commendat Latini poetæ. Horat. lib. 1. Epistol.

Tēperat Archilochi musam pede mascula Sappho.  
Sardanapalus, ultimus rex Assyriorum, omnis generis  
luxuriæ deditus, qui nec crubuit inter scortorum greges  
nec,

nere, & muliebri habitu fœminas omnes lasciuiam an-  
teire, relicta illa maiestate, qua princeps tãto debet ex-  
cellere, quanto cæteris est sublimior. Quamobrem indi-  
gnati Assyrij tali fœminæ parere, duce Arbacto præ-  
fecto Medorum bellum illi intulerunt. Qui uictus, intra  
regiam se recepit, & extracta pyra se & diuitias in  
incendium misit. Ouidius in Ibin:

Inq; pyram tecum charissima corpora mittas,  
Quam finem uitæ Serdanapalus habet.

Sardinia, insula fertilissima frumenti, in mari mediterræ-  
neo, ab oriente Tyrrhenum pelagus, à meridie Aphri-  
cum, ab occasu Sardoû, à septentrione mare quod in-  
ter ipsam & Cyrrum seu Corsicam circumfunditur.  
Nomen habet à Sardo Herculis filio, qui magna mul-  
titudine in Sardiniam à Libya nauigasse fertur, eamq;  
occupasse: antea uerò dicta fuit Ichnusa, de qua supe-  
rius: quòd conformis esset humano uestigio. A Sardinia  
adiectiua fiunt Sardous, Sardus, & Sardinensis.  
Ouid. — Sardoq; regna sinistris

Respicit à remis, &c.

Sardis, Sardium plural. urbs Lydiæ magna, & Cræsi re-  
gia. Horat.

Quid concinna Samos? quid Cræsi regia Sardis?

Sarepta, urbs Phœniciæ inter Tyrum & Sydonem, ubi  
Helias propheta esurientem uiduam miraculo pauisse sa-  
cræ literæ testantur. Hinc Sareptanus, a, um. Sidon.

Vina mihi non sunt Gazetica, Chia, Phalerna,

Quæq; Sareptano palmitè missa bibas.

Sarmatæ, uel Sauromatæ, populi uagi inter Boristhe-  
nem & Istrum. Plerumq; domicilia mutant, sanguinẽ  
equinum permixto potant lacte. Tanta sunt barbarie,  
ut pa

ut pacem non intelligant. Promissas gerunt barbas, & longos capillos. Inepti sunt ad pedestrem pugnam, auctore Cornelio Tacito. Martial. lib. 1.

Venit & epoto Sarmata pastus equo, &c.

Sarmatia, dicitur eorum regio: à qua fit Sarmaticus, apud Valer. Flac. & Sarmatis, idos, apud Ovidium.

Sarnus, fluuius est Campaniæ, ex Sarno monte profluens inter Pompeianum agrum & Salernū, iuxta quem oppidum Sarni, in radicibus montis positum, à quo Sarastes, populi sunt cognominati. Verg. lib. 7.

—Late iam tum ditione premebat

Sarastes populos, & quos rigat æquora Sarnus.

Sarpedon, onis, filius fuit Iouis & Laodamiæ filiæ Belerophontis (sunt tamē qui ex Europa Agenoris filiæ susceptrum uolunt, fratrem Minois & Rhadamanti) rex Lyciæ, qui Troianis aduersus Græcos in auxilium uenit, multaq; memoratu digna fecit. Tandem à Patroclo occisus est, cuius corpus Iouis iussu ab Apolline è medio pugnantium sublatum est, & flumine lotū, ambrosioq; respersum liquore, ac regia indutum ueste, ad exequendum funus, suis restitutum. Vergil. lib. 1. Aeneid.

Sæuus ubi Acaciæ telo iacet Hector, & ingens

Sarpedon, ubi tot Simois, &c.

Sarra, ciuitas Phœniciæ, alio nomine Tyrus. Inde fit Sarranus, a, um, id est, Tyrius. Vergil.

—Et Sarrano dormiat ostro.

Sarsina, Umbriæ oppidum, Plauti poetæ patria. Sil.

Vel rastris laudande Camers, his Sarsina diues

Lactis, &c.

Salon, sonis, insula, quæ à Brūdusio 40. stadia distat, & inde totidem in Epirū, ut ait Strabo lib. 2. —Cumq;

Spumoso



*Spumoso Calaber perfunditur æquore Sason.*

*Est etiam fluuij nomen in Italia, in Adriaticum mare profluens, de quo Silius:*

*Adriaci fugite infaustos Sasonis arenas.*

*Statius libro quarto Sylvarum:*

*Et Linterna palus, pigerq; Sason, &c.*

*Saticuli, populi Campaniæ, moribus asperi, de quibus Verg. lib. 7. — Pariterq; Saticulus asper.*

*Saturnus, filius fuit Cæli & Veste, qui Opim sorore suâ sibi matrimonio copulauit, Cælo patri uirilia abscecidit proiecitq; in mare, unde natam aiunt Venerem, quæ à spuma, unde coaluit, Aphrodites nomen accepit. Fratrẽ habuit Titanem maiorem natu, qui cum parenti succedere uellet, tamen animaduertens matrem sororesq; Saturno magis fauere, regnum ipsi concessit, ea tamẽ lege, ne Saturnus prolem masculam tolleret, ut regnũ ad suã prolem rediret. Saturnus igitur cum plures liberos deuorasset, nati sunt gemini Iupiter & Iuno: tum mater Iunonem Saturno ostendit, Iouem uerò clãm nutriendũ ablegauit. Neptunum quoq; clam Saturno Opis peperit, quem similiter clãm educari curauit. Tertio rursus geminos enixa est, Plutonẽ & Glauã, ibi rursus Glaucam Saturno ostendit, Plutonem abscondit. Alij uerò hoc loco fabulantur, quòd Rheia Iouem patri arte subtraxerit, atq; ne uagitus pueri audiretur, Corybantas quosdam cymbala fecit ac tympana percutere, ut obstrepente sonitu infantis uagitus non audiretur. Sed quũ ex uteri imminutione intellexisset pater editũ partum, expetebat ad deuorandum. Tum Rheia lapidẽ panis inuolutum ei offerens, hunc peperit dixit: at ille statim saxum absorbuit. Verum, quacunq; ratione factũ sit,*

fit, Titan frater illud percipiens, cum filijs, qui Titani à patre cognominabantur, bellum aduersus Saturnum suscepit, illumq; & Opem sororē captos, muro inclusit: sed à Ioue filio deuictis Titanibus liberati sunt. Porro Saturnus ex oraculo edoctus, fore ut à filijs regno pelleretur: et ob hoc Ioui insidias strueret, à Ioue regno pulsus in Italiam profugit, ubi diu apud Ianum regē latitauit: unde ea pars Italiæ Latium dictum est. reliqua uide suprā. Fabulantur etiam poëtæ, regnante Saturno ætatem auream fuisse, terram sua sponte expertem uomeris & aratri peperisse fruges: communes, & nullis designatas limitibus fuisse agrorum possessiones. Ab eo fit Saturnius, a, um. Saturnia Iuno, & Saturnia regna dicimus. Et Saturnia, regionis & oppidi nomen. Vergil. lib. 8.

Ianiculum huic, illi fuerat Saturnia nomen.  
Item Saturnalia, dicebantur festa Saturni, quinque dierum, quæ decimoquarto Calen. Ianu. celebrabantur. His quoq; diebus munera ultrò citroq; mitti remittiq; solebant. uide Oden Horatianam, Donarem pateras, &c. Inde fit Saturnalicius, a, um, quod ad Saturnalia pertinet. Mart.

Saturnalitæ ligulam misisse selibræ, &c.  
Satureum, urbs Calabriae, non longè à Tarento: unde Satureianus, a, um. Horat.

Me Satureiano uestari rure caballo, &c.  
Satyri, monstra sunt Indiæ, humana facie, pedibus caprinis, toto corpore uiloso, nihil habentes moris humani, gaudentes sylvarum latebris, & hominum commercia fugientes. Poëtæ faciunt eos sylvarū numina, aiuntq; proteruos esse, & in Venerem procliuēs. Vide suprā Faunos.

Faunos. Vergilius in Bucolicis:

Saltantes satyros imitabitur Alphesibæus.

Satyrus, fluuij nomen in Aquitania, cuius meminit Luca.  
libro 1. —Tunc rura Nemetis

Qui tenet, & ripas Satyri, quâ littore curuo, & c.  
Sauromatæ, populi sunt Scythiæ. uide supra Sarma-  
tæ. Iuuenalis:

Vltra Sauromatas fugere hinc libet, & c.

S C.

Scæa, porta Troiana dicebatur, à cadauere Laomedon-  
tis, hoc est, à scenomate, id enim tabernaculum siue sac-  
culum significat, quod in eius superlimine erat. Verg.  
libro 3. Aeneid.

—Et arentem Xanthi cognomine riuum

Agnosco, Scææq; amplector limina portæ.

Scæuola, uide supra Mutius.

Scamander, fluuius est Phrygiæ, ex Ida monte proflu-  
ens, quem superi Xanthum, mortales uerò Scamandriū  
nuncupant.

Scamandria, oppidum Troiæ.

Schoeneus, rex fuit in Scyro insula, pater Atalantæ. Ab  
eo fit Schoenæus, & Schoeneis, uide supra Atalāta.

Scinis, latro fuit prope Corinthum, qui solebat homines  
laniare, curuatis pinibus, & diuersis hominum parti-  
bus diuersarum arborum ramis alligatis. Hunc postea  
interfecit Theseus. Ouidius libro septimo:

Occidit ille Scinis, magnis male uiribus usus.

Sciron, à quibusdam per y, scribitur, latro fuit in Attica  
regione, prope Megarā urbem, qui hospites suos cum  
in scopulo sederet, aut lauare sibi pedes, aut se ado-  
rare cogens, eos incautos in mare præcipitauit. Tan-

E

dem à

dem à Thesco occisus est, cuius ossa in saxa mutata sunt: quæ Scironia ab illo dicuntur. Ouid. li. 7. Metam.

Tutus ad Alcatoën Lelegeia moenia limes  
Composito Scirone patet, &c.

Scironides petra, apud Sene.

Scylla, filia fuit Nisi Megarensium regis, de qua supra in dictione Nisus. Alia fuit Scylla Phorci & Cretæidos, seu Crataëidos nymphæ filia, quam Glaucus marinus deus amavit: & quoniam illam Circæ Solis filia, quæ illum diligebat, proponeret, irata Circe, fontem in quo lauari consueverat Scylla, uenenis infecit, adeo ut dum descendisset in eum Scylla more solito, pubetæ nus repente in uarias formas mutata est. Attamen cum suam deformitatem horreret, in propinquum mare sese præcipitavit, & opere Glauci amasij dea marina facta est. De hac ita Verg. lib. 3. Aeneidos:

At Scyllam cæcis cohibet spelunca latebris  
Ora exertantem, & naues in saxa trahentem.  
Prima hominis facies, & pulchro pectore uirgo  
Pube tenus: postrema immani corpore Pistris,  
Delphinum caudas utero commissa luporum.

Alij uerò dicunt Phorci & Hecates fuisse filiam, admirabili magnitudine, quæ habuit pedes duodecim, capita sex, ternos ordines dentium, & oculos ignitos, reliquo autem corpore absconditam in spelunca, petraque adhærere innatam. Capita uero ita longè prominent, ut posset ea in naues prætereuntes inferere, &c. Reuera tamen est saxum in monte Siculo contra Charybdim, eminus humanam effigiem referens, & collisione fluctuum repræsentans latratus canum.

Scyros, insula est in mari Aegeo, in qua Achilles scæmi-  
nam

nam mentitus delituit inter filias Lycomedis regis, gra-  
uidamq; fecit Deidamiam, & ex ea Pyrrhum suscepit.  
Stat. in Achilleid.

—Quum te scopulosa leuauit Scyros, &c.

Scyrius, a, um, adiectiuum.

Scythia, regio Septentrionalis, à Scythæ Herculis filio,  
ut inquit Herodotus, ita dicta. Hæc diuiditur à Tanai  
fluuiio, & pars una remanet in Europa, altera in Asia  
ferè usq; ad Indiam protendit. Scythæ, dicuntur po-  
puli. Lucan. libro 3. —Tinxere sagittas

Errantes Scythiæ populi, &c.

Hinc fit Scythicus, a, um.

Scython, quidam fuit, qui pro arbitrio modò in fœminā,  
modò in uirum commutabatur. Ouidius libro quarto  
Metamorph.

—Vt quondam naturæ iure nauato

Ambiguus fuerit modò uir, modò fœmina Scython.

Scopas, sculptor fuit nobilissimus, cuius meminit Horat.  
libro 4. Carm. Ode 8.

Quas aut Parrhasius protulit, aut Scopas, &c.

S E.

Sebethus, fluuius est prope Neapolim, cuius mœnia præ-  
terlabitur.

Segesta, urbs est Siciliae, alio nomine Acesta. uide supra.

Seleucia, prima Syriæ ciuitas, quam Orontes fluuius  
allabatur, condita à Seleuco Nicanore, siue ut alij ha-  
bent, Nicator.

Seleucus, unus ex principibus Alexādri, qui primus post  
Alexandri mortem regnauit in Syria annos 40. Fue-  
runt & alij huius nominis.

Selenus, fluuius est Ciliciæ in finibus Calendrarum,  
E 2 qui

qui emittit & recipit naues. Lucan. lib. 8.

Quo portu mittitq; rates recipitq; Selenus.

Selinis, urbs est Sicilia iuxta Lilybaeum, palmis abundans. hinc Vergilius libro tertio Aeneid.

Teq; datis linquo uentis palmosa Selinis.

Sellæ, oppidum est Epiri, cuius incolæ Sellani dicuntur. Lucan. lib. 3. — Quercusq; silentes

Chaonio ueteres liquerunt uertice Sellæ, &c.

Semele, filia fuit Cadmi, ex qua Iupiter Bacchum suscepit. Vide supra. Ab ea fit Semeleius, a, um, ut Semeleia proles.

Semiramis, is, uelidis, Assyriorum fuit regina, quæ quæ certò intelligeret, graue esse populo fœminæ pati principatû, mortuo Nino marito, uirum mentita est, ut tantisper imperaret, dum filius Ninus, qui per impuberem ætatē adhuc regnare non poterat, adoleret, regnoq; fieret idoneus. Tantæ libidinis fuisse traditur, ut non solum plerosq; ex militibus suis forma cæteris præstantiores admiserit, sed etiam prouocauerit, quos postea crudelissimè necabat. Produnt & nonnulli eam à Nino filio interemptam, cum eius congressum appeteret. Et quod omnium est turpissimum, equum ab ea adamatum usque ad coitum, luba testis est apud Plinium. Babylonem condidit, quam quum nunciatum esset defecisse, mulier tam uehemēti iracundia æstuabat, ut occupata corporis ornatu, altera parte incompta ad eam expugnandam cucurrerit. Ouid lib. 1. Elegiar.

Qualiter in thalamos formosa Semiramis isse

Dicitur, &c.

Serra, insula in mari Britannico, aduersa Gallie littoribus. Item ciuitatis nomen in Thuscia, quam Brennus dux



dux Gallorum pro senibus ualetudinarijsq; & armen-  
tis extruxit.

Senogallia, ciuitas est Vmbriae, à Gallis Senonibus con-  
dita.

Sentinum, oppidum Vmbriae, quod nunc Saxoferratum  
appellatur: à quo Sentinates, populi dicti sunt. Voca-  
tum autem uolunt à Sentino amne, qui proximum illud  
defluit.

Senones, populi Galliae Celticae, qui Brenno duce Ro-  
mam ceperunt, eamq; exusserunt, præter Capitolium,  
quod cum adhuc obsiderent, Furius Camillus exul col-  
lecta manu Gallos profligauit. Lucan. lib. 1.

Nos primi Senonum motus, Cymbrumq; ruentem  
Vidimus, &c.

Sequana, fluuius est Galliae, Belgas à Celtis separans.  
Oritur in ducatu Burgundiae, & Parisios alluens, cir-  
ca Rothomagum intrat Oceanum. Eius accolæ Sec-  
quanici, & Sequani dicuntur, Heluetijs, Heduis, &  
Lingonibus finitimi. Lucan. lib. 1.

Optima gens flexus in gyrum Sequana frenis.

Serapis, deus fuit Aegyptiorum, uide supra à Apis, Anu-  
bis, & Osiris. Martialis: — Non illum mille catastæ  
Vincibant, nec quæ turba Scrapin amat.

Seres, populi in Scythia Asiatica, inter Tabin & Tau-  
rum montem, ad orientem meridianum, qui ex suis ar-  
boribus depeſcunt lanæ tenuissimas, quas bombyces uer-  
miculi araneorum instar conficiunt ex tenuissimis filis.  
Verg. lib. 2. Georg.

Velleraq; ut folijs depeſcunt tenuia Seres, &c.

In nominatiuo singulari Ser habet. Sidon.

Aſſyrius gemmas, Ser uellera, thura Sabæi, &c.

Hinc Sericum, substant. & Sericus, a, um, adiect.  
 Seriphos, insula in mari Aegeo, una ex Cycladibus, in  
 qua relegabatur nocētes, ut in Gyaron. Iuven. Sat. 10.

Vt Gyarae clausis scopulis paruaq; Seripho.

Hinc dicuntur ranae Seriphiae, quae non coaxant. Vide  
 prouerb. Rana Seriphia.

Seropta, ciuitas Phoeniciae, apud quam nascebatur uinum  
 laudatissimum, quod Seroptanum dicitur. Sidon.

Quaeq; Seroptano palmitē mīssa bibas, &c.

Sesostris, rex fuit Aegypti, de quo Valer. Flac.

—Cum prima Sesostris Intulerit rex bella Getis.

Sestos, urbs est ad Hellespontum sita, contra Abydum, patria  
 Herus puellae: quae inde Sestias appellatur. Statius  
 lib. 6. Theba.

Contra autem frustra sedet anxia turris suprema  
 Sestias in speculis, &c.

Et Sestus, a, um, possessivum, apud Ovid. in Episto. Vi  
 de supra Hero.

Setabis, oppidum Hispaniae, quae agrum habet nomine Spartium,  
 a sparto lini genere. Inde fit Setabus, a, um.

Setia, ciuitas est Campaniae ferax optimi uini. Martial.

Pendula pampineos quae spectat Setia campos.

## S I.

Sibylla, dicitur omnis foemina diuinans uel prophetans.

Decem autem à Varrone et Lactantio numerantur. quarum  
 prima fuit Persica, cuius mentionē facit Nicanor, qui res  
 gestas Alexandri descripsit. Secunda Libyca, cuius me-  
 minit Euripides. Tertia Delphica, de qua locutus est  
 Chrysippus de diuinatione. Quarta Cumaea, quam Ne-  
 uius in libro belli Punici, & Piso in Annalibus nomina-  
 uit. Quinta Erythraea, quam Appollodorus Erythraeus  
 suam

suam ciuē esse affirmavit: hæc Ilijfata prædixit. Sexta Samia, de qua scripsit Eratosthenes. Septima Cumana, nomine Amalthæa, quæ ab alijs Erophile, seu Demophile, à Verg. uero Deiphobe nominatur: quæ nouē libros Tarquinio Romanorū regi obtulit, pro quibus petebat trecentos Philippicos aureos. Cum autem rex ob precij magnitudinem rideret, illa in eius præsentia tres libros cōbussit. Deinde regē interrogauit, an reliquos sex libros eodem precio emere uellet: illo renuente, iterum tres cremauit. Et cum pro tribus residuis peteret idem premium, rex mulieris constantiam admiratus pecuniā dedit, & libros accepit, qui Romæ diligentissimè seruabātur, à quindecim uiris ad hoc ordinatis, & periculosos temporibus legebantur: horum postea librorum numerus auctus est. Siquidē ex omnibus ciuitatibus & Italicis & Græcis præcipueq; Erythræis coacti allatiq; sunt Romam, quicunq; libri sub Sibyllarū nomine essent inuēti. Eadem fertur ab Apolline petisse annos pro numero pulueris, quem manu continebat: unde ipsa loquitur hoc modo apud Ouid. lib. 14.

— Nam iam mihi secula septem

Acta uidēs, superest numeros ut pulueris æquem.

Tercentum messes, tercentum musta uidere

Tempus erit, quum de tanto me corpore parua

Longa dies faciet, consumptaq; membra senecta.

Octaua Hellepontica, in agro Troiano nata, quā Solonis & Cyri temporibus uixisse tradunt. Nona Phrygia, quæ uaticinata est Ancyræ. Decima Tiburs, quæ & Tiburtina dicta est. Lucan. lib. 5.

Carmina longæ uobis commissa Sibyllæ, &c.

Sicābri, Germaniæ populi, finitimi Menapijs, ad utrāq;

Rheni ripam habitantes, flauos habent capillos, quos, ubi satis creuerunt, quodam artificio in nodum complicant. *Martial. lib. 1.*

Crinibus in nodum tortis uenere Sicambri, &c.

Sicania, dicta est Sicilia, uel à Sicano rege Neptuni filio: uel à Sicanis populis, qui primi eam insulam incoluisse feruntur, cum antea circa Sicorim, siue (ut quidā scribunt) Sicarim Hispaniæ fluuium, à quo etiam id nominis sumpserunt, habitassent. Variat quantitas huius dictionis. *Verg. lib. 3.*

Sicanio prætenta sinu iacet insula contra, &c.

Idem libro 7.

Arunceq; manus Rutuli, ueteresq; Sicani.

Quo loco *Seruius* dicit: Vbi nunc Roma est, ibi fuerunt Sicani, quos postea pepulerunt Aborigenes. *Claud.*

—Trisidamq; retentat Sicaniam, &c.

Inde fiunt Sicanus, a, um. & Sicanis, idos, ut Sicanis Hybla.

Sicoris, fluuius est Hispaniæ. *Lucanus:*

Hesperios inter Sicoris non ultimus amnis.

Sicilia, nobilis insula, angusto, & periculosissimo freto distans ab Italia, cui olim cōiuncta fuit, ut est apud *Virgilium lib. 3. Aeneid.* Inde fit Siculus, & Siciliensis. Græcis Sicelia dicitur, unde Sicelis apud *Ouidium in Epistol. & apud Verg. Eclog. 4.*

Sicelides musæ paulo maiora canamus, &c.

Dicta quoq; Trinacria, à tribus promontorijs, de quibus suo loco.

Sichæus, filius fuit Philisthenis, sacerdos Herculis, & maritus Didonis, à Pygmalione iuxta aras incautus ob auri cupiditatem interfectus, ut est apud *Verg. lib. 1.*

Quos

Quos inter medius uenit furor: ille Sichæum  
Impius ante aras, &c.

Sicyonia, insula Aegei maris, ex opposito ad Epidaurum, alta quidem & cminens, ut refert Plinius.

Sicyon, onis, urbs est Achaiae, intra Isthmum Peloponnesi, antiquissima, olearum prouentu, & picturis clara, Arati patria, non procul à Corintho, in qua primus regnasse fertur Aegialeus. In ea etiam Cicerone teste molles & muliebres calcei confici solebant, unde Sicyonia calciamenta dicta sunt. Ouid. in Ibin:

Aut ut oliuifera quondam Sicyone profecto, &c.

Sidon, urbs est Phoeniciae, à piscium copia sic appellata.

Sidoni populi, et Sidonius, a, um: ut uestis Sidonia, id est, purpurea, quæ olim optimè in ea tingebatur. Sylabam do, indifferentem habet; ut Verg.

—Sidoniasq; ostentat opes, &c. Idem:

Obstupuit primo aspectu Sidonia Dido, &c.

Et Sidonia urbs, dicuntur Thebæ à Cadmo conditore, Agenoris filio, quod ex Phoenicia uenerit.

Sidicinum, oppidum est Campaniae, alio nomine Theanum appellatum. Plini. lib. 2. cap. 5. Vergil. lib. 7.

Arunci misere patres, Sidicinaq; iuxta

Aequora, &c.

Sigæum, Troiae promontorium, ita appellatum propter Herculis taciturnitatem. Hic enim quia prohibitus hospitio fuerat, simulauit abscessum, moxq; per silentium aduersus Troiā ueniens, eam cepit. Hinc fit Sigæus, & Sigæius, a, um. Verg. lib. 2. —Iā proximus ardet.

Vcalegon, Sigæa igni freta lata relucet.

Ouid. lib. 13. —Sigæa toruo

Littora prospexit, &c.

Silēnus, Bacchi fuit alumnus & pædagogus: hūc poëtæ fabulantur semper aſino uehi ſolitum, quem poſtea A= ratus inter ſidera translatum dicit. Verg. Eclog. 6.

Silenum pueri ſomno uidere iacentem, &c.

Siler, qui & Silerus dicitur, fluuius eſt Picentinorum, iuxta Salernum decurrens, Lucaniam à Picentinis Cā panorum diuidit. Lucanus libro ſecundo:

—Radensq; Salerni Culta Siler, &c.

Hic fluuius cum alibi ſaluber ſit, tamen ultra Surren= tum oppidum quicquid in eum proijcitur, dureſcit in lapidem, ut inquit Plinius. Silius lib. 8.

Nunc Silcrus quos nutrit aquis, &c.

Simēthis, nymp̃ha, ex qua Faunus Acin ſuſcepit. Ouid.

Acis erat Fauno nymp̃haq; Simethide cretus.

Simetus, uerò ſine aſpiratione, Sicilia fluuius eſt, nō pre= cul à Catanenſi urbe.

Simois, fluuius eſt Troia, ex Ida monte profluens iuxta Ilium delabitur, & mari appropinquās commiſcetur Xantho, ac in paludē cogitur, deinde cadit in mare iux= ta Sigæum promontorium. Verg. lib. 1. Aencid.

Alma Venus Phrygiæ genuit Simoēntis ad undas.

Simonides, Græcus poët̃a lyricus, ex inſula Cæa oriun= dus, qui Melicus dictus eſt. Traditur primus fuiſſe apud Græcos lyricus ad mouendas lacrymas aptiſſimus. Pli= nius autor eſt, Simonidem octauam addidiſſe chordam. Literas quoq; inuenit, x. ω. ϗ. ϛ. & quædam alia, ut fle= bile carmen.

Sinas, ados, uel Sinada, æ, oppidū eſt Phrygiæ, ubi mar= mor effodiebatur, quod Sindicum appellabant. Claud.

Precioſaq; piſto

Marmore, purpureis cadit quod Sinada uenis.

Stat.



Stat. lib. 1. Syluar.

Sola cauo Phrygiæ mittit quam Sin ados antro.

Sinon, filius fuit Autolyçi, patri in furando & latrocinando similimus. Alius fuit Sinon Sisyphi filius, prioris nepos, qui cum Græcis Troiam profectus, post diuturnum bellum ab iisdem subornatus, sua sponte se Troianis capiendum obtulit, & ad Priamum deductus illi & omnibus ciuibus Græcos abiisse, ac equum illum ingentem in urbem recipiendum esse, fictionibus suis persuasit, sed maximo eorum detrimento. Vergil. lib. 2.

Talibus insidijs, periuriq; arte Sinonis

Credita res, &c.

Plinius tradit, huius inuentum fuisse significationē speculariam.

Sinope, Asopi filia dicitur, quam Apollo raptam in Pontum traduxit, & ex ea genuit Syrum, unde Syri postea appellati sunt: tametsi alij Martis & Aeginæ, alij Pernasses & Martis: quidam autem non ab Apolline uitiatam, sed ab eo & Ioue perpetuam uirginitatē sortitam, cum illi spe concubitus, quicquid postulasset, ci duros se promississent.

Sinope, es, uel Sinopis, is, urbs est Ponti, à Milesijs condita, patria Diogenis Cynici, & Diphili poëtæ comici. Valer. Flaccus lib. 5.

Affyrios complexa sinus stat opima Sinope.

Et Sinopis, idos, dicitur rubrica, quæ prima apud Sinopen inuenta est. Sinopicus, a, um, adiect.

Sinuessa, urbs est Campania, sita ad Lirim fluiuium, & in Setino sinu, celebraturq; ob uini, quod Sinuessa num dicitur, abundantiam.

Siphnus, insula in mari Aegeo, in qua auri & argenti fodinæ

*Podinae* erant. Hæc antè *Eropia*, & *Acis* appellata est. *Sipontum*, quæ & *Sipons*, siue *Sipuns*, *ntis*, urbs est *Apuliæ*, iuxta *Garganum* montem, à *Diomede* cõdita: unde fit *Sipontinus*, *a,um*. Hæc quoq; *Sepius*, *untis*, à multitudine eiectarum fluctibus *sepiarũ* appellata est. Hinc *Sepiuntinus*, *a,um*. *Lucan. lib. 5.*

—Et subdita *Sipuns* Montibus, &c.

*Sirenes*, filie fuerunt *Acheloi* & *Calliopes* *Musæ*, habitantes in mari *Siculo*. Earũ nomina sunt *Parthenope*, *Lygia*, & *Leucosia*. *Ouid. lib. 5. Metam.* tradit has fuisset socias *Proserpine*, eamq; raptam diu quæsisse: quam cum non inuenissent, in marina monstra conuersas, sursum uersum uirginica forma, postrema corporis parte pisces. Hæ præterea uoce, *cythara*, & *tibijs* tam blande canebant, ut cantus dulcedine nautas sopirent, sopitos demergerent, demersos etiam deuouarent. *Vlysses* autẽ illac nauigaturus, aures sociorum suorũ cera clausit, ne illarum cantus audirent, seipsum autem ad malum nauis alligari fecit, & sic euasit, atq; ob hoc mortuas quidam tradunt. *Ouid.*

Monstra maris *Sirenes* erant, quæ uoce canora

Quaslibet admissas detinuere rates.

*Sirius*, stella est in ore *Canis* maioris, ad quam cum sol mense *Iulio* uenit, duplicatur æstus, & præ nimio calore languent mortalia corpora. *Lucan. lib. 10.*

—Rapidus quæ *Sirius* ignes Excrit, &c.

*Sisyphus*, filius fuit *Aeoli*, & latro in *Isthmo*, qui ex hostibus alios saxo prægrandi onerans perimebat, alios calce, dum ei pedes lauarent, in aquas deturbabat, demũ à *Theseo* occisus est. Apud inferos autẽ hanc poenã luere dicitur, ut semper relabentẽ scopulũ ad uerti-

*cem montis cogatur uolucres. Ouid. lib. 4. Metam.*

*Aut petis aut urges rediturum Sisyphæ saxum.*

*Fuit & alius Sisyphus Corinthiorum rex, cui Merope Atlantis filia nupsit. Ovidius:*

*Septima mortali Merope tibi Sisyphæ nupsit.*

*Ab eo fit Sisyphius, 4, um, & Sisyphides, patrony.*

S M.

*Smilax, nomen puellæ cuiusdā, quæ amore iuuenis Croci tabescens mutata fertur in herbā sui nominis, quæ similis est hederæ: siue in flores, ut ait Ouid. lib. 4. Meta.*

*Et Crocon in paruos uersum cū Smilace flores, &c.*

*Hinc fit Smilaceus, 4, um.*

*Smintheus, dictus est Apollo, à Sminthia urbe Hellespōti, Cretensium colonia. Ouid. lib. 6. Fastor.*

*Consulitur Smintheus, lucoq; obscurus opaco, &c.*

*Smyrna, urbs Ioniæ in minori Asia, quam fluuius Melces circumfluit. Hæc à quibusdam dicitur Homeri patria. uide suprā Colophon. Ab ea fit Smyrneus, 4, um. Lucanus lib. 9.*

*Quantum Smyrnci durabunt uatis honores.*

S O.

*Socrates, Atheniēsis philosophus, patrē habuit Sophroniscum marmorarium, matrem Phanaretam obstetricē. discipulus fuit Archelai Physici. primus omnium cœpit de moribus differere. Vxorem habuit Xantippen, cuius clamorosas iniurias probrosa q; conuitia tulit patientissimè, ut etiā ab eadem aqua persusus cum risu dixcrit, Sciebam quòd post tonitrua Xantippes, sequere tur imber. Victu fuit facili. Dæmonem se habere fātebatur, à quo futura perdisceret. Accusatus postremò ab Anyto quodam diuite, & Melisso poëta, & Lycone oratore,*

oratore, uel quòd de dijs male sentiret, uel ut alijs placet, ob flagitiosam in pueros libidinem, & in carcerē coniectus, cicutam porrectam hausit intrepidè, neglecta, quam ad patrociniū suæ salutis obtulerat Lysias, oratione. Sed statim populus mortem eius ita doluit, ut accusatores eius uel morte, siue ut alij, exilio punirent, & ipsi Socrati statuam æream dedicarent.

Solon, Salaminus, fuit unus è septē sapiētibus Graciæ. Leges dedit Atheniensibus, abrogatis illis, quas prius tulcrat Draco, quòd essent seueræ nimis & sanguinariæ. Relicta patria uenit in Lydiam, ibiq; Cræso opes suas ostendenti, & percontanti, esset ne quisquam in toto orbe terrarum felicior: respondit Tellum quendam pauperculum, alioqui iustissimum, qui in suo prædiolo solitarius consenuerat, feliciorē esse, adiecitq; nihil debere dici beatum, quod temporum mutationi subiaccat. Quam sententiam postea probauit Cræsus captus à Cyro Persarum rege. Demum in Ciliciam profectus, ciuitatem de suo nomine Solos ædificauit: ibiq; Athenienses colonos constituit. Mortuus est in Cypro annos natus octoginta. Moriens iussit ossa sua Salamina transferri, ibiq; particulatim projici & dissipari, ne Athenas inferrentur: discedens enim iureiurando Athenienses adegerat, non prius antiquatueros leges, quas eisdem dederat, quàm rediret. Manilius:

—Iustusq; Solon, fortisq; Lycurgus.

Solymi, populi fuerunt iuxta Lyciā, quos Homerus scribit pugnacissimos fuisse, & à Bellerophonte deuictos. Et Solymæ, marum, nobilissima totius Iudææ ciuitas, quæ & Hierosolymæ, arū: unde Hierosolymitanus, a, um, Iuuenalis, —Interpres legum Solymarū, &c.

Solymi,

Solyimi, dicuntur incolæ.

Sophene, es, regio prope Armeniam, iuxta Masium & Antitaurū montes, à parte septentrionali. Lucan. lib. 1.  
— Mollesq; Sophenæ, &c.

Sophodes, Atheniensis poëta tragicus, Colononicæ tribus fuit, Sophili filius, Socrate septemdecim annis senior, Euripidi contemporaneus. ipse primus tribus actoribus usus est, & eo qui uocatur Tritagonista. Primus etiam chorum ex iuuenibus introduxit, quū antea duo decim tantum introducerentur. Propter suauitatem uocatus fuit Apes. atq; ipse primus fuit, qui tragicas confectiones ac cōpositiones instituit. Scripsit in super Elegiam & Pæanas, atq; orationē prosam, quum de choro aduersus Theſpim & Cherilum contenderet. Obijt autem sexto anno post Euripidis mortem. Exhibuit fabulas uiginti tres & ducentas, & adhuc (ut nonnulli uolunt) plures: uictorias autem uiginti tres reportauit. Ab eo fit Sophodeus, 4, um. Verg. Eclog. 8.

Sola Sophocleo tua carmina digna cothurno.

Sophron, onis, poëta fuit Syracusanus, cuius scripta erant admodum obscura. Stat. lib. 5. Syluar.

Sophronaq; implicitū, tenuisq; arcana Corinnæ, etc.

Sora, oppidum fuit Volscorum, de quo Liuius libr. 9. & Iuuenal. — Optima Soræ, &c.

Soracte, generis neutri, mons est Harpinorum in Faliſeis, Apollini sacer. Verg. lib. 11.

Summe deum, sancti custos Soractis Apollo.

S. P.

Sparta, æ, urbs Laconicæ, metropolis in Peloponneso, à Sparto Phoronci filio, qui eam edificauit, sic appellata. Alio nomine Lacedæmon. Hinc fit Spartiata, & Spartanus

Spartanus. Vergilius:

Virginis os, habitumq; gerens, & uirginis arma  
Spartanæ, &c.

Spartacus, gladiator, Thrax genere, magnis uiribus  
præstans, qui effracto ergastulo Lætuli, Capuæ cū octo  
ginta eiusdē fortunæ uiris, seruos ad uexilla uocauit, factūq;  
exercitu Ceruesium montem in Campania occupa-  
pauit, ubi cū à Clodio Glabro obsideretur, eius castra  
diripuit, & Campaniam populatus, raptis prætorum  
fascibus appellatus est imperator. Inde Lentuli exerci-  
tum in Apennino dissipauit: apud Mutinā Cassij castra  
deleuit. Tandem cum de urbe inuadenda deliberaret,  
à M. Crasso pulsus, fugatusq; cum Brutium angulum  
occupasset, nec in Siciliam præ nauium penuria traij-  
cere potuisset, cum suis omnibus fortissimè dimicans  
quasi imperator occisus est. Lucan. lib. 2.

—Parthorum utinam post prælia sopes,  
Et Scythicis Crassus uictor remeasset ab oris,  
Vt simili causa caderes, qua Spartacus hostis.

Sperchius, fluuius est Thessaliæ, ex Pelio monte scatu-  
riens, cui Achilles uoucrat comas, si rediisset à Troia  
incolumis. Lucan. lib. 6. —Fecit amne citato

Maliacæ Sperchios aquas, &c.

Speusippus, philosophus Atheniensis, Platonis ex soro-  
re nepos, qui octo annos scholæ Platonicæ præfuit. Fe-  
rūt hunc senio confectū, sibi mortem consciuisse mæro-  
re impulsū. Plutarchus uero phthiriasi interiisse dicit.

Sphinx, monstrum fuisse traditur uirginæ facie, pennis  
auū, pedibus leoninis, quod olim Thebas ueniens, se-  
quens enigma proposuerit occurrentibus: Quodnam  
est animal primum quadrupes, bipes demum, postremo  
tripēs.



*tripes. Quod qui non soluerent, à Sphinge occiderentur. Tandem ueniens Oedipus ita soluit, ut hominē esse diccret: qui in infantia manibus & pedibus nitēs quædrupes, in iuuentute pedibus tantum, & bipes, in senectute uerò baculo utens tripes est. Tunc Sphinx se de saxo præcipitē dedit. Reuera Sphinx est animal mōstrōsum in Aethiopia de genere simiarū, fusco pilo, mammis in pectore geminis, & homini persimile, nisi quòd pilosum est & solitudinem colens. Stat. lib. 1. Theba.*

— Si Sphingos iniquæ

Callidus ambages te præmonstrante, &c.

*Spio, nymp̃ha Nerci & Coridis filia, sic appellata à speluncis maris, in quibus nymp̃hæ habitare dicuntur. σπῖος, enim spelunca est. Vergilius libro 4. Aeneid.*

Niseq̃, Spioq̃, Thaliaq̃, Cymodoceq̃, &c.

*Sporades, insulæ, quæ circa Cretam in mari Caparthis sitæ sunt. Sic appellatæ, quòd in mari sparsæ sunt. Harum nomina hæc sunt, Hellene, Phocusa, Hecuria, Schinusa, Pelegrados, Thera, Anaphe, Astypalea, Lagusa, los, in qua sepultus fertur Homerus.*

S T.

*Stæchades, tres sunt insulæ in ostio Rhodani sitæ, uicinæ Massiliensibus, nominatæ sic propter ordinem, quo sitæ sunt. Harum nomina sunt, Themista, Pomponiana, Hypea: Plinius eas sic uocat, Prote, Mese, Hype, id est, prima, media, infima. Lucan. lib. 3.*

Etiam turrigeram Bruti comitata carinam

Venerat in fluctus Rhodani cum gurgite classis

Stæchados arua tenens.

*Aruntius Stella, poëta Patauinus, natus est familia consulari. Violantillam amauit puellam Neopolitanam,*

F quam

quam tandem duxit uxorem. Hæc in delitijs habuit columbam, æuem dicatam Veneri, quam Stella fleuit defunctam pulcherrimo carmine: opusq; ipsum Columbam inscripsit. Mart. lib. 12.

Laurigeros habitat facundus Stella penates.

Stelenus, rex fuit Argiuorum, quem Danaus regno pepulit, & ipsum regnum ad se pertraxit.

Stenelus, filius fuit Capanei & Euadnes, de quo Verg. libro 2. Aeneidos:

Tisandrus, Stenelusq; duces, & dirus Vlysses.

Fuit & alius huius nominis, Persei & Andromedæ filius.

Stenio, una est Gorgonum, uide supra.

Stenobœa, quæ à quibusdam Stenoboë, seu Stenobe appellatur. uide supra de Bellerophonte. Ab ea fit Stenobœius, æ. um. Sidonius:

Quam si spectasset quondam Stenobœius heros.  
id est, Perseus, nepos Præti ex fratre.

Stentor, quidã fuit in exercitu Græcorum uocalissimus, qui solus tantum uociferabatur, quantum alij quinquaginta. Sunt qui dicant ipsum interfectum à Mercurio, quocum de uocis magnitudine certabat. Iuuen. Satyr. 13.

Tu miser exclamas, ut Stentora uincere possis.

Sterope, Atlantis fuit filia & Pleiones. Vide supra de Pleiadibus,

Steropes, unus fuit è ministris Vulcani. Verg.

Brontesq; Steropesq; & nudus mēbra Pyragmon.

Stesichorus, poëta fuit lyricus, ex Himere Siciliæ ciuitate, qui excæcatus, quod scripsisset Helenæ uituperationē, palinodiam cecinit, & amissum recepit uisum. Tradunt lusciniā aliquando in ore Stesichori infantis cecinisse,

cinisse, mirabili auspicio summū cum poētā futurum,  
 & cantus suauitate omnes, qui ante se fuerant, superatū-  
 rum. Horat. — Stesichoriq; graues Camœnæ, &c.

Strabo, philosophus Cretenſis, geographus insignis,  
 qui uixit temporibus Augusti, cuius scripta hodie ad-  
 huc extant.

Strophades, insulæ duæ sunt in mari Ionio, quæ antea  
 Plotæ uocabantur. Verg. lib. 3. Aencid.

Accipiunt, Strophades Graio sunt nomine dictæ,  
 Insulæ Ionio in magno, &c. Vide Calais.

Strophius, rex Phocidis, & pater Pyladis. uide supra  
 de Oreste, & Pylade.

Strymon, fluuius est Thraciæ, ex Aemo monte proflu-  
 ens, & Thraciam à Macedonia separans. Luca. lib. 5.

Strymona sic gelidum bruma pellente relinquunt.

Inde fit Strymonius, a, um. ut Strymonie grues, a-  
 pud Vergilium.

Stymphalus, oppidū est Arcadiæ. & Stymphalis, pa-  
 lus. In hac aues quædam immensa magnitudinis fue-  
 runt, quas Hercules non sagittis, ut quidam putant, sed  
 sonitu ahenei crepitaculi fugauit, & usq; ad insulam  
 Aretiada propulit. Inde fit Stymphalius, a, um: &  
 Stymphalis, idis. Verg. de laboribus Herculis:

Stymphalides pepulit uolucres discrimine quinto.

Styx, fluuius infernalis, per quem dii iurabant: nec tale iu-  
 ramentū fas erat uiolare. Si quis Deorum uiolasset, cen-  
 tum annis à nectare abstinebat, & numinis maiestate  
 erat priuatus. Inde fit Stygius, a, um. Verg.

— Stygiamq; paludem,

Diis cuius iurare timent, & fallere numen, &c.

Est & Styx paruus fluuius iuxta Nonacrin Arcadiæ  
 F 2 montem,

montem, ex saxis profluens, cuius aqua uenenum est præsentissimum: epota illicò necat. Tradunt Antipatrū hoc uenenum, consilio, ut quidam putant, Aristotelis, Alexandro regi Macedonum dedisse. Est & alia palus huius nominis in Aegypto iuxta Memphim, ambiens Abaton insulam.

## S V.

Suburra, uicus fuit in urbe Roma, in quo, ut quidam, uolunt, meretrices habitabant, quæ propterea Suburranæ uocantur. Iuuen. Satyr. ii.

Aesquillas à feruenti migrare Suburra.

Suessiones, populi Galliæ, in prouincia Remensi.

Sueui, populi Germaniæ, bellicosissimi, Bauaris finitimi, qui solebant olim obliquare crinem, nodoq; substringere. Principes habebant ornatiorem capillum, quàm plebeij. Lucan. lib. i.

Fundat ab extremo flauos Aquilone Sæuos.

Sueuia, dicitur eorum regio, Olim circa Albim habitauerunt.

Sulmo, onis, oppidum in Brutijs Pelignorum, patria Ouidij: unde ipse ait:

Sulmo mihi patria est gelidis uberrimus undis,

Millia qui nouies distat ab urbe decem.

Dicitur Sulmo à Solymo Aeneæ comite, conditore eiusdem oppidi. Idem Ouidius:

Huius erat Solymus Phrygia comes unus ab Ida,

A quo Sulmonis mœnia nomen habent.

Sumanus, dicitur Pluto, quasi summus manium. Ouidius libro 6. Fastor. — Sumano templa feruntur.

Susa, æ, uel Susa, orum, ciuitas clarissima Persiæ, in regione Susia, seu Susiana, quæ est contermina Babylonici & Assyriæ,

*Et Assyria, condita à Tithono Memnonis patre, et à Sufo fluuiio sic dicta. In hac fuit regia Syri, lapide candido et uariò, columnis aureis, et lacunaribus, gemisq; distincta. Propert.*

*Non tot Achemenijs armantur Susa sagittis,  
Spicula quot nostro pectore fixit amor.*

S Y.

*Sybaris, urbs fuit Calabriae, in sinu Tarentino, ad Cratidem amnem, cuius ciues adeo luxu delitijsq; dediti fuerunt, ut omne robur tam animi, quam corporis amiserint, et breui tēpore à Crotoniatis uicti et deleti sint. Hinc Sybariticus, a, um, id est, luxuriosus. Sybaritæ, populi. Est et alterius cuiusdam oppidi nomen. et iuuenis apud Horat. in Odis: Lydia dic per omnes*

*Te deos oro, Sybarim cur properes amando.*

*Syene, ciuitas est Thebaidis Aegypti prouinciæ, constituta sub æstiuo tropico, propterea Sol, existēte in Cancro medio solstitij die, supra uerticem ciuitatis cadens, nullam prorsus in ea umbram facit. Lucan. lib. 2.*

*— Calida medius mihi cognitus axis*

*Aegypto, atq; umbras nusquam flectente Syene.*

*Syla, mons et sylua est Lucaniæ. Vergil. lib. 12.*

*Ac uelut ingenti Sylæ, summo uel Taburno, etc.*

*L. Cornelius Sylla, nobilis Romanus, qui post multas res præclarissimè gestas ciuiles discordias exercuit cū Mario, quo fugato in eiusdem fautores crudelissimè se uijt. primus proscriptorum tabulas produxit, primus quoq; dictaturā inuasit, quam tamē postea sponte deposuit. Periisse tandē fertur morbo pediculari. Luc. lib. 4.*

*— Mariusq; ferox, et Cinna cruentus, etc.*

*Syluani, dii sunt syluarum. Lucan. libro 3.*

Hanc non ruricolæ Panes, nemorumq; potentes  
Syluani, &c.

Symplegades, insulæ sunt in mari Bosphoro, quæ ali-  
quando feruntur inter se concurrisse. Claud.

Vitant instabilem rursus Symplegada nautæ.

Vide supra Cyanæ.

Syphax, rex fuit Numidarum, qui cum Scipioni per Læ-  
lium amicitiam promississet, & postmodum uiolata fi-  
de adhæssisset Annibali, uictus ab ipso Scipione, ductus  
est in triumphum, expirauitq; in carcere. atq; eo mor-  
tuo, regnum datum est Masinissæ. Propert. lib. 3.

Annibalis spolia, & uicti monumenta Syphacis.  
Claudianus. —Haurire uenena

Compulimus dirum Syphacem.

Syracusæ, arum, nobilissima Siciliæ urbs, in qua cœlum  
non adeo nubilum, quin unam horam luceat, ut inquit  
Solinus. In ea quoq; est Arcthusa fons, poëtarum car-  
minibus celebratissimus. Ouidius:

Vtq; Syracusas Arcthusidas abstulit amnis.

Hinc fit Syracusius, & Syracusanus, a, um.

Syria, est regio Asiæ, quæ ab Oriente fluuio Euphrate,  
ab Occasu nostro mari & Aegypto, à Septentrione Ci-  
licia, et Cappadociæ parte, à Meridie Arabia termina-  
tur. Continet in se Phœniciam, Mesopotamiam, Palæ-  
stinam & Babyloniam, quæ & Assyria dicitur. Syri  
sunt eiusdē populi, ludis celebritatibusq; dediti. Perun-  
guntur oleo precioso, & linuntur unguentis. Maxi-  
mam dici partem in comessationibus absumunt &  
potu. Masculi à 14. anno, fœminæ à 12. usq; 65. tributo  
obligantur. Fortunam colunt. Iuuen. Satyr. 6.

Quam quæ longorum uehitur ceruice Syrorū, &c.  
Syrinx,



Syrinx, nympha fuit Arcas, quam Pana adamasse ferūt,  
ut suprā indicauimus. Ouidius:

Naias una fuit, nymphae Syringa uocabant.

Syrtes, duo loca circa finem Amphricæ, uersus Aegyptū  
periculosissima, propter aquas reciprocas dicta, ἀντὶ  
τοῦ ὀρέγειν, id est, trahendo. Lucanus lib. 1.

Reppulit & Libycis immensum Syrtibus æquor.

Syrtium descriptionem uide apud Sallustium, in bello  
Iugurthino.

Sython, mons est Thraciæ, cuius uertex perpetuis niui-  
bus est coopertus: à quo fit Sythonius, α, um. Vergi-  
lius Eclog. 1.

Sythoniasq; niues hyemis subeamus aquosæ.

Et Sythonia, dicta olim fuit Thracia ab hoc monte.

## D E L I T E R A T.

## T A.

**T**Aburnus, mons est Campaniæ, oliuetis abundans.  
Vergilius: —Iuuat Ismara Baccho

Conferere, atq; olea magnum uestire Taburnum.

Tænarus, promontorium est Laconia, iuxta Spartam ur-  
bem, in cuius summitate maximus est hiatus, adeò ut  
flante uento ingentem sonitum faciat. Vnde fabulan-  
tur poëtæ ibi patere descensum ad inferos. Hinc fit  
Tænareus, α, um. Vergilius:

Tænareas etiam fauces, alta ostia Ditis, &c.

Tænarides, dicitur Hyacinthus ab Ouidio:

Tollere Tænarides orbem properabat, &c.

Tænarum uero, neutri gen. oppidū est huic promōto-  
rio adiacens, ad quod peruenit Ariō fidicē delphine ue-  
lus. Nomē autē & mōs & urbs acceperūt à Tænaro

Elati filio, ex Erime de Damasci filia suscepto.

Tages, primus omnium aruspicij disciplinam Hetrus-  
scis dedit. Ouid. libro 15. Metam.

Indigenæ dixere Tagem, qui primus Hetruscum  
Edocuit gentem casus aperire futuros, &c.

Tagus, fluuius est Lusitaniæ, qui ramenta quandoq; au-  
rea fertur euoluisse. Mart. libro 10.

Auriferumq; Tagum sitiam, patriumq; Salonem.

Tanager, fluuius est Italiæ, inter Campaniam & Calas-  
briam defluens. Verg. lib. 3. Georgic.

— Et sicci ripa Tanagri, &c.

Inde fit adiect. Tanagræus, a, um.

Tanais, fluuius est Scythiæ, ex Riphæis montibus deflu-  
ens, Asiam ab Europa diuidit: decum duobus ostijs  
Mæotim insluit. Lucan. lib. 3.

Quæ Cræso fatalis Halys, quæ uertice lapsus

Riphæo Tanais diuersi nomina mundi

Imposuit ripis, Asiæq; & terminus idem

Europæ, mediæ dirimens confinia terræ, &c.

Tantalus, filius Iouis, & rex Phrygiæ, qui cum deos con-  
uiuio accepisset, ut eorum diuinitatem experiretur, Pe-  
lopem filium membratim discerptum, coctumq; appo-  
suit cōmedēdum: illi uerò cum abhorruissent cibum, nō  
solum abstinuere, sed collectis in unum membris puerū  
in formā pristinam reducere, & reuocata per Mercu-  
rium anima, eam illi restituere. Sed cū aduerteret hūe-  
rum deesse puero, quē deuorauerat Ceres, loco cōsum-  
pti, eburneū refecere. Tantalum autē ad inferos detru-  
sum perpetua fame torqueri constituere, aquis & po-  
mis ori immūnētibus, quæ non possit corripere. Alij di-  
cunt hoc tormenti genus illi inditum esse, quod deorū  
secreta

*secretis mortalibus reuelauerit. Ouidius:*

*Querit aquas in aquis, & poma fugacia captat*

*Tantalus, hoc illi garrula lingua dedit, &c.*

*Tantalides, & Tantalus, idos, patronym.*

*Taplus, insula decem stadiis à Sicilia distans uersus Syracusas. Verg. lib. 3. - Tapsumq; iacentem*

*Alij primam aspirant.*

*Taranis, dicebatur Iupiter à Gallis, cui humano sanguine litabant. Vide Teutates. Lucan. lib. 1.*

*Et Taranis Scythiæ non mitior ara Dianæ.*

*Tarentum, urbs fuit Calabriae clarissima, usu purpureæ celebris, à Tara Neptuni filio condita, aucta tandem à Laconibus, qui duce Phalanto (cuius supra mentio facta est) pulsus prioribus incolis, eam per uim occuparunt, & tenuerunt. Verg. lib. 3.*

*Hic sinus Herculei (si uera est fama) Tarenti, Cernitur, &c.*

*Inde Tarentinus, a, um, ut Tarentina lana, apud Calphurn. Eclog. 2.*

*Tarpeia, puella Romana, filia Tarpei custodis Capitolij tempore Romuli, quæ Tatius regi Sabinorum, & tunc Romanorum hosti Capitolium prodidit, hoc tamen pacto, ut quod in sinistro humero ferrent Sabini, darent, putans scilicet armillas aureas: at illi scuta in eam conijcientes, necauerunt, atq; iuxta Capitolium sepelirunt, unde Capitolium dicitur Tarpeius mons, uel Tarpeia rupes, &c. Vergilius lib. 8.*

*Hinc ad Tarpeiam sedem, & Capitolia ducit.*

*Tarquinius Priscus, antea Lucumo dictus, quintus rex Romanorum, quem Ancus Martius quartus Romanorum rex filiorum suorum tutorem constituit: sed is filio-*

rum regis oblitus, Romanorum regno præter æquum  
 & fas potitus est.

Tarquinius Superbus, septimus & regum Romanorū  
 ultimus, qui generum suum Scrutū Tullū dolose inter=  
 emit, eiq; in regno successit, & cū multis annis impe=  
 rasset, ob Lucretiæ à filio Sex. Arūte illatum stuprum,  
 ac alias tyrannides, regno eiectus, ad Porseham Hetru=  
 scorum regem cōfugit: qui diu Romam obsedit. sed Ro=  
 manorum fortitudine deterritus, obsidionem reliquit.  
 Tarquinius uerò Cumas concessit, ubi per summam i=  
 gnominiam reliquum uitæ tempus exegit. Ouidius:

Ultima Tarquinius Romanæ gentis habebat  
 Regna, uir iniustus, fortis ad arma tamen.

Tarraco, insignis Hispaniæ ciuitas, Scipionum opus, à  
 qua provincia ipsa Tarraconia, & Tarraconensis  
 uocatur. Nobilitata est uino, quod Tarraconense dici=  
 tur. Martialis:

Tarraco Campano tantum cessura Lyæo, &c.

Tarracina, oppidum Volscorum in Cāpania, antea Tra=  
 chyna, à loci asperitate appellatum. Dicebatur alio no=  
 mine Anxur.

Tarsus, alij aspirant Tharsus, urbs clarissima, & Cili=  
 ciæ metropolis, quam Cydnus fluuius amœnus & geli=  
 dissimus interfecat. Hanc quidam à Sardanapalo ulti=  
 mo Assyriorum rege una die conditam scribunt. Alij,  
 ut Strabo, ab Argiuis: & rursus alij, à Perseo Danaës  
 filio extructam asserunt. unde Lucan lib. 4.

Deseritur Tauriq; nemus, Perseaq; Tarsus.

Tartari, populi sunt Scythici, Nomades. uide suprā.

Tartessus, alio nomine Carteia, urbs est in littore maris,  
 prope Gades insulam, in ipsis freti angustijs, ubi &  
 Mellaria

Mellaria est, Pomponij Melæ patria. Inde fit Tartessus, & Tartessus, a, um. Sidonius:

Ad Tartessus uenit Indus aquator Iberum.

Tatius, rex fuit Sabinorum, qui aduersus Romanos bella gessit: sed demum reconciliatus, à Romulo in urbem receptus est. Verg. lib. 6.

— Subitoq; nouum consurgere bellum

Romulidis, Tatioq; seni, Curibusq; scueris, &c.

Taulanti, populi in Lyburnia, ut Plinius testatur, ex quibus nonnulli iuxta Dyrrhachium habitatum se contulerunt. Hinc Lucanus libro sexto:

Quemq; uocat collein Taulantius incola petram,  
Insedit castris, &c.

Taurica, Chersonesus peninsula, prouincia est Europæ, cuius fines sunt Isthmus, palus Mæotis, Pötus, & Cimmerius Bosphorus. Tauri, siue Taurici, dicuntur populi regionis Tauricæ, immanes moribus, immanemq; famam habentes, quod soleant pro uictimis Dianæ, quæ ibi colebatur, religiosissimè aduenas cadere.

Taurominium, mons est Siciliæ multis bobus abundans, & supra eum urbs eiusdem nominis, à quo Taurominitanus ager, & Taurominitani, ciues. Lucanus libro 4.

Taurominitanam uincunt feruore Charybdim.

Taurus, mōs est, qui ab Indico mari surgit, deinde inter Aegyptū & Paphlycū pelagus obiectus septentrioni dextro latere, læuo meridiane plagæ occurrit, deniq; Riphæis iugis se annectit. Appellatur autē uarijs nominibus pro gentiū ac linguarum uarietate. Apud Indos Hiāmos, apud Parthos Prænypates, inde Taurus: ubi uerò in maximā surgit sublimitatē, Caucasus, Sil. li. 12.

Hinc

Hinc Cilicis Tauri saxosa cacumina uiset, &c.

Est quoq; sydus, & nomen signi in zodiaco.

Taygeta, Agenoris fuit filia, ex qua Iupiter Lacedæmonem genuit. licet sint, qui Semeles filiam faciant. Alia fuit Taygeta Atlantis & Pleiones filia. Vide suprà de Pleiadibus.

Taygetus, mons est Laconia, sub quo Sparta & Amyclæ, in regione mediterranea. Lucan. lib. 5.

Gelidique inculca iuuentus Taygeti, &c.

## T E.

Tearus, fluuius est Thracia limpidissimus, ad cuius caput Darius ad Scythas proficiscens metatus est castra, ibique se tribus diebus continuit, eius uidelicet dulcissima aqua adeò delectatus, ut in eo loco columnam Græcis literis inscriptam apposuerit.

Tegea, urbs Arcadia, quam Argiui nouæ populis, ut ait Strabo, habitandam dederunt. Tegeates, populi. Inde Tegeaticus, a, um. & Tegeæus, a, um. Propertius:

Fictilis & calami Pan Tegeæ tui, &c.

Teium, uel Τῆος, urbs in Paphlagonia, in qua ortus fuit Anacreon lāborū scriptor. Vnde Teius, a, um. Ouid.

Quid nisi cum musto Venerem confundere uino

Præcepit lyrici Teia musa senis? &c.

In hoc quoq; fuit Apollinis templum, unde Apollo Teius dicitur.

Telamon, filius fuit Acæci, fratrum maximus natus, qui cum Argonautis Colchos ad rapiendum aureum uellus profectus est. Et Hercules quoq; socius, primus murum Ilij ascendit, cum illud Hercules expugnaret, propter quod factum Hesiona Laomedontis filia in præmium ipsi ab Hercule data est, ex qua postea Teucrum suscepit, cum  
iam



*iam ex alia Aiace genuisset. Ouid. lib. 13.*

*Finicrat Telamone satus, &c.*

*Ab eo fit Telamoniades, patronym. & Telamoni-  
us, a, um.*

*Telchin, dicta est Rhodos insula, eiusdem populi Tel-  
chines, qui cum omnia aspectu suo in peius commuta-  
rent, à Ioue sunt submersi. Ouid. libro septimo:*

*Phœbeamq; Rhodon, & Ialios Telchinas,*

*Quorum oculos ipso mutant omnia visu,*

*Iuppiter exosus, fraternis subdidit undis.*

*Teleboæ, Aetoliæ fuerunt populi, latrocinio infamati.*

*Teleboæ, quoq; populi fuerunt Căpaniæ. Verg. lib. 7.*

*Teleboim Capreas cum regna teneret, &c.*

*Teleboas, gigantis nomen.*

*Telegonus, filius fuit Vlyssis ex Circe, qui dū grădis pa-  
trem quæreret, cum incognitum in Ithaca occidit, cum  
& ipsemet ignotus hospitio à patre prohiberetur. In-  
de in Italiam rediens Thuscum condidit. Ovidius:*

*Et iam Telegoni, iam moenia Tyburis ubi*

*Stabant, agricolæ quæ posuere manus.*

*Telemachus, Vlyssis fuit filius paruulus, Penelopæ matri  
à patre ad Troianum bellū abeunte relictus: qui mul-  
ta interim à procis matris perpeffus, tandem omnes re-  
uerso patre ultus est. Ouid in Epist.*

*Tres sumus imbelles numero, sine uiribus uxor,*

*Laërtes q; senex, Telemachusq; puer.*

*Telemus, filius fuit Eurymi, inter Cyclopas uates egre-  
gius, qui Polyphemo prædixit omnia, quæcunq; ab  
Vlysse passus est. Ouid. lib. 3.*

*Telemus Erymides, quem nulla sefellerat ales, &c.*

*Telephus, filius fuit Herculis ex Auge nymp̃ha, nutritus  
à cer.*

à cerua: hic postea Mysorum rex factus, cum Græcos ad expeditionem Troianam proficiscentes prohibere uellet, ne per Mysiā transirent, ab Achille uulneratus est, qua plaga sanari prius nō potuit, quā suadētibus oraculis eadem hasta ab Achille repercuteretur. Quod ita intelligitur, quia è rubigine emplastrū fecit Achilles quo uulnus sanauit. Ouid. — Ego Telephon hasta

Pugnantem domui, uictum, orantemq; refeci.

Telmefum, oppidum Lyciorum, cum promontorio & portu. Inde Telmefis, idos, Lucan. lib. 8.

— Magnosq; sinus Telmesidos undæ, &c.

Tempe, amœnus Theſſaliæ locus, montibus & arboribus cinctus, per quem Peneus fluuius fluit. Ouid.

Est nemus Acmonie, prærupta quod undiq; claudit Sylua, uocant Tempe, per quæ Peneus ab imo, &c.

Ponitur etiam pro quouis loco amœno.

Tenedos, insula in mari Aegeo inter Mitylenē & Helleſpontū, contra Troiam, prope Sigæum. sic dicta à Tene quodā infamato, qui postquā cū nouerca concubuiſſet, ad eam appulit, & cultoribus uacuam inhabitauit. Antea Leucophris uocabatur. In hac Græci latitarūt, cū Troiæ insidias strucrent. Vergil. Eclog. 2.

Est in conspectu Tenedos notiſſima fama

Insula, &c.

Tenedi, dicuntur incolæ.

Tenos, insula, una ex Cycladibus, in qua est oppidum eiusdem nominis, quam propter aquarum abundantiam Aristoteles Hydrusam appellatam dicit.

Terentū, locus in campo Martio, quod in eo ara Ditis in terra occultaretur. Erat hic locus Diti & Proſerpinæ sacer, in quo omniū qui nascerentur & morerentur nomina

mina scribi solebāt, quoties ciuitas lustrabatur. Mart.

Bis mea Romano spectata est uita Terento,

Et nihil extremos perdidit ante rogos.

Tereus, quidā primā aspirant, Thereus, rex fuit Thracum, Martis ex Bisthonide nympha filius, qui Prognē filiam Pandionis regis Athenarum in coniugem sumpsit. Vide supra Progne. Vergil. Eclog. 6.

Aut ut mutati Terci mutaucrit artus, &c.

Terpsichore, una est ex nouem Musis, dicta ἀπὸ τοῦ τέρπειν πῦς χοροῖς, id est, à delectandis chorcis, ideo à quibusdam Cytharistria uocatur. Vergil.

Terpsichore affectus, citharas mouet, imperat, auget.

Vide supra Musæ.

Tethys, yos, filia Cæli & Vestæ, cōiux Neptuni, & mater nymphaeum. Quandoq; pro mari ponitur. Variat quantitas huius dictionis. Verg. lib. 1. Georg.

Teq; sibi generū Tethys emat, omnibus undis, &c.

Ouid. lib. 5. Fast.

Tethys & extremo sæpe recepta loco.

Alia fuit Thetis, Achillis mater, de qua infra.

Teucer, filius fuit Scamādri fluuij, ex Idea nympha, cuius filiā Bateā Dardanus uxore duxit: à cuius nomine & Teuceri, Troiani dicuntur. Alius fuit filius Telamonis, ex Hesione Laomedontis filia, & frater Aiædis, qui apud Troiā se interfecit, ægrè ferens Achillis arma fuisse data Vlyssi. Troia autem diruta cum rediisset in patriam, pulsus est à patre, qui prius abeunti uetuerat ne reuerteretur, nisi cum fratre. Itaq; profugus nauigauit in Cyprum; ubi urbem condidit. Vergil. lib. 1.

Atq; equidem memini Teucrum Sidona uenire,

Finibus expulsus patrijs noua regna petentem.

Teumecsus

Teumefus, mons est Boeotiae, in quo fiebant Bacchi sacrificia. Teumefius, a, um, adiect. Statius lib. 3. Theb.

—Vefano ueluti Teumefia Thyas

Rapta deo, &c.

Ab hoc monte leo Teumefius dictus inauditae magnitudinis, qui omnibus terrori erat: hūc Hercules adhuc penē puer occidit, eiq; pellem detraxit, qua poſtea ſemper pro pallio uſus eſt.

Teutates, dicebatur Mercurius apud Gallos: quem illi mortis deum interpretabantur. huic pro uiſtimis homines immolabāt, miniſtrisq; ad ea ſacrificia utūtur Druydibus: alij immani magnitudine ſimulacra habebant, quorū cōtextu uiminibus mēbra uiuis hominibus cōplebāt, quibus ſuccēſis circūuenti homines flāma exanimabantur: quosdam ſagittis conſigebāt, & intra ſacras & des patibulo ſuffigebāt, ut reſert Strabo. Lucan. lib. 1.

Et quibus immittis placatur ſanguine diro

Teutates, horrensq; ſeris altaribus Heſus, &c.

Ad hunc modum & Heſo, id eſt Marti, & Tarani, id eſt Ioui ſacrificabant.

Teuthras, rex Myſorū, filius Pandionis, & pater Theſſij, cuius filias quinquaginta numero Hercules una nocte cōpreſſit, ut ſupra de Hercule dictū eſt. Oui. in Epi.

Nec tibi crimen erunt Teuthrantia turba ſorores,

Quorum de populo nulla relictā tibi eſt, &c.

Teutones, ſeu Teutoni, ſeu Teutonici, populi ſunt Germaniae. Inde Teutonicus, a, um, Lucan. lib. 6.

—Aut ſi tibi terga dediſſet

Cantaber exiguus, aut longis Teutonus armis.

Idem lib. 1. —Curſumq; furoris

Teutonici, quoties Romam fortuna laceſſit, &c.

Thais,

**Thais**, meretrix notissima Corinthi, quæ iuuentutem At-  
ticam in sui amorem pellexit. Propert. lib. 4.

Seu potius blandi **Thais** pretiosa Menandri, &c.

**Thales**, Milesius, philosophus fuit celeberrimus, & unus  
ex septē Græciæ sapiētibus. Primus omnium astologiæ  
secreta penetrauit, explorauitq; rerum naturas, tempo-  
rum ambitus, status uentorum, stellarum motus, fulminū  
rationes, & fulgurum, & meatus solis reciprocos. De  
ursa minore disseruit, qui eam primus notasse dicitur.  
Solis celypsēs prædixit primus: quamuis non desint,  
qui hoc Atreo adscribant. Mortuus est Olympiade 58.  
dum certamen gymnicū spectaret, æstu et siti fatigatus.

**Thalia**, una est ex nouem Musis, dicta quod uirens, & le-  
ta sit: θάλλω enim uireo, seu lator significat. Vergil.

Comica lasciuo gaudet sermone **Thalia**.

Est & nymphæ nomen in Sicilia iuxta Simethum flu-  
uium, de qua supra in dictione Palici.

**Thamyris**, siue **Thamyras**, filius fuit Philammonis &  
Arsiæ, siue ut alij, Erathūs Musæ. Primus dicitur in san-  
da in mares libidine incensus fuisse. Fuit autem forma  
præstans, arte cytharædus optimus, adeo ut cum Mu-  
sis ipsis certamen suscepit, ea cōditione, ut si uicisset,  
cum Musis singulis concumberet: sin uictus fuisset, ab  
illis priuaretur, quodcunq; illis uisum fuisset. Itaq; in-  
ito certamine cum Musæ superiores euasissent, & ocu-  
lis & arte Musica, & quod extremum erat, etiam men-  
te priuarunt. Ouid. lib. 3. de Arte:

Tu licet & **Thamyram** superes, atq; Orphea cātu,

Non erit ignotæ gratia magna lyra, &c.

**Thasus**, est in mari Aegæo, una ex Cycladibus. Thasiij,  
dicuntur populi, & **Thasius**, a, um, ut **Thasia** nux,

G

id est,

id est amygdalum: & Thasiū marmor, quod in hac insula cædebatur, admodū maculosum. Stat. lib. 5. Theb.

Et Paros & nemorosa Thasos, &c.

Thaumas, pater fuit Iris, quæ ab illo Thaumantis, & Thaumantias, & Thaumantæa uirgo, dicitur. Verg. libro 9.

Ad quem sic roscō Thaumantias ore locuta est.

Theanum, oppidum fuit Campaniæ. Theano uerò mulier fuit Troiana, Hecubæ soror, cuius meminit Maro. libro 10. Aeneid. —Paridisq; Mimanta

Aequalem comitem, una quem nocte Theano, &c.

Thebæ, arum, uel Thebe, es, insignis urbs Aegypti, à Busiride condita: hanc Græci Heliopolim, id est, Solis urbem uocauere. Ambitus urbis cētum & quinquaginta stadiorum traditur, insignis publicis priuatisq; ædificijs. Plinius autor est, totam fuisse pensilem, id est, uias subterraneas habentem, ita ut numerosi exercitus educerentur à regibus, ciuitate nihil sentiente. Hæc centum habuit portas, de qua Iuuenal.

Atq; uetus Thebe centum iacet obruta portis.

Huius populi dicuntur Thebæi. Alia huius nominis ciuitas est in Bæotia, à Cadmo Agenoris filio condita, sed postea ab Amphione plurimum exornata, ut canit Horatius. Alij uerò ab Ogyge rege fundatam uolunt. Hinc Vergilius in Aetna:

Nunc iuuat Ogygijs circumdata mœnia Thebis.

Huius incolæ dicuntur Thebani. Inde quoq; fit adiect. Thebanus, a, um. Alia fuit in Cilicia, quam Achilles deleuit, interfecto Aetione rege, patre Andromaches, quæ fuit uxor Hectoris. Fuerunt & aliæ huius nominis urbes.

Thebaïs



Thebais, regio est Aegypti, quæ & Thebæa uocatur.

Et Thebais, dicitur mulier Thebana. item Thebais inscribitur opus illud Papinij Statij, quod de Thebano bello edidit: item Senecæ Tragœdia de eodem. Thebaidæ quoq; seu Thebaicæ, dicuntur palme generosiores, apud Plinium libro 15.

Themese, oppidum est Cypri, in quo primò repertum fuit æs. Statius lib. 1. Sylvarum:

Et queis se totis Themese dedit hausta metallis.

Inde Themeseus, a, um. Ovidius:

Et quamuis aliquis Themesea remouerit æra, etc.

Themis, is, & idos, & mistos, dea docens petere licita, quæ habuit templum in Boœtia, iuxta Cephysum aëmnem. Ouid. lib. 1. Metam.

Fatidicamq; Themis, quæ nunc oracula tenebat, etc.

Themistodes, Neoclis filius, dux Atheniësis clarissimus, licet prima pueritia prodigus fuerit, et lasciuus. Pugna nauali Xerxem Persarum regem uicit apud Salamina. Tandem ciuium inuidia pulsus, ad Xerxem hostem confugit, à quo benignè exceptus. Sed cum à Xerxe cogere retur ad inferendum patriæ bellum, seipsum interfecit, hausto sanguine tauri: quem sanguinem ideo pestiferum esse scribit Cælius, quòd celerimè coëat & obdure scat. Ouid. lib. 1. de Ponto:

Arma Neoclesides qui Persica contudit armis.

Theocritus, poëta fuit Syracusanus, qui patrem habuit Praxagoram, Philinam matrem. Floruit sub Ptolemæo Lagi. Scripsit Dorica lingua Bucolicum poëma. Hunc imitatus est Vergilius.

Therapnæ, ciuitas est Laconia, patria Helenæ, à qua fit Therapnæus, a, um, ut fratres Therapnæi, id est;

G 2 Castor

Castor & Pollux. Et Therapne, dicta est Corsica insula. Despauterius ait, hanc dictionem non esse aspirandam. Stat. lib. 3. Theb.

—Apollineasq; Therapnas, &c.

Thermodoon, uel Thermodon, fluuius est in Pontica regione, iuxta quem habitauere Amazones, de quibus supra. Ouid lib. 2. Metam.

Thermodoonq; citus, Gangesq; &c.

Idem lib. 4. de Ponto:

Et tu scæminæ Thermodon cognite turmæ.

Inde fit Thermodoontæus, & Thermodoontia-cus, a, um.

Thermopylæ, mons est longissimus, Græciam diuidens, ut Apenninus Italiam, incipiens à Leucade in Occidente, ad Aegeum mare haud longè à Demetriade protensus; fauces habet angustissimas, iuxta quas calidæ aquæ scaturiunt, atque ideo à caliditate portarum nomē inditum: nam Græci θερμὸν calidum, & πύλᾱς portas appellant. Catullus;

. Lymphaq; in Oethæis Mallia Thermopylis.

Thersites, Græcus quidam fuit, omnium qui ad Troiam uenerunt, deformissimus, ut scribit Homerus. hunc Achilles pugno interfecit. Iuuenal.

Malo pater tibi sit Thersites, dum modo tu sis  
Aeacidæ similis, &c.

Theseus, filius fuit Aegei & Acthææ, qui æmulatione Herculis magna gessit & ardua. Debellaui Amazones, earumq; reginam Hippolyten rapuit, ex qua Hippolytum genuit. Creōtem regem Thebarum mortuos in bello sepeliri prohibentem interfecit. Oppressit & terribilē taurum in Attica, Minotaurum in Labyrintho

tho occidit, & Ariadnam Phædræmque Minois filiae  
clām secum abduxit, sed relicta Ariadna in Chio insula  
Phædræ sibi coniugio copulauit. Scyronem, Procu-  
stem, & Scinin latrones Atticæ neci dedit: debellauit  
Centaurus: Thebas domuit. Pirithoum præcipua colu-  
it amicitia, quocum descendit ad inferos ad rapiendam  
Proserpinam: sed occiso Pirithoo ipse aliquandiu in  
uinculis Plutonis fuit detentus, donec ab Hercule, quē  
summa prosequeretur beneuolentia, liberaretur. Po-  
stremò iam senex à ciuibus suis pulsus, exul apud Scy-  
rum minorem insulam diem clausit, cum annis 19. im-  
perasset Atheniensibus. Ouidius:

Pirithoum Theseus Stygiæ comitauit ad undas.

Ab eo fiunt adiect. Theseus, & Theseius, a, um: &  
Thesides, patronymicum.

Thespiæ, oppidum in Bæotia, iuxta Parnasum montem,  
in quo maximè colebantur Musæ. unde dicuntur quoque  
Thespiades. Ouid. lib. 3. Metam.

Thespiades certare deæ, &c.

Thespis, seu Thespisius, Atheniensis, Erichthei filius se-  
cundum Diodorum, secundum alios uero Teuthrantis:  
filias habuit 30. numero, quæ cōmuni nomine Thespi-  
ades à patre appellantur. has una nocte Hercules ad-  
huc adolescens, sed corporis robore præstans, omnes  
cognouit. uide suprà Teuthrantem, & Herculem.

Thespis, poëta fuit antiquissimus, qui primus tragœdias  
scripsit, ut ait Horatius in Arte:

Ignotum tragicæ genus inuenisse Camenæ

Dicitur, & plaustris uexisse poemata Thespis.

Thesproti, populi sunt in Epiro, quorum meminit Luca.  
libro 3. Thesproti, Driopesque ruunt, &c.

**Thessalia**, regio Græciæ, inter Macedoniam, Atticam, Bæotiam & Thraciam: sic dicta à Theßalo rege. Alio nomine Aemonia, Pelasgis, Hellas, Pharsalia, Pyrrhea à Pyrrha Deucalionis uxore: Homerus Argopelasgicò nominat. Famosißima olim ueneficijs, & incantationibus. Inde Theßalus, & Theßalicus, a, um, adiect. Lucanus libro 7.

Vsq; ad Theßalicas seruiffes Roma ruinas.

Et Theßalis, idis, mulier Theßala.

**Thessalonica**, urbs est Macedoniæ, cuius incolæ Theßalionicenses dicuntur.

**Thestius**, filius fuit Parthaonis ex Calydone nympa, pater Althææ, quæ ab eo Thestias, ados, appellatur.

Et Thestiades, Meleager Althææ filius. Oui. li. 3. Fast.

Respice Thestiadem, flammis absentibus arsit, &c.

**Thestor**, filius fuit Idmonis & Laothoës, & pater Calchantis, qui ab eo Thestorides nominatur. Ouid. libro 12. — At ueri prouidus augur

Thestorides uincemus ait, &c.

**Thetis**, idos, filia Nerei, & Doridis, uxor Pelei regis Theßaliæ, & mater Achillis. Ouid. 11.

Nanq; senex Thetidi Proteus prædixerat uide.

Est & alia Tethys, de qua superius.

**Thoas**, filius fuit Bacchi ex Ariadna Minois filia, ut est apud Ouidium libro 7. Metamorph.

Tum primum sese trepidus sub nocte Thyoneus,  
Detexit nato, portans extrema Thoanti,  
Subsidia, &c. Idem in Epistol.

En ego Minoo nata Thoante fror.

Hic Lemni rex solus ab Hypsiphyle filia, cum reliquæ Lemniades omnes uiros noctu interimerent, seruatus est, &

est, & clam naui impositus in Chium insulā peruenit. Postea quoq; profectus est ad bellum Thebanum cum Adraſto rege. Ab eo fiunt patron. Thoantis, idos, & Thoantias, id est, Hypsiphyle. Alius fuit Thoas Iasonis & Hypsiphyles filius. Item alius fuit Thoas, rex Tauricæ regionis, ad quem delata est Iphigenia Agamemnonis filia: sed tandem ab Oreste occisus.

Thomyris, Massagetarum regina in Scythia, quæ cum potentissimo Persarum rege Cyro bello congressa est, ipsumq; & uita & castris spoliavit ad ulciscendam filij mortem, quem ille prius à matre obuiam missum cum suis per insidias interfecerat. Nec tamen hoc euentu uictoriæ contenta fuit, aut emollita animi rabies: mortui enim caput in utrem humano cruore plenum demersit, his uerbis insultans: Filij mei sanguinem hausisti, & mecum sitisti Cyre, at ego cruore te saturabo. Autor Herodot. Quint.

Quem casum Thomyris faciabit acerba cruore.

Thoosa, filia fuit Phorci, ex qua Neptunus Polyphemum suscepit.

Thracia, seu Thræce, es, regio est Europæ, Macedoniam sequens, à Septentrione Istrum habet, ab Oriente Pontum, à Meridie Aegeum mare, olim Sythion dicta, postea uerò Thracia: siue à Thrace Martis filio, siue ab asperitate. *παραχθεις* enim Græcis asperū sonat. Est enim regio nec cælo, nec solo tractabilis, & nisi quā mari propior est, infœcunda frigidaq;. Thraces, sunt populi truci aspectu, bellicosi, & laborum & frigorum patientissimi, unde nata est fabula de Marte apud eos nato. Vergilius libro 3.

Terra procul uastis colitur Mauortia campis.

Thracæ arant, &c.

Thraſcas, philoſophus Stoicus, qui cum damnatus à Nerone ſolutis uenis moreretur, magna conſtantia ſuorum ſletum compeſcuit, libauitq; ſanguinem Ioui liberato-  
ri. Mart. lib. 1.

Quod magni Thraſcæ, conſummatiſq; Catonis, et c.  
Thraſibulus, dux fuit Athenieſiũ, qui patriã à triginta tyrannis liberauit. tandem in caſtris necatus eſt noctu.  
Thraſumenus, lacus Italiæ in agro Peruſino, iuxta quem Annibal Flaminius conſulem ſuperauit cæſis  
1500. Romanorum. Ouid. lib. 6. Faſtor.

Sunt tibi Flaminius, Thraſumenaq; littora teſtes.

Thule, inſula Occani inter Septentrionalem & Occidentalem plagam, ultra Britanniam & Orcadas, in qua ſolſtitio æſtuali nullæ ſunt noctes, hyemali uero nulli dies. Verg. lib. 1. Georgic.

—Tibi ſeruiat ultima Thule.

Thuri, urbs Calabriæ, quæ & Thuria, & Thurion appellata eſt, à Thuria fonte. Inde Thurinus, 4, um.  
Ouid. lib. 15. Metamorph.

Thurinosq; ſinus, Temeſumq; & Iapigis arua.

Thuſcia, regio eſt Italiæ, quam quidam à ſacrificijs dictam arbitrantur (ὅσα enim Græcis ſacrificare eſt) quoniã huius regionis populi ſuperſtitioſiſſimi fuerũt. Alij à Tuſco Herculis filio ſic appellatã tradunt, & ideo primam ſine aſpiratione ſcribi debere. Inde Thuſcus, 4, um. Lucan. lib. 1. —Sed conditor artis

Finxerit iſta Tages, flexa ſic omina Thuſcus  
Inuoluens, multa q; tegens ambage canebat.

Thyas, uocatur Bacchi ſacrificula. Stat. in Thebaid.

—Inſano ueluti Theumeſia Thyas Rapta deo.

Thyaſus,



Thyasus, saltatio seu chorea, quæ exhibebatur in honorem Bacchi. Verg.

Instituit Daphnis thyasos inducere Baccho.

Thyestes, filius fuit Pelopis & Hippodamiæ. Vnde Thyestæus, a, um, adiect. Ouid. lib. 15. Metamorph.

Nē uē Thyestæis cumulcmus uiscera mensis.

Thymbræus, dicitur Apollo, quasi deus imbricator: siue, ut alij tradunt, à Thymbra Phrygiæ oppido, in quo religiosissimè colebatur. Verg. lib. 4. Georg.

Si modo quē phibes, pater est Thymbræus Apollo.

Thymœtes, secundū Scruiū filius fuit Priami & Arisbes. Alij uerò Thymœtem non Priami filiū, sed Arisbes maritum faciunt. Hunc Euphorion uatem fuisse testatur, qui cum dixisset die quadā nasci puerū, per quē Troia posset eueri, contigit ut eadē die Thymœtis cōiux & Hecuba parcerent. Quāobrem Priamus ad cuitandum præsagiū Thymœtis filiū cū uxore occidi iussit. Postea autē Thymœtes iniuriæ memor, cum sentiret proditiōnē patriæ, primus suasisit, ut equus ille ligneus intra muros duceretur. Verg. li. 2. Aen. — Primusq; Thymœtes

Duci intra muros hortatur, & arce locari.

Thyodamas, pater fuit Hylæ, quem Hercules Colchos nauigans secum duxit. Propert.

Thyodamantæo proximus ardor Hylæ.

Thyoneus, Bacchi nomen, & eiusdem filij, qui cum, ut Ouidius fabulatur, bouem fuisset furatus, & ob id à rusticis opprimeretur, implorato fortè patris auxilio, factum est ut Thyoneus à Baccho in uenatorem, & bos in ceruum permutaretur.

## T I.

Ticinus, fluuius Insubriæ, in Eridanum fluens, à quo Ticinum,

cinum, urbs, quæ nunc Papia dicitur. Phil.

Quosq; pater Ticinus nitida perlucidus unda.

Tigris, fluuius est rapacissimus maioris Armeniæ, incertam habens originem. Ecclesiastici fontem eius ponunt in terrestri Paradyso. Lucan.

Quaq; caput rapido tollit cum Tigride magnus Euphrates, &c.

Est quoq; Tigris animal uelocissimum & truculentum, quibus Hyrcania & India abundat. Verg.

—Hyrcanæq; admorunt ubera Tigres, &c.

Tigranes, rex fuit Armeniæ maioris, qui auxilium ferens Mithridati regi, uictus est primò à Lucullo, deinde à Pompeio Magno.

Timauus, fluuius est Venetiæ, qui delatus è montibus in profundum cadit, deinde infra terrā absorptus, stadijs circiter trecentis & triginta erumpit in mare, influitq; pluribus ostijs, quæ accolæ Tergestini sinus Fonticulos dicunt, quoniam instar fontium emittunt aquas ex aduerso. Lucan. lib. 7.

Atq; Antenorei dispergitur unda Timai.

Tiphys, uos, excellens faber lignarius & gubernator nauis Argonautarum. Ouid.

Tiphys in Acmonia puppe magister erat.

Huius quoq; meminit Vergilius Eclog. 4.

Tiresias, <sup>ῥαπιστίας</sup> raptistias, uates fuit Thebanus, Peneto patre genitus, qui cū aliquando in Citherone uideret duos dracones coeuntes, obseruata fœmina, ex ijs occidit illam, quo facto in fœminam & ipse mutatus est. Deinde cum rursus post septem annos eodem pacto & marem draconem interfecisset, in pristinā formam redijt. Contigit igitur aliquando certantibus inter se Ioue & Iunone,  
uiri

uiri'ne an fœminæ maiorem ex Venere uoluptatē cape-  
rent, ut ille iudex sit adhibitus, qui uerum fuerit exper-  
tus. Tiresias autē pro Ioue sententiam tulit, asserēs mul-  
to plus libidinis habere fœminas. ob quod à Iunone ex-  
cæcatus est. Alij uero excæcatū dicūt eò quòd Palladē  
nudam in fonte conspexit. Iupiter autem in solatium  
uisus amissi diuinationem illi dedit. Stat. lib. 10. Theb.

—Sibi callidus ista

Tiresias, natæq; canant, &c.

Tiryns, fluuius, & oppidū Achaia prope Argos: patria  
Herculis, qui inde Tirynthius dicitur. Verg. lib. 8.

Eccē furens animis aderat Tirynthius heros, &c.

Tisiphone, una est ex furijs, dicta quasi cædis ultrix. Æ-  
neas Græcis ultio est, φονὴ cædes. Verg. lib. 6.

—Ultrix accincta flagello Tisiphone, &c.

Titan, seu Titanus, filius fuit Cæli & Vestæ, frater Sa-  
turni natu maior, qui cum filijs, quos Titanes à patre  
appellabant, bellum gessit aduersus Saturnū & Opim,  
quòd conuentui non stetissent, eosq; captos muro in-  
clusit: postea à Ioue filio uictis Titanibus liberati sunt,  
ut suprà latius de Saturno dictum est. Et Titan dicitur  
Sol ab auo. Lucan. lib. 1.

Flammiger an Titan, ut alentes hauriat undas, &c.

Hinc fit Titanis, idos, patronym. & Titanius, a, um.  
Vt apud Vergilium lib. 6.

Lucentemq; globum Lunæ, Titaniaq; astra, &c.

Titaresus, fluuius est Thessaliæ, qui & Orchos dicitur,  
de quo Plinius: Peneus accipit amnem Orchon, nec re-  
cipit, sed olci modo supernatantem breui spatio in ma-  
re portat. Vide Peneus. Lucan. lib. 6.

Solus in alterius nomen cum uenerit undæ,

Descendit

Defendit Titaresus aquas, lapsusq; superne  
Gurgite Penci pro siccis utitur aruis.

Tithonus, filius fuit Laomedontis, qui propter formæ elegantiam ab Aurora in Aethiopiam raptus, ex eadem Memnona filium suscepit. Postea cum longissimam optasset uitam, & obtinuisset, tandē uitæ pertæsus in cicadam conuersus est. Propert. lib. 2.

At non Tithoni spernens Aurora senectam

Desertum eoa passa iacere domo est.

Titij, sacerdotes fuerunt Apollinis, à Titijs auibus, quas in augurijs cæcis obseruare solebant, sic appellati, ut ait Varro. Lucan. libro 1.

Et doctus uolucres augur seruire sinistras,  
Septem uirq; epulis fæctis Titijq; sodales.

Tityus, filius fuit Iouis ex Elara, Orchomeni filia, quam prægnantem Iupiter timens Iunonis irâ, occultauit in terram, ex quo factū est, ut nascēs puer ex terra natus uideretur. Hic postea cum ad integram ætatem peruenisset, captus amore Latonæ Apollinis matre, eam de stupro interpellauit. Quamobrem Apollo iratus sagittis ipsum confodit, & apud inferos religauit, eiusq; iecur uulturibus lancinandum apposuit, hac lege, ut cōsumptum renasceretur illico, & sic nunquam uultures à discerpendo cessarent, nec ipse à patiando. Tante magnitudinis gigas fuisse perhibetur, ut iacens nouem iugera occupauerit. Ouid. lib. 4. Metam.

Viscera præbebat Tityus lanianda, nouemq;  
Iugribus districtus erat, &c.

T L.

Tlepolemus, filius fuit Herculis ex Astyochia, quam ex Ephyre Peloponēsi urbe rapuerat. Hic cū adolcuisset,  
Licym

Licymniū auunculū suū Marte progenitum, & patrī suo charissimū, iā senē interfecit. Propter quod fabricatis nauibus patria profugus, collecta iuuenū multitudine Rhodū petijt, & ea insula occupata Rhodiensibus imperauit. Vnde postea ad bellum Troianū cum nouē nauibus profectus est, in quo à Sarpedone occisus est.

## T M.

Tmolius, seu Tmolus, seu Tymolus, mons est Lydiæ feracissimus uini & croci, ex quo Pactolus fluuius oritur. Verg.

Tmolius assurgit, quibus & rex ipse Phaneus, &c.  
Ouidius: —Riget arduus alto

Tmolus in ascensu. Et,

De seruire sui nymphæ uincta Tymoli.

Sed de posteriore maxima est Grāmaticorū disceptatio

## T O.

Tomos, seu Tomi, orum, urbs est in Ponto, dicta quòd illic Medea fratrem suum Absyrtum frustulatim con-scidiſſet. τήμαρ, enim Græcis scindere est. Ibi exulauit Ouidius poëta. Ouid.

Inde Tomos dictus locus hic, quia fertur in illo

Membra soror fratris consecuisse sui.

Hinc Tomitanus, a, um, adiectiuum.

M. Torquatus, Romanus nobilissimus, qui filium suum securi percussit, quòd aduersus Samnites contra edictū pugnasset, quamuis hoste proſtigato uictoriam ad suos retulisset. Verg. lib. 6.

—Sæuumq; securi Aspice Torquatum, &c.

Sic dictus à torque, quem Gallo detraxerat.

## T R.

Trachīna, urbs est Theſſaliæ non procul ab Oeta monte,  
in qua

in qua regnavit Cæyx, qui ab ea Trachinius appellatur ab Ouidio lib. 11.

—Hunc contra placido Trachinius ore, &c.

Tralleis, urbs est in finibus Cariæ sita. Alia huius nominis ciuitas est in Lydia, non longe à Magnesia, ab Argiuis & Thracibus quibusdam condita. Hinc Trallianus, a, um, adiectiuum.

Trebia, fluuius est prope Placentiam in Gallia Cisalpina, ex Apennino monte in Padum fluens. Iuxta hunc Annibal Romanos, L. Sempronio duce, maxima clade affecit. Lucan. lib. 2. —Quod non in Punica nati

Tempora Cannarum fuimus Threbiæq; iuuentus.

Treuiri, populi Galliæ Belgicæ, prope Leucos & Lingones. Lucan. lib. 1.

Tu quoq; lætatus conuerti prælia Treuir, &c.

Trinacria, seu Trinacris, dicta est Sicilia, à tribus promontorijs, Pachinno uidelicet, Peloro, & Lilybæo. Et Trinacrius, a, um, adiect. Verg. libro tertio:

Præstat Trinacrij metas lustrare Pachinni, &c.

Et Trinacreis Hybla apud Ouidium. lib. 5. Tristium.

Triptolemus, Eleusij Atticæ regis filius, de quo multa dicta sūt in dictionibus Ceres et Lyncus. Verg. in Cul.

Quercus antè data, Cereris quàm semina uitæ:

Illas Triptolemo mutauit sulcus aristis, &c.

Triton, filius Neptuni & Salaciæ, siue (ut alij uolūt) Oceani & Tethyos. Estq; Neptuni tubicen, & concha utitur. Sic dictus à Tritone Aphricæ palude, quòd in eodē primum uisus fuerit. Est autē Triton maxima Aphricæ palus, iuxta amnem eiusdē nominis. Ab hac Palas quoq; cognominata Tritonia, & Tritonis, idos, quia circa hanc paludem apparuerit.

Troias,



**Troias**, seu **Troia**, regio est minoris Asiae ad Hellespontum, in qua est eiusdem nominis urbs, quod Ilium uocatur. Vide supra. Ouid. in Epist.

Troia iacet, certè Danais inuisa puellis,

Vix Priamus tanti totaq; Troia fuit.

Inde fiunt adiect. Troius, Troicus, Troianus, *a, um*,  
& Troades, mulieres Troianae, & Troiugena *a*  
pud Vergilium.

**Tros**, rex fuit Troiae, Erichthonij filius, ut habet Ouid.

Huius Erichthonius, Tros est, &c.

Ab hoc Troiani dicuntur Troës. Verg. lib. 1.

Tros, Tyrius'ue mihi nullo discrimine habebo.

**Troilus**, filius fuit Priami & Hecubae, cuius mors fatalis erat Troiae: nam eo uiuo Troia capi non poterat. Sed adhuc adolescentulus ausus fuit cum Achille Graecorum omnium fortissimo congredi, sed ab eodem occisus est. Verg. lib. 1. Aeneid.

Parte alia fugiens amissis Troilus armis, &c.

**Troëzen**, oppidum fuit Atticae regionis, in Argolico sinu, in quo educatus fuit Theseus: qui inde uocatur ab Ouidio Troëzenius heros, cum ait:

Hæc Ixionides, illac Troëzenius heros, &c.

Pirithoum & Thesea intelligens. Stat. lib. 4. Theb. diaphthongō diuisit, cū ait, —Et quas Thesea Troëzen Audit opes, &c.

## T V.

**Tullia**, filia fuit Scruuij, sexti Romanorum regis, Tarquinio Superbo nupsit, qui postea, ut regno potiretur solus, socerum suum interfecit. Ferunt hanc mulierem eadem regnandi libidine qua maritum aestuasse, adeo ut cum intellexisset patrem interfectum, uehiculo se propere fer

re ferri iusserit, quo interfectori gratularetur. Quum autem inter eundum comperto cadauere, equi & auriga consitissent, erubescerentq; mortuum conculcare, mulier nefaria currum super faciem mortui patris duci iussit. Vnde Ouid. in 1 bin:

Infamemq; locum sceleris quæ nomine fecit,

Præsit & inductis membra paterna rotis.

Tullus Hostilius, tertius Romanorū rex, multo bellicosior Romulo, de quo Verg. lib. 6.

—Cui deinde subibit

Otia qui rumpet patriæ, residesq; mouebit

Tullus in arma uiros, & iam defuncta triumphis

Agmina, &c.

Tusculum, oppidum in Latio, in colle difficilem aditum habente situm, unde & nomen sumpsit: extractum à Telegono Ulyssis & Circes filio. Sil. lib. 7.

Quod peperere decus Circeo Tuscula dorso

Mænia Lærtæ quondam regnata nepoti, &c.

Hinc Tusculanus, ager, ut Tusculanus ager.

T Y.

Tyberis, seu Tybris, fluuius est Italiæ, è media fere longitudine Auentini Aretinorum finibus defluens, alijsq; multis annibus auctus, Romam perfluit, & deinde apud Ostiam in mare effunditur. Primò ab aquarum colore Albula dictus, deinde Tybris, à Tybri Thuscorum rege, iuxta eum in bello occiso, ut habetur apud Vergil. lib. 8. Acneid. —Asperq; immani corpore Tybris,

A quo post Itali fluuium cognomine Tybrim

Diximus, amisit uerum uetus Albula nomen.

Tyberis uerò à Tyberino, Albanorum rege, in eo submerso. Ouidius:

Albula

*Albula quem Tyberim mersus Tyberinus in undis.*

*Reddidit, hybernis fortè tumebat aquis.*

Inde fit adiect. Tyberinus, *a, um*, & Tybrinus, *a, um*, apud Claudianū. Item Tyberinus, dicitur deus Tyberis. Seruius tradit hunc fluuium in sacris Tyberinum dici, in communi sermone Tyberim, & in poëmate Tybrim.

Tybur, oppidum antiquum in Latio, non procul ab urbe Roma, conditum (ut est apud Verg. lib. 7.) à Catullo, Corace, & Tyburto, filijs Catylli Amphiarai, uatis Thebani, eiq; nomen imposuerunt à fratre Tyburto, natu maximo. Ouidius:

*Et iam Telegoni, iam mœnia Tyburis udi*

*Stabant, agricolæ quæ posuere manus.*

Hinc Tyburs, gentile, & Tyburtinus, *a, um*.

Tydeus, filius fuit Oenei regis Actoliæ, siue Calidoniæ, ex Althea, siue ut alij uolunt, Euribæa: qui quum fratrem suum Menalippum inscius occidisset, ad Adrastū regem peruenit, cuius filiam Deiphilen in coniugē sumpsit, ut suprā dictum est de Adrasto. Postea à Polynice, qui alterā Adraستي filiam, Argiam uidelicet, in uxore habebat, legatus ad Etheoclem regem Thebarū missus, ut pacti memor fratri regnum redderet. Quumq; Etheocles præter omne fas regno se cessurum negaret, & ob hoc Tydeus indignatus, satis arroganter loquutus esset, stomachum mouit ipsi Etheocli, adeo ut missi sint quinquaginta milites, qui redeuntē insidijs opprimeret: quos tamē omnes Tydeus interfecit, præter unū, quem tanti facinoris uolebat nunciū relinqui. Collectis igitur undique copijs, cum Polynice, & Adrasto, reliquisq; Græciæ principibus ad bellū Thebanū profectus est. in

H

quo post

quo post multas res præclarissime gestas à Menalippo  
quodam Thebano letaliter uulneratus occubuit. Vide  
suprà Menalippus. Stat. lib. 3. Theb.

Tydcos egregij perfoſſum peſtus, &c.

Hinc Tydides. patron. id eſt, Diomedes, Tydei filius.  
Tyndareus, ſeu Tyndarus, filius fuit Oebali, regis La-  
conie, cui in regno ſucceſſit, & maritus Lede, pater  
putatiuus Caſtoris, Pollucis, Clytemneſtræ & Helenæ.  
Hinc Tyndarides, & Tyndaris, patron. Statius:

Tyndaris inceſta nimium laudata rapina, &c.

Item Tyndareus, a, um, adieſt.

Typhon, ſeu Typhœus, gigas, Titani & Terræ filius,  
qui Iouē ad certamen de regno prouocans ab eodē ful-  
minatus dicitur, & ſub inſulam Inarimē truſus, ut Ver-  
gilius lib. 9. & Lucan. lib. 5. tradunt. Ouidius uerò li. 5.  
Metam. ſub Sicilia ſepultum fabulatur. Inde Typho-  
œus, a, um. Vergilius lib. 1. Aeneid.

Nate patris ſummi qui tela Typhoëa temnis.

Typhon, alius, fuit Oſiridis frater. De quo ſuprà in di-  
ſtione Oſiris.

Tyro, uirguncula fuit Theſſala, Salmonei filia, ex qua  
Neptunus Nelcum, & Peliam ſuſcepit. Propert. lib. 7.

Vobiſcum eſt Iope, uobiſcum candida Tyro, &c.

Tyrrheni, populi Italiæ, à Tyrrheno Atys filio, cum  
quo ex Lydia proſecti ſunt, ſic nominati. Vide ſuprà  
Lydia. Alio nomine dicuntur Thuſci. Et Tyrrhenia,  
id eſt, Thuſcia: & Thyrrhenus, a, um, id eſt, Thuſcus.  
Vergilius libro 7.

● Primus init bellum Tyrrhenis aſper ab oris,  
Contemptor diuū Mezentius, &c.

Tyrus, urbs Phœnicie notiſſima, ab Agnore Priſci Beli  
filio

filio condita, quondam alto mari septingentis passibus à continēti diuisa, sed postea Alexandri oppugnantis opera continenti adiuncta. Apud hanc urbem capiūtur conchylia, quorum sanguine tinguntur uestes purpureæ, quæ ob id dicuntur Tyriæ. Tyrii, dicūtur populi, quibus inuentum nauis à Tibullo adscribitur, libr. 1.

Vtq; armis uastum prospectat turribus æquor,

Prima ratem uentis credere docta Tyros.

Item Tyrij dicuntur Carthaginiēses, quoniā Tyro uenerunt cū Didone, Carthaginemq; edificauerūt. Verg.

—Tyrij tenuere coloni, &c.

Et Tyrij quoq; dicūtur Thebani, eò quòd Cadmus Thebarū cōditor ex Phœnicia fuerit oriūdus. Stat. li. 4. The.

Aonius uates, Tyriæ dux inclyte Thebes, &c.

## DE L I T E R A V.

### V A.

**V**Agēni, populus Alpinus, ut tradit Plinius lib. 3. Sil. Tū pernix Ligur, et sparsi per saxa Vageni, &c.

Varus, fluuius est, qui Narbonensem provinciam ab Italia disternat, à fluctibus tortuosis sic dictus. Est etiā nomen poëtæ apud Vergilium in Bucolicis.

Vascones, populi citerioris Hispaniæ, quæ in Gallicum & Italicū uergit Oceanū, in Cātabria positi. Hi à Metello Romanorum duce obseſsi, in tantam famem compulsi sunt, ut humana carne uescerentur. Iuuenal.

Vascones, ut fama est, alimentis talibus uſi, &c.

### V E.

Vectones, populi in Hispania citeriore, iuxta Vacceos.

Lucan. lib. 4. —Vectonesq; leues, &c.

Veii, urbs quondam fuit potens in Hetruria, quæ multa & maxima cum Romanis bella gessit: tandem à Camil

lo fuit capta. Lucanus libro 5.

—Veios habitante Camillo, Illic Roma fuit, &c.  
Eius incolæ dicuntur Veientes, & Veientanus, a, um,  
adiect. ut Veientanum uinum.

Velia, oppidum Lucaniæ, circa Palinurum promonto-  
rium, à paludibus quibus cingitur, sic dicta. Hinc Ve-  
linus, a, um. Verg. lib. 6.

—Portusq; require Velinos, &c.

Venafrum, oppidum est Campaniæ, fertile optimi o-  
lei. Martial. lib. 13.

Hoc tibi Campani sudauit bacca Venafræ.

Venetia, regio est Italiæ, quæ à Mintio amne usque ad  
Tilsamentum protenditur, ab Enetis populis dicta, qui  
post bellum Troianum cum Antenore è Paphlagonia  
uenientes eam tenuere, ut auctor est Plinius.

Venetia, arum, ciuitas insignis, condita in mari Adriati-  
co 454. anno à Christo nato, cum Attila rex Hunnorum  
Aquileiam euerteret. Hinc fit adiect. Venetus, a, um,  
ut Veneti ciues. Lucan. lib. 4.

Sic Venetus stagnante Pado, &c.

Venilia, nymphea, uxor fuit Fauni, & soror Amata, La-  
tini regis coniugis, mater Turni. Vergil. lib. 10.

—Cui diua Venilia mater, &c.

Venus, amorum dea, pro quibus & sæpius poni solet.  
Item pro libidine, ut Terent. Sine Cerere & Baccho  
friget Venus. Et pro pulchritudine. Quintilianus:  
Quod cum gratia quadam & Venere dicitur, &c. Fue-  
runt autem tres Vencres: Prima Cæli & Dicit filia, quæ  
ex Ioue, seu ut alij uolunt, ex Baccho Cupidinem &  
Gratias genuit. Altera quæ ex Cæli pudendis, & spu-  
ma maris genita est. Fertur enim Saturnus Cælo patri  
suo



suo falce pudenda amputasse, quæ in mare proiecta, et fluctibus agitata spumam fecerunt, ex qua nata est Venus, quæ ob id à *Ἀποδίτη* appellatur. Tertia, quæ à Græcis poëtis *Ῥυπία*, et *Ῥυπιδίς* uocatur, filia fuit Iouis et Deïones, uxor Vulcani, quæ quondam Martem amasse fertur, de quorum adulterio supra de Marte dictum est. Ex Anchise quoque Troiano Aeneam suscepit, quem cum in bello Troiano subduceret, ne à Diomede interficeretur, ab eodem uulnerata est. Vide supra Diomedes. Adonem quoque summo amore prosecuta est, cuius fabulam, ubi de Adone dictum est, recensuimus. Ex Baccho quoque Priapum suscepit. Sunt etiam qui affirmant hanc primam quæstum meretriciū instituisse. Verum à poëtis confunduntur. Vergil. de matre Aeneæ lib. 3.

- Sacra Dionææ matri, diuisq; ferebam, &c.

Aufonius:

Orta salo, suscepta solo, patre edita Cælo,

Aeneadum genitrix hîc habito alma Venus.

Varia habet nomina, à locis uidelicet, in quibus præcipuè colebatur: ut, Erycina, Acidalia, Cytherea, &c. de quibus suo loco.

Venusia, urbs Apuliæ, patria Horatij: qui inde Venusianus appellatur.

Vergiliæ, septem sunt stellæ in dorso Tauri, quarum exortu significatur æstas, occasu uerò hyems. Alio nomine Pleiades. Propert. lib. 1.

Et sit incers tardis nauita Vergilijs.

Verona, ciuitas est Venetiariū, à Gallis olim cōdita, duce Brēno, à cuius nomine primo Brenona, deinde mutatis literis Verona dicta est Iustino autore. Hanc interfuit

Athesis fluuius. In ea quoq; nati sunt Catullus, & duo Plinij. Ouidius:

Mantua Vergilio gaudet, Verona Catullo.

Hinc Veronenſis.

Vertumnus, deus, qui putabatur præſſe rebus uertēdis, emēdis et uendēdis: aut q se uertit in uarias figuras, etc.

Vefeus, Vefuius, & per Syncopā Vefuius, mons eſt Campaniæ, quatuor mill. paſſuū à Neapoli, uinetis & oliuetis refertus. Cacumē tamē eius mōtis eſt ſterile, flāmā quondā et ſumū euomēs, ut Aetna Siciliæ. Verg.

Talem diues arat Capua, & uicina Vefeuo

Ora iugo, &c. Martial. lib. 4.

Hic eſt pampineis uiridis Vefuius umbris, &c.

Valer. Flaccus libr. 3. —Magis ut mugitor anhelet Vefuius, &c.

Veſta, mater fuit Saturni. Duæ autem fuerūt Veſtæ, quæ à ueteribus memorantur: altera Saturni mater: altera eiusdem dei filia, de qua Ouidius:

Ex Ope Iunonem memorant, Cereremq; creatam,  
Semine Saturni tertia Veſta fuit.

Confundunt tamen has poëta, alterā pro altera ponentes. Quando eam terrā eſſe dicunt, de matre Saturni intelligendum eſt: ſic dicta, ſeu quòd terra omnibus rebus ueſtiatur, ſeu quia ui ſua ſtet. Ouid lib. 6. Faſtor.

Stat ui terra ſua, ui ſtando Veſta uocatur, &c.

Quando uerò uirginem nominant, de filia eius, quam ignem eſſe uoluere. Ouidius:

Nec tu aliud Veſtam, quàm uiuam intellige flāmam,

Natāq; de flammā corpora nulla uides.

Iure igitur uirgo eſt, quæ ſemina nulla remittit.

Et ideo dictam uolunt ἀπὸ τοῦ ἱσίου, id eſt, à foco, in quo  
ignis

ignis alitur. Harum unam ex dijs penatibus esse uolūt,  
quos Aeneas in Italiam aduexit. Verg. lib. 2. Aeneid.

Sic ait, & manibus uitas, Vestamq; potentem,

Aeternumq; aditis effert penetralibus ignem.

Perottus ait, Romanos huius simulacrum Pessinunte al-  
latum, in aede Victoriae, quae est in Palatio, posuisse, eiq;  
uirgines, à Vesta Vestales appellatas, sacrasse, quae i-  
gnem perpetuum cōseruarent: qui si fortè per negligē-  
tiam fuisset extinctus, nequaquam reparare fas erat ex  
igne humanis uiribus elaborato: sed accensa per fomi-  
tes ex sole flamma, purus & coelestis ignis eliciebatur.  
Porro uirgo Vestalis eligebatur intra annum sextum  
suae aetatis, & decimum: & triginta annos oportebat  
eam manere uirginem, postea nubere licebat. Quod si  
autem fortè stuprum commisisset, uiua defodiebatur.

Vestini, Italiae populi, iuxta Marsos & Sabinos, apud  
quos olim fiebant casci laudatissimi. Mart.

Si sine carne uoles ientacula sumere frugi,

Hec tibi Vestino de grege massa uenit.

Vesulus, mons Liguriae iuxta Alpes, inter ceteros claris-  
simus: ex cuius radicibus Padus erumpit. Verg. lib. 10.

-Multos Vesulus quem pinifer annos Defendit.

V F.

Vfens, fluuius Campaniae, à Tarracina in Tyrrhenum  
mare fluens. Verg. lib. 7. -Gelidusq; per imas

Querit iter ualles, atq; in mare conditur Vfens.

Est quoq; nomen principis apud eundem.

V I.

Vienna, urbs metropolis quōdam Allobrogum, ad Rho-  
danum prope Lugdunum in Delphinatu. Auson.

Accolit Alpibus opulenta Vienna colonis.

H 4

Alia

Alia est in Austria, itidem metropolis.

Vincentia, urbs Venetiæ, patria Rhemnij Palæmonis grammatici, à Gallis condita. Mantuan.

Et Verona ferax frugum, Vincentia bello  
Strennua, &c.

Virbius, dictus est Hippolytus, Thesei filius. uide suprâ.

## V L.

Vlysses, filius fuit Laërtes & Autolia. Alij ex Sisypho natū tradunt, ut suprâ de Autolia & Sisypho dictum est. Hinc Ajax Telamonijs apud Ouidium lib. 13. ait,

—Et sanguine cretus Sisyphio, &c.

& Deiphobus apud Verg. lib. 6.

Hortator scelerum Acolides, &c.

Sisyphus enim Aeoli fuit filius. Verum utriusq; filius fuit, fingitur ab Homero uir multa præditus faciendia, nec minore experientia, uaster cōsilio, egregius bello, laborū patiētissimus. Vxorē habuit Penelopē Icarij filiam, ex qua Telemachum filiū suscepit. Tandē rapta Helena cū reliqui Græcorū principes ad eandē repetendam armarētur, ipse insaniam fingēs salem serebat: sed à Palamede cognita eius astutia, ad bellū pertractus est: in quo multa ad obtinendā uictoriam perfecit solertia sua. Nam Achillem inter Lycomedis regis filias uirginali habitu latitantem, ad bellum perduxit: sagittas Herculis à Philoctete detentas ad Troiam pertulit: cinerem Laomedontis, qui super Scæa porta Ilij seruabatur, clam sustulit: Palladiū unā cū Diomede ex Troia cæsis custodibus rapuit. Sic et Dolone perēpto, æque cū Diomede explorator factus, Rhesium Thraciæ regē occidit, abductis eius equis, priusquam Xanthum bibissent. Quibus omnibus adhuc saluis Troia capi non poterat

terat. Porro maximā similitudinē habuit cū Palamede, ut  
 suprà dictū est. Capta deinde Troia, maximā contentio  
 nē habuit cum Aiace Telamonio, pro armis Achillis,  
 quæ tamen summa eloquentia obtinuit. Et occiso Or-  
 chilocho Idomenei filio, eò quòd obstatet, ne debi-  
 ta pars prædæ capti Ilij Vlyssi daretur: deinde Poly-  
 xena ad Achillis tumulū iugulata, atq; Astyanacte He-  
 ctoris filio è turri præcipitato, naues in patriā reditu-  
 rus conscēdit. Sed longè aliter contigit, multis quippe  
 procellis actus in longissimos errores, atq; in peregrin-  
 nationē decennē euectus est. Primo autem ad Alcinoū  
 regē Corcyræ peruenit, à quo honorificè susceptus: de-  
 inde ijs, quibus ad nauigandū opus habebat, reparatis,  
 ad Cicones Thraciæ populos appulit: quibus expugna-  
 tis, rursus abiens ad Lothophagos Aphricæ gentē tē-  
 pestate pulsus est, exploratoresq; quos miserat, cū Lo-  
 tho gustato reditum non curarent, retraxit. Inde in Si-  
 ciliā delatus, ubi Polyphemi antrū cū duodecim socijs  
 intrauit, ex quibus cum Cyclops sex deuorasset, eruto  
 illi oculo præusto sustē, pellibus arietū inuolutus cum  
 superstitionibus antrum euasit. Hinc in Aeoliā nauigās  
 ab Aeolo uentos in utrem coactos obtinuit. Et cum iā  
 Ithacæ proximus esset, soluto utre à socijs thesaurum  
 credētibz, flāte aduerso uento in Aeoliā expulsus est:  
 sed ab Aeolo abactus deuenit ad Lestrigonas, quos ob  
 immanitatē fugiens, perditis reliquis rebus omnibus ad  
 Circen peruenit: quæ cum exploratores eius in belluas  
 mutasset, ipse sumpto à Mercurio pharmaco accessit  
 impavidus, et stricto gladio eam coēgit, ut socios suos  
 pristinae formæ restitueret: quod cū fecisset, eius postea  
 amicitia usus est per totum annū, suscepitq; ex ea Te-

legonum filium. Hesiodus uerò Agrium & Latinū ex Circe genuisse dicit. Tandem ab illa de multis rebus agendis edoctus discedēs ad Oceanū peruenit, ubi peractis sacris ad inferos descendit, ibiq; ex Anticlia matre, Elpenore, & Tiresia uate de multis certior factus, reuertitur ad Circen: & sepulto Elpenore, qui nuper inebriatus de scalis deciderat, deinde rursus discedens ad insulam Syrenarum delatus est, quārū cantus, ne audirent, socijs aures cera obturauit, se autem ad malū alligari fecit, & hoc modo praterijt: inde Scyllā transiens & Charybdim nō sine maximo periculo in Siciliā uenit ad ea loca, ubi Phaëtusa Solis filia cū duabus sororibus greges patris pascebat, iussitq; ne quis eos uiolaret: sed ipso dormiēte, socij fame coacti, suadēte etiā Eurylocho, plura ex gregibus animalia mactauerunt: quod scelus postea in naufragio luerūt, adeo ut ne unus quidē sit seruatus, prater unū Vlyssē, qui arrepto nauis malo nouē diebus à uento & undis hinc illinc agitatus, tandē ad Ogygiā insulam depulsus, à Calypso nympha susceptus est, à qua septē annis detentus ex ea Nausithoum & Nausinoum filios, ut Hesiodo placet, genuit. Tandē cum uix abitū ab illa impetrasset, reparatis cū naue socijs mare ingreditur. Sed Neptunus infensus, eò quòd Troiā à se conditam demoliri fecisset, Cygnū filiū uita, et Cyclopē oculo orbasset, naufragio eum coēgit, ut nudus in mare de nauī iamā demersura desiliret: cuius ita natantis Leucothoē miserta, uelū illi præstitit suum, cuius auxilio cum die tertio ad littus uenisset, & ostia Phæacum intrasset, reiecto uelo in mare, inter frondes latitauit, ubi à Nausicaa filia Alcinoi cōpertus uestes accepit: deinde Palladis opere ad Areten

Alcinoi



Alcinoi coniugem deductus, dona, naues, & socios  
 suscipere meruit, qui eum in Ithacam reduxere, in qua  
 dormientem cum donis deposuere. Excitatus autè à Pal-  
 lade, ipsius monitu habitum mēdici accepit, & hoc mo-  
 do ad suos subulcos peruenit, apud quos Telemachum  
 quoq; uidit. Demum à Sybore porcario incognitus do-  
 mum ducitur, ubi ignominiosa quædam à procis Pene-  
 lopes perpeffus est. Postremo ab Eurycelia nutrice agni-  
 tus, arma ex composito cum filio & duobus subulcis,  
 quibus se indicauit, aduersus procos sumens, eos ad u-  
 num omnes trucidauit, atq; sic Penelopen recepit. Por-  
 rò cum ex oraculo didicisset, se à filio interemptum i-  
 ri, in locis abditis uiuere decreuit. Telegonus autem fi-  
 lius ex Circe susceptus, patrem suum uidere cupiens,  
 Ithacam profectus est: ubi cum incognitus à domo pa-  
 tris prohiberetur, orta contentione, patrem ignarus spi-  
 na uenenosa trigonis piscis transfixit: atq; hoc modo  
 inclytus ille heros, qui nunquam fortunæ insultationi-  
 bus succubuit, diem clausit. Huius res gestas copiosissi-  
 mè descripsit Homerus integro uolumine, quod *Odyssæa*  
 appellatur. Verg. lib. 3. — Comes infelicis *Vlyßis*.

**Vmbria**, regio Italiae, quæ ab Apennino, ac etiam ultrà  
 incipiens, usq; ad sinū Adriaticū extenditur, clara mul-  
 tis uenustissimisq; oppidis, sed in primis Sentino & su-  
 no Fortunæ. In ea quoq; est urbs Spoletū, unde regio,  
 Ducatus Spoletanus dicitur. Lucan. lib. 2.

Iusq; sui pulso iam perdidit Vmbria Thermo.  
 Hinc fit adiect. *Vmber*, a, um, ut canis *Vmber*, quo-  
 niam olim canibus uenaticis erat nobilitata.

## V O.

**Volsci**, populus antiquus in Latio, qui Turno suppetias  
 tulcrunt

tulerūt aduersus Aeneā. Inde Volscus, *a, um. Ver. li. 7.*  
Hos super aduenit Volscā de gente Camilla.

## V R.

Vrania, una est ex Musis: uel à cœlestium rerū cantu, uel  
à cantus diuinitate sic nominata: *Ὀυρανὸν* enim Græci  
cœlum uocant, *Ὀυρανίον* cœlestem. Verg. de Musis:

Vraniaq; poli motus scrutatur, & astra.

Vranus, pater Saturni, alio nomine Cœlū, cui Saturnus  
filius amputauit uirilia. Vt suprà de Venere dictū est.

## V T.

Vtica, ciuitas est Aphricæ, distans à Carthagine 30. mill.  
passuum, apud quam se Cato interemit. Lucan. lib. 6.

—Prò tristia fāta Non Vticæ Lybiæ clades, &c.

Vulcanus, filius fuit Iouis & Iunonis, qui à parentibus  
ob deformitatem (licet alij alias causas afferant) è cœlo  
deiectus est in Lemnū insulā, ubi ab Eurymone Occani  
filia, & Thetide nutritus est: uel, ut alij uolūt, à simijs.  
Ea autē ruina, qua decidit de cœlo, claudus factus est.  
Officinam habere fertur in Lemno, unā cum Cyclopi-  
bus ministris: fingitur faber deorum, quia Ioui fulmi-  
na, & dijs arma aduersus gigantes fabricauit, nec ta-  
men admissus est ad mensam deorum: quinetiam cum  
Mineræ nuptias expetisset, repulsam passus est, unde  
Vergilius Eclog. 4.

Nec deus hunc mensa, dea nec dignata cubili est.

Aliā deinde sibi uxorem quærens, Venerē duxit: quam  
cū postea unā cum Marte in adulterio deprehendisset,  
ābos inuisibilibus catenis ita colligauit, ut neuter  
abire posset, donec ab omnibus dijs & deabus uisi &  
derisi essēt, ut suprà de Marte annotatū est. Ab eo quic-  
quid artificiosè fabricatū est, factum uolunt, ut monile

Harmo

Harmonies, & Ariadnæ coronam, currum Solis, Achil-  
lis, & Aenææ arma, & huiusmodi. Fingitur deus ignis,  
pro quo sæpiſſimè ponitur, ut apud Verg. lib. 5.

-Furit immiſſis Vulcanus habenis, &c.

Ab eo fit Vulcanius, a, um.

Vultur, uentus est, ſpirans ab hyberno occidente,  
medius inter Eurum & Nothum. Est etiam fluuij no-  
men per Campaniam labentis, iuxta quem est Vultur  
num oppidum. Lucan. lib. 2.

-Delabitur inde Vultur, celer, &c.

## D E L I T E R A X.

## X A.

**X** Anthus, fluuius Troianus, qui alio nomine Sca-  
mader dicitur: huius aqua potata facit oues ruſas,  
unde & nomen ſumpſit, ξανθὸς enim Græcis flauum ſo-  
nat. Vergilius:

-Xanthum Simoënta;q; teſtor, &c.

Est & nomen uiri, & urbis Lyciæ à fluuiio ſic nuncu-  
pata. Hoc quoq; nomine dictus eſt equus Achillis, quē  
Zephyrus uentus ex Podarge Harpyia genuit.

Xanthij, populi Aſiæ, qui cū eorum urbs ab Harpago  
præſecto Cyri obſideretur, uxores ſuas, ac ſeruos, &  
uniuerſas opes in arcem poſuerunt, deinde adhibito i-  
gne cremauerunt: uiri uerò in bellum irruentes ad unū  
omnes cecidere. Autor Herodotus.

Xantho, nympa fuit Oceani & Tethyos filia. Vergil.  
lib. 4. Georg.

Drimoq; Xanthoq; Lygeaq; Phyllodoceq;.

Xantippe, uxor fuit Socratis moroſa, & admodū rixoſa.

## X E.

Xerxes, filius fuit Darij, Perſarum regum maximus. Aeg-  
yptum,

gyptum, quæ à patre descuerat, recepit. Expeditionē quam Darius ipse in Athenienses cogitauerat, apparatu quinq; annorū prosequens, decies centena hominū millia collegisse fertur & amplius, & tria millia nauium, unde Græci finxerunt cum suis nauibus pedicas Neptuno: iaculorum & hastiliū multitudine tenebras Soli fuisse cōminatum. Herodotus scribit, ex Abydo ad ulteriorem continentem septem stadiorum traiectum pontibus iunctum fuisse: quæ omnia cum suborta tempestas dissoluisset, Xerxes (ut ille ait) ægre screns, infligi uerbera iussit Helleponto & colaphos incuti, additis etiamnum uerbis ignominiosis. Idē autor est, quosdā fluuios ab Xerxis exercitu exiccatos fuisse. Achon Macedoniae montem intercidi iussit, ad mare recipiendum, in fossam tantæ latitudinis, ut duæ triremes illac si mul trāsire possent: quod non necessitatis gratia fecisse fertur, sed ut potentie suæ monumentū posteritati relinqueret. Nihilominus uictus est apud angustias Thermopylarum à Leonida Spartano quatuor tantū millibus hominum stipato. Nauale deinde certamen cum Themistocle Atheniensium duce tentauit, à quo superatus turpissimè fugit, conscenditq; piscatoriam nauiculā, ac Salaminam furtim uenit: inde in regnum suum nauigauit relicto Mardonio cum quadringētis millibus hominū. Deinde cū nunquam in bello fortunā fauētē haberet, delicijs & uoluptatibus se omnino dedit, ut etiā ab Artabano tantā mollicie peroso sit interfectus. Luca. li. 2:

—Fama canit tumidum super æquora Xerxem, &c.

## DE L I T E R A Z.

Z A.

**Z**Acynthos, insula est Ionij maris parua, cuius inco-  
la Za

le Zacynthij dicuntur. Vergil. lib. 3. Aeneid.

Iam medio apparet fluctu nemorosa Zacynthos.

Zancle, oppidum Peloponesi in regione Messenia. Fuit  
 & Zancle oppidum in Sicilia, a Messenijs condita in si-  
 nu Pelori. Hinc Zanclei, populi: & Zancleus, a, um,  
 ut Zanclea Charybdis.

## Z E.

Zephyrus, uentus est flans ab æquinoctio occidentali, a  
 lio nomine Fauonius. Vergilius:

Quum leuis alterno Zephyrus concrebruit Euro.  
 Ab eo fit Zephyritis, itidos, id est, Chloris, a Zephy-  
 ro adamata.

Zeusis, Heracleotes, pictor fuit insignis, cū quo cūm Par-  
 rhafius alter excellens pictor in certamen descendisset,  
 detulit puerum pictum uuas ferentem, ad quas cū ad-  
 uolasset aues, iratus operi suo, dixit: uuas melius pinxi  
 quā puerum. Nam si hunc consummassem, aues time-  
 re debuerant. Perottius tamen pueri nō meminuit, sed tan-  
 tū uuarum, ad quas aues in scenā aduolarint. At Par-  
 rhafius linteum, detulisse fertur, ita ueritate representa-  
 ta, ut Zeusis alitum iudicio tumens, flagitarit remoto  
 tandem linteo picturam ostendi, intellecto q; errore pal-  
 mam concesserit ingenuo pudore, quoniam ipse aues se-  
 fellisset, Parrhafius autem se artificem.

Zethes, filius fuit Boreæ ex Orithyia. Vide Calais.

Zethus, filius fuit Iouis & Antiopes, de quo suprā de  
 Amphione dictū est. Z O.

Zoilus, malignus quidam poëta fuit, qui contra libros  
 Homeri scripsit, unde dictus est Homeromastix, id est,  
 Homeri flagellū. Quæ scripta cū recitasset Ptolemæo  
 regi, indignatus rex nullum ei uerbū fecit. Cūq; Zo-  
 ilus

ilus inopia pressus regē rogaret, ut daret sibi aliquid, unde uiueret: ait rex, Homerus, qui ante mille annos decessit, aeo perpetuo multa hominum millia pascit: quare tu qui illo multo doctior es, saltē te ipsum pascere. Tandem Zoilus parricidij damnatus, iussu regis cruci affixus est. Hinc omnis, qui doctis uiris detrahit, Zoilus uocatur. Ouidius:

Ingenium magni liuor detractat Homeri:

Quisquis es, ex illo Zoile nomen habes.

Zopyrus, nobilis Persa, qui cum Darius rex Persarū Babylonem diu & frustra oppugnaret, ipse sibi nasum, aures & labia amputauit, & ita ad Babylonios quasi transfuga iuit, conquerens de crudelitate sui regis. Receptus igitur à Babylonijs, & dux belli constitutus, urbem Dario tradidit. Vnde postea Darius solebat dicere, se Zopyrum malle integrum, quàm uiginti capere Babylonas.

Zoroastres, primus rex Bactrianorū, qui artes magicas inuenisse dicitur. occisus est à Nino Assyriorum rege in prælio. Idem Zoroastres eodem quo natus est die risisse legitur, cum omnes homines risum differant usque ad diem sexagesimum secundum.

FINIS.

LVGDVNI,  
APVD GODEFRIDVM  
BERINGVM,

1544.









